


ԱՎԵՏԻՍ ԱՅԱՐՈՆՅԱՆ

ՍԱՐԴԱՐԱՊԱՏԻՑ
ՄԻՆՉԵՎ ՍԵՎՐ
ԵՎ ԼՈՉԱՆ



ԱՎԵՏԻՍ ԱՅԱՐՈՆՅԱՆ

ՍԱՐԴԱՐԱՊԱՏԻՑ
ՄԻՆՉԵՎ ՍԵՎՐ
ԵՎ ԼՈՉԱՆ



ՀՐԱՏԱՐԱԿՈՒԹԻՒՆ Է. Յ. Դ. ԱՐԵՐԻԿԱՑԻ ԿԵԴՐ. ԿՈՄԻՏԵԻ

Խոզիկաբուծություն 1 նույնըսպես

ԱԻԵՏԻՍ ԱՀԱՐՈՆԵԱՆ

ՄԵՐԳ-ՄԲԱՊԵՏԻՑ

ՄԻՆՁԵԻ

ՄԵՐԲ ԵՐ ԼՈՋԱՆ

(ԲԱՆԱԲԱԿԱՆ ՕՐԱԳԻՐ)



ՀԱՅԲԵՆԻՔԻ ՏՊԱՐԱՆ
Պ Ո Ս Թ Ը Ն
1943

9(77.525)
ՆԻ-42

ՀԱՅԿԻ ԿԵՆՏՐԱԿԱՆ
ԳՐԱԳՐԱԿԱՆ
ՍԵՆՏՐ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ԱՎԵՏԻՍ ԱՀԱՐՈՆՅԱՆ

ՍԱՐԴԱՐԱՊԱՏԻՑ

ՄԻՆՁԵՎ

ՍԵՎՐ ԵՎ ԼՈՋԱՆ

ՔԱՂԱՔԱԿԱՆ ՕՐԱԳԻՐ
1919-1927

3211

ԵՐԵՎԱՆԻ ՀԱՄԱԼՍԱՐԱՆԻ ՀՐԱՏԱՐԱԿՉՈՒԹՅՈՒՆ

ԵՐԵՎԱՆ - 2001

ՀՏԴ 941 (479.25)
ԳՄԴ 63.3 (2Հ)
Ա 420

Հրատարակության պատրաստեց՝ Լ.Գ. ՄԱՆՈՒԿՅԱՆ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ
ԳՐԱԴԱՐԱՆ

Ա 420 Ահարոնյան Ա. - Սարդարապատից մինչև Սևր և
Լոզան: ԵՊՀ-Եր.: Երևանի համալս. հրատ., 2001, 252 էջ:

«Սարդարապատից մինչև Սևր և Լոզան» քաղաքական օրագրությանը հայ նշանավոր արձակագիր Ավետիս Ահարոնյանը ընթերցողին ներկայանում է դիվանագիտական, պետական ու ազգային գործունեությանը:

Գիրքն ընդգրկում է Հայոց պատմության շրջադարձային փուլում՝ 20-րդ դարի սկզբներին, Հայաստանի նորանկախ Հանրապետության արտաքին քաղաքականության բանակցային ոլորտը՝ դեպքերի համգամանակից նկարագրությամբ, քաղաքական այրերով, նուրբ մամրանասներով:

Նյութը ներկայացված է գրական արևելահայերենի ուղղագրությամբ՝ հրճքացս վերացնելով մախոթը հրատարակության (Բոստոն, 1943 թ.) տպագրական վրիպակները: Հավելվել են նոր ծանոթագրություններ՝ շեղ տառատեսակով, անձնանունների և տեղանունների ցանկեր:

Ուսանելի է պատմաբանների, քաղաքագետների, դիվանագետների, Հայաստանի և հարակից երկրների պատմություններով հետաքրքրվողների համար:

Ա 0503020913 / 704(02) 2001

ԳՄԴ 63.3 (2Հ)

ISBN 5-8084-0374-X

© Երևանի համալս. հրատ., 2001 թ.

1005 - ՄԻՍԻՐ



Handwritten signature and notes:
"Գրքի պատմությունը...
Հ. Կ. Կոչարյան
1920 թ. հունիսի 10
Երևան 0251

Փետրվար 15, 1919

ջին դիմումը Ֆրանսիային ենք ուղղում: Մեզ մեծ ցավ է պատճառել, որ հակառակ մեր այնքան անշահախնդիր և անվերապահ անձնավիրության՝ ազգերի դատին այսօր Հայաստանը belligerant³ չէ նկատված և չէ ընդունված Խաղաղության Կոնգրեսում:

Ս. Պիշոն. - Շշմարիտ է, այդ ցավալի է, բայց նկատի առեք, որ Կոնգրեսում մասնակցում են միայն կազմակերպված պետությունները:

Ես. - Անշուշտ: Սակայն, եթե Թուրքա-Հայաստանը տակավին պետություն չէ, Կովկասյան Հայաստանը, որ պատիվ ունեն ներկայացնել, արդեն շուտով 10 ամիս է՝ ինչ պետություն է՝ կազմակերպված ու հաստատուն: Կարծում եմ, որ հայության Հանրապետությունը կարող էր և իրավունք ուներ ընդունվելու Խաղաղության Կոնգրեսում, քանի որ յուզո-սլավները⁴, արաբները, չեխո-սլովակները ընդունված են: Մեզ մերժելու պատճառը լավ չեմ հասկանում:

Ս. Պիշոն. - Ռուսական պրոբլեմը կա:

Ես. - Կարծում եմ, սակայն, որ ռուսական պրոբլեմը ընկնում է Լեհաստանի փաստով, Ֆինլանդիայի անկախությանը, Բեսարաբիայի զիջումով Ռումանիային⁵:

Ս. Պիշոն. - Ֆինլանդիան տարբեր պարագա է, Լեհաստանը ճանաչել են իրենք՝ ռուսները, իսկ Բեսարաբիան իրենք դարձյալ ռուսները, թեև բուլղարի, Բրեստ-Լիտովսկի դաշնագրով զիջել են իրենց թշնամուն:

Ես. - Բավական նշանակալից անալոգիա⁶ կա մեր և Բեսարաբիայի մեջ: Ռուսները ոչ միայն մեզ լքեցին ու հեռացան, բողոքելով մեզ ժառանգություն մի պատերազմ, որ մեր ուժերից վեր էր միմակ տանել, այլև նույն Չեր հիշատակած դաշնագրով մեր երկրի մի քանի մասերը՝ Կարս, Արդահան, Կաղզվան զիջեցին թուրքերին:

Ս. Պիշոն. - Իրավունք ունիք, այո, իրավունք ունիք, անալոգիա կա: Ներկայացրեք մեր գրույցի իմաստով մի հիշատակագիր Խաղաղության Կոնգրեսին, և ես Ձեզ խոստանում եմ իմ լիակատար աջակցությունը:

Այդ հիշատակագիրը ես ներկայացրի Կոնգրեսին:

Ես. - Պ. խմբագրապետ, - ասացի ես, - Դուք կամեցել էիք մի ինտերվյու⁸ հրատարակել ձեր թերթում մեր խնդրի մասին: Ընդհակալ եմ և պատրաստ եմ տալ այդ ինտերվյուն:

J. Herbette. - Այդ շատ լավ բայց Դուք գիտեք, որ Կիլիկիան մեզ հետաքրքրում է առանձնապես, ուստի չեք զարմանա, եթե ես իմ գրույցն սկսեմ Կիլիկիայից: Ի՞նչ է Չեր կարծիքը Կիլիկիայի մասին:

Ես. - Հայաստանը միշտ թույլ է մնացել, ի միջի այլոց, ծովի պակասությունից, մանավանդ մեծ ծովի: Չեզ չեմ զարմացնի, եթե ասեմ, որ մեր անցյալի և շատ մոտիկ անցյալի դառն փորձերից խրատված՝ մենք ստիպված ենք, այո, անպատճառ ելք ունենալ դեպի Միջերկրական: Եվ այս, նկատի առեք, ոչ թե Կիլիկիայի բամբակի կամ այլ հարստության համար, այլ որովհետև մենք Արևմուտքի ազգերեն մեկն ենք, ընկած Ասիայի մեջ և պետք է մեր ճամփան բաց լինի դեպի Արևմուտք: Այս պատերազմը ցույց տվեց, որ առանց ծովի, եթե նույնիսկ մեր բարեկամ պետությունները կամենան, չպիտի կարողանան մեզ օգնության հասնել վտանգի ժամին, ինչպես չկարողացան Դաշնակիցները, հակառակ իրենց կամքի:

J. Herbette. - Կիլիկիան ստանալու ձեր ցանկությունը ինձ խիստ տխրեցնում է, Ֆրանսիան չի կարող համաձայնել ձեզ հետ:

Ես. - Բայց, ներեցեք, մենք մինչև այժմ ենթադրել ենք, թե մեր հակառակորդը Կիլիկիայի խնդրում Սյուրիան⁹ է, և ոչ թե Ֆրանսիան: Մեզ համար խորունկ ցավ է, որ Ֆրանսիան մեզ հակառակորդ նկատի:

J. Herbette. - Ֆրանսիան դարերի ի վեր ահագին շահեր ունի Կիլիկիայում, իսկ դուք՝ հայերդ...

Ես. - Ներեցեք, պ. խմբագրապետ, Կիլիկիան չորս դար հայ պետություն է ունեցել, և վերջին քաղաքորդ Լևոն V-ը¹⁰ տակավին հանգչում է St. Denis-ի գերեզմանատունը՝ այստեղ,

⁷ Ֆրանսական կառավարութան կիսապաշտոնական թերթը:
⁸ Տեսակցութիւն: Հարցազրույց:
⁹ Սիրիա:
¹⁰ Գուցե տպագրական վրիպակ է: Կիլիկիայի վերջին քաղաքորդ Լևոն Չ-VI - (Լուսինյան)-ն է, որը բաղվել է Կղիտինյանց վանքում: Տապանաբար փոխադրվել է Սեն-Դընի արքայական դամբարանը Ֆրանսիական մեծ նեղափոխությունից հետո:

³ Համապատերազմիկ, պատերազմող:
⁴ Հարավսլավիկները:
⁵ Ռումինիա:
⁶ Նմանություն:

Փարիզում, ձեր թագավորների շարքում: Կարծես սա բավարար տիրոջ¹¹ է, եթե ուրիշ հիմունքներ չունենայինք:

J. Herbet. — Դա հին բան է, պատմական իրավունքը հաշվի առնելու չէ: Կիլիկիան պիտի կցվի Սյուրիային, որ առանց Կիլիկիայի ապրել չի կարող:

Ես. — Հայաստանը նույնպես աղքատ և շատ աղքատ երկիր է, և առանց Կիլիկիայի ապրել չի կարող, մանավանդ առանց Միջերկրականի: Հայ ժողովրդի համակրությունները դեպի Ֆրանսիան չափազանց խորն են և հաստատ, որպեսզի նա կարողանա որևէ վատ զգացում տաժել դեպի Ֆրանսիան: Իրապես չափազանց արտասպելի կլինի, եթե Ֆրանսիան կամենա մեզինք շորթել Կիլիկիան: Սյուրիային կցելու համար:

J. Herbet. — Շատ ցավում եմ և ես, որ Հայաստանը, տակավին չկազմակերպված, իմպերիալիստական¹² հովեր է առնում:

Ես. — Հեռու լինի մեզինք իմպերիալիզմը, որ այնքան ծիծաղելի է, երբ կցվում է այսօր հայ անվան: Չեզ բացատրեցի այն պայմանները, որոնք մեզ հրամայողաբար թելադրում են Կիլիկիան պահանջել: Եթե չկարողացա Չեզ համոզել, շատ ցավում եմ:

Մի քանի օր հետո՝ փետրվար 27-ին, Temps-ը, խոսելով մեր պահանջների մասին՝ Կոնգրեսին ներկայացրած, հողվածի վերջավորությանը գրել էր՝ «L'Empire Arménien» — Հայկական Կայսրություն:

ԽԱՂԱՂՈՒԹՅԱՆ ԿՈՆԳՐԵՍՈՒՄ

I

Փետրվար 25, 1919

Երեկ՝ փետրվար 24-ի երեկոյան, ինձ մոտ ընթրիքի էին Westerman, ժուրնալիստ¹³ ամերիկացի Gibbons, Պողոս Փաշա, Հովհաննես Խան և Աճեմյան¹⁴:

¹¹ Իրավունքի հին:

¹² Աշխարհակալական:

¹³ Ժուրնալիստ, լրագրող:

¹⁴ Հովհաննես Խան Մասեհյան այդ ժամանակ Պարսկաստանի դիվանագիտական ներկայացուցիչն էր Լոնդոնի մեջ, Շեքսպիրի գործերի հայերեն թարգմանիչը: Մ. Աճեմյան՝ Ռուսաստանի Պետական Դումայի հայազգի պատգամավորներն մեկն էր:

Ընթրիքից վերջը անակնկալ կերպով ստացա Խաղաղության Կոնգրեսի հրավերը՝ հաջորդ օրը, ճաշից հետո, ժամը 4-ին ներկայանալ Տասնի Խորհրդին¹⁵ հայկական պահանջները ներկայացնելու: Բոլոր ներկաներին այդ ուրախություն պատճառեց, մնում էր միայն ճշտել թե արդյոք Պողոս Փաշա՞ն էլ ստացել է նման հրավեր, թե՞ ոչ: Հավատացած էինք, որ նույնպիսի հրավեր որևէ կերպ չի ստացել Փաշայի բնակարանը:

Հեռախոսով եղած հարցումը, սակայն, քացասական պատասխան ստացավ: Անհանգիստ եղանք ամենքս էլ, իսկ Փաշան հուզված էր մինչև գայլույթ և շտապով տուն գնաց: Քիչ հետո մեկնեց նաև Westerman՝ մի քանի գործնական խորհուրդներ տալուց հետո, խոստանալով հաջորդ առավոտ ինձ մոտ գալ դարձյալ մի քանի ձևական նշանակություն ունեցող հարցերի մասին խոսելու: Մեկնեց նաև Gibbons:

Ես արտակարգ միտ հրավիրեցի Պատվիրակության, ներկայությամբ իմ, Օհանջանյանի, Վարանդյանի¹⁶, Աճեմյանի, Հովհաննես Խանի՝ հաջորդ օրվա իմ ասելիքները, որ վաղուց հետո պատրաստել էի, նրանց քննության բովից անցնելու համար:

Մտքերի փոխանակությունից հետո, որոշվեց՝ եթե Փաշան մինչև վաղը չհրավիրվի, և ես մենակ մնամ Կոնգրեսում, ապա անբողջական Հայաստանի Դատը պաշտպանեմ ինքս. իսկ եթե Փաշան հաջողեցնի ներկայանալ, այդ դեպքում, ես պիտի ծանրանամ Կովկասյան Հայաստանի քաղաքական ու էտնոգրաֆիական¹⁷ և փաստական գոյության վրա, իսկ Փաշան պաշտպանելու է Թուրքաց Հայաստանի իրավունքը, և երկուսս վճռապես, առանց վերապահության, պիտի հայարարենք և պնդենք հայության երկու խոշոր հատվածների անդառնալի որոշման վրա՝ միանալ իրար հետ և կազմել Միացյալ Հայաստան — Խրամ գետից ու Դարարադից սկսյալ մինչև Կիլիկիա, մինչև Միջերկրականի ափերը: Միաժամանակ, մասնավորապես Կովկասյան Հայաստանի Հանրապետության ճանաչումը պիտի պահանջելի, ինչպես և նրա արժանի տեղը Կոնգրեսում, որպես կովոլ պետություն՝ Etat bel-ligérant¹⁸:

¹⁵ Conseil de Dix (Ֆրանս.) - Տասնի Խորհուրդ:

¹⁶ Բժ. Հան Օհանջանյան՝ Պատվիրակության անդամ, իսկ 1920-ին՝ Հայաստանի Հանրապետության վարչապետ: Միքայիլ Վարանդյան՝ Նուբար Փաշայի գլխավորած Ազգային պատվիրակության անդամ:

¹⁷ Ազգագրական:

¹⁸ Համապատերազմիկ, պատերազմող պետություն:

Համապատասխան մտքով թուղթ պատրաստեցի՝ գիշերը և հաջորդ առավոտ, մինչև ժամը 12-ը, մեր բարեկամ Վիկտոր Բերարի սիրավիր աջակցությամբ: Եվ այդ իսկ ժամին իմացա Փաշայից, որ նա, չստանալով հրավեր, շտապել է Անգլիական պատվիրակություն, դիմել Սըր Լուի Մալլինետին, ու նրա հետ միասին գնացել են Բալֆորի մոտ: Բալֆորը ապա հեռախոսով դիմել է Ֆրանսիական Արտաքին գործոց նախարար Ս. Պիշոնին, որ նախագահին էր Խաղաղության Կոնգրեսի՝ Կլեմանտյի¹⁹ հիվանդության պատճառով, և Պիշոնը համաձայնել է Պողոս Փաշայի ներկայությանը Կոնգրեսում:

Այսպիսով, թեև առանց զրավոր պաշտոնական հրավերի, Պողոս Փաշային հաջողվեց ներկայանալ Կոնգրեսին ինձ հետ միասին:

Ուստի, ըստ մեր կանխավ համաձայնության՝ Պողոս Փաշայի հետ.

Ես պիտի խոսեի առաջինը:

Ես պիտի ծանրանայի Հայաստանի Հանրապետության իրավունքների վրա, իսկ Փաշան՝ Թուրքաց Հայաստանի և մասնավորապես պետք է ուժ տար Կիլիկիայի Խնդրին;

Երկուսով էլ մեր պահանջները պիտի վերջացնենք վճռական հայտարարությամբ՝ երկու Հայաստանի միության:

ԽԱՂԱՂՈՒԹՅԱՆ ԿՈՆԳՐԵՍՈՒՄ

26 փետրվար, 1919

Եվ այսպես՝ այսօր ճաշից հետո ժամը 4-ին, ես ու Պողոս Փաշան հանդիպեցինք իրար Արտաքին գործոց նախարարության շենքի մեջ: Պողոս Փաշան շատ հուզված էր և անվերջ թրթառում էր գրած հիշատակագրի այս կամ այն մասը, զանգատվելով, որ իրեն ժամանակ չեն տվել պետք եղած ձևով պատրաստվելու համար: Գոհ էր, սակայն, որ հաջողեցրել էր Տասնի Խորհրդին ներ-

¹⁹ Ժ. Կլեմանտ՝ Ֆրանսիայի վարչապետը պատերազմի ընթացքին և Խաղաղության Ժողովի ժամանակ:

կայանալ այսօր ինձ հետ: Վերստին մեծ հուզմունքով պատմեց ինձ, թե Gunt, Ֆրանսիական Արտաքին գործոց նախարարության ինտրիգներով²⁰, աշխատել է իրեն Փաշային չբողեցի այսօր Conférence²¹: Իմ թուղթը պատրաստ էր, և ես բողոքովին պատրաստ էի իմ հայտարարությունն անելու: Վճռել էի, ինարկե, կարդալ:

Փաշան հարցրեց ինձ, թե ո՞վ պիտի առաջինը խոսի՝ ի՞նքը թե՞ ես: Ես պատասխանեցի, առանց որևէ պատճառի, թե լավ կլիներ, որ առաջինը ես խոսեի: Ձարմացած մնացի, որ Պողոս Փաշան համաձայնվեց: Անկասկած, վերջինը խոսելուն նա առանձին կարևորություն է տալիս, նկատելով այդ իբրև ավելի վաշել իր դիրքին և տարիքին: Այդ շատ անգամ եմ նկատել – նրա խոսքն է՝ «Les petits roles passent le premier»²²:

Թեև մենք հրավիրված էինք ժամը 4-ին, բայց արդեն 5-ն էր, և մենք դեռ սպասում էինք:

Ներսես Տասնի Խորհուրդը զբաղված էր Վերսայի դաշնագրի մի կարևոր զեկույցը լսելով: Ժամը 5-ից անց, վերջապես, դուրս եկավ Ջինվորական Հանձնաժողովը: Միաժամանակ մեզ մոտ եկավ Gunt-ը և հրավիրեց ներս:

Նախագահում էր Ֆրանսիական Արտաքին գործոց նախարար Ս. Պիշոն, փոխանակ Կլեմանտյի, որ տակավին չէր ապաքինված մի երկու շարքս առաջ իր դեմ եղած մահափորձին ստացած վերքերից:

Ներկա էին Ամերիկայի կողմից՝ Լանսինգ և Ուայթ, Անգլիայի կողմից Բալֆոր և Հարթինգ, Իտալիայի կողմից՝ Սոնինո և Մարքիզ Ռաջչի, Ճապոնիայի ներկայացուցիչների անունները չգիտեմ: Կային և բազմաթիվ խորհրդակալներ: Ամբողջը՝ մոտ 25-30 մարդ:

Ինձ առաջինը հրավիրեցին խոսք առնել:

Մենք մախ ցրեցինք բոլոր անդամներին մեր մեմորանդումի²³ մի-մի օրինակ, և նրա կարտը²⁴ բացած՝ նրանք սկսեցին հետևել: Ես բարձրաձայն ու հանդարտ սկսեցի կարդալ իմ հիշատակագիրը ֆրանսերեն:

Նստած էի Պիշոնի դեմ ու դեմ՝ մի փոքրիկ սեղանի առջև: Մի

²⁰ Խառնակություն:
²¹ Կոնֆերանս:
²² «Փոքր դերերը ավելի առաջ կներկայացվեն» (ֆրանսերեն):
²³ Հիշատակագիր:
²⁴ Զարտեգ:

փոքր հեռու, Բալֆորի և Լանսինգի դեմ առ դեմ նստած անգլիացի սպան, իմ ամեն մի պարբերությունից հետո, հիշատակագիրս թարգմանում էր անգլիերեն: Վերջում, իմ ընթերցումն ավարտելուց հետո, հարցրեց ժողովականներին թե՛ հարց տվող չկա՞: Ոչ:

Հետագա սեղանից, և իմ տեղն անցավ Պողոս Նուպար Փաշան: Նա ավելի երկարորեն ծանրացավ՝

1) Հայ ժողովրդի թվի վրա, ցրելով մեր փոքրամասնության մասին մեր հակառակորդների արգամենտները²⁵ և ցույց տալով միաժամանակ, որ մեր գոհերն այս պատերազմում՝ բոնի նվազումը մեր թվի, ոչ արդար և ոչ իրավական արգամենտ կարող է լինել մեր դեմ;

2) Ավելի մեծ եռանդով ծանրացավ Կիլիկիայի Խնդրի վրա՝ պնդելով այդ հայ երկրամասի անիրաժեշտությունը մեր պետության կենսունակության համար:

Նույն ձևով Պողոս Փաշայի ասածները թարգմանվեցին անգլիերեն:

Ժողովը ոտքի ելավ: Պատվիրակներից ոմանք մոտեցան մեզ և իրենց գոհունակությունը հայտնեցին մեր հիշատակագրի առթիվ²⁶:

ԶՐՈՒՅՑ ԱՄԵՐԻԿԱՅԻՆԵՐԻ ՀԵՏ

26 մարտ 1919

Փարիզ

Ես սասցի Westerman-ին.

«Մեր վիճակի մեջ զինադադարից ի վեր ոչ միայն որևէ փոփոխություն չկա, այլ նույնիսկ ընդհանուր առմամբ, հայությունն ավելի վատթար օրեր է ապրում: Հալեպում՝ կոտորած, Կիլիկիայում՝ ջարդի սպառնալիք. մեր երկիրն ավեր ու անապատ, մեր փախստականները տակավին հայրենիքից դուրս, մեր կանայք ու երեխաները հարյուր հազարներով թուրքերի ձեռքին. ի լրումն այս բոլոր թշվառության, սովի գործած ավերածը Հայաստանի Հանրապետության սահմաններում սաստկանում է օրավուր: Եվ,

²⁵ Փաստարկները:

²⁶ Հայկական հիշատակագրի ներկայացումը նկարագրող այս էջերն են առ քաջ ձգված են քանի մը չգրված էջեր, որոնց վրա, ըստ երևույթին, պիտի արձանագրվեր Խաղաղության Կոնգրեսին ներկայացված վերահիշյալ հիշատակագիրը, որ, սակայն, մեջ բերված չէ:

սակայն, այնքան հեշտ էր այս բոլորի առաջն առնել: Ամիսներից ի վեր ես խնդրել եմ Խաղաղության Կոնգրեսից և դիմել եմ Դաշնակից պետությունների ներկայացուցիչներին առանձին-առանձին՝ ցույց տալով հետևյալ միջոցները:

1) Ճանաչել Հայաստանի Հանրապետությունը և այսպիսով հնար տալ պետական ձեռներեցությանը օգնության հասնելու մեր սովալյուկ ժողովրդին;

2) Հաց և այլ մթերք հասցնել Հայաստան – Հյուսիսային Կովկասից՝ հաց և Եվրոպայից՝ այլ մթերքներ;

3) Հայ գաղթականները տեղավորել Թուրքաց Հայաստանում, հնար տալով նրանց դաշտային աշխատանքները սկսել այս գարնան՝ առաջիկա տարվան սովը կանխելու համար;

4) Նույն նպատակով իսկույն գրավել Թուրքաց Հայաստանի գավառները հայկական և դաշնակից զորքերով:

Professeur W.L. Westerman, Chief of Division of Western Asia²⁷,

3211

որ շատ համակիր է եղել մեզ և հզորապես աջակցել յուրաքանչյուր առթիվ, ինձ հետ համաձայնում է, որ հանդեպ հայերի կատարվել և կատարվում է մեծ անիրավություն, և, ապացուցանելու համար, որ ինքը իր կողմից միշտ կատարել է պետք եղած դիմումները, տալիս է ինձ կարդալու մի փաստաթուղթ, որով ինքը՝ Westerman, հրավիրում է Ամերիկյան դեղեզատների²⁸ ուշադրությունը հայերի ծանր վիճակի վրա և առաջարկում է՝ նույն միջոցները, որ ես եմ թելադրել:

– Ես կարող եմ ասել, – ավելացնում է Westerman, – որ ինչպես տեսնում եք, գեթ իմ խիղճն արդար է:

Ես խնդրում եմ, որ տեսակցություն հաջողցնե ինձ գնդապետ House-ի կամ, եթե հնար է, նախագահ Վիլսոնի հետ: Westerman ինձ առաջնորդում է Roy Steward Baker-ի մոտ: Վերջինս ամերիկյան Press Bureau-ի²⁹ գլխավորն է, նախագահ Վիլսոնի մտերիմը ու նրա վրա սահմանափակ գործունեություն ունի:

Baker-ը համաձայն է մեզ հետ և խորհուրդ է տալիս խնդիրը բացատրել Միստր Bowman-ին, որ գնդապետ House-ի գործակիցն է: Թեև 40-ը անց, բայց բոլորովին երիտասարդ, խելացի դեմքով մեկն է Միստր Բաունան: Westerman իմ փոխարեն խոսք է առնում և քարտեզի առաջ կանգնած՝ երկարորեն բացատրում է, թե որքան հեշտ է գրավել բրիտանական զորքերով թուրքահայ գավառները,

²⁷ Պրոֆեսոր Վ. Լ. Վեսթերման, Արևմտյան Ասիայի բաժնի պետ:

²⁸ Պատվիրակների:

²⁹ Մամուլ Բյուրո:

գեթ 100-150 կիլոմետր խորությամբ, և թե ինչ լավ գործակից կարող են լինել Հայաստանի Հանրապետության գորքերը այդ գրավումն իրագործելու համար:

Բաուման սկզբում՝ սառն, քանի գնում է՝ հափշտակվում է Վեսթերմանի արգումենտացիայով³⁰, բայց և այնպես առարկում է, որ պետությունների վատ մրցակցությունը արգելք է դառնում այդ գրավումին, թե հայերը զոհ են գնում այդ անիրավ «marchandise»-ին³¹: Այնուամենայնիվ Վեսթերման և Բաուման գալիս են այն եզրակացության, որ այդ գրավումը կարող է լինել միայն անգլիացիների ձեռքով, քանի որ միայն նրանք Կովկասում զորքեր ունին և քանի որ «ամերիկյան բանակը տակավին հրահանգ չունի Ֆրանսիայից ու Գերմանիայից դուրս այլ տեղ գնալ»: Ուստի երկուսով համձն են առնում հաջորդ օրն իսկ խոսել Լանսինգին ու նախագահ Վիլսոնին: Ինձ խորհուրդ են տալիս հաջորդ օրը իմ կողմից դիմել անգլիացիներին և հատարարել հետևյալը վճռապես՝ որ եթե Լոյդ Ջորջը Կոնգրեսում այժմ խնայող համի Հայաստանի զինվորական գրավման մասին, նախագահ Վիլսոնը կպաշտպանի անպատճառ ես արտոնություն ունիմ հայտարարել այս մասին անգլիացիներին:

Չմտանամ ավելացնել իմ հարցին թե՛ ինչու՞ անգլիացիք վարանում են գրավել Թուրքաց Հայաստանը, Westerman պատասխանեց:

— Վախենում են Ֆրանսիական մրցակցությունից, որոնք խլույն հարավից (Կիլիկիա) կշարժվին վեր՝ հյուսիս:

ՋՐՈՒՅՑ ԱՆԳԼԻԱՏԻՆԵՐԻ ՀԵՏ

Մարտ 27, 1919

Այսօր առավոտ գնացի Պողոս Փաշայի մոտ, պատմեցի իմ տեսակցությունը ամերիկացիների հետ և առաջարկեցի միասին գնալ Անգլիական պատվիրակության մոտ խնդրելու Հայկական գավառների զինվորական գրավումը:

Այս տեսակցությունը տեղի ունեցավ ճաշից հետո, ժամը 4-ին, Hotel Astoria-ում:

Մեզ ընդունեցին Սըր Լուի Մալլետ, անգլիական նախկին դեսպան Կ. Պոլսուն և այժմ Արևելյան Գործերի գլխավոր վարիչ և

³⁰ Փաստարկություն:

³¹ Առևտուր:

իր օգնական Թոյնբի: Ես ներկայացրի հարցը իր բոլոր լայնությամբ, ավելացնելով, որ ամերիկացիներից համաձայնություն ունիմ հայտարարելու, որ եթե Անգլիան կամենա գրավել իր կամ Հայ Հանրապետության գորքերով, Թուրքահայ գավառները, Լանսինգ և նախագահ Վիլսոն կպաշտպանեն այս առաջարկը:

Սըր Լուի Մալլետ պատասխանեց.

— Մեր Զինվորական նախարարությունը դեմ է այդ գրավման. և նույնիսկ մենք մտադիր ենք, — ասաց, — քաշել մեր գորքերը Կովկասից: Եվ առհասարակ, — ավելացրեց նա, — ես ամերիկացիների դիրքը լավ չեմ հասկանում. չորս կողմում խոսում են, թե Ամերիկան է լինելու Հայաստանի հովանավորը, իսկ ուզում են, որ մենք գրավենք Հայաստանը: Ոչ, ես վճռապես ասում եմ, մենք անկարող ենք: Խնդրեցեք ամերիկացիներին. մենք զինվոր չունենք:

— Excellence³², — ասացի, — եթե դուք զինվոր չունեք, զուցե հնարավոր կհամարեք այդ անհրաժեշտ գրավումի համար օգտագործել Հայաստանի Հանրապետության՝ մինչև 30 հազարի հասնող կանոնավոր բանակը, որ շատ հեշտ է ոտքի հանել և շարժել, եթե պետք եղած ռազմամթերքն ու կենսամթերքն ու զգեստն ունենան:

— Այդ անկարելի է, — պատասխանեց Լուի Մալլետ, — հայ գորքերի երևալը կլինի ընդհանուր ցեղային կռվի ազդանշան:

— Սակայն, մեր գորքերը դրված կլինին Դաշնակից սպաների հրամանատարության տակ, և հետո, դրանք ստակական կամավորներ չեն, այլ 4-5 տարի զինվորություն արած, մարզված, կարգապահ զինվորներ, — պատասխանեցի ես:

— Այդ միևնույն է, մենք չենք կարող, — եղավ պատասխանը:

— Excellence, — ասացի, — բայց նկատի առեք, խնդրեմ, կացությունը մեր ժողովրդի, որ կոտորվում է քաղցից և հիվանդություններից. այսպիսով մեր հայրենիքի վերածնությունը դառնում է անկարելի: Մենք չորս տարի ամեն զոհողություն տարանք, սպանելով Դաշնակիցներին, որպես գերագույն փրկություն: Դուք եկաք ահա, և մենք դարձյալ կոտորվում ենք: Ես կարծում եմ, մեր Ժողովուրդը դժվար կկարողանա բացատրել և այս անիրավությունը, և իմ ու Պողոս Փաշայի ներկայությունն այստեղ Կոնգրեսի կողքին:

— Շատ ցավում եմ, բայց մեր Զինվորական նախարարությունը վճռապես հրաժարվում է գրավել Հայաստանը և խոր

³² (Չիր) Գերազանցություն:

հուրդ է տալիս հայերին սպասել և համբերել:
Մեկնեցինք ձեռնումայն ու դառնացած:

ԶՐՈՒՅՑ ԱՄԵՐԻԿԱՅԻՆԵՐԻ ՀԵՏ

Մարտ 28, 1919

Երեկ երեկո ստացա մեր Արտաքին Գործոց նախարար Ս. Տիգրանյանի այն հեռագիրը, որով հաղորդում է ինձ բաթարների արշավանքի մասին, բյուրք սպաների առաջնորդությամբ, Շարուր - Դարալազյազի, Նախիջևանի, Ղարաբաղի, Սուրմալուի շրջաններում, և խնդրում է դիմել պետությունների աջակցության:

Այս հեռագիրը ձեռքիս այսօր երեկոյան ժամը 3-ին Վեսթերմանի հետ Միստր Բաումանին գնացի:

Ես ասացի.

— Այս նոր շարժումը բաթարական ոչ այլ ինչ է, եթե ոչ մի նոր ակտ երիտ. բյուրքերի սկսած շարժման Հալեպում, Կիլիկիայում, Եգիպտոսում: Ավելացրի, որ 4-5 տարի բյուրք-բաթարական կոալիցիայի³³ և քաղցի ու թշվառության դեմ կռվելուց հետո՝ մեր ժողովուրդն այլևս ի վիճակի չէ նոր պատերազմ վարելու: Քանի որ անգլիացիք չեն կամենում մեզ օգնել, պետք է որ Ամերիկան ձեռք առնի մեր օգնության գործը: Հուսահատական է, որ ինձ Crillon հյուրանոցից (Ամերիկա) ուղարկեն Astoria հյուրանոց (Անգլիա) և այնտեղից էլ՝ առաջին տեղը: Մեր ժողովրդի հուսահատությունն ու հուսախաբությունը անսահման է: Իմ տպավորությունն այն է, որ անգլիացիք իրենց գորքերը Կովկասից քաշելու չեն, որովհետև հեշտությամբ չեն թողնի Բաթում-Բաքու-Թիֆլիս գիծը, որ գնում է Պարսկաստան և Հնդկաստան, բայց և մեզ օգնելու չեն: Եթե Ամերիկան մեզ չօգնի, մենք կորած ենք: Կրկնում եմ, Հայաստանը իբրև պետություն կամ այսօր պիտի կազմվի ձեր օգնությամբ, կամ նա կորած է հավետ: Քանի որ mandat-ի³⁴ գործը ձգձգվում է, մնում է, որ Ամերիկան անմիջապես ուղարկի Կովկասյան Հայաստան պետք եղած քանակությամբ սպաներ, դրամ և ռազմամթերք՝ մեր բանակը կազմակերպելու համար, որ մի ուժեղ կորիզ կլինի բոլոր տեսակի վտանգների առաջ:

³³ Միավորում, պետական-քաղաքական գործակցություն:

³⁴ Մանդատ՝ լիազորաբար Ազգերի Լիգայում, որի ուժով Լիգայի մի որևէ անդամ-պետություն իր խնամակալության տակ է առնում մեկ այլ պետություն Ազգերի Լիգայի անունից:

— Ո՞րչափ դրամ և ո՞րչափ սպաներ են հարկավոր, — հարցրեց Բաուման:

Խնդրեցի մի քանի ժամ տալ ինձ՝ այդ ներկայացնելու գրավոր:

Բաուման հեռագրի պատճենն առավ ու գնաց Լանսինգին համոզելու՝ իմ առաջարկած ծրագիրն իրագործելու համար, խոստանալով ինձ պատասխանել այս երեկո ժամը 7-ին:

— Լանսինգն, — ասաց Բաուման, — վարանող բնավորություն ունի. եթե ես չհաջողեցնեմ նրա հետ, այն ժամանակ խոստանում եմ Ձեզ նախագահ Վիլսոնին ներկայացնել, որ Դուք անձամբ նրան ներկայացնեք ձեր դրությունը և ձեր պահանջները:

Որչափ ցավում եմ, որ մեր կառավարությունը չըմբռնեց գեներալ Կորգանովի այստեղ ներկայության անհրաժեշտությունը:

ԶՐՈՒՅՑ Լ. ԲՈՒՐՇՈՒՄՅԻ ՀԵՏ

Ապրիլ 9, 1919

Այսօր առավոտյան ժամը 11-ին տեսակցություն ունեցա Լ. Բուրժուայի հետ, որ նախագահն է Ligue des Nations-ի³⁵ հանձնաժողովի: Զրույցի նյութն էր Հայկական Հարցի ներկա անստույգ վիճակը, Հայաստանի անմիջապես դրությունը, թրքահայ զաղթականների խնդիրը և Կովկասյան Հայաստանում բաթար-բյուրքական շարժումը, որ անշուշտ երիտ. բյուրքերի գործն է: Մասնավորապես ես ծանրացա այն մասին, թե ինչ արգելք կա Հայաստանի Հանրապետությունը ճանաչել որպես Belligérant և ընդունել Խաղաղության Congrès-ում:

Լ. Բուրժուա. — Քանի որ Դուք արդեն կանչվեցիք Խաղաղության Congrès, ձեր պահանջները ներկայացնելու, ես չեմ հասկանում Ձեր ընդունելության հապաղումը: Խոստանում եմ Ձեզ՝ այդ խնդրով լռորեն զբաղվել:

Ես. — Ձեր ուշադրությունն եմ հրավիրում այն հանգամանքի վրա, որ ռուսները դեմ չեն երկու Հայաստանների միացումի՝ integrale³⁶ Հայաստանը կազմելու համար: Երբ ռուսներն անգամ չեն հակառակում, ինձ թվում է՝ մեր հարցը այժմ ևեթ արմատապես լուծելու հնարը կա:

Լ. Բուրժուա. — Համաձայն եմ Ձեզ. սա կարևոր պարագա է: Գրեցեք ինձ, խնդրեմ, ամփոփ ձեր բոլոր պահանջները, և ես Ձեզ

³⁵ Ազգերի Լիգա:

³⁶ Անբոլջական, միացյալ, անբախտելի:

խոստանում են այս օրերս պատասխանել: Կխոսեն մեր Արտաքին Գործոց նախարարին:

Ես. — Սակայն այդ խնդիրները միայն պ. Pichon-ի բարյացակամությունից կախված չեն:

Լ. Բուրժուա. — Գիտեմ: Կփորձեմ բոլոր միջոցներին դիմել Չեզ պատասխան տալու և գոհացնելու համար: Զգիտե՞ք արդյոք, թե պետություններից ո՞րն է հակառակ ձեր Հարցի անմիջական լուծման և Ձեր Congrès հրավիրվելուն:

Ես. — Զգիտեմ, և շատ երախտապարտ կլինեմ, եթե Դուք, պ. Բուրժուա, հոգաբարձու եմ այս հարցի վրա փոքրիկ լույս սփռել: Ես տակավին չկարողացա իմանալ: Գիտե՞ք, թե Չորսի Խորհուրդը որքան ճախսանձախնդիր է գաղտնապահության: Ավելացնեմ նաև, որ Դաշնակիցների վերջին որոշումը՝ միջազգային հանձնաժողով դրկել Արևելք՝ առնել վրա ժողովուրդների ցանկություններն ու պահանջները ճշտելու, մեզ համար ծանր անակնկալ է. այսպիսով մեր հարցի լուծումը կարող է շատ ուշանալ. ես Չեզ պարզեցի, թե որքան մահացու հարված է մեր Հարցի լուծումը ուշացնել: Չեզ միջամտությունը կարող էր մեզ հզորապես օժանդակել:

Լ. Բուրժուա. — Համաձայն եմ, որ այդ որոշումը néfaste³⁷ է, ձայնորդ է: Ես հույս ունեմ, որ դա անհրաժեշտ է: Տարաբախտաբար Խաղաղության Congrès-ը շատ դանդաղ է գործում առհասարակ: Ամեն պարագայի ես Չեզ խոստանում եմ իմ լիակատար աջակցությունը: Գրեցե՞ք ինձ, խնդրեմ, այս օրվա մեր գրույցի նյութ եղող գլխավոր կետերը:

Լ. Բուրժուա իմ տեսած ֆրանսիացիներից ամենեւնի ուշադիրն է և ամենեւնի խելահասը. արագ և սուր ըմբռնում ունի, և քիչ բառերով, առանց կեղծիքի խոսելու շատ հաճելի ձև, որ տրամադրում է: Դաշից հետո, այսօր անմիջապես ուղարկեցի իր ցանկացած բողոքը:

ՋՐՈՒՅՑ WESTERMAN-Ի ՀԵՏ

Ապրիլ 10, 1919

Երկու օրից ի վեր Westerman ինձ թելադրում է Montgomery-ի միջոցով ամերիկական մանդատը Հայաստանի վրա խնդրել հրա-

³⁷ Չարագուշակ:

պարակով: Ես և Փաշան confidentiel³⁸ ձևով այդ մանդատը Նախագահ Վիլսոնից խնդրելուց ի վեր, նոր քայլեր արած չենք: Մենք այն կարծիքի ենք եղել, թե՛ քանի որ Ամերիկան (հասարակական կարծիք և կառավարություն) միաձայն չէ այդ մանդան ընդունելու խնդրում և Մոնրոյի սկզբունքը տակավին արգելք է այդ միաձայնության, մեր հրապարակական արտահայտությունն այդ մասին վաղաժամ է: Montgomery-ն պնդում էր, ասելով որ դրանով կհուզենք ամերիկական հասարակական կարծիքը և լուծումը կփութացնենք: Այսօր այս մասին փոքրիկ խորհրդակցություն ունեցանք ես, Փաշան և Westerman: Նորից դրվեց նույն հարցը, անմիջապես պաշտոնական հրապարակական հայտարարություն անել մեր մանդայի վերաբերմամբ՝ ուղղված Ամերիկային: Westerman-ը հավատացնում է, որ իր առաջարկը լոկ բարեկամական խորհուրդ է իր կողմից, առանց պաշտոնական հանգամանքի: Իմ տպավորությունն այն է, որ Լանսինգը կամ նույնիսկ Նախագահը անմասն չեն: Ըստ երևույթին Նախագահը մի այդպիսի հայտարարության պետք ունի՝ իր հակառակորդների համառությունը կոտրելու համար այս խնդրում:

ՏԵՍԱԿՑՈՒԹՅՈՒՆ ՆԱԽԱԳԱՀ ՎԻԼՍՈՆԻ ՀԵՏ

Ապրիլ 17, 1919

Դաշից հետո՝ ժամը 5-ին, ներկայացանք ես, Փաշան, պրոֆեսոր Տեր Հակոբյան, որ թարգմանում էր:

Նախագահ. — Հույս ունեմ գոհ եք, որ ձեր Խնդիրը լավ է ընթանում:

Փաշա. — Լավ կլինի այն ժամանակ, երբ Ձեր շնորհիվ Ամերիկան կընդունի Հայաստանի մանդան:

Նախագահ.

«**Մանդայի խնդիր** — Ես էլ ցանկանում եմ, որ Հայաստանի մանդան Ամերիկան ընդունի: Կարող եմ վստահեցնել ձեզ, որ Ամերիկայի բոլոր լավագույն քաղաքացիների մտածումն ու զգացումն էլ այդ է: Եվ եթե երբեք³⁹ Ամերիկան որևէ մանդա հանձն առնի,

³⁸ Գաղտնի, փոխվստահությանը, գաղտնապահորեն:

³⁹ Երբևեց:

այդ կլիմի Հայաստանինը: Ես իմ ընկերակիցներին (Կոնգրեսի) ասել եմ հաճախ, որ Ամերիկային որևէ մանդատ տալու դեպքում լավագույնը Հայաստանի մանդատն է, որովհետև այդ ավելի հեշտ կընդունվի շնորհիվ այն խորունկ համակրության, որ Ամերիկան տաժու է դեպի հայ ժողովուրդը:

«— **Տերիտորիա** — Չեր տերիտորիայի⁴⁰ համար ես աշխատում եմ: Ցանկությունս է ձեր պահանջած սահմաններում Հայաստանի տերիտորիա ապահովել: Միջում կա. ուրիշներն էլ պահանջներ ունեն, բայց ես աշխատում եմ:

«— **Ազգերի Լիգան** — Ազգերի Լիգան այսուհետև լավ հովանավոր կլինի: Մինչև այժմ, երբ որևէ պետություն ուրիշ պետության գործերին միջամտում էր, դա համարվում էր թշնամություն: Այսուհետև Ազգերի Լիգան միջամտելու իրավունք կունենա, առանց որ այդ թշնամություն մկատվի»:

Տեսակցությունը անեց քսան րոպե:

ՏԵՍԱԿՑՈՒԹՅՈՒՆ ԷՄ. ԴԻԼԼՈՆԻ ՀԵՏ

Մայիս 9, 1919

Ժուրնալիստ Է. Դիլլոն «Դեյլի Զրոնիկլ»-ի մեջ մի հոդված ունեք, որով հայտարարում էր Թյուրքիային վերաբերյալ պայմանները: Ըստ Դիլլոնի՝ որոշված է Թյուրքիային թողնել մոտավորապես Մամսոն-Ատալիա⁴¹ գիծը միայն որպես պետություն, իսկ մնացածը՝ Կիլիկիայից մինչև Կովկաս Ամերիկայի մանդայի տակ կազմել Հայ Պետություն: Ամերիկայի մանդայի տակ է լինելու նաև Կ. Պոլիսը իր շրջակայքով:

— Այս բոլորն ինձ հաղորդել է մի վստահելի բարձրաստիճան ամերիկացի, — ասաց Դիլլոնը:

Նրա կարծիքով մի երկու շաբաթից ի վեր Հայաստանի Խնդրի շուրջը ինտրիգներ են անում զանազան ամերիկացի ֆինանսիստներ՝ իրենց աջակից ունենալով ամերիկացի միսիոնարներին⁴², որոնց նպատակն է թույլ չտալ, որ Հայաստանը իբր անկախ պետություն քաժանվի Թյուրքիայից, այլ աշխատել իրագործել թյուրքերի ծրագիրը, որ է՝ Հայաստանը և Թյուրքիան հանձնել Ամերիկայի մանդային: «Այսպիսով թե՛ ֆինանսիստները և թե՛

⁴⁰ Հող, երկիր: Տարածք:

⁴¹ Մամսոն (Մամսուն) — քաղաք և նավահանգիստ Թյուրքիայի էյուսիսում, Սև ծովի ափին: Ադալիա - քաղաք Կիլիկիայում:

⁴² Միսիոներ, կրոնական քարոզիչ:

միսիոնարները գործունեության լայն ասպարեզ կունենան»: Բայց նա հույս ունի, որ Անգլիան այդ թույլ չի տա և որ Թյուրքիայի քաժանումի խնդիրը անդառնալի կերպով վճռված է:

Խոստացավ գրել «Դեյլի Զրոնիկլ»-ի մեջ Հայաստանի արդի ծանր կացության մասին, ինչպես որ մի անգամ արդեն գրեց մեր առաջին տեսակցությունից հետո, մարտ ամսին:

ՏԵՍԱԿՑՈՒԹՅՈՒՆ

ՖՐԱՆՍԻԱԿԱՆ ԱՐՏԱՔԻՆ ԳՈՐԾՈՑ

ՆԱԽԱՐԱՐՈՒԹՅԱՆ ԴԻՐԵԿՏՈՐ J. GUNT-Ի ՀԵՏ

Մայիս 9, 1919

Գնացի իմանալու, թե ի՞նչ է մտածում ֆրանսիական կառավարությունը քրիտանական գործը Կովկասից դուրս քաշելու մասին, որը հաղորդում է ինձ Ա. Խատիսյան իր վերջին հեռագրով: Gunt հայտնեց, որ դա անկարելի չէ, բայց հազիվ թե Կովկասը թողնեն առանց դաշնակից գործերի:

— Այնտեղ ձգտում են այժմ իտալացիք: Համենայն դեպս, — ասաց Gunt, — Ֆրանսիան ոչ մի զինվոր դրկելու հնար չունի: Նույնիսկ, — շարունակեց նա, — Կիլիկիա մենք հրաժարվում ենք գործ դրկել, հակառակ անգլիացիների հրավերի: Քանի որ Կիլիկիան միանալու է Հայաստանին, — ասաց նա դառնությամբ, — Ամերիկայի մանդայի տակ, ես չեմ հասկանում, թե մենք ինչու՞ պետք է գործ դրկենք:

Իմ հարցին, թե ի՞նչ է մտածում նա Ղարաբաղի խնդրում անգլիացիների դիրքի մասին, Gunt պատասխանեց թե՛

— Ըստ իս՝ անգլիացիներն աշխատում են մի մեծ Ադրբեյջան ստեղծել իրենց որոշ քաղաքական նպատակների համար, որի մեջ անմասն չէ Բաքուն պահելու ցանկությունը:

Իմ հարուցած զրոյցով զարմանք հայտնեց, որ զայիս է մենակ գեներալ Կորգանով՝ առանց Բաքաջանյանի, քանի որ ինքը երկսի համար է կարգադրություն արել:

Հայաստանի անկախությունը ճանաչելու առթիվ իմ արած նոր դիմումի առթիվ խորհուրդ տվեց անպատճառ տեսնվել Կլեմանտյի հետ:

Մայիս 16, 1919

Խնդիրը Ղարաբաղի մասին անգլիացոց բռնած դիրքն է և առհասարակ կովկասյան քաղաքականությունը: Ես ասացի, որ մեր ժողովուրդը ծանր անակնկալի է եկել, չկարողանալով բացատրել ու հասկանալ անգլիական բարձր հրամանատարության բռնած դիրքը Կովկասում ու նրանց քաղաքականությունը Կարսում, Ղարաբաղում և այլուր: Ինձ են դիմում Հայաստանից որևէ լուսարանություն ունենալու համար, ստեղծված կնճռոտ կացության մասին:

Սրբ Մալլետ խոյս է տալիս ինձ պատասխանելու ընդհանուր քաղաքականության մասին և ծանրանում է Ղարաբաղի խնդրի վրա, որը տարաբախտաբար նա չի ճանաչում, ստում է ինքը: Նա փոում է իմ առջև Կովկասի մի քարտեզ, խնդրելով ցույց տալ Հայաստանի սահմանները և մասնավորապես հայկական Ղարաբաղինը: Ես ցույց եմ տալիս:

- Մի՞թե Ղարաբաղը հայաբնակ է,- հարցնում է ինձ յիտավորյալ թե իրական ազիտությամբ:

- Պ. Դեսպան, Ղարաբաղում 300 հազար հայ կա՝ ընդդեմ 70-80 հազար թաթարների, և հայերը եկվորներ չեն, այլ հինավուրց բնակիչներ, հազարավոր տարիներից ի վեր:

Ապա շարունակում եմ նրան բացատրել Ղարաբաղի հայության դերը անցյալում, ներկայում և նրա արժեքը մեր պետության կենսունակության տեսակետից:

- Այս, այդպե՛ս,- բացականչում է Մալլետ,- բայց հնարավոր չէ՞ թաթարների հետ փոխանակություն անել,- ավելացնում է նա:

- Նախ՝ անհնարին է տեղահան անել այդքան բազմություն: Երկրորդ՝ այդ ժողովուրդը, ասացի, հազարավոր տարիներից ի վեր այդ լեռներում սնած ու իր հողին կպած, երբեք չի համաձայնի շարժվել իր տեղից և ոչ մի ույժ նրան չի ստիպի կրել մուսուլմանական բռնություն, ինչպես այդ ապացուցել է անցյալում: Եվ վերջապես մենք երբեք չենք կարող համաձայնել, որ այդ հայկական Լեռնաստանը, որ մեր աշխարհի մշտական պարիսպն է եղել ընդդեմ Ասիայի հորդանների, թաթարների ձեռքն ընկնի:

- Բայց նրանց՝ թաթարների հողը շատ քիչ է. եթե Ադրբեյջանը պետություն է դառնալու, նա էլ պետք է երկիր ունենա,- ասաց Մալլետ, ձեռքը տանելով քարտեզի վրա:

- Սակայն, իբրև հողամաս, նրանցը՝ իրենց թվին նայելով և՛

մերինից շատ է, և՛ մերինից գերազանց: Այս ամբողջ բերրի հարթությունը նրանցն է՝ Բաքվի անբավ հարստության հետ: Մեր հողը նրանց կեսի չափ էլ չէ,- պատասխանեցի:

- Դուք ստանալու եք ահա այս բոլորը,- Սրբ Մալլետ ձեռքը տարածեց Թյուրքաց Հայաստանի վրա:

- Եվ այդ դեպքում մենք չենք կարող զիջել Ղարաբաղը, պ. Դեսպան,- ասացի,- այնտեղ մենք 300 հազար կորովի, շինարար, ստեղծագործող հայություն ունինք, որ մեր վերածնվող հայրենիքի կորիզն է լինելու: Այդ տարածությունը, որ Դուք ցույց տվիք, գիտեք անշուշտ, որ թյուրքական բարբարոսության երեսից անապատ է այսօր: Ղարաբաղի նման մեր զավառները,- ինչպես և Լոռի, Այսալալակ,- զիջելով, մենք անհնարին կդարձնենք հայկական պետության ստեղծումը:

Սրբ Մալլետ խնդրեց ուղարկել իրեն Ղարաբաղի և առհասարակ վիճելի զավառների մասին մեր տեսությունը:

Տպավորությունս այն է, որ անգլիացիք Ադրբեյջանը զորացնելու մեջ իրենց շահն են տեսնում:

Մայիս 19, 1919

Այսօր նախաճաշեցինք Պոլսի ռուսաց նախկին դեսպան Գիրսի և նրա խորհրդական Մանդելշտամի հետ: Մասնակցում էին Պողոս Փաշա, Հ. Օհանջանյան, Մ. Աջեմյան, Գ. Փաստըրմաջյան: Նախաճաշից վերջը՝ Գիրսը ինձ հետ ունեցավ հետևյալ զրույցը:

- Պ. Դեսպան,- ասացի,- ըստ երևույթին պետությունները տրամադիր են ճանաչել Կուլակի կառավարությունը: Չե՞մ սխալվում արդյոք:

Գիրսը կարծես ինձ հարցին էր սպասում՝ զրույց սկսելու համար:

- Ո՛չ, չեք սխալվում, նա հավանաբար շուտով ճանաչվի, և այս պարագան կարող է ահագին ազդեցություն ունենալ մեր աշխարհի, ինչպես և Կովկասի բախտի վրա:

- Կարո՞ղ եմ արդյոք Ձեր գաղափարն իմանալ, ինչ վերաբերում է Կովկասին և կովկասյան պետություններին:

ՓԱՐԻԶԻ ՌՈՒՄԱՅ ԴԵՄՊԱՆ ՄԱԿԱԿՈՎԻ
ԵՎ ԱՄԵՐԻԿԱՅԻ ՌՈՒՄ ԴԵՄՊԱՆ ԲԱՆՄԵԴԻԵՎԻ ՀԵՏ

Մայիսի 22, 1919

Այսօր նախաճաշի էին հրավիրված Մակլակով, Բախմեդիև:
Ներկա էին Աջեմյան և մեր երկու Պատվիրակությանց անդամները:
Ջրույցի նյութն եղավ դարձյալ միացյալ Հայաստանի Խնդիրը:
Թե՛ Մակլակով և թե՛ Բախմեդիև գրեթե բառ առ բառ կրկնեցին
նույնը, ինչ ասել էր Գիլս երեք օր առաջ: Երբ այս էր, երկու դես-
պանները գտնում էին, որ միանգամայն դեմ չլինելով Կովկասյան
և Թյուրքաց Հայաստանի միությանը՝ իրենք (նուսները) սակայն
ստիպված են **ձևականորեն** բողոքել, եթե այդ միությունը Խաղա-
ղության Կոնգրեսն իրագործի՝ նախքան նոր Ռուսաստանի կազ-
մակերպումը և առանց ռուս կառավարության հաճության: Նրանք
ավելացնում էին, որ իրենք ստիպված են այդ ձևական բողոքն
անել, որպեսզի մյուս ժողովուրդները (Ռուսիայի) Հայաստանի
Խնդիրը հիմք չձառայեցնեն պահանջելու իրենց անջատումը
Ռուսաստանից: Բայց որպես ապացույց իրենց բացարձակ
համաձայնության այժմեան իսկ, նրանք արտոնում են (Բախ-
մեդիևի խոսքերն ինձ ուղղած) իրենց անունից ասել ում հարկն է,
թե ռուսները դեմ չեն Կովկասյան և Թյուրքաց Հայաստանի
միության և թե իրենք ևս այդ կասեն, եթե նրանց հարցնեն: Երկու
դեսպանները նույնպես ցույց էին տալիս Ամերիկյան ռուս շահերի
տեսակետից ընդունելի մանդատեր և Հայաստանը Ռուսիայի
ապագա դաշնակից՝ ընդդեմ Ասիայի բարբարոսների:

Մեզ չզոհացրեց նրանց՝ թեկուզ ձևական, բողոքի արգումեն-
տացիան:

ԱԿՐԲԵՅՋԱՆԻ ՊԱՏՎԻՐԱԿՈՒԹՅԱՆ ՆԱԽԱԳԱՀ
ԱԼԻ ՄԱՐԴԱՆ ԲԵՅ ԹՈՓՉԻԲԱՄԵՎԻ ՀԵՏ

Մայիսի 31, 1919

Այսօր փոխայցելության գնացինք Թոփչիբաշևին բժ. Օհան-
ջանյան և ես: Իր այցին, մի քանի օր առաջ Թոփչիբաշև վճռական
առաջարկ արեց մեզ կովկասյան ժողովուրդների միությունը

Գիլսը մի փոքր վարանումից հետո՝ ասաց. —
Կիսուսեմ Ձեզ անկեղծորեն և կհայտնեմ իմ անհատական
կարծիքը: Կիսնդրեի, սակայն, ասածս բացառապես մեր մեջ մնա:
Մենք կույր չենք և լավ գիտենք Ռուսիայի բարեկամներն ու թշնա-
միները: Հայերի հավատարմությունը մեզ համար կմնա անմոռա-
նալի և դա, հավատացել ենք, կարտահայտվի քաղաքակա-
նապես: Կարող են Ձեզ վստահեցնել, որ մենք բնավ հակառակ
չենք Միացյալ Անկախ Հայաստանին, որովհետև նախ՝ հայերը
դրան արժանի են իրենց խոր զգացումով դեպի իրենց հայրենիքը,
և երկրորդ՝ դա նաև մեր շահն է: Նախ՝ մանդայի խնդիրը. — մենք
բողոքովին համամիտ ենք ձեզ, որ Ամերիկյան լավագույն մանդա-
տատերն է: Անկեղծ ենք ասում, և այդ նրա համար, որ նա
նվաճողական քաղաքականություն չունի Արևելքում և վերջ ի
վերջս հեռանալու է: Եվ մենք, հույս ունեն, կմնանք դաշնակիցներ:
Որպեսզի բողոքովին անկեղծորեն խոսած լինեմ, կավելցնեմ, այլ
կլիներ մեր վերաբերմունքը, եթե դուք Կիլիկիան չստանայիք. և
այլ՝ եթե ստանաք և՛ Կիլիկիան:

— Խնդրեմ պարզել Ձեր միտքը:

— Կիլիկիա՝ նշանակում է Միջերկրական ծով, որին մենք
ձգտել ենք՝ առանց հասնելու: Մենք չենք ստացել այն և չենք էլ
կամենա, որ նա որևէ մեծ պետության ձեռք անցնի: Մինչդեռ
Հայաստանը, որպես փոքր պետություն և մանավանդ մեր
ապագա դաշնակիցը, մեզ համար ոչ միայն անվտանգ է, այլ
նույնիսկ շահավետ: Տնտեսական տեսակետից մենք կարող ենք
այդ կացությունից մեծ շահեր ունենալ: Ձեր շահն էլ անկասկած
պահանջում է ունենալ մեր բարեկամությունը, — մեր դաշնակ-
ցությունը, որովհետև Ամերիկայի հեռանալով՝ դուք դարձյալ
ճակատ առ ճակատ պիտի մնաք մուսուլման աշխարհի հետ: Ահա
այս դեպքում մենք միշտ այնտեղ ենք, ինչպես անցյալում:

— Բայց դուք պետք է այժմ ևեթ կիսապաշտոնապես հայտա-
բարեք, որ դեմ չեք Հայաստանի միության՝ սահմանների այս ու
այն կողմում: Մա կլինի ձեր բարյացակամության լավագույն
արտահայտությունը:

— Եթե մենք լուրն ենք, դա միայն նրա համար է, որ հիմքեր
չտանք Ռուսաստանի շուրջը կազմված բոլոր մանր պետություն-
ներին նույնը պահանջել: Բայց մենք այդ կամենք, երբ Կովկասի
կառավարությունը ճանաչվի: Մենք Հայաստանի միությունից ու
անկախությունից դուրս ուրիշներին ոչինչ չենք գիջի, այո՛, զանա-
զան Աղբյուրյաններին:

(Ֆեդերատիվ կամ կոնֆեդերատիվ) կազմել, ավելցնելով, որ այդ մասին Հյուսիսային Կովկասի Հանրապետությունը, ինչպես և վրացիք սկզբունքային համաձայնություն տվել են: Մենք խոստացանք այդ մասին խոսել իր հետ մեր առաջիկա այցին, որ տեղի ունեցավ այսօր:

Ներկա էին ինքը՝ Թուփչիրաշև և Հաջինսկին: Նախ զրույցը դարձավ Նախագահ Վիլսոնի Ադրբեյջանի և Հյուսիսային Լեռնականների պատվիրակության արած այցին, որ տեղի էր ունեցել մախրեբաց օրը: Թուփչիրաշևի պատմածից երևաց, որ Վիլսոնը նրանց տված մեծորանումին տվել է երեք կետից բաղկացած հետևյալ բերանացի պատասխանը. —

Վիլսոնը կարծում է.

1. Որ հնարավոր չէ աշխարհը վերածել մանր միությունների:
2. Նրանց՝ Ադրբեյջանի և Հյուսիսային Կովկասի Լեռնականների խնդիրները կապված են Ռուսական պրոբլեմին, հետևապես անհնարին է այդ ժողովուրդներին վերաբերյալ քաղաքական հարցերը լուծել, առանց կամխապես լուծելու Ռուսական Հարցը:
3. Այլ կլիներ նրանց հարցը, եթե նրանք ներկայանային Խաղաղության Կոնգրեսին ոչ այդպես զատ-զատ փոքր ազգեր, այլ միացած որևէ ձևի քաղաքական ամբողջությամբ, օրինակ՝ ֆեդերացիա:

Այս պատասխանը ըստ երևույթին ծանր տպավորություն է բողոել Ադրբեյջանի պատվիրակության վրա, քանի որ նրանց անկախության և Ռուսաստանից անջատվելու հարցին նպաստավոր լինելուց շատ հեռու էր:

Պատրվակ բռնելով Վիլսոնի ակնարկած ֆեդերացիան՝ Թուփչիրաշև նորից խոսքը դարձրեց այդ մասին: Ես հիշեցրի, որ Անդրկովկասում դա գրեթե իրականացել էր. Թուփչիրաշևը երևի չի կարողանա պնդել, թե մենք՝ հայերս եղանք այդ միության քանդողները: Նա համաձայն է, որ մենք իրավունք ունինք: Ես հիշեցնում եմ նաև, որ այս առաջարկը չի համապատասխանում Վրաց և Ադրբեյջանի կառավարությունների տեղի վրա հարուցած սահմանային վեճերին ընդդեմ հայերի, ինչպես Ղարաբաղում և Լոռի-Ախալքալախում: Թուփչիրաշևը կարծում է, որ այդ բոլոր վեճերը կարելի է հարթել խորհրդակցությամբ և միջոտորով — արբիտրաժով⁴³: Մենք պատասխանում ենք, որ այդ արբիտրաժը կա — Խաղաղության Կոնֆերանսը: Ինչ վերաբերում է ֆեդերացիային, մենք պատասխանում ենք, որ երբեք դեմ չենք եղել և

⁴³ Երրորդ դատարան, իրավարար:

այժմ էլ չենք լինի հակառակ կովկասյան ժողովուրդների միության, բայց նախ պետք է որ դրանցից յուրաքանչյուրը իր պետությունն ունենա: Մեզ համար առայժմ այդ խնդիրը քարդանում է Թյուրքաց Հայաստանով, որին մենք պիտի միանանք. բայց այդ հարցը դեռ պաշտոնապես որոշված չլինելով, մենք անկարող ենք նոր կոմբինացիաներ⁴⁴ անել քաղաքական առանց թյուրքահայերի: Իսկ մինակ Կովկասյան Հայաստանը երբեք չի հանձն առնի այլևս առանձին ներկայանալ:

Զրույցը վերջացավ:

ՏԵՍԱԿՑՈՒԹՅՈՒՆ ՎԵՆԻՉԵԼՈՍԻ ՀԵՏ

Հունիս 1, 1919

Այս իմ երկրորդ տեսակցությունն էր Վենիզելոսի հետ. առաջինը տեղի էր ունեցել մարտ ամսին, ընկերակցությամբ Վիկտոր Բերարի:

Երկու շաբաթից ի վեր մեր Հարցի շուրջը տիրող լռության առթիվ ուզում էի ունենալ Վենիզելոսի կարծիքը: Վենիզելոսի ասելով այդ լռությունը մեզ համար անախորժ ոչինչ չի ծածկում: Երկու հիմնական հարցեր լուծված են հօգուտ մեզ —

1. Մեր մանդատները լինելու է Ամերիկան. Վիլսոնն ընդունել է այդ պայմանական, սպասելով Մենատի համաձայնության և
2. Կովկասյան և մախկին Թյուրքաց Հայաստանը **անպատճառ** միանալու են:

— Այս մասին կասկած լինել չի կարող, — ավելացրեց Վենիզելոս:

Իմ հարցին, թե՛ ինչու՞ հանկարծ այս լռությունը և ինչու՞ չեն հայտարարում մեր հարցի մասին վճիռը, Վենիզելոս պատասխանեց.

— Չարմանալու ոչինչ չկա: Ես ամբողջ երեք ամիս ստիպված էի **բուլղոսի** առանց պատճառի սպասել, մինչև որ այս օրերս թույլ տվին ինձ գրավել Չմյուռնիան, թեև վաղուց հետե 350 հազարոց մեր բանակը սպասում էր այդ օրին: Երբ ես շարունակ

⁴⁴ Համակցում, համափոփոխում:

պնդում, խնդրում էի, ջոջերը լռում էին. և հանկարծ, երբ ես վճռել էի համբերել, հանկարծ ինձ թույլ տվին գրավել Չմյուռնիան և գրավեցի: Այսպես է միշտ: Իզուր է փնտրել սխտեմ կամ դիտավորություն ամեն անգամ Կոնֆերանսի վճիռներում: Սպասեցեք էլի մի փոքր. և հավատացեք ինձ, որ ձեր Հարցը լավ ճանփու վրա է:

ՏԵՍԱԿՅՈՒԹՅՈՒՆ
ՊՐՈՖԵՍՈՐ ՍԵՄՊՈՌՆԻ ՀԵՏ
(ԱՆԳԼԻԱԿԱՆ ՊԱՏՎԻՐԱԿՈՒԹՅՈՒՆ)

Հունիս 16, 1919

Իմ հարցին՝ ճշմարիտ է, որ անգլիացիները թողնում են Կովկասը և ե՞րբ, Սեմպոռնը պատասխանեց.

- Այո, անգլիացիք թողնում են Կովկասը և մտնելու են խալացիք, բայց այդ կլինի աստիճանաբար:

- Արդյոք իսպա՞ն եք հեռանում:

- Այո, մենք իսպան հեռանում ենք Կովկասից: Չեզ մոտ այժմ գործերն ավելի լավ են այն ժամանակից, ինչ Ալ. Խատիսյան անցել է կառավարության գլուխը: Ես ճանաչում եմ նրան Կովկասից: Ղարաբաղի մասին երկարորեն խոսեցի, բացատրեցի մեր իրավունքները:

- Այս մասին, - ասաց Սեմպոռնը, - գեներալ Թոմսոնը պընդում է թողնել Ղարաբաղը բաթարներին, բայց ինձ հայտնի չեն նրա պատճառները:

Ես ավելացրի, որ այդ անհնարին կլինի նույնիսկ այն դեպքում, եթե մինչև իսկ մեր կառավարությունը համաձայնի. Ղարաբաղի ժողովուրդը այդ չի ընդունի:

Երկու Հայաստանի միացումի մասին նա հարցրեց.

- Ճշմարիտ է որ ռուսահայերը չեն ուզում միանալ բյուրքահայերին և կգերադասեին ռուսներին: Ես անձամբ լսել եմ այդպիսի կարծիք Բաքվի և Թիֆլիսի հայերից:

Ես պատասխանեցի.

- Չեր այդ կարծիքն ինձ համար նորություն է. համայն հայության ամենաջերմ ցանկությունն է ժամ առաջ միացած տեսնել Հայաստանը:

Եվ այս մասին բազմաթիվ ապացույցներ բերի համոզելու նրան:

Խնդրեցի իր աջակցությունը Թյուրքահայ նահանգները գրավելու կամ դաշնակից, կամ մեր զորքերով իրենց հրամանատարության տակ:

Հարցրեց՝ ի՞նչ են մտածում ռուսները Հայաստանի մասին:

Ես հաղորդեցի, որ Փարիզի ռուսները՝ Գիրս, Մակլակով ևն, դեմ չեն Կովկասյան և Թյուրքաց Հայաստանի միացման: Նա զարմացավ:

- Չգիտե՞ք արդյոք պատճառը:

- Այն ինչ ասում են, հետևյալն է. - Թե կուզեին իրենց կայսրության հարավում քրիստոնյա փոքրիկ պետություն ունենալ, ինչպես Ֆինլանդիան հյուսիսում: Կարող են ասկայն այլ հիմքեր ու պատճառ ունենալ:

Նա ժպտալով ասաց.

- Անշուշտ:

- Քանի որ Բեսարաբիան հանձնվում է Ռումանիային, կարծում եմ, - ասացի, - հիմք չկա այլևս մեզ մերժելու միանալ Թյուրքաց Հայաստանին:

- Իրավունք ունիք, - ասաց:

Խոստացավ այս ստորվ զեկույց ներկայացնել Բալֆուրին: Իմ բոլոր ասածները զրի առավ:

ԶՐՈՒՅՑ ՄԱԿԼԱԿՈՎԻ ՀԵՏ

Հուլիս 10, 1919

Մյուս, ճաշից հետո, ժամը 6-ին այցելեցինք ռուսաց դեսպան Մակլակովին՝ Հ. Քաջազունին և ես: Մակլակովը այսպես բացատրեց իրենց քաղաքական հայեցակետը դեպի Միացյալ և Անկախ Հայաստանի խնդիրը:

- Ժողովուրդների իրավունքը՝ ինքնօրինաբար տնօրինել իրենց բախտը, - ասաց Մակլակով, - մենք բացարձակ չենք համարում: Անհնարին է թույլատրել, որ յուրաքանչյուր ժողովուրդ, իր ուզած ժամին զատվի այս կամ այն պետությունից: Բայց մենք ընդունում ենք, որ կան հանգամանքներ, երբ այդպիսի անջատումը անխուսափելի է և ընդունելի: Այսպես: Մինչդեռ մենք ոչ մի պայմանով չենք համաձայնի, օրինակ, մի Ադրբեյջանի կամ մի Վրաստանի անջատումին մեզնից, մենք ընդառաջ կերթանք հաճությամբ կովկասյան հայերի վճռական ցանկության՝ միանալ Թյուրքաց Հայաստանին ու այսպես թե այնպես անկախ լինելու:

մանավանդ որ մենք հավատացած ենք, որ այսպիսով ստեղծված Միացյալ Հայաստանը լինելու է Ռուսաստանի բարեկամը և գուցե դաշնակիցը Արևելքում: Եվ մեր այդ բարեկամությունը ոչ միայն արդյունք է հայերի դեպ Ռուսիան ցուցադրած անխախտ հավատարմության, այլ մանավանդ, կրկնում եմ, մեր խորին համոզման, որ ինչ և լինի ապագա Միացյալ Հայաստանը, նա անխուսափելիորեն մեզ բարեկամ կմնա, միակ քրիստոնյա պետության Արևելքում: Եվ այս ոչ միայն իմ տեսակետն է, այլև ռուս քաղաքական բոլոր գործիչների Փարիզում:

Մեր հարցին թե՛ ի՞նչ արգելք կա այս հայտարարությունն անելու այժմ, թեկուզ կիսապաշտոնապես, քանի որ դա այնքան անհրաժեշտ է մեր Խնդրի շուտավույթ լուծման տեսակետից, Մակլակով պատասխանեց թե՛

— Տարաբախտաբար այդ անկարելի է, քանի որ իսկապես պատասխանատու և լիազոր օրինական օրգան տակավին պակասում է քառաիկ Ռուսաստանում՝ այդ վճռական, թեկուզ կիսապաշտոնական հայտարարությունն անելու համար: Մենք Փարիզում նստած ռուս Conférence Politique-ի անդամներս⁴⁵, ոչ այլ ինչ ենք, եթե ոչ պահապաններ ռուսական ժառանգության, որի միակ տերն ու տնօրենը լինելու է ռուսական Սահմանադիր Ժողովը: Մենք մինչև այն աստիճան զգույշ ենք ու նախանձախնդիր, որ նույնիսկ Ֆինլանդիայի անջատումի առթիվ մենք բողոքեցինք, թեև կարող եմ ձեզ վստահացնել, որ Ֆինլանդիան մեր համոզմունքով իրավունք ունի ինքզինքը հռչակել անկախ թեկուզ հենց նրա համար, որ նա կապված էր Ռուսաստանի մոնարխի⁴⁶ անձնավորության, որ այժմ չկա: Հիշատակածս պատճառներով՝ մենք, հակառակ որ լիապես ճանաչում ենք ձեր իրավունքը՝ անջատվել մեզանից և միանալ Մեծ Հայաստանին, եթե դուք այսօր ձեզ հայտարարեք Միացյալ մենք ստիպված ենք ձևականորեն, մեղմորեն բողոքել մեր երկրի ամբողջության սկզբունքը պաշտպանելու համար, մինչև որ Սահմանադիր Ժողովն ասի իր խոսքը, որ համոզված ենք, հօգուտ ձեզ է լինելու: Ավելացնեմ, սակայն, որ դուք ինչ և անելու լինեք ձեր միացումի

⁴⁵ Կոնֆերանսի քաղաքական անդամներ:

⁴⁶ Միապես: սկզբում մեզ տնայում ու միմյուսսանք զարգայլ

մասին, ինչ քայլեր և կատարեք դրա համար, մենք չենք վշտանա մենք կվշտանանք միայն, եթե դուք միանաք այս կամ այն ժողովրդի բողոքին մեր դեմ:

Մեր առարկության, թե մենք անվերջ չենք կարող սպասել, մինչև որ Ռուսաստանի Սահմանադիր Ժողովը հավաքվի, որը շատ պրոբլեմատիկ է, նա պատասխանեց թե՛

— Պետք է մի ժամանակավոր ֆորմուլա⁴⁷, մի կոմպրոմիս⁴⁸ գտնել, որ անհնարին չէ: Օրինակ, մասնավորապես այսպիսի ձև թե՛ «Լստահ լինելով որ Ռուս Սահմանադիր Ժողովը, եթե նա լինեք այսօր, չէր հակառակի մեր արդար իրավունքին, մենք, կովկասյան հայերս հայտարարում ենք մեզ միացած Թյուրքաց Հայաստանին»:

— Սա մի ձև է, — շարունակեց Մակլակով, — որ մեզ բնավ չի վիրավորի և ընդունելի կլինի, մյուս կողմից մեր իրավունքը չի արհամարհվի: Նկատի առեք, խնդրեմ, որ Եվրոպան մեզ շատ է վիրավորել և վիրավորում է: Գուցե կգա մի օր, երբ մենք հաշիվ կպահանջենք, բայց կուզեինք, որ մեր բարեկամ, մեզ միշտ հավատարիմ հայերը մեզ չվիրավորեին, միանգամայն անզիտանալով մեր իրավունքը:

Ասացինք, որ մեր թյուրքահայերը կասկածում են ռուսներից, նրանց ապագա քաղաքականությունից. պետք է նկատի առնել նրանց հոգեկան անհանգստությունը:

Մակլակովը պատասխանեց, թե իրենք էլ ունեն իրենց իմպերիալիստները, որոնք նեղում են իրենց, հետևապես լավագույնը միջին, ընդունելի ֆորմուլա գտնելն է:

Ես ու Քաջագունին դուրս եկանք այն համոզումով, որ սա վերջին խոսքն է ռուսների: Ես մնացի այն կարծիքի, որ Կուլակի հանդեպ պետությունների ցույց տված ուշադրությունը զգալապես պահանջկոտ է դարձրել անգամ Մակլակովին:

⁴⁷ Բանաձև:

⁴⁸ Զիջում:

Հուլիս 10, 1919

Այսօր իմացա, որ Վինավեր ու Մորգենթաու⁴⁹ երկար գրույց են ունեցել: Ի միջի այլոց Մորգենթաու հայտնել է Վինավերին, որ

1. Հայաստանի անկախությունը վճռված է;
2. Միացյալ Հայաստանը կասկածից դուրս է, Կիլիկիայով միասին;
3. Ամերիկյան գրեթե հաստատապես ընդունելու է Միացյալ Հայաստանի մանդատ;
4. Գուցեև ինքը Մորգենթաու լինի Հայաստանում Ամերիկայի ներկայացուցիչը:

Հուլիս 10, 1919

Այսօր մեկ մեծ պետության գաղտնի գեկույցը կարդացին ինձ Ղարաբաղի խնդրի և նույն վայրերում կատարված քաթարական խժոժությունների մասին: Չեկույցը հաստատում էր՝

1. Հինգ հայ գյուղերի կորուրածն ու ավերածը;
2. Որ դա արդյունք է նահանգապետ Մուլթանովի դավադիր, կանխամտածված ծրագրի;
3. Անգլիացի ներկայացուցիչները պատասխանատու են այդ արյունին, թույլ տալով Մուլթանովի պես քարքարոս, վայրագ քաթարին նահանգապետ դառնալ հայ գավառին: Մասնավորապես մեղավոր են գեմ. Թոմսոն և իր անմիջական գործակիցները Շաքելվորթ և Մաք-Մեզոն;
4. Անգլիական հիշյալ ներկայացուցիչները ըստ ամենայնի աջակցել են քաթարական կառավարության՝ հաստատելու քաթար իշխանություն Հայ Ղարաբաղի վրա: Նրանք դիտավորյալ ձևով անտես են առել հայերի արդարացի բողոքները, որովհետև «հետապնդում են Կովկասում մուսուլման քաղաքականություն»;
5. Թոմսոն և իր ընկերակիցները լավ գիտեին, որ Մուլթանով երիտասարդ քյուրքերի ագենտ⁵⁰ է եղել, չար է և կլինի, և որ նա հայտնի ջարդարար է;
6. Հայերի իրավունքը Ղարաբաղի վրա ամեն տեսակետով անժխտելի է:

⁴⁹ Հենրի Մորգենթաու, իրավաբան, դիվանագետ, ԱՄՆ-ի դեսպանը Թուրքիայում 1913-1916թթ.

⁵⁰ Գործակալ:

Անցնելով կովկասյան ժողովուրդների գնահատության, հիշյալ գեկույցը քաղաքական շատ թերություններ է գտնում ամենքի մոտ, բայց ամենից ավելի բարձր և գնահատելի է համարում հայ ժողովուրդը և մանավանդ հայ գյուղացիությունը, հայ հարուստներին համարելով գծուծ, անսիրտ ու կողոպտիչ: Թաթարական կառավարությունն ու ժողովուրդը համարում է կիսավայրենի բանդա⁵¹: Վրացիներին՝ անկարող ու ծուլ: Հայերին՝ ապագա խոստացող: Ընդունում է, որ հայ կառավարությունը շարունակ լարել է Ղարաբաղի հայ ժողովուրդին քաթար իշխանության դեմ, բայց ավելացնում է, «մեղքը Թոմսոնին և Ադրբեյջանի նահանգապետինն է»:

ՏԵՍԱԿՑՈՒԹՅՈՒՆ

ԻՏԱԼԱԿԱՆ ՊԱՏՎՈՐԱԿՈՒԹՅԱՆ ԸՆԴՀԱՆՈՒՐ

ԽՈՐՀՐԴԱԿԱՆ ԴԻ ՄԱՐՏԻՆՈՒԻ ՀԵՏ

Հուլիս 17, 1919

Գնացի իմանալու, թե որքան ճշմարիտ է իտալական զորքերը Կովկաս փոխադրելու լուրը՝ անգլիականի փոխարեն:

Չրույցի ընթացքում Դի Մարտինո հայտնեց հետևյալը.՝

1. Իտալական զորքերը Կովկաս փոխադրելու մասին լուրջ դիտավորություն կար, և այս մասին առանձնապես պնդում էին անգլիացիք, բայց այժմ այդ որոշումը ետ է վերցված. իտալացիք Կովկաս գնալու չեն:
2. Թյուրքահայ գաղթականների մասին ասաց, թե Կոնֆերանսը հրաման արձակեց հայ գաղթականները տանիլ, վերահաստատել իրենց տեղերը:
3. Ամերիկացի գնդապետ Հասքել նշանակված է Հայաստանի Haut Commissair⁵², պարենավորման և քաղաքական լիազորություններով Conference-ի կողմից:
4. Իմ հարցին՝ Հայաստան ասելով պե՞տք է հասկանալ արդյոք միայն Թյուրքաց Հայաստանը, թե նաև Կովկասյան, Դի Մարտինոն պատասխանեց.
- Հայաստան ասելով հասկանում ենք ամբողջական Հայաստան՝ Կովկասյան և Թյուրքական:

⁵¹ Հրոսակախուժ:

⁵² Բարձր հանձնակատար:

Տուն դառնալով՝ երկտող ստացա Վարանդյանից՝ Լուդոնից, որով նա հաղորդում էր, թե անգլիական Չին. նախարար Չորչիլ Համայնքների Պալատում հայտարարել է թե՛ անգլիական զորքերը Կովկասից քաշվելու են միայն աշնանը և թե այնուհետև Անժովյան ակերում (երկի Բաթումի շրջանում) կմնա 10.000 անգլիական կամավորական բանակ:

Նույն օրը Temps և մյուս քերթերը հաղորդեցին նաև, որ Conférence-ը հրաման է արձակել վրացական կառավարության՝ արգելքներ չհանել Հայաստան անցնող պաշարեղների տրանզիտի⁵³ դեմ:

ՏԵՍԱԿՅՈՒԹՅՈՒՆ
ԼԵՈՆ ԲՈՒԹՈՒԱՅԻ ՀԵՏ

Մեպտեմբեր 30, 1919

Այսօր, առավոտյան ժամը 11-ին, տեսակցություն ունեցա Լ. Բուրժուայի հետ իր բնակարանում (Rue Paluben N.3): Չորույցի նյութը Հայաստանի և հայ ժողովրդի արդի կացությունն էր: Կարդացի նրան Խատիսյանի սեպտեմբեր 10-ի հեռագիրը, մեր պարլամենտի կոչը և Ստ. Մամիկոնյանի մամակը, խնդրելով աջակցել ինձ՝ անմիջական օգնություն ձեռք բերելու համար Conférence-ից և ազդել այդ մտքով Կլեմանտյոյ վրա, որ ըստ երևույթին խույս է տալիս Հայ Պատվիրակության հետ տեսակցություն ունենալուց՝ ներկա փափուկ հազամանքներում:

– Տարաբախտաբար, – ասաց Լ. Բուրժուա, – Ֆրանսիան մեռնակ անգոր է մեր մեծ համակրությանը: Congrès-ը իր ամբողջությամբ պետք է որոշումներ անի ձեզ համար: Ցավալի է, որ աշխարհի քաղաքականությունը այժմ վարում է Անգլիան, իսկ Ամերիկայի Միացյալ Նահանգները նրան աջակցում են: Վիլսոնը ինքնագաղութ վճիռներ է արձակում մեն մենակ և հեռագրական կարգադրություններ անում: Ֆրանսիան անգոր է, բայց և այնպես ձեռք դրությունը անմիջական դարձան է պահանջում անկախ մանդայից: Ամերիկյան մանդան կասկածելի է թվում ինձ: Անմիջական միջոցների թեզյումեն⁵⁴ ունի՞ք:

⁵³ Տարանցիկ փոխադրում, տարանցում:

⁵⁴ Համատուտություն, ամփոփում, ամփոփագիր, ռեզյումե:

Ես տվի պատրաստ թեզյումեն.

1. Ազատ տրանզիտ;
2. Մեր զորքի վերակազմություն՝ զենքով և ռազմամթերքներով;
3. Պարենավորում;
4. Դաշնակիցների միջամտություն ընդդեմ Մուսթաֆա Քեմալի;
5. Մեր անկախության ճանաչում:
– Կուզեի, որ զեք մեր այս օրվան գրույցը գործնական արդյունք տար՝ Չեր ազդու միջամտությամբ, – ասացի:
– Մի քանի օրից նորից հանդիպեցեք ինձ:
Բաժանվեցինք:

Լ. Բուրժուայի տրտույնը՝ Ամերիկայից և Անգլիայից, տարբեր ձևով լավում է և Իտալիայում: Տիտոնին իր վերջին ճառում ակնարկում է այդ՝ ասելով հետևյալը Ֆիումեի առթիվ. «Մենք դիպլոմատիական⁵⁵ պարտություն ենք կրել Conférence-ում, և ոչ միայն մենք, այլ մեզ հետ նաև Ֆրանսիան»:

Ֆրանսիայի պարտությունը կայանում է նրանում, որ նա հակառակ իր բոլոր ճիգերին, չկարողացավ Թյուրքիայի համեմատական ամբողջությունը փրկել: Հայտնի է, որ այդ նպատակով Ֆրանսական կառավարությունը Փարիզ բերել տվեց Թյուրք պատվիրակությունը՝ Ֆերիտ փաշայի նախագահությամբ, որ սակայն ձախողեց շնորհիվ Անգլիայի և Ամերիկայի: Ֆերիտ փաշային հանուն Conférence-ի⁵⁶ Կլեմանտյոյ տված պատասխանը խմբագրել է Բալֆուր: Եվ հետագայում Temps-ը դիպլոմատիական աշխարհին անվայել ոճով երևան հանեց այդ ասելով, թե «այդ փաստաթղթի թարգմանված լինելը ակնհայտ է»:

⁵⁵ Դիվանագիտական:

⁵⁶ Կոնֆերանսի անունից:

Լոնդոն

Հոկտեմբերի 20, 1919

Հոկտեմբերի 12-ին հեռագիր ստացա Լոնդոնի մեր ժամանակավոր գործակալ անգլիացի Ա. Մյուրեից, թե Արտաքին Գործոց նախարար Լորդ Բրոքլինգի կարգադրությամբ ինձ ընդունելու է նախարարի օգնական Սըր Ջոն Թիլլե: Հոկտեմբերի 13-ին մեկնեցի Լոնդոն և 14-ին տեսակցեցի Սըր Ջոն Թիլլեի հետ: Տեսակցությունը անեց մի ժամ ու քառույթ, որի ընթացքում ես ներկայացրի նրան մեր երկրի ու ժողովրդի ճշգրիտ վիճակը և դարձան խնդրեցի անգլիական կառավարությունից: Տպավորությունս այն էր, որ անգլիական կառավարությունը մեր հանդեպ իր թեզերվից⁵⁷ դուրս գալու վրա է:

Իմ գրած խնդիրներն էին՝

1. Տրանզիտի հարցը;
2. Գաղթականների վերադարձը;
3. Մեր երկրի պարենավորումը;
4. Մեր սահմանների ճշտումը մեր հարևանների հետ;
5. Մեր զորքերի նպաստավորումը ռազմամթերքով ու զգեստով;
6. Մեր պետության ճանաչումը, որպես միակ դարձան մեր պետական տնտեսությունը վերականգնելուն՝ փոխառության միջոցով:

Երկու օր հետո գրավոր պատասխան ստացա թե՛

1. Տրանզիտի խնդիրը կարգադրված է անգլիական ներկայացուցչի ջանքերով Հայ և Վրացի կառավարությունների միջև;
2. Սահմանների ճշտումը կկատարի Conférence-ը Հասքելի առաջնորդությամբ;
3. Մեր երկրի պարենավորման համար Լորդ Բրոքլինգը դիմել է Հռոմում գումարված Միջ-Դաշնակից Կոնգրեսին:

Սըր Ջոն Թիլլեից հետո՝ ես տեսնվեցի Լոյդ Ջորջի առաջին քարտուղար Ֆիլիպ Բրոքի հետ: Ես նրան ներկայացրի հետևյալ խնդիրները.

1. Մեր զորքի վերակազմությունը;

⁵⁷ Պահուստ, պաշար, ռեզերվ:

2. Մեր գաղթականների վերադարձը;
3. Մեր սահմանների որոշումը;
4. Մեր պետության ճանաչումը:

Ֆիլիպ Բրոք խոստացավ այս բոլորը ներկայացնել Լ. Ջորջին և խնդրեց միաժամանակ իսկույն իրեն հաղորդել, թե ինչ ծախք կպահանջի 50 հազարանոց հայկական մի քանակ:

Ես խոստացա մեր զինվորական խորհրդականների հետ կազմել և որկել նրան այդ հաշիվը:

Ապա նա հանկարծ ավելացրեց թե՛

– Եթե դուք կամենում եք խորհրդականներ, գրեցեք և այդ:

Վերջին առաջարկն ինձ համար անսպասելի էր և անպացուցանում է, որ Անգլիա, ինչպես վերևում ասացի, մեր հանդեպ թեզերվից դուրս գալու նշաններ է ցույց տալիս:

Իմ հասնելուց 3-4 օր հետո՝ հեռագիր ստացա Օհանջանյանից, թե Պողոս Փաշան նույնպես գալու է Լոնդոն: Այս ինձ համար անսպասելի էր, քանի որ մեկնելիս, հրաժեշտի ժամին նա ինձ ոչինչ չստաց այդ մասին: Պարզ էր, որ իմ մեկնումը Լոնդոն նրան թելադրել էր նույն քանն անել: Անախորժ և մեր Դատի համար այսքան կորստաբեր մրցակցության զգացումը, հակառակ իմ բոլոր ջանքերի, չի թողնում Փաշան: Իմանալով նրա գալու մասին՝ ես վճռեցի ընդհատել իմ տեսակցությունները և սպասել մինչև նա հասնի՝ միասին ու միաբան քայլեր անելու համար: Տարաբախտաբար, Պողոս Փաշան հասավ և առանց ինձ ասելու, տեսակցություն խնդրեց Բրոքլինգի ու զնաց մեմակ:

Բրոքլինգը ասել է հետևյալները. –

1. Ամերիկյան Հայաստանի մանդատն ընդունելու չէ;
2. Թյուրքական և Հայկական Խնդիրները կքննվին ի մոտո, հավանաբար Լոնդոնում;
3. Քանի որ ամերիկյան մանդատ չկա, անհնարին է Մեծ Հայաստան Կիլիկիայով, որը պիտի մնա Ֆրանսիային;
4. Մեր դրությունը ծանրանում է նրանով, որ Մուստաֆա Բեմալը 100 հազար զորք ունի և որևէ պետություն հանձն չի առնի նրան այդտեղից զենքի ուժով հեռացնելու պատիվը:

Հարկ կլինի գործել դիպլոմատիական ճանվով;

5. Ցավ է հայտնել, որ զինադադարի պայմանները լավ չսահմանեցին Հայաստանի գրավումը սկզբից;
6. Գրեթե վճռապես հայտնել է, որ քրդական պետություն պիտի կազմվի Միջագետքի հյուսիսում և շատ զոհ է եղել, որ մենք թուրք ենք ստորագրել քյուրդերի ներկայացուցիչ

Շերիֆ փաշայի հետ, որին, ասել է, սակայն, ես չեմ հավատում և չեմ վստահում;

Ասել է,

7. Որ «ժայերդ պիտի բավականանար Կովկասյան Հայաստանի և Թյուրքաց Հայաստանի երեք վիլայեթների միացումով»;

8. Որ ոչ Անգլիան, ոչ Ֆրանսիան ու Իտալիան չեն կարող ընդունել Հայաստանի մանդատը: Ինչ վերաբերում է փոքր պետություններին, ինչպես Հոլանդիա, Եվեյցարիա, Կամադա և այլն, նրանք չեն կարող, որովհետև Հայաստանում կարգ պահելու համար պետք է 150 հազարնոց բանակ;

9. Ցույց է տվել ապշեցուցիչ անժանոթություն մեր ժողովրդի՝ հայտարարելով թե Հանրապետության սահմաններում հայերի թիվը ընդամենը 400 հազար է (Փաշան հերքել է):

Մեզ խորհուրդ տվին իսկույն դառնալ Փարիզ:

ՏԵՍԱԿՅՈՒԹՅՈՒՆ ՉԱՅԿՆՎՍԿՈՒ ՀԵՏ

Դեկտեմբեր 6, 1919

Չայկովսկին իր մտա ժողովի էր հրավիրել Ռուսաստանի այն ազգերի ներկայացուցիչներին, որոնք «ձգտում են վերստին միանալ Ռուսիային»: Հրավիրել էր և մեզ: Ես ու Համոն⁵⁸ գնացինք մասնավոր գրույցով պարզելու, թե ինչու մենք՝ հակառակ բոլոր համակրության դեպի ռուսները, անկարող ենք հիշյալ ժողովներին մասնակցել:

Ես ասացի, որ անկասկած պ. Չայկովսկին և ընկերները հավատում են մեր զգացումներին դեպի Ռուսիան, որի արագ վերածնությունն ու վերակազմությունը՝ լայն ազատական հիմունքներով, մեր ամենաբուռն իղձն է, քանի որ անկախ Հայաստանը թուրանական ծովի մեջ միայն և միայն Ռուսաստան ունի որպես հենարան: Բայց և ստիպված ենք չմասնակցել «ռուսներին միանալ ցանկացող ազգերի» ժողովներին, քանի որ՝

– Մենք արդեն իսկ միացած ենք Թյուրքաց Հայաստանին և այդ հիմքով է, որ պաշտպանել ենք ու պաշտանում ենք մեր Դատը

⁵⁸ Համո Օհանջանյան:

Conference-ի առաջ: Գրեթե ամբողջ մի տարի մեզ Թյուրքաց Հայաստանին միացած հայտարարելուց հետո, այժմ մեր և մենակ մասնակցել այդպիսի ժողովի, դա կլիներ համազոր վերջին պահուն մեր հայրենիքի խոշոր մասից՝ Թյուրքաց Հայաստանից հրաժարելուն, ինչ որ Դուք, Պ. Չայկովսկի, մեզմից չեք պահանջի և մենք էլ հանձն առնել չենք կարող: Մենք այսուհետև կարող ենք և պետք ենք դաշնակցի լինել Ռուսաստանին, բայց ոչ թե միանալ նրան:

Չայկովսկին պատասխանեց թե՛

Իրավունք ունիք:

ՏԵՍԱԿՅՈՒԹՅՈՒՆ

ԱՄԵՐԻԿԱՅԻ ՊԱՎԻՐԱԿ ՈՒՄՅԹԻ ՀԵՏ

Դեկտեմբեր 8, 1919

Այսօր ճաշից հետո ժամը 3-ին Պողոս Փաշա և ես գնացինք տեսակցության ամերիկյան երկրորդ պատվիրակ Ուայթի հետ: Մեր գրույցի նյութն էր՝ իմանալ, թե ի՞նչ պիտի անենք այն դեպքում, եթե պետությունները, առանց սպասելու Ամերիկայի պատասխանին, ձեռք առնեն ու վճռեն Արևելյան և մասնավորապես Հայոց Հարցը:

Զրույցի ընթացքում Ուայթ հայտնեց հետևյալները.

1. – Անկարելի չէ, որ պետությունները դիտմամբ չկամենան սպասել և վճռեն Հայոց ու Թյուրքիայի Խնդիրները, մասնավորապես Ֆրանսիա, որ այդ միջոցով հույս ունի պահել Կիլիկիան: Դուք գիտեք անշուշտ, – ասաց Ուայթ, – որ Կիլիկիան մենք ենք պահանջել:

2. – Խորհուրդ չէի տա Ձեզ՝ Ամերիկայի մերժումը բացարձակ նկատել և նոր քայլեր առնել ըստ այս համոզումի: Ամերիկան կարող է անակնկալ ձևով հաստատել Դաշնագիրը, թեև, – ավելացրեց Ուայթ, – ես հույս չունեմ, թե նա կընդունի Հայաստանի մանդատը: Իսկ ուրիշ օգնության եղանակ ես տակավին չեմ տեսնում (Իմ խոսքին, թե «Օրինակ՝ Պարսկաստանի և Անգլիայի համաձայնությունը հիմ ունենալով, հնար չէ՝ այդպիսի մի համաձայնությամբ մեզ օգնել», նա ավելացրեց, թե՛ «Այդ անհնարին չէ, բայց դրա համար դարձյալ մեր հասարակական կարծիքի պատրաստություն է պետք»):

3. - Դաշնագիրը կարող է հաստատվել վերապահումներով, ինչպես այդ գրքում է Temps-ը, և դա լավագույնն ձևն է:
4. - Ես հույս ունեմ՝ Ամերիկյա հասներով՝ պարզել շատ բան: Կարծում եմ, որ այնտեղ ձեզ ավելի օգտակար կլինեն, քան այստեղ: Համեմայն դեպս, դուք հուսահատվելու չեք:
5. - Մեր պատվիրակության մեկնելով, - ասաց, - դուք հարաբերություն կպահպանեք մեր դեսպանի հետ, որին մենք կխոսենք այդ մասին:

Հաջորդ օրը Ամերիկյան ամբողջ պատվիրակությունը մեկնեց Փարիզից:

ԿԼԵՄԵՆՏԻՆԵ ԼՈՒԴՈՒՈՒՄ

Դեկտեմբեր 10, 1919

Այսօր իմանալով, որ Կլեմանսոն Բերքլայի հետ Լ. Ջորջի հրավերով մեկնում է Լոնդոն, ուր պիտի քննվի, ի միջի այլոց, և Թյուրքական Պրոբլեմը⁵⁹, հետախոսով խնդրեցի Պողոս Փաշային, որ մենք երկտով անմիջապես մեկնենք Լոնդոն: Եվ ավելացրի, որ նույնիսկ այն դեպքում, որ մեր ճամփորդությունը անհետևանք մնա, դարձյալ մեզ վրա պատասխանատվություն կա անպատճառ այս պահուն Լոնդոն գտնվել: Պողոս Փաշան առարկեց, թե անօգուտ է այդ ճամփորդությունը, որովհետև

1. Կլեմանսոն կլինի Լոնդոնում հինգշաբթի ու ետ կգա շաբաթ. այդքան կարճ ժամանակում անհնարին է Արևելյան Կնճիղը քննել:

2. Որչափ ինքը գիտե, Արևելյան Հարցի համար չէ, որ Կլեմանսոն գնում է, այլ ֆինանսական խնդիրների և, մեկ էլ, Գերմանիայի համար:

Փորձեցի համոզել, որ սխալվում է. իզուր անցավ: Հայտարարեցի, թե ես գնում եմ: Գնալու իմ որոշումը նրան շատ դժկամակեց: Տոմսակն առա և չորեքշաբթի երեկո գնացի Պողոս Փաշային մնաք բարևի, որ հինգշաբթի առավոտ մեկնեմ: Նա նորից սկսեց ինձ համոզել, թե ես սխալ եմ գործում գնալով, թե այդ ճամփորդությունից բան դուրս չի գա, թե Կլեմանսոն շուտով ետ պիտի գա, թե Կլեմանսոնի շատ մոտիկ մի մարդ իրեն այդպես է ասել: Եվ

⁵⁹ Խնդիր, հարց:

երբ ես առարկեցի դարձյալ, նա մեջտեղ նետեց մի արգումենտ, որ ինձ ճնշեց: Նա ասաց.

- Չեր ճամփորդությունը Լոնդոն դիմապես օգտակար չի լինի, այլև վնաս կբերի, քանի որ Կլեմանսոն, որ առանց այն էլ մեզ հետ լավ չէ, պիտի նկատի որպես մի act inamicale⁶⁰ գնալ նրա քթի տակ տեսակցության անգլիացոց հետ. ավելի լավ է չգնաք:

Ես զիջեցի վերջին արգումենտին. տոմսակը ետ տալ տվի:

Երբ Կլեմանսոն 4 օր հետո վերադարձավ, հասկացա, որ մեծ սխալ էր չգնալը իմ կողմից և ես պիտի շնքի Փաշային, որ ինքը կնոջ պատճառով անկարող տեղից շարժվելու, ինձ էլ դիտմամբ խափանեց գնալ:

⁶⁰ Անբարյացակամ ակտ:

ՏԵՍԱԿՑՈՒԹՅՈՒՆ

Ա. ՔԱՐՏՈՒՂԱՐ PHILIPPE KERR-Ի ՀԵՏ

Լոնդոն

Հունվար 6, 1920

Ես հարցրի Կիլիկիայի մասին: Վերջում եմ գլխով իջնում և ասում եմ: Philippe Kerr (Ֆիլիպի Էրր). - Կիլիկիայի խնդիրը մեր և ֆրանսացիների մեջ կարգադրված է վերջնականապես: Կիլիկիան թողնելված է Ֆրանսային: Մենք չէինք կարող ուրիշ կերպ վարվել, որովհետև ամերիկյան մանդան Հայաստանի վրա այլևս անհույս է: Այստեղ ես տեսել եմ մի շարք ամերիկացիների, որոնք բոլորը միաբերան վկայում են, որ միանգամայն հոգնած են Եվրոպայի այս անմիտ միջամտություններից և կուզեին վերջ տալ այդ դրությամբ:

Ես. - Մենք ստիպված ենք այսպիսով անել bonne mine à mauvais jeu⁶¹. Իսկապես էլ գոհ ենք: Եթե Կիլիկիան մեզ չպիտի հասնի, գոնե թյուրքերին չմնա, այլ Ֆրանսիային: Այս նոր պայմաններում, սակայն, կուզեինք գեթ՝

ա) Ֆրանսիային թողված տերիտորիային սահմանակից լինել,

բ) հայ բնակչության ազգային շահերը ապահովված տեսնել մի թեժիմով⁶², որ համապատասխան լիներ Ֆրանսիայի մեզ արած խոստումներին այս մասին.

գ) քանի որ մենք այսպես հեղանում ենք Միջերկրական ծովից, Ֆրանսիան բարի գտնվեր մեզ երկաթուղային ելք տար դեպի Միջերկրական ծով:

Ֆիլիպի Էրր. - Այդ բոլորի մասին համաձայնության գալու է Ֆրանսիայի հետ:

Ես. - Այո, բայց ձեր աջակցությունը մեր ճիգերին՝ արդյունք կտա և կապահովե: Հետո, Կիլիկիայից դուրս մնացած մեր 6 վի-

լայեքները անշուշտ մեզ պիտի պատկանեն և պիտի կցվեն Հայաստանին: Այնպես չէ՞:

Ֆիլիպի Էրր. - Չեմ կարող ասել, բայց Հայաստանի երկու հատվածները պիտի միանան: Այս մասին կարող եք հանգիստ լինել:

Ես. - Շնորհակալ եմ: Բայց մենք անհանգիստ ենք մեր շրջապատի պատճառով: Մի կողմից Մուստաֆա Բեմալ, մյուս կողմից Ադրբեյջան, իսկ հյուսիսից բուլղարիկյան մոտեցող քառու: Իրերի այս կացության մեջ արդյոք Անգլիայի շահերը չե՞ն պահանջում ռազմամերքով և նյութական միջոցներով կազմակերպել մեր բանակը:

Ֆիլիպի Էրր. - Այս մասին անպատճառ խոսեցեք Չինվորական նախարար Չըրչիլին և պարզեցեք ասիական մեր տիրապետություններին սպառնացող վտանգը: Առայժմ շատ կխնդրեի պատասխանել. ի՞նչ մերշնչում կարող էիք մեզ անել այն պարագային, եթե Մուստաֆա Բեմալ չկամենա դատարկել թյուրքահայ նահանգները ձեզ հանձնելու համար: Նկատի առեք, որ զինվորական կամ քաղաքական ճնշում չենք կարող գործ դնել ո՛չ Պոլսում, որ արդեն մեր ձեռքն է, ո՛չ էլ Թյուրքիայի այն մասում, որին Դաշնակիցները տիրել են:

Ես. - Նախքան Ձեր հարցին պատասխանելը՝ պարզեք, թե ինչ ուժ է ներկայացնում Մուստաֆա Բեմալ: Չգիտեմ, ինչ է Ձեր կարծիքը, բայց մեր զինվորական կայանի տեղեկությանց նայելով՝ Մուստաֆա Բեմալի շարժման մեջ պղծք⁶³ մեծ բաժին ունի: Նրա զորքի թիվը 10-12 հազարից չի անցնում, այն էլ վատ հագված, վատ պատրաստված: Մեկ-երկու հազար էլ քրդական հեծելազորք կարող է լինել: Համենայն դեպս, 15.000-ից ավելի չի լինի մեր շրջաններում. նույնքան էլ հույների դեմ: Այդպես եր վկայում մակ ամերիկյան զինվորական միսիայի⁶⁴ պետ, զորավար Հարբորթ: Արդարև, եթե Մուստաֆա Բեմալի ուժը մեծ լիներ, նա հանգիստ չէր լինի մինչև այժմ: Բայց և այնպես 15.000-ը նույնպես ուժ է:

«Դուք հարցնում եք, թե ի՞նչպես կարելի է հեռացնել այդ ուժը: Արդարև այն կլիներ, որ ասեի թե՛ Դաշնակիցները պարտական են օգնել մեզ իրենց զորքով՝ դուրս քշելու համար թյուրքերը մեր հայրենիքից, քանի որ հայերը ձեզ համար չորս տարի անձնավիրաբար կռվեցին: Բայց ես գիտեմ, որ ո՛չ դուք ձեր սկզբնապիսի-

61 վատ խաղն մը գոհ երևիլ:

62 Ռեժիմ, վարչածև:

63 Բլեք, բլաք - հակառակ կողմին ուժեղ երևալու սնապարծ հեղափոխանիրական ուժի հորինվածք:

64 Առաքելություն:

ներին⁶⁵ կողարկեր Հայաստան, ո՛չ Ֆրանսիան իր բրիտանացիներին⁶⁶ և ո՛չ էլ Իտալիան իր լոմբարդացիներին⁶⁷: Հետևաբար ես Չեզ կասեմ. Եթե դուք զսպեք մեր թիկունքում Ադրբեյջանը և մեզ նյութապես հնարավորություն տաք վերակազմելու մեր բանակը, կարող եմ Չեզ վստահեցնել, որ մենք կարող ենք Մուստաֆա Քեմալը դուրս հանել մեր սահմաններից:

Հարց. - Դուք ո՞րքան զորք կարող եք ունի հանել:
Պատասխան. - Ոչ ավելի քան 40.000: Միայն այս քառասուն հազարի համար է, որ եկած եմ խնդրելու Անգլիայի աջակցությունը:

- Խոսեցեք Չորչիլին, - ասաց Ֆիլիպի Քոլ, - Ես էլ իմ կողմից կխոսեմ Լոյդ Ջորջին: Երեք օրից Լոյդ Ջորջ, Քոլզըն, ես և ուրիշներ գնում ենք Փարիզ՝ քրքրական և ձեր գործով զբաղվելու: Եկեք և Դուք, անպատճառ: Առայժմ ավել ինձ Փարիզի Ձեր հասցեն:

ՆԱԽԱՃԱՇ

FITZ-MAURICE-ի ԵՎ ԳՆԴԱՊԵՏ MALLO-ի ՀԵՏ

Լոնդոն

Հունվար 6, 1920

Պարլամենտի անդամ Ֆից-Մորիսը՝ Բրիտանիո Պոլիսի դեսպանատան նախկին քարզման, լավ գիտե Արևելքը, հայերին և Հայկական Հարցը: Գանաչել է մասնավորապես Վարդգեսին, Փաստորմաճյանին և Ջոհրապին: Իրլանտացի⁶⁸ է. սրամիտ, իրոնիկ⁶⁹, ըմբոստ՝ կառավարության դեմ:

Չի հավատում, որ անգլիական կառավարությունից որևէ բարիք կգա: Իր գրույցը չափազանց հետաքրքրական է, բայց առանց գործնական արժեքի, այլ որպես հաճելի ժամանց:

Գնդապետ Մալլո հետաքրքրված է բոլշևիկներով: Ինքը բոլշևիկ չէ, բայց նրանց հաջողությունները ծափահարող է: Նրա կարծիքով, Դեմիկիների պարտությունից հետո՝ պետությունները ստիպված պիտի լինեն երեք ամսից հարաբերության մեջ մտնել

⁶⁵ Շտրանդացիներ:

⁶⁶ Բրիտանացիներ:

⁶⁷ Լոմբարդացիներ:

⁶⁸ Իռլանդացի:

⁶⁹ Հեզանդ:

սովետների հետ և հավանականաբար հաշտություն կնքել: Միաժամանակ, ասում է նա, կճանաչվեն Ռուսաստանից անջատված մանր պետությունները:

ՏԵՍԱԿՑՈՒԹՅՈՒՆ

ԳՆԴԱՊԵՏ GRIBEN-ի ՀԵՏ

Լոնդոն

Հունվար 7, 1920

Գնդապետ Գրիբեն Արտաքին Գործոց նախարարության զինվորական կարևոր խորհրդականն է: Նրան են ենթարկվում Արևելքի քաղաքական կազմակերպությունների գործերը: Մա իմ երկրորդ տեսակցությունն է նրա հետ:

Երկու օր առաջ տեղի ունեցած առաջին գրույցի նյութն էր մեր գործի վերակազմությունը, որ նա էլ գտնում է անհետաձգելի և անհրաժեշտ՝ խոստանալով իր լիակատար աջակցությունը:

Այս երկրորդ տեսակցությունը առաջինի շարունակությունն էր: Գնդապետի կարծիքով Մուստաֆա Քեմալ 15.000-ից շատ ավելի պակաս զորք ունի: Գլխավորը մեր բանակի վերակազմությունն է, որի մասին նա պատրաստում է զեկույց Արտաքին և Ջինվորական նախարարությունների համար: Այս առթիվ կուզեք ունենալ լրիվ տեղեկություններ:

Հարց. - Այս պայմանների մեջ Մուստաֆա Քեմալ կարո՞ղ է անցնել Հայաստան:

Պատասխան. - Հավանորեն ո՛չ: Մեր լեռները, մեր դժվարին ճամփաները ձմռան զինվորական շարժումները դարձնում են համարյա անհնարին:

Գնդ. Գրիբեն. - Այդ լավ է. հետևապես մենք մեր առջև ունինք 3 ամիս՝ հայկական զորքի վերակազմության համար: Կարո՞ղ եք ասել, թե որքան զորք կարելի է ունի հանել:

Ես. - Եթե լայն օգնություն լինի, կարծում եմ 40.000:

Գրիբեն. - Կարո՞ղ եք կերակրել այդ զորքերը, որովհետև մենք կուզենք զբաղվել զինվորական և հագուստների հարցերով:

Ես. - Եթե Ամերիկյան այսպես շարունակի իր օժանդակությունը, հույս ունեմ, որ կկարողանանք:

Գրիբեն. - Կարո՞ղ եք ասել, թե ո՞րքան ժամանակ կարող եք ձեր գործը զենքի տակ պահել: Ես ստուգապես գիտեմ, որ հույն զինվորները խստորեն տրտնջում են այս հարատևող կոիվներից:

Ես. — Հույների և մեր քաղաքական կացության միջև մեծ տարբերություն կա: Նրանք ճգնում են ձեռք բերել, մեծացնել արդեն գոյություն ունեցող իրենց պետությունը, մինչդեռ մեր ժողովուրդը աշխատում է ազատվել բրքական լուծից և պահպանել իր գոյությունը: Հոգեբանական այս դրությունը ընդունակ է մեր զորքերին մղել բյուրքերի դեմ պայքարի, մինչև իսպառ ազատվենք բրքական վտանգից...

Գրիբեն. — Իրավ է, այդ հասկանում եմ: Ո՞րչափ մեքենա և վագոններ ունիք:

Ես. — Մեր ունեցածները քիչ են: Երկաթուղային գծերը մեծ մասով մնացին Վրաստանին և Ադրբեյջանին: Դուք կարող եք նրանցից առնել մեր բաժինը:

Գրիբենը տվեց մի քանի այսպիսի գործնական այլ հարցեր, որոնց ես պատասխանեցի և նրան տվի զինվորական դրության մասին մի աշխատություն, որ պատրաստել էր գեներալ Ղորղանյանը:

Որովհետև նույն օրը Արտաքին Գործերի նախարարը քաղաքում չէր, ես տեսնվեցի Sir John Tilley-ի հետ: Քրդզընի տալու համար Ղարաբաղի մասին նրան համձնեցի մի նոթ⁷⁰, որով, պաշտպանելով մեր իրավունքը պատմական և այլ տեսակետներից, ցուցահանում էի այն մեծ վտանգը, որ սպառնում է Հայաստանին, եթե Ղարաբաղի Լեռնաստանը գրավվի թաթարներից:

Ներկայացրի նաև մի ուրիշ նոթ, որ հերքումն էր Քրդզընի վերջին ճառի այն մասի, որ նա ասում է, որ Հայաստանի Հանրապետության մեջ տեղացի հայերի թիվն է 500.000, իսկ բրքահայ գաղթականների՝ 150.000: Իմ թղթով ես տվի հայերի ճշգրիտ թիվը՝ հաստատված ռուսների և մեր կողմից:

Նախարարին տվի նաև Հայաստանի ազգագրական մի հանդես:

ՏԵՍԱՎՅՈՒԹՅՈՒՆ ՉԸՐՉԻԼԻ ՀԵՏ

Լոնդոն, հունվար 8, 1920

Տեսակցության նպատակն էր նրանից խնդրել մեր բանակի համար գեներ և ռազմամթերք:

⁷⁰ Նշում գրառում, տեղեկագիր:

Ես նրան ասացի:

«— Որ. նախարար, այս պատերազմի ընթացքում հայերը երկու անհերքելի ապացույցներ տվին:
1. անվերապահ կերպով անձնատուր եղան Դաշնակիցներին,
2. զիստեն արիաքար կռվել, երբ նրանց տրվեց անհրաժեշտ միջոցները:

Տարաբախտաբար զինադադարի շրջանում Դաշնակիցները պետք չտեսան հայ ժողովրդի այդ երկու տվյալները ի սպաս դնել Արևելքի խաղաղության գործին և Հայաստանի ազատության: Մեր բոլոր դիմումները՝ մեր զորքին օգնություն հասցնելու մասին, մնացին անհետևանք: Այժմ, երբ բոլշևիկների առաջխաղացումով Արևելքը կանգնած է ընդհանուր շփոթի նախօրյակին, որից պիտի տուժեն ոչ միայն հայկական, այլև Դաշնակիցների և մասնավորապես Անգլիայի շահերը, կարծում եմ, որ բանակի վերակազմությունը պետք է նկատվի անհետաձգելի:

Խնդրեմ այս առթիվ նկատի առնել, որ Մուսթաֆա Քեմալ իր հրոսախուժներով հարավից սպառնում է թե՛ Հայաստանի և թե՛ Դաշնակիցների շահերին: Արևելքում Ադրբեյջանը՝ բյուրքերի բնական դաշնակիցը, օգտըվելով Հայաստանի ծանր դրությունից և Դաշնակիցների անտարբերությունից, գրավեց Ղարաբաղի բարձրավանդակը, որտեղից նա սպառնում է Հայաստանին:

Մյուս կողմից հառաջանում են բոլշևիկները, որոնց առաջ բերած շփոթը կարող է ազդանշան դառնալ բյուրքերի և թաթարների՝ Հայաստանի վրա հարձակման՝ պանթուրանիզմի և պանիսլամիզմի գաղափարը իրականացնելու համար:

Նկատելով այս բոլոր պայմանները, ես շատ եմ խնդրում, որ վերջապես հնար տրվի մեզ վերակազմելու մեր բանակը, հասցնելով այն մինչև քառասուն հազարի: Նման մի ուժ միայն կարող է ազատել հայ ժողովուրդը անխուսափելի կատաստրոֆից⁷¹: Խնդրում եմ Ձեր աջակցությունը»:

Չորչի պատասխանեց.

«— Ես ընթրում եմ դրության լրջությունը: Ցավում եմ, որ ես մեճակ իրավասու չեմ Ձեզ գոհացում տալու: Եթե ես այդչափ իրավագոր լինեի, Դեմիկինը այդպես չէր պարտվի: Տարաբախտաբար, պետությունները չուզեցին հասկանալ, որ Դեմիկինի գոյությունը ամենքին հարկավոր է: Նա մի հովանոց էր, որ շատերին էր ծածկում: Մենք պետք եղած օգնությունը չհասցրինք նրան: 20 մետր անդունդի վրա 10 մետր տախտակ չեն ձգի:

⁷¹ Աղետ:

Արդյունքը մեր աչքի առաջն է: Հուսամ՝ պետությունները շուտով զգաստանան: Բարեբախտաբար Դենիկիևի զորությունը իսպառ փչացած չէ: Նա նահանջել է քաղաքական կանոնավոր կերպով:

«- Գարով ձեր խնդրին, հավատացեք, որ ծանոթ եմ ձեր զոհաբերություններին և սրտանց համակիր եմ ձեզ: Իսկույն ներկայացրեք ինձ մի նոթ՝ ձեր պետքերի մասին: Ես երկու օրում կուտում-նասիրեմ ձեր պահանջները և իսկույն կներկայացնեմ մեր կառավարության: Խոստանում եմ լինել ձեզ համար լավ կանաչ?»:

Ես պատասխանեցի.
«- Պր.Նախարար, ես կխնդրեի որ լինեիք ոչ միայն կանաչ, այլև փաստաբան մեր պետքերի և մեր վիճակի:

Չորչիլ.
«- Իսկույն ներկայացրեք Ձեր նոթը: Ես խոստանում եմ անել այն, ինչ որ ինձանից է կախված: Եվ խնդրեմ, հավատացեք իմ խոր համակրանքին դեպի հայ ժողովուրդը:

Չորչիլ երիտասարդ և եռանդուն մարդ է և խիստ համարձակ իր որոշումների մեջ:

Մեկնելուց առաջ ես նրան թողեցի մի Note Verbal⁷² մեր գրույցի մասին և հաջորդ առավոտն իսկ ես նրան ուղարկեցի մեր զինվորական պետքերի համար զորավար Ղորղանյանի պատրաստած մի փաստաթուղթը՝ քառասուն հազարնոց մի քանակի պահանջների վերաբերյալ:

Նույն օրը վերադարձա Փարիզ, ուր եկան նաև Անգլիայի կարևոր նախարարներ՝ Լլոյդ Չորչի հետ միասին:

ՏԵՍԱԿՅՈՒԹՅՈՒՆ ԲԵՐԹՈՒՆ-Ի ՀԵՏ
(Ենթաքարտուղար Արտաքին Գործերի)

Հունվար 25, 1920

Փարիզի և Լոնդոնի միջև կնքված Փարիզ Այս տեսակցությունը տեղի ունեցավ Արտաքին Գործոց նախարարության մեջ: Պողոս Փաշան և ես հարցրինք նախ քան որո՞նք են Ֆրանսիայի ծրագրերը Կիլիկիայի վերաբերմամբ: Ավելացրինք, որ մենք ուրախ կլինենք տեսնել Ֆրանսիան Կիլիկիա-

⁷² Ջրանցք, միջնորդ, միջոց, ուղի:

⁷³ Հուշագիր, քառասուն գրառում:

յուն, քանի որ մենք ամերիկյան մանդատ չունինք. միայն կխնդրեինք՝

1. Ֆրանսական տիրապետությունը սահմանակից լինի Հայաստանին, որպեսզի մենք Թյուրքիայով չբաժնվենք և հնար ունենանք ի հարկին հենվել Ֆրանսիայի վրա և մյուս կողմից զատել Թյուրքիան ասիական մնացած մահմեդականներից;

2. Խուսափելու համար քրքական բոլոր ինտրիգներից, Կիլիկիան իսպառ ազատել քյուրք վարչությունից և նկատել որպես ոչ-քյուրքական հող և ըստ այնմ կառավարել, հենվելով ավելի շատ հայ տարրի վրա, որի անկեղծությունն ու հավատարմությունը դեպի Ֆրանսիան կասկածից դուրս է;

3. Հայաստանին տնտեսական ելք տալ դեպի Միջերկրական Կիլիկիայի միջոցով;

4. Աջակցել մեզ իրագործելու Հայաստանի միությունը հյուսիսում և, որ գլխավորն է, ստանալ սեփական ելք դեպի Սև ծով:

Բերքլոյ պատասխանեց.—

1. Մենք Կիլիկիայում կմնանք և անպայման սահմանակից կլինենք Հայաստանին. կարող եք ապահով լինել:

2. Կիլիկիայում քյուրքական վարչություն պահելու չենք:

3. Տնտեսական ելք Կիլիկիայի միջով դեպի Միջերկրական հնարավոր է;

4. Դուք կունենաք Միացյալ Հայաստան կովկասյան հատվածի հետ: Չեմ կարող ասել, թե Թյուրքիայի ո՞ր մասը ձեզ կանցնի. դա դեռ որոշված չէ,— Conférence-ից կախում ունի,— բայց դուք կստանաք Էրզրումը, սակայն ելք դեպի Սև ծովը տակավին խնդիր է, և ես այդ մասին ոչինչ ասել չեմ կարող:

Բերքլոյն այդ օրը թվում էր շատ սիրալիր և մենք ստացանք այն տպավորությունը թե Ֆրանսիան օգնելու է մեզ:

— Գրավոր խոստում ունի ք:

— Ոչ,— պատասխանեց Փաշան:

Լորդ Անդր ժպտաց քարեմտորեն:

Փետրվար 20, 1920, Լոնդոն

Այս երկրորդ տեսակցությունը տեղի ունեցավ Լոնդոնում, «Հայդ Փարք» հյուրանոցում: Պողոս Փաշան ու ես հարցրինք, թե քանի որ այժմ Կոնֆերանսը զուսարված է Լոնդոնում, կխնդրեինք իմանալ, արդյո՞ք այր. Բերթրլոն-ի նախկին հայտարարությունները իրականանալու են թե ոչ, և ինչ վիճակում է դեպի Սև ծով ելքի խնդիրը:

Բերթրլոն չափազանց կոշտ էր ու սակավախոս:
- Դուք ստիպում եք ինձ հայտարարություններ անել,- ասաց նա անհանգիստ տոնով,- որ ես չեմ ուզում անել:

Ներեցեք, պարոն Բերթրլոն,- պատասխանեցի,- մեր գալու նպատակն այդ չէ: Մենք զիտենք, որ այս օրերս վերապահումներ անելու ստիպված եք, բայց կխնդրեինք լսել մեր բացատրությունները մի քանի խնդիրների մասին, որոնք մեր կարծիքով կենսական նշանակություն ունեն մեր պետության և մեր ժողովրդի համար, ինչպես օրինակ՝ մեր ելքը դեպի Սև ծով:

- Ըվեյցարիան ապրում է առանց ծովի,- պատասխանեց Բերթրլոն չոր տոնով:

- Ըվեյցարիան գտնվում է Եվրոպայի սրտում, շրջապատված քաղաքակիրթ պետություններով, անալոգիան համոզիչ չէ: Վերջապես, մենք պատերազմից առաջ օգտվել ենք և՛ Թյուրքիայի ծովային ճանփաներից, և՛ Ռուսիայի: Այժմ մեզ այն երկու պետությունների լծից ազատելով քաղաքակնամապես, անարդար և հակասական կլինի դնել տնտեսական լծի տակ՝ մեր բոլոր թշնամի հարևանների:

Զգիտեմ. Կոնֆերանսը կտեսնե: Մյուս խնդիրները նույնպես, ես ոչինչ ասել կարող եմ: Դեռ ոչինչ որոշված չէ: Մենք մենակ չենք: Ֆրանսիան միայն անդամ է Կոնֆերանսի,- եղավ Բերթրլոն-ի պատասխանը:

Մենք տեսանք որ անօգուտ է պնդել: Դուրս եկանք ամենաժանր տպավորությամբ: Եվ Պողոս Փաշան, երբ արդեն դուրս էինք եկել դռնից, դարձավ ինձ և հակառակ իր սովորության՝ հայերեն ասաց.

- Գեշ, գեշ, գեշ:

73 Տես նաև: Գրեյնո, Գրեյ, 207:
74 Հուլիանի, քառյակ 404-ում:

Փետրվար, 22, 1920
Լոնդոն

Լորդ Բոբերթ Սեսիլ Սոլյուսիքիի երկրորդ որդին և Համայնքների Ժողովի ամենաազդեցիկ անդամն է, Լյոյդ Ջորջի հակառակորդը և ասում են հավանական հաջորդը: Համայնքների Ժողովում թե դրսում, նա մեր ամենաեռանդուն պաշտպանն է եղած, մասնավորապես մեծ ծառայություն մատույց իր ժամանակին հերքելով Բաքվի կռիվների ժամանակ մեր կամավորների ու զինվորների մասին չարամտորեն տարածված արտաբերք⁷⁴: Դեռ անցյալ անգամ Լոնդոն եղածս պահում խնդրել էի տեսակցություն: Լորդ Սեսիլ իսկույն պատասխանեց՝ ժամ և օր նշանակելով, որից ես անկարող եղա օգտվել, որովհետև ստիպված էի շտապով դառնալ Փարիզ, ուր սկսվեցին Կոնֆերանսի նիստերը: Հաղորդեցի այդ մասին Լորդ Սեսիլին և մեկնեցի: Այս անգամ Լոնդոն հասնելով, հիշեցրի իր առաջին խոստումը և խնդրեցի տեսակցություն այս անգամ իմ և Փաշայի համար միասին: Լորդ Բոբերթ Սեսիլ սիրալիկ կերպով իսկույն պատասխանեց, թե պատրաստ է մեզ ընդունել:

Մենք հայտնեցինք մեր մտահոգությունը՝ ֆրանսիական մամուլի մի քանի խոշոր օրգանների ընթացքի մասին,- բյուրքասիրական հովը շատ ուժեղ է ֆրանսիական պաշտոնական շրջաններում,- և երկյուղ հայտնեցինք, որ Լյոյդ Ջորջը կարող է մեզ զոհ քերել անգլո-ֆրանսիական բարեկամության: Միաժամանակ ներկայացրինք մեր պահանջները՝ քարտեզը փռած:

Փաշան, հակառակ իմ տեսակետի, դարձյալ ընդարձակորեն խոսեց Կիլիկիայի մասին՝ ցույց տալու համար, թե Ֆրանսիան պարտական է Կիլիկիան նկատել որպես հայ երկիր՝ իր մանդատի տակ, թե նա իրեն՝ Փաշային խոստացել է հայերի ինքնավարություն Կիլիկիայում:

Լորդ Սեսիլ ընդհատեց հարցնելով.
- Գրավոր խոստում ունի՞ր:
- Ոչ,- պատասխանեց Փաշան:
Լորդ Սեսիլ ժպտաց բարեմտորեն:

74 Անհերքություն:

Ես խնդիրը դարձրի մյուս պահանջներին, մասնավորապես այն կարևոր կետին, որ մեր և ֆրանսիական տիրապետության միջև թուրքական որևէ զոհա⁷⁵ չլինի:

– Կարծու՞մ եք, որ դա վնաս կլինի ձեզ:

– Անշուշտ, – պատասխանեցի, – բանի որ այդպիսով Թյուրքիան հարաբերության մեջ կմտնի մնացած իսլամ երկրների, – Մյուրիայի, Միջագետքի, Արաբիայի հետ, ինչ որ շատ վտանգավոր է, և մենք կտրված կլինենք մի քաղաքակիրթ երկրից, որպիսին է Ֆրանսիան:

– Այո, – ասաց Լորդը, – բայց եթե դուք փոքրիկ կորրիդոր⁷⁶ չձեռք բերեք, միանալու համար իրենց կրոնակիցներին, նրանք պիտի ձգտեն բանալ այդ կորրիդորը: Եվ հետո այս շրջանում (նա ցույց տվեց Կիլիկիայի և Մեծ Հայաստանի միջև ընկած զոհան), որչափ զիտեմ, պատերազմից առաջ ևս շատ հայ չկար:

Մեր առարկությունները նրան չհամոզեցին այս խնդրում: Մնացած բոլոր հարցերում, – Միացյալ Հայաստան, էլք դեսի ծով, ստրատեժիկ⁷⁷ սահման արևմուտքում, Էրզրումի և Երզնկայի տիրապետություն, – նա ընդունեց մեր տեսակետը և խոստացավ իր լիակատար աջակցությունը:

Երկու օր հետո՝ թերթերում լույս տեսավ պարլամենտական Արտաքին գործոց Հանձնաժողովի որոշումը Հայաստանի մասին, և այնտեղ ընդունված էին կետ առ կետ մեր պաշտպանած բոլոր պայմանները:

Ահա այդ որոշումի քարգմանությունը:

Լոնդոն

Փետրվար 24, 1920

«Պարլամենտի Արտաքին գործերի Հանձնաժողովը, քաղկացած տարրեր հոսանքների պատկանող անդամներից և փետրվար 23-ին հավաքված Համայնքների Տան մեջ, ընդունեց հետևյալ բանաձևը. –

«1. Հայաստանի մանուկ Հանրապետությունը Մե ծովի վրա պետք է ունենա իր էլքը:

«2. Նորին Վեհափառության կառավարությունը որոշած է քաջալերել Կիլիկիայում անջատ ու ոչ-թրքական մի պետության կազմությունը՝ Տավրոսի ու Ամանոսի միջև, և եթե հնարավոր է, ֆրանսիական մանդատի տակ:

⁷⁵ Գոտի, տարածաշերտ:

⁷⁶ Միջանցք:

⁷⁷ Ռազմագիտական, ստրատեգիկ, ռազմավարական:

– (Խմբագրելով վերի բանաձևը, Հանձնաժողովը ցանկանում է արձանագրել իր այն համոզումը, թե նոր պետությունների միջև անհրաժեշտ է ապահովել առևտրական ամենաազատ հարաբերություններ:)

«3. Թյուրքերի հետ կնքվելիք դաշնադրությունը պետք է պարունակե այնպիսի պայմաններ, որոնք հնարավոր կդարձնեն Թյուրքիայից հեռանալ ցանկացող հայերի գաղթը՝ կատարյալ ապահովությամբ և առանց արգելքների»:

Այս որոշումը, ինչպես իմացանք, անցել է Լորդ Բոբերթ Սեսիլի պնդումով, և դա արտահայտում է Անգլիական Արտաքին գործոց նախարարության տեսակետը մեր հարցի մասին:

Չրույցի վերջում Լորդ Սեսիլ խնդրեց իրեն տեղեկություններ տալ մեր հին ու նոր գրականության մասին:

– Ես գիտեմ, – ասաց նա, – որ դուք հարուստ գրականություն ունիք, բայց տակավին կան անգլիացիներ, որոնք հերքում են այդ:

Պողոս Փաշան ցույց տվեց ինձ, հայտնելով, որ ես կարող եմ լիակատար տեղեկություն տալ այդ մասին:

Ես խոստացա գրավոր ներկայացնել, ինչ որ արի:

ՏԵՍԱԿՑՈՒԹՅՈՒՆ

ԻՏԱԼԱԿԱՆ ԱՐՏԱՔԻՆ ԳՈՐԾՈՑ ԼԱՄԱՐԱՐ

ՇԱՅՈՒԱՅԻ ՀԵՏ

Լոնդոն

Փետրվար 23, 1920

Հայտնեցի, որ Հռոմ եղա և տարաբախտաբար անկարող եղա իր հետ տեսակցել իր բացակայության պատճառով: Տեսա կոմս Մֆորցան, որ ցանկություն հայտնեց տեսնել Հռոմում մեր ներկայացուցիչը: Ես խոստացա և այս օրերս մեր ներկայացուցիչը գնաց Հռոմ: Խնդրեցի պր. նախարարի սիրալիք ուշադրությունը և այն թե՛ կա՞րողք որևէ ձևականություն, որ պիտի կատարվի:

Պր. Շայրլա շատ գոհ մնաց Վարանդյանի անվանումից և

արտահայտեց իր ուրախությունը, որ մենք ունինք մեր ներկայացուցիչը Հոռմուն:

Ապա անցանք մեր պահանջներին: Իր աջակցությունը խնդրեցի: Նա խոստացավ և ավելացրեց, որ մենք ծով կունենանք: Խոսքի մեջ հասկացրեց, որ ֆրանսիացիք են մեզ հակառակ:

ՏԵՍԱԿՑՈՒԹՅՈՒՆ ՎԵՆԻՉԵԼՈՍԻ ՀԵՏ

Փետրվար 24, 1920

Լոնդոն

Պողոս Փաշան երեկ ինձ հայտնեց, թե հունական դեսպան (Փարիզի) Բոմանոս իր մոտ եկավ և հայտնեց, որ իրենք՝ հույները դեմ չեն, որ մենք պահանջենք Տրապիզոնը որպես ելք և թե իրենք մեզ աջակցելու են: Մենք որոշեցինք՝ Փաշան ու ես, Վենիզելոսին տեսնել և խնդրել, որ այդ աջակցությունը լինի իր կողմից դիմումի կերպարանքով Conférence-ին, ինչպես որ մի անգամ նա արդեն արել է Խաղաղության Conférence-ի նիստերից մեկում, ինքնաբերաբար հայտարարելով. «Il faut donner Trebisonde aux Arméniens, ils l'ont bien merité»⁷⁸:

Վենիզելոս, ինչպես միշտ, շատ սիրալիկ կերպով ընդունեց Փաշային և ինձ: Մենք արինք մեր առաջարկը, ավելացնելով՝ որ մենք չէինք կամենա մեր որևէ պահանջով տհաճություն պատճառել հույներին և իրեն՝ Առաջին նախարարին: Վենիզելոս հայտնեց, թե իր զգացումներն ու գաղափարները երբեք չեն փոխվի մեր հանդեպ. բայց հակառակ իր արած առաջին հայտարարության, ինք այժմ անկարող է այդ հարցում գործուն դեր կատարել, որովհետև Pont-ի⁷⁹ հույները սաստկորեն բողոքում են: Ինքը շարունակում է մնալ այն կարծիքի, որ Տրապիզոնը պետք է տալ հայերին, և թե մենք լիակատար իրավունք ունինք այն պահանջել, որ նա բնավ չի նկատի մեր այս կամ այն պահանջը այս ծովի ափերին, որպես հակառակ իրենց շահերին, բայց խնդրում է ներողամիտ լինել, որ ինքը՝ Վենիզելոսը, այդ հարցում որևէ մասնակցություն ունենալ չի կարող:

⁷⁸ Հայերը արժանի են Տրապիզոնը ունենալու:

⁷⁹ Պոնտոսի:

Անօգուտ և անհարմար էր պնդել: Մենք դուրս եկանք Փաշայի հետ այն համաձայնով, որ Բոմանոսի այցից մինչև այսօրվա մեր այցը Վենիզելոսին, մի նոր բան է պատահել: Եվ նույն օրը երեկոյան հանգույցը լուծվեց: Վերադարձել է Թիֆլիսից Pont-ի հույների պատվիրակությունը, որ մեր նախարար Խատիսյանի հետ Տրապիզոնի մտորակույտ և զննապետ Cotheniotis համաձայնության են եկել, կազմելու համար ֆեդերատիվ պետություն և հետևապես նրանք այլևս լսել չեն ուզում Տրապիզոնը միայն մեզ զիջելու մասին: Նույն օրը երեկոյան եկավ ինձ մոտ զննապետ Cotheniotis, բերելով իր հետ Խատիսյանի հետ ստորագրած պայմանագիրը ֆեդերացիայի մասին, որից ես ոչ մի տեղեկություն չունեի: Ես հայտնեցի, թե իմ կառավարությունը ինձ տակավին ոչինչ չէ հայտնել, և շատ ցավում եմ, որ անկարող եմ մեր պահանջները փոխել: Ավելացրի, որ մենք Տրապիզոնը հաստատապես չենք պահանջել, այլ որոշ տարածության վրա սա⁸⁰ ծովի ափին ելք ենք խնդրել Conférence-ից, բողոքելով մավահանգստի և ափերի տարածությունը որոշել իրեն՝ Conférence-ին: Գնդապետ պնդեց, թե համաձայն իր ունեցած գրության, մենք պարտավոր ենք ինքներս պահանջել Pont-ի անկախությունը Conférence-ից: Ես պատասխանեցի, թե շատ ցավում եմ, բայց այդպիսի պահանջով մենք մեզ ծիծաղելի կանենք: Թող Pont-ի պատվիրակությունը ինքն անի այդ, իսկ մենք ոչ միայն ուրախ կլինենք, որ նրանք ստանան այդ անկախությունը, այլև կաջակցենք – բայց մենք իբրև պահանջ մեր կողմից անել անկարող ենք, առանց այն էլ մեր պահանջները նկատվում են տարաբախտաբար չափազանց: Գնդապետը դուրս գնաց դժգոհ: Մի օր հետո Cotheniotis հողված հրատարակեց իմ դեմ:

ՀԱՅԱՍՏԱՆԻ ՍԱՀՄԱՆՆԵՐԸ ՈՐՈՇՈՂ

ՀԱՆՉՆԱԺՈՂՈՎԻ ԱՌԱՋ

Փետրվար 21, 1920

Լոնդոն

Commission Internationale pour les Frontières de l'Arménie⁸¹: Հայաստանի սահմանները որոշելու համար Գերագույն Խորհուրդը նշանակել է մի Միջազգային Հանձնաժողով՝ երկուական ան-

⁸⁰ Ան (հավանաբար վրիպակ է):

⁸¹ Միջազգային Հանձնաժողով՝ Հայաստանի Սահմանների Որոշման:

դամներով՝ Անգլիայի, Ֆրանսիայի, Իտալիայի և Ճապոնիայի –
Անգլիայի կողմից՝ Robert Vansittart և գնդ. Griben,
Ֆրանսիայի կողմից՝ Kamerer և գնդ. Chardigny,
Իտալիայի կողմից՝ Galli և գնդ. Castoldi:
Ճապոնիայի կողմից՝ Isaburo Goshida, առաջին քարտուղար
ճապոնական դեսպանատան և Lieutenant Commander⁸² Kiyushi
Anno:

Ահա այս հանձնաժողովն է, որ հրավիրեց մեզ ներկայանալ
անձամբ՝ մեր պահանջները պարզելու համար: Գնացինք Պողոս
Փաշան, զեներալ Կորգանյան և ես:

Նախընթաց երեկոյից պատրաստած ունեինք մեր սահման-
ների վերաբերյալ գրավոր պահանջագիրը՝ զեներալ Կորգանյանի
խնամքով: Պողոս Փաշան կարդաց ֆրանսերեն: Ներկա էին բոլոր
անդամները, բացի գնդապետ Chardigny-ից և Galli-ից:

Նախագահում էր Kamerer: Ժողովի ընթացքին մենք նկատե-
ցինք Vansittart-ի և Kamerer-ի մեջ ծածուկ հակամարտություն:
Ճապոնացիք լուռ էին մինչև վերջը: Իտալացին հետևում էր վերա-
պահումով: Վիճաբանությունը լինում էր մեզ համար Vansittart-ի և
Kamerer-ի կողմից, երբեմն նրանք առանց իրար նայելու, խոսքեր
կամ ակնարկներ էին նետում: Ընթերցումը վերջացնելուց հետո
կարող⁸³ փոռեցին սեղանի վրա, հրավիրելով գծել մեր պահանջած
սահմանները: Գեներալը կապույտ մատիտն առավ, Տրապիզոնից
արևմուտք՝ Տրիպոլիից քաշեց գիծը, հասնելով Տերսիմի⁸⁴ և Խար-
բերդին, ինձ կամացուկ հարցրեց, պե՞տք է ընդգրկել այդ երկու
կետերը թե՞ ոչ (այս մասին ես ու Փաշան վեճ ունեինք և եզրա-
կացության չէինք եկել, ես դեմ էի, Փաշան պնդում էր), ես դարձա
Փաշային և կամացուկ հայերեն հարցրի, նա թե՛ պայմանական
կերպով պահանջեց, այս ձևով ես համաձայնեցի: Փաշան մոտե-
ցավ կարտին և հայտարարեց թե, եթե Ֆրանսիան պիտի պահի
Տերսիմ և Խարբերդ, մենք ոչինչ չունինք, իսկ եթե որևէ
պատճառով նա մտադիր է հրաժարվել, ապա մենք կխնդրենք
այդ շրջանները կցել Հայաստանին:

Kamerer. – Ֆրանսիայի տիրապետության մասին առայժմ
թողնենք, դուք հայտնեցեք ձեր պահանջները:

Փաշան. – Մենք պահանջում ենք այդ երկու շրջանը իմ հայտ-
նած վերապահումով:

⁸² Լեյտանանտ հրամանատար:

⁸³ Զարտեղ:

⁸⁴ Դերսիմ:

Vansittart. – Ես կարծում եմ, մենք կարող ենք լսել և արձանա-
գրել այս հայտարարությունը:

Այս հարցը փակվեց, մեր սահմանագիծը զեներալի մատիտով
անցավ Խարբերդից և Դերսիմից արևմուտք: Ապա Փաշան մի
փոքր ետ քաշվեց, և սկսվեցին առանձին հարցերն ուղղված մեզ,
որոնց պատասխանեցի ես մինչև վերջը: Գլխավոր հարցն էր, թե
մենք կպահանջեի՞րք արդյոք և Լազիստանը, եթե ստանանք Տրա-
պիզոնը: Հարցնողը Vansittart-ն էր: Ես վճռապես պատասխանեցի
թե՛ «այո», և զգացի, որ իմ վճռական պատասխանը նրան դուր
չեկավ:

Բանն այն է, որ դեռ Փարիզում մեր տեսակցությունների ժա-
մանակ Vansittart-ն աշխատում էր մեզ համոզել վազ գալ Լազիս-
տանից և քավականանալ Տրապիզոնով, որի համար մնալ intransi-
gents⁸⁵, և նա չէր ծածկում, որ Անգլիա նպատակ ունի այդ
շրջանը կցել Բաթումի չեզոք պետությանը: Մենք շատ դեմ չէինք
Տրապիզոնով միայն քավականանալու առաջարկին, բայց Տրա-
պիզոնի շուրջը հույների բարձրացրած աղմուկը, և ֆրանսիա-
ցիների կհամությունը մեզ վախեցնում էր, թե միգուցե, Լա-
զիստանից (Բիզե-Աթինե) մենք հրաժարվելով, միաժամանակ էլ
Տրապիզոնը մեզ չտան և մենք մնանք առանց ելքի: Ահա թե ինչու
Vansittart-ի հարցին՝ Լազիստանի համար, վճռական «այո»
ասացի, գիտե՞նալով՝ որ դա նրան կարող է անհաճո լինել:
Պահանջելով և՛ Տրապիզոն, և՛ Բիզե ու Աթինե, մենք հույս ունեինք
ստանալ մեկն ու մեկը:

– Բայց լազերը վրացական ծագում ունին, – ասաց Vansit-
tart-ը, – և վրացիք սաստկորեն պահանջում են այն:

– Չգիտեմ, թե երբ է գիտությունն այդ հաստատել, – պատաս-
խանեցի, – բայց մենք չենք պնդում, թե լազերը հայ ծագումն ունին:
Սակայն, եթե նրանք վրացի ծագումն իսկ ունենային, խնդիրը
դրանից մազաչափ իսկ չէր փոխվի, և վրացիք, անգամ այդ
դեպքում, մեզնից ավելի նվազ իրավունք կունենային այդ
հողամասի վրա, որովհետև մենք պահանջում ենք այն որպես ելք
դեպի ծովը. վրացիք դրան պետք չունին: Մյուս կողմից մենք թողել
ենք վրացիներին 300 հազար ոչ թե միայն ծագումով, այլև լեզվով,
և կրոնով, և զգացումով հայ մարդիկ, մինչդեռ լազերը, վստահա-
բար կասեմ, բնավ վրացի ծագումն ունենալու հեռավոր գի-
տակցություն իսկ չունին և որքան գիտեմ, խոսում են թուրքերեն,
կրոնը մահմեդական: Այս պարագայում, եթե վրացիք կարող են

⁸⁵ Անզիցող:

տիրապետել մեր 300 հազար հայերի վրա, կարծում եմ, մենք ավելի իրավունք ունինք պահանջել 50-60 հազար լազերին, որոնց վրացական ծագումն իսկ կասկածելի է և որ ստիպված ենք պահանջել մեր ելքի համար դեպի ծովը և ոչ որպես տերիտորիա:

Kamerer. – Ըվեյցարիան ապրում է սակայն առանց ծովի: Դուք երբեք ծով չեք ունեցել:

– Պ. Kamerer, համեմատությունը անհաջող է: Նախ, Ըվեյցարիա Ասիայում հնարավոր չէ, շրջապատված այնպիսի տարրերով, որ մենք ունենք որպես հարևան: Երկրորդ՝ անգամ Ըվեյցարիան, շրջապատված այնքան բարեհաջող պայմաններով, այսօր, այնուամենայնիվ, ձգտում է տնտեսական ելք ունենալ դեպի ծովը: Երրորդ՝ սխալ է ասել, թե մենք ծով չենք ունեցել: Ամենահին օրերում իսկ հայերը միշտ օգտվել են մոտավոր ծովերից. իսկ այն ժամանակից, ինչ նրանք ընկել են բորբակված ու ռուսական տիրապետության տակ, ունեցել են այն բոլոր առևտրական ծովային հարմարությունները, որ մի մեծ պետություն կարող էր տալ: Բաքում, Բաքու, Տրապիզոն, Պոլիս, Ալեքսանդրիա, Բեյրութ ծառայել են և Հայաստանին: Այժմ մենք այնտեղ հակասության մեջ կընկնինք, եթե օտարի լծի տակ, բայց տնտեսապես ազատ ժողովուրդը, ազատելով օտարի լծից քաղաքականապես, դենք նրան տնտեսական վտոթար լծի տակ, այն էլ իր հակառակորդ կամ մանավանդ թշնամի տարրերից կախված: Հայաստանը ծով ունեցել է, և այժմ նրան փակել իր լեռներում, միևնույն է թե՛ դատապարտել արագ մահվան: Մենք պետք է ստանանք ելք դեպի Սև ծովը Տրապիզոնի – Բիզանյի շրջաններում, բայց որովհետև առայժմ այնտեղ երկաթուղի չկա և դժվար թե կարելի լինի անմիջապես այն ունենալ քնական դժվարությունների պատճառով, մենք ստիպված ենք խնդրել, որ Բաքումից մեզ տնտեսական ելք ապահովվի, այլապես երկար ժամանակ անհնարին կլինի մեր ավերակի վերածված երկիրը ոտքի հանել:

Kamerer. – Դուք պահանջում եք միևնույն խարբերո, Երզնկա: Արդյոք հնար կունենա՞ք տիրապետել:

– Եթե Դաշնակիցները նույնքան բարյացակամ լինին դեպի Հայաստանը, որքան դեպի Լեհաստանը եղան, այո՛, կարող ենք:

Kamerer. – Ա՛հ, Լեհաստանը, այդ ուրիշ խնդիր է... Մեզ մոտ էր, երկաթուղիներ կային, հեշտ էր օգնելը, բայց Հայաստանը... և հետո նկատի առեք, որ ամենքը հոգնած են, ավերված, օգնելու կարելիություն չկա, նկատի առեք այդ, խնդրեմ, որ ձեզ օգնող չի լինի:

– Ես այդ պատասխանին սպասում էի, – ասացի, – ուստի ձեր առաջին հարցին իմ վճռական պատասխանն «այո» է: Եթե Դաշնակիցները մեր 40-50 հազարանոց բանակը կազմակերպեն, ռազմամթերք ու զենք տան, և իրենց դրոշակների հովանին մեզ չզլանան, մենք կարող ենք գրավել մեր հողերը: Խնդրում ենք հնար տալ մեր բանակը կազմակերպել:

Vansittart արձանագրեց հայերի այս վճռական հայտարարությունը, թե «իրենք իրենց բանակով կարող են գրավել իրենց հատկացված հողերը, եթե մենք օգնենք իրենց»:

(Հիշատակեմ այս առթիվ, որ թե՛ Լոնդոնում և թե՛ Փարիզում բարեկամ քաղաքագետներ մեզ շարունակ խորհուրդ էին տվել այս հայտարարությունը վճռապես անել:)

Այնուհետև հարցեր առաջարկվեցին հայ ազգաբնակչության հավանական թվի մասին մեզ հասանելիք գավառներում: Մեր թիվը Էրզրումում, Երզնկայում, Խարբերդում: Քանի մը հակիրճ պատասխաններ տալուց հետո՝ մենք խոստացանք գրավոր մանրամասն տեղեկություն տալ, խնդրելով դրա համար երկու օր ժամանակ:

Մենք դուրս եկանք անորոշ և անհաստատ տպավորություններով:

ԵՐԿՐՈՐԴ ՋՐՈՒՅՅ

«ԱՅԱՍՏԱՆԻ ՍԱՀՄԱՆՆԵՐԸ ՈՐՈՇՈՂ
ՀԱՆՉՆԱԽՄԲԻ» ՀԵՏ

Մարտ⁸⁶ 1920

Լոնդոն

Ներկա էին Vansittart, գնդապետ Chardigny, գնդապետ Castoldi և մի ճապոնացի: Մեր կողմից Պատրիարքը, Փաշան, ես: Մտավ և Մալգոմը: Գեներալ Կորգանյանը, – մի քյուրիմացությունը ասեմ, թե վատ ինտրիգով, – վշտացած ետ գնաց. հանցանքը Մալգոմին էր:

Հանձնաժողովի նախագահ Vansittart ժողովը բանալով դիմեց Պատրիարք Ջավենին հարցով, թե ո՞րչափ հայ կա այժմ Թյուրքիայում: Պատրիարքը, որ վատ էր խոսում ֆրանսերեն, պատասխանեց, թե Կիլիկիայից, Կ. Պոլսից և Չմյուռնիայից դուրս կունեն-

⁸⁶ Ներկա հրատարակությունում մենք պահպանել ենք բոստոնյան հրատարակության նախորդ, այս և հաջորդ գրառումների ժամանակագրական ոչ բնական հերթականությունը:

նանք մոտ 100 հազար հայ Տիգրանակերտում, Մերաստիայում, Խարբերդում, Գոնիայում և այլն: Ասելու եղանակն ինձ դուր չեկավ, համոզիչ չէր: Կամացուկ ասացի Պատրիարքին՝ «Հայերեն պատասխանեցեք, ես կթարգմանեմ»: Հաջորդ հարցերին նա պատասխանում էր հայերեն: Հարցերը վերաբերում էին հայ ազգաբնակչության հավանական թվին Հայաստանում առաջին ու երկրորդ տարին: Բարեբախտաբար երկու օր առաջ գեմ: Կորգանյանը պատրաստալ է այս հարցի պատասխանը վիճակագրական մոտավոր ճշտությամբ: Ես ընդհատեցի Պատրիարքին, տեսնելով հարցին պատասխանելու իր դժվարությունը և ասացի նախագահին:

– Եթե թույլ կտաք, ի պատասխան Չեր հարցին՝ ես կկարդամ ահա այս թուղթը, որ ճիշտ Չեր հարցին պատասխանն է, և որը մենք կազմել ենք օգտվելով Երրին Սրբազնության տված տեղեկություններին:

– Խնդրում ենք, – պատասխանեց նախագահը:
Ես կարդացի թուղթը, որով մենք ապացուցանում էինք, թե Կովկասում գտնված թյուրքահայ գաղթականների հետ միասին Պարսկաստանից, Ագրեջանից, Վրաստանից, Հյուսիսային Կովկասից, Ռուսիայից, Սև ծովի ափերից առաջին 1-2 տարին Հայաստան կարող են մտնել և հաստատվել մոտ 800 հազար հայ: Թյուրքահայ գաղթականների թիվը տվինք՝ 220 հազար – Կովկասում և 60 հազար – Հյուսիսային Կովկասում: Յուրաքանչյուր կետը կարդալիս նաև բերանացի տալիս էի ընդարձակ արգումենտացիա: Հաճախ դիտմամբ դիմում էի գնդապետ Chardigny-ի վկայությանը՝ իմ թվերն ապացուցանելու, ինչ որ նրան դնում էր շատ մեղ կացության մեջ, որովհետև նրա մշտական թեզն էր՝ ապացուցանել, թե հայ պետություն կազմելու համար հայ չկա:

Մասնավորապես Կովկասում գտնվող հայ գաղթականների թվի մասին նրան ստիպեցի ասել, թե մեր տված հաշիվը ճիշտ է: Այս թուղթը թողեց համոզիչ տպավորություն, քանի որ գնդ. Կորգանյան աշխատել էր խույս տալ թուր չափազանցություններից:

Երկրորդ հարցն էր այն հարաբերությունը, որ մենք կարող ենք ունենալ 1) լազերի, 2) քյուրդերի, 3) բաթարների և թյուրքերի հետ, որոնց վիճակված կլինի ապրել մեր երկրում, որպես փոքրամասնություն: Այս հարցի պատասխանը նույնպես վիճակվեց ինձ: Ես ասացի մոտավորապես հետևյալը. –

«– **Լազեր:** – Մենք ուրախ եղանք լազերի խնդրին, քանի որ դա ապացուցանում էր, թե մենք ունենալու ենք Սև ծովի ափերը – Բիզե և Արինե»:

Նախագահը հարցրեց թե՛ ի՞նչ տրամադրություն ունին լազերը դեպի հայերն ու վրացիները, ասում են թե՛ լազերը վրացական ծագում ունին:

Ես պատասխանեցի.

«– Լազերի ծագման մասին քննություն անելու չեմ, որչափ գիտեմ, դա տակավին լավ չուսումնասիրված գիտական պրոբլեմ է: Ճշմարիտն այն է, որ իրենք լազերն իսկ իրենց ծագման և առհասարակ ազգային որևէ գիտակցություն չունեցող մի ամբողջ են:

50-60 հազարի չափ, ո՛չ առանձին հակումն ունին դեպի հայերը, ո՛չ դեպի վրացիները: Խաշնարած մարդիկ են, կարծես քաջափրոտ են, քայց ոչ ժրաջան, և կուզեին իրենց լեռներում մնալ իրենք իրենց, ինչպես դարերից ի վեր: Այս է ճշմարտությունը, և մենք Լազիստանը պահանջելով՝ քնավ լազերի համակրության վրա չէ, որ հույս ենք դնում, այլ մեր աչալքության ու զգուշավոր քաղաքականության վրա՝ հանդեպ նրանց ցեղական, կրոնական և աշխարհագրական ուրույն պայմանների: Նրանց հողին չէ, որ այք ենք տնկել, այլ այն հրամայական անհրաժեշտության ենք հետամուտ, որ մեր երկիրը ծով ունենա, քանի որ առանց ծովի կորած ենք: Եվ հույս ունենք պիտի կարողանանք լազերի հետ խաղաղ կեցության ընդհանուր հիմունքներ գտնել:

– Ի՞նչ կասեք քյուրդերի մասին, – հարց դրեց նախագահը:

Ես. – Ընդհակալ են այդ հարցի համար, քանի որ ինքս պիտի խնդրեի խոսել քյուրդերի մասին:

«Գուցե ձեզանից քչերը գիտեն, որ քյուրդերը բաժանվում են երկու հատվածի, եզիդիներ և մուսուլման քրդեր. սա կարևոր կետ է:

Եզիդիները – Թեև ծագումով նույն քյուրդերն են, նույն լեզուն ունեն, քայց կրոնը խառնուրդ է հեթանոսության, հատկապես Արևապաշտության, Զրիստոնեության և Հուդաիզմի: Հարգում են սատանային, պաշտում են արևը, պատկառանք ունեն Աբրահամի և Հիսուսի համար. գիր և գրականություն չունեն: Ազգային զգացումից թափուր, և քարքերով շատ ավելի մեղմ, քան իրենց ցեղակից մուսուլման քրդերը: Հնուց ի վեր ինքզինքնին նկատած են հայերին մերձավոր, բարեկամ, խոսում են մեծավ մասամբ հայերեն այն շրջաններում, ուր մեզ հետ շփման մեջ են, և առհասարակ հայերի բախտը բաժանած են միշտ, նաև այս պատերազմի ընթացքում, երբ մեզ հետ միասին իրենց հրամանատար Ջհանգիր աղայի առաջնորդությամբ արիաբար կռվեցին թյուրքերի դեմ կովկասյան սահմաններում: Եվ նրանց ցեղապետ Յուսուֆ րեզը, որ իմ աշակերտն է եղած և ուսած է

հայոց ճեմարանում, այսօր մեր պարլամենտի անդամ է: Ես կարող եմ ասել, որ եզդիների հետ ոչ միայն մենք որևէ դժվարություն չենք ունենա, այլ նրանք են և կմնան Հայաստանի պարկեշտ քաղաքացիներ: Կարծես պրն. Chardigny-ն կհաստատի ասածիս ճշմարտությունը:

Մուսուլման քյուրդերը – Ճշմարիտ է, սրանք հաճախ անգիտակից գործիք եղան քյուրդերի ձեռքին մեր դեմ, բայց և այնպես մեր ժողովուրդը և նրանց դեմ առանձին արմատացած ատելություն չունի, մանավանդ՝ որ քյուրդերն ևս իրենց կողմից, հակառակ իրենց ձգված անկաշկանդ ազատության, քյուրդերի պես արյունարբու չեղան: Գուցե այս դեպքում դեր է կատարում ցեղային ծագման հեռավոր մտանությունը, հինավուրց հարեվանությունը, որովհետև պետք է գիտնալ, որ հայը և քյուրդը հավասարապես հին արիական ցեղեր են: Հայտնի է, որ երբ քյուրդը վճռում է քրիստոնյա դառնալ, նա օրինակ, Կովկասում, փոխանակ տիրող Ռուսական Եկեղեցուն դիմելու, միշտ դիմում է Հայոց Եկեղեցուն: Մանկության օրերից հիշում եմ իմ հայրենի գյուղի եկեղեցու բակում մկրտվող երկու քյուրդերը, որոնց ավագան ծառայեցին երկու ահագին կաթսաներ (Ունկնդիրներս խնդում են): Շատ ավելի ուշ, ես տեսել եմ առանց վանքի վանահոր պաշտոնում Գրիգոր վարդապետ անունով մեկը, որ նույնպես քյուրդ էր և հաճախ իր մոտ, հայկական սրբավայրում ընդունում էր իր մուսուլման մնացած ազգականներին: Դուք լսած եք ամենքդ Դերսիմի քրդերի մասին: Նրանք նաև ղզլբաշ են կոչվում: Տարին մի օր ունին քյուրդերին նզովելու համար, խմորի վրա խաչ են քաշում, ուխտի են գնում մեր սրբավայրերին, բարեկամ են հայերին, և այս պատերազմի ժամանակ շատ հայեր նրանց մոտ ապաստան գտան: Բիթլիսից հարավ Միպտկնոց լեռներում նույնպես քյուրդ ցեղեր են ապրում, որոնք շատ հայի ապաստան տվին: 1917 թվին ես նրանցից գլխ ստացա որպես Հայոց Ազգային Խորհրդի նախագահ, որով հայտնում էին, թե իրենց մոտ 4-5 հարյուր հայ ընտանիքներ կան և, նպաստ էին խնդրում: Վստահ եմ, թե այդ հայերը այսօր էլ ողջ-առողջ ապրում են այնտեղ: Շատ քիչ են մեր դեմ անհաշտ, ընթրստ մնացած քյուրդ աշիրեթներ⁸⁷, մանավանդ, որ նրանց թիվն էլ զգալապես նվազեց այս պատերազմի երեսից: Հեռավոր կասկած իսկ չունենք, որ այն օրը, երբ քյուրդերը ազատ կմնան քյուրքական ապականող ազդեցությունից, նրանք ևս մեզ հետ խաղաղ

⁸⁷ Անվանում քրդական ցեղերի, որոնցից ամեն մեկը ունենում է մի ցեղապետ:

ապրելու ճամփան կնախընտրեն: Անհաշտ փոքրամասնությունն էլ երևի կամ կերթա դեպի Թյուրքիա, կամ՝ Զյուրդիստան:

Թյուրքերի պրոբլեմը շատ ավելի դժվարին է, քանի որ նրանց հետ մենք դարավոր թշնամություն ունենք, որ զիտեք: Բայց այստեղ էլ հուսադրիչ պարագաներ կան.

1. Նրանց թիվը առհասարակ Հայաստանում միշտ էլ տակավ է եղել, և պատերազմը, որ հենց բուն Հայաստանում հեղհեղվեց, նրանց թիվն էլ զգալապես փոքրացրեց;
2. Թյուրքերը մի բարի սովորություն ունեն (ժպիտ) հեռանալ այն երկրներից, ուր արդար իրավակարգ է հաստատվում. ապացույց՝ Բալկանները: Նրանց այս սովորությունը, հուսանք դեր կկատարի և մեզ մոտ, ու շատերը կհեռանան Թյուրքիա.
3. Կա նաև փոխանակության շատ գործնական միջոցը, որ քյուրդերը կիրառեցին բուլղարների հետ. ոչ մի արգելք չկա, որ և մեզ հետ նույնը կատարեն: Հայաստան ու Թյուրքիա կհամաձայնին փոխանակել իրենց ժողովուրդների մնացորդները.
4. Պետք չէ հայ-քյուրդ հարաբերությունները դատել այսօրվա կրիտիկ⁸⁸ սուր արտահայտություններով, որ երկուստեք քենն է առաջնորդում: Հետո, քյուրդերը տակավին ճգնում են խափանել Հայ Պետության կազմությունը: Վաղը, երբ այդ պետությունը իրական դառնա, հավատացեք ինձ, մեր պետության սահմաններում փոքրաթիվ քյուրդերը նույնպես պիտի համակերպվին: Ես գրեթե բառ առ բառ նույնը կասեի և թաթարների մասին, բայց դա կարծես ավելորդ է»:

Chardigny և մյուսները .

– Այս բոլորը ճիշտ է:

Մենք դուրս եկանք ամենքս սրտապնդված, և մեր գրեթե հաստատուն համոզումն եղավ որ՝

1. Մենք կունենանք Սև ծովի ափը.
2. Զյուրդերի, քյուրքերի պատճառած մտահոգությունը ցրված է:

Փաշան-և Պատրիարքը շնորհավորեցին ինձ:

⁸⁸ Հննադատական, ծայրահեղ:

Փետրվար 22, 1920

Լոնդոն

Մեր Սահմանները Ռոշոդո Հանձնաժողովի առաջին նիստին իմ և Կամերերի հետ եղած վիճարանությունից հետո, գնացի Ալբերդ Թոմային զանգատ, որ այդ պահուն Լոնդոն էր գտնվում, որպես Ազգերի Լիգային կից Միջազգային Աշխատանքի Կոմիտեի նախագահ:

Ես ասացի, որ մեզ համար ծանր է ու կսկծալի Ֆրանսիայի ներկայացուցիչի վարմունքը և բնավ չի համապատասխանում տարիների մեր գուրգուրած հույսերին և մեր խորունկ համակրանքին դեպի Ֆրանսիան:

- Ո՞վ է մեր ներկայացուցիչը Հանձնաժողովում:

- Կամերեր, - պատասխանեցի:

- Oh, il est peu francais, que son nom!⁸⁹

Ուզեց ասել, թե Կամերեր հրեա է, ինչ որ ճիշտ է:

- Թող այդպես լինի, - ասացի, - բայց մա խոսում է Ֆրանսիայի անունից: Շատ եմ խնդրում Ձեզ, որ մեր բարեկամ միջնորդը լինեք մեր և ձերոնց մեջ: Բերբընն էլ բավական վատ է տրամադրված:

Ես խնդրեցի՝ Փաշային և ինձ տանել Միլլրանի մոտ: Խոստացավ:

Այս տեսակցությունն էր նշանակված այսօր: Մեզ հետ լինելու էր և Պատրիարքը: Եվ երբ հասանք ֆրանսիական դեսպանատան, փոխանակ Միլերանի, մեզ ընդունեց Paul Cambon՝ դեսպանը:

Փաշան, ըստ սովորության խոսեց Կիլիկիայի մասին: Ես զգուշությամբ խոսքը դարձրի **ամբողջ** Հայաստանին վերաբերյալ խնդիրների մասին:

P. Cambon-ի տված պատասխաններից պարզվեց. -

1) Որ Ֆրանսիան տրամադիր չէ Կիլիկիայից հեռանալ, և գուցե ստիպված լինի պահել այնտեղ թուրքական Suzeraineté⁹⁰: Իհարկե, կա Suzeraineté և Suzeraineté անվանական է լինելու, առանց վալիների⁹¹, մյուսեաների⁹²:

⁸⁹ Նա նույնքան քիչ ֆրանսիացի է, որքան իր անունը:

⁹⁰ Տիրապետություն, իշխանություն:

⁹¹ Նահանգապետ:

⁹² Գավառակապետ, սանջակի կառավարիչ:

2) Որ Կիլիկիայում հայերը նկատվում են որպես մի գաղութ, որ իր պաշտպանությունը կունենա:

3) Որ մենք անպատճառ ծով կունենանք («Ռոշոդոն, - ավելացրեց, - Լեհաստանն անցյալում ծովի պակասից մեռավ: Նույնի կլինի և ձեզ հետ, եթե մնաք առանց ծովերի ելքի»):

ԵՐՐՈՐԴ ԶՐՈՒՅՑ

«ՀԱՅԱՍՏԱՆԻ ՄԱՀՄԱՆՆԵՐԸ ՈՐՈՇՈՂ ՀԱՆՉՆԱԺՈՂՈՎ»-Ի ՀԵՏ

Մարտ 16, 1920

Լոնդոն

Այսօր երրորդ անգամ լինելով՝ ներկայացանք Հանձնաժողովին Փաշան, ես, գեներալ Կորգանյան և Պատրիարքը:

Ներկա էին՝ Vansittart, Kamerer և գնդապետ Castoldi: Նախագահը հայտարարեց հետևյալը.

«Conseil Suprême»-ը⁹³, միաձայն որոշած լինելով կազմել ազատ անկախ հայ պետություն, և քանի որ մինչև այժմ կարելի չեղավ որևէ պետության համձնել Հայաստանի մանդան, ուստի առաջարկվեց Ազգերի Լիգային իր հովանու տակ առնել նորակազմ Հայ պետությունը: Հանձնաժողովը հրահանգ ունի հարցնել հայ պատվիրակներին, թե «ինչպիսի՞ կարիքներ կան, որ մանդատերը պիտի լրացնի, զինվորական, ֆինանսական, վարչական ի՞նչ կարիքներ կան, և ո՞րն է այդ կարիքների չափը»:

Մենք ժամանակ խնդրեցինք պատասխանելու այդ հարցերին: Մեզ տրվեց 4-5 օր ժամանակ:

Ես հարց դրի, թե որո՞նք են սահմանները Հայաստանի: Դա անհրաժեշտ է գիտենալ դրված հարցերին պատասխանելու համար:

Vansittart ասաց ինձ, թե՝

- Իրավացի էր, բայց թե մենք գաղտնիք ենք պահում այդ առժամանակ: Դա՛ պարզապես ձեր շահերի տեսակետից: Լավ չէ, որ թուրքերն այժմեն իմանան, թե ի՞նչ է խլվում նրանցից: Այլապես նրանք կարող են պատրաստություններ տեսնել: Սակայն, կարող եմ ձեզ ասել, որ դուք կունենաք երկու խոշոր հատվածները Հայաստանի՝ կովկասյան ու թուրքական, Վան, Բիթլիս, Մուշ, Երևան:

⁹³ Գերագույն Խորհուրդ:

Էրզրում, և շատ ավելի անդին քան Էրզրում, բայց անոնց հասնելու Երզնկային, իհարկե մեջ առնելով Մամախաթուն: Մնացածը հույս ունեն դուք գիտեք:

Անախորժ տպավորություն գործեց սկզբում, երբ նախագահը հայտնեց, թե մեր մանդատն առաջարկված է Ազգերի Լիգային, Փաշան ի պատասխան հայտնեց թե՛ մենք այդ գիտենք Matin-ից և շտապով գրպանից հանելով հիշյալ թերթի մի կտրունը, սկսեց բարձրաձայն կարդալ այդ լուրը:

Այս ժողովից հետո՝ Աջեմյանի և Օհաննես Խան Մասեհյանի մասնակցությամբ պատրաստեցինք խորհրդակցանքերի վերաբերյալ փաստաթղթերը, ինչպես և մեր զինվորական պետերի չափը: Այս առթիվ եղած ժողովում Փաշան ներկայացրեց մի ծրագիր, որով մեր անկախությունը շատ էր սղմվում և շատ լայն իրավունքներ էր տրվում մանդատների ներկայացուցիչ բարձր կոմիսարին և մասնավորապես ինչ-որ վարչական մարմնի, որը կոչվում է Conseil Mixte⁹⁴ – բաղկացած կիսով չափ հայերից և պետությունների ներկայացուցիչներից, բարձր կոմիսարի նախագահության տակ:

Իմ և Փաշայի մեջ այս առթիվ բուռն վեճ եղավ: Փաշան և Պատրիարքը պնդում էին թե՛ մենք անկարող պիտի լինենք մեզ կառավարել, հետևապես օտար ներկայացուցիչների իրավասությունը պետք է շատ լայն լինի, մասնավորապես Conseil Mixte-ի: Ես դիմադրում էի և դեմ էի մասնավորապես Conseil Mixte-ի գոյությանը:

Ի վերջո, փոխադարձ զիջողությամբ համաձայնության եկանք: Ես ընդունեցի, որ մանդան լինի փոխանակ տասնի՛ քսան տարով: Փաշան և յուրայինները համաձայնվեցին հրաժարվել Conseil Mixte-ից և խորհրդակցանքերին տրվելիք մի շարք իրավունքներից:

Ինձ հաջողվեց վերջնական տնօրեն պահել մեր պարլամենտը:

⁹⁴ Խան Խորհուրդ:

Մարտ, 17, 1920

Լոնդոն

Այսօր Օհաննես Խան Մասեհյանի հետ գնացի՞նք տեսնվելու ամերիկյան դեսպանի հետ:

Հայտնեցինք, որ Դաշնակիցները մեր խնդիրը կարգադրում են ըստ իրենց քմաց: Այս պարագաներում որքա՞ն հույս կարող ենք դնել ամերիկյան ազդեցության վրա հօգուտ մեզ:

Դեսպանը հայտարարեց, որ Ամերիկան պաշտոնապես չի մասնակցում, բայց բոլորովին անմասն չէ: Այսօր այլևս անօգուտ է հուսալ Ամերիկյան մանդատի վրա. մեր երկրի ներքին շփոթն առայժմ այդ անհնարին է դարձնում: **Դա կարող է լինել, բայց քավական ուշ:**

Այս վերջին հայտարարությունը մեզ համար անակնկալ էր:

Մարտ 18

Մեր կառավարության հրահանգի համաձայն՝ այսօր գնացի շնորհակալություն հայտնելու ճապոնական դեսպանին՝ մեր պետությունը ճանաչելու առթիվ:

Փաշան ինձ հետ էր:

ԶՐՈՒՅՑ

ԱԶԳԵՐԻ ԼԻԳԱՅԻ

11-ԲԴ⁹⁵ ԶԱՐՏՈՒՂԱՐ ՆԻԿԸԼՍԸՆԻ ՀԵՏ

Մարտ 22, 1920

Լոնդոն

Այսօր Ալեքսանդր Buxton-ից ճաշի հրավեր ստացա, ուր հատուկ նպատակով լինելու էր և Նիկըլսըն:

Ճաշի ընթացքում Նիկըլսըն խնդրեց ինձ մի քանի տեղեկություն պանթուրանիզմի մասին և շատ զարմացավ լսելով ինձնից, որ պանթուրանիզմի իսկական հայրենիքը Թուրքիան չէ, այլ Ադրբեյջանը, և առհասարակ թաթար աշխարհը: Բուն պարսիկ ժողովուրդը անմասն է և այդպես էլ կմնա:

⁹⁵ Հավանաբար տպագրական վրիպակ է և պետք է լինի՝ 2-րդ (II):

Մարտ 23, 1920
Լոնդոն

Ինքն էր խնդրել տեսնել Պողոս Փաշային: Վերջինս ցանկացել էր, որ դա իմ ներկայությամբ լինի: Եկավ և Օհանես Խան Մասեհյան:

Թովչիքաշևը նախ երկար նստեց լուռ: Իր հետ էր Մեխտիևը: Ստիպված եղանք մեք զրույց բաց անել մեր սահմանների մասին և հարց դրինք, քե քանի որ մեր երկիրները, մեր կառավարությունները ցարդ համաձայնության չէկան, գուցե լավագույնն է այդ խնդիրը փոխադրել այստեղ, Խաղաղության Համագումարին մոտիկ, լուծելու համար:

Թովչիքաշևը խոստովողական պատասխաններ տվեց. առարկեց, որ տեղում այդ հարցն ավելի լավ կլուծվի. սպա վեր կացավ գնալու ու ասաց, որ ինքը պատրաստ չէ այս գրույցին և եկել էր պարզապես քաղաքավարական այցի:

Երբ նա դուրս գնաց, Փաշան հիասթափված ու ճանճրացած՝ բացական չեց.

- Tout à fait comme le Turc!⁹⁶

- Ես ուրախ եմ, որ դուք ճանաչեցիք սրանց և այլևս չեք մեղադրի մեզ, քե մենք անհաշտ ենք մեր հարևանների հետ:

Մարտ 28, 1920
Լոնդոն

Մեր սահմանները որոշող Հանձնաժողովում մեզ հայտնեցին, քե առայժմ որոշվելու են մեր սահմանները թուրքերի հետ, մինչդեռ Կովկասում երեք հանրապետություններն իրենք պիտի համաձայնության գալու աշխատին: Երբ այդ շինի, Խաղաղության Համագումարը կմիջամտի: Եվ մեզ խորհուրդ տվին զրուցել մեր հարևանների հետ:

Այս պատճառով նախ ես մեկնակ տեսնվեցի Չխեիձեի և Ավալովի հետ, հայտնեցի, որ մենք կկամենայինք մեր սահմանների մասին խոսել իրենց հետ և հրավիրեցի հանդիպել իմ երկու

⁹⁶ Միանգամայն թուրքի նման:

Ապա նա ինձ հայտնեց հետևյալը.-

Ազգերի Լիգան, ստանալով Conseil Suprême-ի առաջարկը Հայաստանի մանդատի մասին, խիստ մտահոգվել է: Առաջին մտածումն է եղել՝ մերժել: Հետո, խորհել են, քե գուցե լավ առիթ է այս ցույց տալու քե՝ Լիգան մի իրական, կենդանի օրգանիզմ է. ուստի որոշել են պայմաններ դնել Conseil Suprême-ին.

1) Քանի որ Ազգերի Լիգան ոչ միջոցներ ունի և ոչ իսկ ցանկություն պատերազմ հայտնելու Թուրքիային մարքելու հայ հողերը, ուստի Գաշնակիցները պետք է միջոցներ ձեռք առնեն հեռացնելու Մուստաֆա Քեմալի և առհասարակ Միլի ուժերը Հայաստանից;

2) Պետք է հանձն առնեն ապահովել 5.000.000 ֆունթ սերլինգ փոխառություն Հայաստանի համար: Այս փոխառությունն, ասաց, կամ պետք է բաժանել Ազգերի Լիգայի անդամ բոլոր պետությունների վրա, կամ Թուրքիայի հետ դաշնագիրն ստորագրող պետությունների;

3) Conseil Suprême-ը պետք է ապահովի նաև ռազմական օգնություն;

4) Պետք է տա բոլոր պետք եղած քաղաքացիական և զինվորական խորհրդականները:

5) Պետք է ապահովել Բաթումից մեր ելքը:

Ավելացրեց, որ կան պետություններ, որոնք տրամադիր չեն ընդունել նյութական զոհաբերություններ: Լավ կլինի խոսել Վենիզելոսին, որը անկեղծորեն հայասեր է: Եռանդուն պաշտպան է նաև Բելգիայի ներկայացուցիչ-դեսպանը: Խորհուրդ տվեց՝ առհասարակ պատրաստել մարերը:

Իմ հարցին քե՝ ովքե՞ր են լինելու խորհրդականները, պատասխանեց.

- Հավանաբար անգլիացիներ և ամերիկացիներ. առաջինները քաղաքացիական, երկրորդները՝ զինվորական:

Իմ մյուս հարցին քե՝ ինչու՞ Անգլիան չընդունեց Հայաստանի մանդատը, պատասխանեց, քե՝

- Ֆրանսիան կդժկամի:

Հայտնեց, որ մեզ մեծ պաշտպան է Ազգերի Լիգայի գլխավոր քարտուղար Eric Drummond:

Խնդրում ենք լուծել այդ հանգույցը, քերսս arbitrage-ով (իրավարարությամբ):

— Իրավունք ունիք,— պատասխանեց Լորդը,— մենք այդ գիտակցել ենք: Arbitrage-ը անօգուտ է: Այս մտքով լինելիք դիմումը չի կարող հետևանք ունենալ: Մենք վճռել ենք՝ երբ Թյուրքիայի հետ դաշնագիրն ստորագրվի, Անդրկովկաս ուղարկել մի քանի հաճախորդներ՝ երեք պետությունների: սամանները որոշելու: Մտիպված եմ, սակայն, նկատել, որ ձերոնք,— հատկապես Դաշնակցական կուսակցությունը, որին Դուք ևս, կարծեմ, պատկանում եք, պ. Ահարոնյան,— իրենք են, որ խաղաղությունը հաճախակի խանգարելու առիթներ են տալիս: Ձեր երեք շեֆերը՝ Դրո, Համազասպ և Գյուլխանդանյան պարագլուխ և առաջնորդ են այն խմբերի, որոնք թաթար գյուղեր են ավերել և կոտորած արել Չանգեզուրում, Մուրմալուում, Էջմիածնում, Չանգիբատարում: Սա անհանդուրժելի է: Նայեցե՛ք,— նա ձեռք առավ սեղանի վրայից մի ծալ պաշտոնական բոքեր — նայեցե՛ք, ահա դեկտեմբերի մեջ, վերջին ամիսները օրավուր ինձ հաղորդում է իմ ներկայացուցիչ Վարդրուպը ավերված թաթար գյուղերի ցանկը: Թաթարական պաշտոնական զեկույցը խոսում է 300 թաթար գյուղերի ավերումի մասին: Սա ձեր Դատին կարող է մեծապես վնասել:

Լորդն այս բոլորն ասում էր ջերմությամբ և գրեթե վրդովմունքով:

— Պ. նախարար,— ասացի,— Ձեր մեղադրանքը չափազանց ծանր է և չափազանց վճռական: Ներեցեք, որ պետք եղած քննադատությունը տամ: Իրավունք չեմ համարում ինձ վեճի ենթարկել Ձեր արած հայտարարության պատճառ եղող փաստերը, քանի որ դրանք այր. Վարդրուպի զեկույցներն են: Բայց կասեմ, որ անշուշտ ինքը պ. Վարդրուպ ցավալի բյուրիմացության գոհ է: Հիրավի, կան Ձեր հիշատակած վայրերում բնակիչներից թափուր, թաթար գյուղեր, բայց դա բնավ չի նշանակում, քե հայերն են ավերել այդ գյուղերը: Չանգեզուրի պատմությունը Ձեզ հայտնի է անշուշտ: Թաթարներն աշխատում են գրավել հայկական այդ բնագավառը, մերոնք դիմադրում են: Կռիվ է անընդհատ: Եվ ի՞նչ զարմանք, որ այդտեղ ավերվում են թաթար գյուղեր՝ բնակիչների փախուստով: Եվ ավերում են հավասարապես, գուցե և՛ ավելի հայ գյուղեր, որոնց բնակիչները հաճախ են սրի քաշվում: Դարաբաղի անցքերը գիտեք, հայ գյուղերի ավերածը Մուլթանովի ձեռքով: Մուրմալուն իմ ծննդավայրն է և Էջմիածինը՝ նրան կպած, երկուսն էլ ճանաչում են մոտիկից: Ելմարիտ է, այնտեղ կան թաթար

գյուղեր բնակիչներից թափուր, բայց դա էլ իր ցավոտ պատմությունն ունի, որ համենայն դեպս ի վնաս հայերի բարեհամբավի չէ: Երբ 1918-ին, հայերի համառ ու հուսահատ դիմադրությունից հետո՝ թյուրքերը կարողացան գրավել այդ գավառները, տեղական թաթարները ամեն տեղ հայերի ջարդ կատակերպեցին թյուրքերի հետ: Հայերի մնացորդները խույս տվին Երևան: Դաշնակցիցների հաղթությամբ ու Կովկաս մտնելով թյուրքերը տեղի տվին, քաշվեցին մեր գավառներից և հայերի մնացորդները նորից դիմեցին դեպի Մուրմալու, ուր թաթարները թյուրքերի հետ նոր դիմադրություն ցույց տվին հայերի դարձին և ի վերջո խույս տվին դեպի Ադրբեյջանի հողը: Այսպես են դատարկվել Մուրմալուի թաթար գյուղերը: Նույնը կատարվել է և Էջմիածնի գավառում: Մյուս կողմից՝ մեր հողի վրա գտնվող թաթար համայնքները շարունակ հուզումի ու դավադրության մասնակից եղան Ադրբեյջանի կռավարության գրգռությամբ: Եվ ամեն անգամ Չանգեզուրի վրա քաղող Ադրբեյջանի զորքերին աշխատեցին մեր երկրի ներսից օժանդակել: Այս ընդհանուր շփոթի մեջ բնական է, որ վնասվող գյուղեր եղան երկու կողմից: Կրկնում եմ այս տմաքանդ հարաբերության, այս սվեր ու այրուցի հիմնական պատճառը սահմանների և յուրաքանչյուր պետության ապագայի անորոշությունն է, որ Conférence-ը ցարդ, տարաբախտաբար, չկամեցավ կարգադրել: Հանուն իմ կռավարության և մեր ժողովրդի ևս վճռապես հայտարարում եմ, որ գիտակցաբար կամ անմիտ վրեժխնդրությամբ թաթարների շարդեր տեղի չեն ունեցել: վնասվել են այս անվերջ կռիվների մեջ թաթար գյուղեր, բայց նույնքան և ավելի հայ գյուղեր, որոնք ո՛չ միայն ավերվել են, այլ և՛ս բնակիչները կոտորվել թաթար բանդաներից: Հուսամ՝ ձեր ներկայացուցիչ պ. Վարդրուպ ձեզ հաղորդել է այն ասարափեղի կոտորածը, որին ենթակա եղան Արեշի, Նուխու, Նախիջևանի, Ագուլխի, ավելի վաղ՝ Բաքվի և Շամախու հայերը: Նուխում և Արեշում մենք ունեինք 60 հազար հայ, այսօր գրեթե մարդ չի մնացել: Բաքվի աղետը գիտեք, ուր մենք 28 հազար մարդ կորցրինք:

— Այդ փաստերն ինձ հայտնի են,— պատասխանեց Լորդը վերցնելով առջևի փաստաթղթերը,— նայեցեք, ահա այստեղ շարքով նշանակված են հարձակումները՝ և՛ թաթարների, և՛ հայերի: Ահա դեկտեմբերի ամիսը՝ հայերի անվերջ հարձակումներ,— Լորդը կարդաց շարանը,— և ահա վերջում թաթարական պաշտոնական զեկույց՝ քե 300 թաթար գյուղեր են ավերված:

— Անշուշտ, Բարձր Լորդը կհամաձայնի, որ թաթարական

պաշտոնական զեկույցը ենթակա է ծանր չափազանցության, -
ասաց Պողոս Փաշան: *Վ պատր ծրամեամ որ զմտ նմուզում*
- Այո, իհարկե, բայց մնացածը մեզ գրում է Վարդրուպը:
Կրկնում եմ, մինչև ղեկատները թաթարներն են նախահարձակ
եղել, բայց այնուհետև վերջին ամիսները միշտ հայերը: Ահա այս
ցանկը:

- Բարձր Լորդը, հուսամ, ստացել է Ագուլիսի հայ ազգաբնա-
կության սարսափելի կոտորածի լուրը, որ տեղի է ունեցել հունվա-
րից հետո, - ասացի ես:

- Ճշմարիտ է, այդ մեկ փաստից դուրս, վերջերս միշտ հայերն
են նախահարձակ: Ես այս ասում եմ ձեր շահերի տեսակետից: Ես
կկամենայի, որ այս պահուն, երբ ձեր հարցը մտել է շատ սուր
չրջան, և երբ այնքան դժվարություններ կան մանրատի համար,
դուք նորերը չստեղծեք: Դուք գիտեք, որ ո՛չ Անգլիան, ո՛չ Ֆրան-
սիան, ո՛չ Իտալիան և ո՛չ իսկ Ամերիկյան կամեցան ձեր մանդան
ընդունել: Հույսներս Ազգերի Լիգան է: Լավ չէ, որ ձեր հարուցած
այս նոր դժվարությունները պատճառ դառնան, որ Ազգերի Լիգան
էլ մերժի: Այսպես չի կարելի, դուք մշտական կռիվների մեջ եք:

- Բարձր Լորդը գիտե անշուշտ, - պատասխանեցի ես, - որ
կովախնձորը մեր հողն է: Չանգեզուրը հայ է, Դարաբաղը հայ է,
Նախիջևանը մեր երկրի անկապտելի մասն է հազար տարուց
ի վեր: Բնական է, երբ թշնամիներն աշխարհում են գրավել մեր
երկիրը, մենք ստիպված ենք պաշտպանվել՝ ինչ և լինի:

- Ձեր շահը պահանջում է խաղաղ լինել, այլապես մենք չենք
կարող ձեզ օգնել, չենք կարող ձեզ զենք ու ռազմամթերք հայթայ-
թել, որովհետև դուք այն գործ կածեք թաթարների դեմ:

Այս ասելով՝ Լորդ Քրրզըն վեր կացավ՝ ներողություն
խնդրելով, թե զբաղմունք ունի: Եվ արդեն ոտքի էինք, երբ ես
ասացի.

- Բարձր Լորդի ուշադրությունն եմ հրավիրում այն հանգա-
մանքի վրա, որ ամեն անգամ, երբ մենք զենք ու ռազմամթերք ենք
խնդրել, միաժամանակ խնդրել ենք և Դաշնակիցների կամ Անգ-
լիայի զինվորական միսիոն ղրկել՝ տեղում հետևելու մեր գործողու-
թյուններին, որպեսզի մենք անարդար, անիրավ գնահատումների
ստարկա չդառնանք: Ես շատ կխնդրեի, որ Բարձր Լորդը զենքի ու
ռազմամթերքի խնդիրը չկապեր հայ-թաթարական հարաբերու-
թյուններին:

Պողոս Փաշան, որ մինչ այդ կամ լուռ էր, կամ թարգմանում
էր, երբ Լորդը խոսում էր անգլիերեն, ասաց.

- Բարձր Լորդը կկամենար անշուշտ, որ այս գրույցի մասին

հեռագրեինք կառավարության:

- Այո, անշուշտ: Կրկնում եմ, մինչև թաթարների ջարդը չը-
ղարի, և այդ երեք շեֆերը չհեռաման ղեկավարությունից, դժվար
թե հնարավոր համարեն զենք ու ռազմամթերք հասցնել ձեզ:
Խնդրում եմ այս նկատի առեք:

Եվ հետո, փոխելով իր խիստ տոնը, ավելացրեց ժպտալով.
- Ես շատ եմ ցավում, որ ստիպված եղա այս խիստ տոնով
խոսել: Խնդրում եմ հավատալ, որ ես շատ բարեկամ եմ ձեզ և թե
այսպես խոսեցի, պարզապես ձեզ ճշմարտությունն ասելու
համար էր: Կարծում եմ, բարեկամը պետք չէ ճշմարտությունը
թաքցնի:

Մենք դուրս եկանք:
Տեսակցությունը տևեց մոտ 45 րոպե, որի ընթացքում
նախարարի և իմ մեջ ամենաձանր վեճը տեղի ունեցավ:

Տուն դառնալով՝ Փաշան առաջարկեց իսկույն հեռագրել
Երևան: Նա խիստ կոտրված էր և շատ հուսահատ:

Ես փորձեցի սրտապնդել ասելով, որ Լորդ Քրրզընի հայտա-
բարության տակ թաքնված է անշուշտ ոչ պարզ բարեկամություն,
այլև քաղաքական նպատակ: Ավելցրի, որքան և այս բոլորը
ցավալի լինի, դարձյալ ավելի վատ չէ, քան այն լուրերը, որոնք
հասնում են մեր կոտորածների մասին:

Փաշան, միշտ շատ կոտրված, պատասխանեց, թե իմ սառ-
նաարտությունը նրան զարմացնում է՝ «et vous avez l'épiderme
assez solide»¹⁰²:

Ահա այն հեռագիրը, որ Փաշան թելադրեց, որպեսզի մեր
երկսի ստորագրությանը Երևան ղրկենք.

Խառնիսյան Վարչապետ Երևան

Տեսանք Լորդ Քրրզընը: Խորապես հուզված ենք իմանալով,
որ, ըստ իր տեղեկություններուն, հայ խուսերը, Դրոյի, Համազաս-
պի և Գյուլխանդանյանի կողմն ղեկավարված, վերջին ամիսներու
ընթացքին, հարձակված և ավերած են բազմաթիվ թաթարական

102 «Բավական ամուր ջղեր ունիք»:

գյուղեր: Չարդերու պաշտոնական ամբաստանություն կա: Մեզ կանխագգուշացուցած են, որ երև իրերու այս վիճակին վերջ չըրվի և երե հրամանատարությունը չառնվի վերև հիշված այդ երեք անձնավորություններու ձեռքեն, մեզ պիտի մերժեն զեներերու հայթայթումը, և մենք պիտի կորսնցնենք ամեն օժանդակություն և պաշտպանություն: Չեզ հաղորդելով այս ազդարարությունը, որուն ծանրակշռությունը չի կրնար չափազանցվել վայրկյանի մը, երբ մեր հայրենիքի բախտը պիտի վճռվի:

Հարկադրաբար կիսնդրենք ձեռք ամենը ամենավճռական միջոցներ՝ վերջ տալու համար կացության մը, որ կրնա աղետալի դասնալ և անկարելի դարձնել մեր պաշտոնի կատարումը:

Այս հեռագիրն ինքը Փաշան ստորագրեց ու մեկնեց Փարիզ նույն օրը:

Մինակ մնալով՝ ես գտա, որ այսպիսի հեռագիրը կարող է չափազանց քաղցրած տպավորություն գործել: Այս պատճառով խմբագրեցի նոր հեռագիր, ուր, պահելով Լորդ Քրրզընի հայտարարության մասը, զգալապես թուլացրի մեր խորհրդի խստությունը: Եվ որովհետև Փաշան քացակա էր, ստորագրեցի ինքս մինակ:

Միայն այդ հեռագրի պատճենը, որ անձամբ տարա Foreign Office¹⁰³ և ցերկայացրի Vansittart-ին:

8 Ապրիլ, 1920
Լոնդոն

**Վարչապետ Խատիսյան
Երևան**

Տեսանք Լորդ Քրրզընը Պողոս Փաշայի հետ միասին: Խորապես հուզված ենք իմանալով, որ, համաձայն իր տեղեկություններուն, Դրօ-ի, Համազասպի և Գյուլխանդանյանի կողմն ղեկավարված հայկական խումբերն են, որ վերջին ամիսներու ընթացքին հարձակեր և կործաներ են Մուրմալուի, Էջմիածնի, Չանգեզուրի, Չանգիբասարի բազմաթիվ թաթարական գյուղեր: Կան ջարդերու պաշտոնական մեղադրանքներ: Մեզ նախագգուշացրին, որ երե այս կացությունը չփոխվի, մեզ պիտի մերժվի բոլորովին զեներերու մատակարարությունը և մենք պիտի կորսնցնենք ամեն օգնու-

¹⁰³ Արտաքին գործոց նախարարություն (Բրիտանիա):

թյուն ու հովանավորություն:

Հաղորդելով Չեզ այս ծանր լուրը՝ կիսնդրեն Չեզ անմիջապես հեռագրել կառավարության կողմն ձեռք ամենված միջոցներու մասին:

ԱՎԱՐՈՒՅՈՒ

**Մեքսիկայի
Բոյնալ Փալաս Հոթել
Քենսինգտոն, Լոնդոն**

Ապա ավելացրի հետևյալը.

– Դուք գիտեք, որ երեկ մենք տեսնվեցինք Լորդ Քրրզընի հետ, որը մեղադրեց մեզ թաթարների ջարդերի մեջ: Իմ պարտքն է այս ծանր հայտարարությունը հաղորդել իմ կառավարության: Բայց պետք էմ համարում կանխապես հայտնել, որ այս հեռագիրը կարող է իր ծանր տպավորությունը թողնել Երևանում և նրանց մտածել կտա, որ Անգլիա, որ համարվում էր ներկա պայմաններում մեր միակ հույսը, ձեռնբալ է լինում մեզմիջ: Ես վախենում եմ, որ այս տպավորության տակ, նրանք հուսահատ քայլեր առնեն, որոնցից կարելի էր խուսափել: Մասնավորապես զեների և ռազմամթերքի մերժումը ամենածանր տպավորություն կբողնի: Ես խնդրում եմ այդ հայտնել Լորդ Քրրզընին:

– Ես գտնում եմ, որ ավելի լավ է այս հեռագիրը դրկեք, – ասաց Vansittart, – վնաս չունի, թե ձերոնք մի փոքր վախ զգան: Եշմարիտ է, որ այս մեղադրանքների մեջ շատ չափազանցություն կա, բայց և ճշմարիտ է, որ ձերոնք բաներ թույլ տվել են իրենց:

– Ես նորից պնդում եմ, – ասացի, – որ Վարդուպ գոհ է ծանր մոլորության, ուր դեր են կատարել մեր հարևանները: Այո, ես կրրկեմ հեռագիրը, բայց պետք էր, որ ես ձեզ ասեի, թե նա ինչ տպավորություն կթողնի:

Այնուհետև Vansittart երկար խոսում ու համոզում էր ինձ ընդունել Դաշնակցություն (Fédération¹⁰⁴) երկու հարևանների հետ՝ բուլղարիկներին ղիմադրելու համար:

– Սա միակ միջոցն է պահպանելու այդ երեք պետությունները: Հակառակ դեպքում, վստահեցնում եմ ձեզ, որ մեր բոլոր աշխատանքները ջուրը կընկնեն՝ Հայաստան կազմելու համար: Բուլղարիկները շատ մոտ են Բաթումին ցամաքով, երբ Բաթում առին, դուք՝ երեք ժողովուրդներդ էլ նրանց ոտքի տակ եք:

¹⁰⁴ Fédération - Դաշնություն:

– Բայց մի՞թե դուք լռողներն հավատում եք, – հարցրի ես, – թե կովկասյան ազգերը պիտի կարողանան դիմադրել բուլշևիկներին: Ես չեմ հավատում: Ռուսական զենքի վարկը շատ բարձր է այդ կողմերում: Ի՞նչ գորք կա: Թաթարական: Դա գորք չէ, այլ բանդա: Վրացիք միշտ վատ կռվողներ են եղել: Մենք էլ խնդրեցինք վաղուց հետե միջոցներ՝ բանակը կազմակերպելու համար: Չկամեցաք: Ո՞վ պիտի կռվի բուլշևիկների դեմ:

– Բուլշևիկների հաղթությունների մեջ մեծ բըլՖ¹⁰⁵ կա, – ասաց Vansittart և վերջում առաջարկեց իր ծառայությունը մեր երեք պատմիրակությունները հավաքելու և խոսելու:

Ես խուսափողական պատասխան տվի:

ԵՐԿՈՒ ՀՆՈՒԳՐԻ ՊԱՏՄՈՒԹՅՈՒՆԸ

Փարիզ

12 ապրիլ, 1920

Լոնդոնից Փարիզ վերադարձիս, եկեղեցում զատկական տոնի առթիվ, Փաշային հանդիպեցի: Եվ նրա առաջին հարցն եղավ, թե որկե՞լ եմ հեռագիրը Երևան Լորդ Բրոքզոնի հետ ունեցած գրույցի առթիվ: Ես երկու խոսքով ասացի.

– Այո, միայն հետո խորհելով ինչ-որ անպատեհություններ գտա, որ շտապ կազմելիս նկատած չէինք, մի փոքր փոփոխեցի և, քանի որ Դուք բացակա էիք, մեմակ ստորագրեցի:

Նա ասատիկ դժկամեց և կողքիցս քաշվեց խռոված երեսայի պես՝ ասելով.

– O, c'est très fort¹⁰⁶:

Նույն օրը բժիշկ Նեվրուզը եկավ ինձ ասելու, թե Փաշան ասատիկ զայրացած է հեռագրի պատմությունից և ուզում է բողոքել Լորդ Բրոքզոնին: Ես ժպտացի ու ավելացրի՝ թե երբ հանդիպեմ վաղը ժողովին, ես նրան շատ հեշտությամբ կհամոզեմ, որ վշտանալու տեղիք չկա, որ ուրիշ կերպ անհնարին էր վարվել, քան ես վարվել եմ: Նեվրուզն ավելացրեց, թե կասկածում է իմ հաջողությանը և թե Փաշան մտադիր է այս խնդիրը Միացյալ Պատվիրակության ժողովին քերել: Ես պատասխանեցի, թե՝

– Այդ ավելի լավ ինձ համար, և Դուք կտեսնեք, որ Փաշային ես հենց ժողովում կհամոզեմ:

¹⁰⁵ Փրուն ստու:

¹⁰⁶ Այս արդեն չափազանց է:

Արդարև, հաջորդ օրը Միացյալ Պատմիրակության նիստին, ուր ներկա էին Պատրիարքը, Փաշան, Չոպանյան¹⁰⁷, Նեվրուզ, Թերեյան¹⁰⁸, ես պատմեցի Լոնդոնում մեր գրույցի արդյունքը բաթարների և վրացիների հետ: Փաշան, հանկարծ նյութը փոխելով, դարձավ երկու հեռագրի պատմությանը: Նորից երկարորեն պատմեց մեր տեսակցությունը Լորդ Բրոքզոնի հետ, հեռագրի կազմելը, ապա եկեղեցու միջադեպը և խնդրեց, որ ժողովն իր կարծիքն ասի:

– Շատ եմ ցավում, որ այս խնդիրը Փաշային այդքան ծանր զբաղում է դարձել և խնդրում եմ հավատալ, որ եթե այս բոլորի մեջ ինձ համար անախտո՞ մի բան կա, դա այն է, որ ես առանց բնավ այդ ցանկանալու՝ զայրույթ եմ պատճառել Պողոս Փաշային: Կրկնում եմ՝ ես այդ չեմ հետամտել: Ես սիրով կլսեմ, եթե նա ցույց տա, որ ես սխալ եմ գործել: Բայց կխնդրեի փոխադարձ վիրավորանքի և անվստահության մտածումները մեկդի դնել: Վստահ եմ, սակայն, որ իմ կազմած հեռագիրը հավատարիմ մնալով հանդերձ Լորդ Բրոքզոնի հայտարարության, միայն մեղմացրել է վերջին մասը: Եվ այդ անհրաժեշտ էր. այլապես, դուրս էր գալիս, որ 1) ես ու Փաշան բաժանում ենք Լորդ Բրոքզոնի կարծիքը ջարդերի մեղադրանքի մասին; 2) մենք էլ նրա հետ միացած պահանջում ենք հեռացնել ասպարեզից մեր երեք կարևոր գործիչներին; 3) առանց սպասելու և խնդրելու մեր կառավարությունից պետք եղած բացատրությունը, մենք մեր կողմից պահանջում ենք համակերպվել, ի վերջո 4) սպառնում ենք նույնիսկ հրաժարվել: Ինչ վերաբերում է իմ մինակ ստորագրելուն, դուք երևի չգիտեք, որ ես ինքս խնդրեցի Փաշային ինձ հետ ստորագրել առաջին հեռագիրը, հետևապես պատճառ չունեի նրան զրկել այդ հաճույքից, եթե նա Լոնդոն լիներ: Այժմ կխնդրեի կարդալ երկու հեռագիրը և համեմատել՝ տեսնելու համար իմ ասածի ճշմարտությունը:

Փաշան կարդաց երկու հեռագրերը: Ժողովականները լուռ էին: Ես շարունակեցի.

– Դուք տեսնում եք, որ տարբերություն գրեթե չկա: Նույնիսկ Vansittart, որին ես հաջորդ առավուտ Լոնդոնում ցույց տվի իմ հեռագիրը, այն գտավ շատ խիստ, բայց ավելացրեց թե՝ «պարտական եք որկել, դա անհրաժեշտ է»: Եթե Vansittart-ը այն գտավ լիապես զոհացուցիչ, նույնիսկ խիստ, կարծում եմ, որ մենք ավելի պահանջող լինելու չենք մեզմից:

Փաշան պատասխանեց.

¹⁰⁷ Գրող Արշակ Չոպանյան:

¹⁰⁸ Բանաստեղծ Վահան Թերեյան:

Այն, բայց նույն Vansittart-ը այսօր, երբ տարա նրան ցույց տվի առաջին հեռագրի տեքստը, և ասացի, թե Ահարոնյան այս չէ որկել, շատ զարմացավ, որ Դուք նրան ուրիշ հեռագիր եք տվել և շատ վշտացավ:

Ի՞նչպես, Դուք ցույց եք տվել մի օտար պետության ներկայացուցչին այն հեռագիրը, որ երկրորդի սեկնելեն հետո՝ պիտի համարվի պետական գաղտնիք, ազգային գաղտնիք: Դուք, որ գիտեիք, թե ես երկրորդ հեռագիրն արդեն որկել եմ: Սա մի վատ, շատ ստոր արարք է, հավասար դավաճանության, և եթե Դուք սկզբից ինձ հայտնեիք Ձեր այդ անարժան արարքի մասին, ես Ձեզ այնքան քաղաքավարությամբ բացատրություն չէի տա: Ես Ձեզ շատ վատ մարդ եմ կարծել, բայց այս աստիճան ստոր երբեք չէի կարծի:

Ես դուրս գնացի ժողովից: Այսօր՝ ապրիլ 12-ին Խորեն Սրբազան Մուրադբեգյան, գրում է ինձ Լոնդոնից, թե Փաշայի ներկայացուցիչ՝ տիրահոչակ Մալքոնը, անշուշտ Փաշայի հրահանգով, առաջին հեռագրի պատճենը Լոնդոնում տարել է Foreign Office, ցույց է տվել, հայտնել է, թե Ահարոնյանը չի որկել այս և հաջողացրել է այն ևս հեռագրել Երևան՝ Փաշայի և իմ ստորագրությամբ:

Այս բոլորը կատարվում է իսկապես Դաշնակցությունն ու մեր արդի կառավարությունը հարվածելու համար, և մանավանդ Դրոյին, որի դեմ պ. Մ. Պապաջանյան բոլոր շրջաններում, ուր կարող է, մղում է անպատիվ պրոպագանդա:

Չավեն Պատրիարքը, որ Փաշայի հետ ունեցածս ընդհարման երեկոյին եկավ ինձ խնդրելու, որ մոռանամ միջադեպը և շարունակեմ գործակցությունը Փաշայի հետ, չկարողացավ թաքցնել, որ Փաշան այդ «հիմարությունն ըրած է պարզապես քիչ մը Դաշնակցությունը նեղը ձգելու համար»:

Եվ ես ստիպված եմ նորից գործակցել Փաշայի հետ, նորից տեսնվել, նորից ժողովներ անել, դիմումներ կատարել միասին: Ի՞նչ տանջանք:

Այդ ամբողջ իրադրությունը գնդակահարելով, ես հենց ժողովում կհամոզվեմ:

105 Փրոնտ ստոր: Մարտի 28-ին Մոսկվայից գրած իմ նամակը
106 Այս ամբողջ խորագրով է: Մարտի 28-ին Մոսկվայից գրած իմ նամակը

Լորդ Քրոզլենի քարտուղար Vansittart-ի հրավերով - որ հատուկ եկել էր Լոնդոնից այդ նպատակով, տեղի ունեցան մի քանի խորհրդակցություններ Կովկասյան երեք պատվիրակությունների մեջ սահմանային խնդիրների առթիվ: Vansittart, հրավիրելով մեզ իր մոտ ապրիլի 12-ին, հայտարարեց, որ թե՛ ինքը և թե՛ մանավանդ Լորդ Քրոզլեն անկեղծորեն բարյացակամ են երեք հանրապետություններին, և ահա թե ինչու ինքը Լորդ Քրոզլենի հրահանգով խորհուրդ է տալիս մեզ շտապով համաձայնության գալ:

- Հակառակ դեպքում, - ավելացրեց նա, - ես շատ վհատված պիտի լինիմ ձեր ապագայի մասին:

Հաջորդ օրը՝ ապրիլի 13-ին, տեղի ունեցավ մեր առաջին նիստը:

Ներկա էինք ես ու Փաշան, զեն. Կորզանով և Փիրայան, հետո և Նորատունկյան, վրաց կողմից՝ Չխեիձե, Գրեվաչաձե, Ավալով, թաթարների կողմից՝ Թոփչիրաշև, Մեխտիև, Շեյխ յուլ Իսլամով:

Ժողովի նյութն էր՝ 1) համաձայնության եզր գտնել սահմանավեճերի առթիվ. 2) Բաքվի շրջանի և քաղաքի ապագայի մասին:

Ժողովը տեղի ունեցավ Վրաց պատվիրակության շենքի մեջ, նախագահությամբ Չխեիձեի:

Որովհետև վրացիք ու թաթարները դեմ եղան սահմանային խնդիրները ամբողջապես այստեղ՝ Խաղաղության Համաժողովին մոտիկ լուծել, մնում էր համաձայնության մի այլ ելք գտնել: Հիմք ընդունվեց Կովկասում երեք կառավարությունների ստորագրած համաձայնությունը միջնորդ դատարանի մասին, եթե համաձայնության չգան: Եվ քանի որ այդ համաձայնությամբ նախատեսված չէ ո՛չ բանակցությունների և ո՛չ արբիտրաժի համար որոշ ժամանակ, վճռվեց սահմանել որոշ ժամանակամիջոց և՛ մեկի, և՛ մյուսի համար:

Մենք առաջարկեցինք բանակցությունների համար ամենաշատը մի ամիս: Վիրո-թաթար բոլոր պնդեց 2 ամսի վրա: Նկատելի է, որ նրանք կցանկանային որչափ կարելի է ներկա դրությունը ձգձգել: Կանգ առանք վեց շաբաթվա վրա, որից հետո, եթե բա-

նակցությունները չեն հաջողվում, կողմերը, համաձայն իրենց նախկին որոշման, դիմում են արքիտրաժի:

Երկրորդ խնդիրը արքիտրաժի ձևն էր, որ նույնպես նախորոշված չէ կառավարությունների մեջ:

Վիրո-թաթարական քուլը, բացառությամբ Շեյխ-ուլ-Իսլամովի, առաջարկեց հետևյալը.

«Յուրաքանչյուր կողմ իրենից ընտրում է մի անձն, հետո, այդ երկուսը միասին համաձայնությամբ ընտրում են երրորդին՝ օտարականի, որը և լինում է նախագահ»:

Մենք առարկեցինք, որ այդպիսի արքիտրաժը էապես դառնում է մի անհատի՝ նախագահի, որովհետև երկու կողմերի ներկայացուցիչները իրար կչեղոքացնեն: Այդ դեպքում այդ երկրի ներկայությունը (օրինակ՝ մի հայի և մի վրացու) սոսկ կծառայի ծանր վեճերի և հաճախ անախորժությունների: Ուստի առաջարկեցինք, որ յուրաքանչյուր կողմ ընտրի իր ներկայացուցիչը, բայց ոչ իր ցեղից, այլ օտար, չեզոք պետությունից (օրինակ՝ Շվեդիա, Հոլանդիա, Շվեյցարիա) և հետո՝ դարձյալ երկու կողմերը համաձայնությամբ ընտրեն նախագահին, նույն երկրներից մեկի քաղաքացի: Եթե, սակայն, նախագահի ընտրության վրա, չհամաձայնին, պետք է դիմեն կամ Գերագույն Խորհրդի, կամ Ազգերի Լիգային և կամ որևէ պետության, որ նշանակի մեկին նախագահ:

Անցավ մեր առաջարկը: Որոշվեց այս ընդհանուր հիմունքներով թուրքը խմբագրել և հեռագրով հաղորդել երեք կառավարություններին:

Չխեիձեն հայտնեց, թե ինքը Բաթումի խնդիրը և այս մյուս սահմանակետերը նկատում է միացած: Եվ նույնիսկ նա նախ Բաթումի խնդիրն առաջ ձգեց օրակարգով, բայց որովհետև նրա մասին համաձայնություն չգոյացավ, մենք խոստացանք զրավոր ներկայացնել 1-2 օրից, այս պատճառով նախ սահմանային արքիտրաժի ընտրության առանք:

Բաթումի մասին Vansittart խնդիրն այդպես էր դրել: Թե նախ ծրագիր կար Բաթում և իր շրջակա շրջանը հայտարարել մի չեզոք պետություն, բայց հետագայում այդ ծրագիրն ընկավ. և այժմ, եթե երեք կողմայան կառավարությունները համաձայնության գան Բաթումի մասին, Գերագույն Խորհուրդը շատ գոհ կմնա: Նա ավելացրեց, թե դեմ չէին լինի, որ Բաթում ու շրջանը վրացական գերիշխանության ենթարկվի, բայց 1) ապահովելով մյուս երկու հակամեծերին՝ Հայաստանին ու Ադրբեյջանին ելք Բաթումից Սև

ծով, և 2) անպայման Բաթումը ազատ պորտո-ֆրանկո¹⁰⁹ դարձնելով:

Վերջին երկու պայմանները նկատի ունենալով, վրացիք առաջարկեցին համաձայնության գալ հետևյալ ֆորմուլայի վրա:

«Հայաստանն ու Ադրբեյջանը ընդունում են Վրաստանի գերիշխանությունը (կամ ավելի ճիշտ միացած իրավունքը) Բաթումի ու շրջանի վրա, իսկ վրացիք իրենց կողմից ապահովում են երկու հիշյալ հարևաններին տնտեսական ելք՝ Սև ծովը՝ Բաթումի վրայով»:

Թաթարները համաձայնեցին իսկույն: Ես առարկեցի հետևյալը.

– Երբ դուք ասում եք՝ հարևանները ընդունում են ձեր «սուվրենիտետը»¹¹⁰, դա բոլորովին հասկանալի է: Բայց երբ ասում եք, թե մենք կտանք բոլոր անհրաժեշտ երաշխիքները ձեր տնտեսական ելքի, դա անորոշ է և կարող է պատճառ դառնալ շատ բյուրիմացությունների: Նախ՝ պետք է որոշել ձեր տալիք երաշխիքների բնույթը և տեսնել, թե մինչև որ աստիճան նրանք կարող են ապահովել մեր տնտեսական ելքը:

Չխեիձեն պատասխանեց, թե իրենք ազնիվ խոսք են տալիս: Ես ասացի թե՛

– Ձեր ազնիվ խոսքը անհատապես ինձ համար շատ հարգելի է, բայց պետական քաղաքական խնդիրների կարգադրության ժամանակ դա առանձին արժեք չունի: Գարանտիան¹¹¹ պիտի լինի որոշ, հստակ և հաստատուն:

Չխեիձեն առաջարկեց մեզ ներկայացնել զրավոր, թե մենք ի՞նչպես ենք հասկանում գարանտիաները՝ ապահովելու համար մեր տնտեսական ելքը:

Մի օր հետո մեր առանձին խորհրդակցությանը, ուր ներկա էին Փաշան, ես, Նորատունկյան, զեներալ Կորգանյան, Փիրալյան, Վարանդյան, Միմ. Հակոբյան, եկանք այն եզրակացության, որ մենք պահանջելու ենք Դորդիսի ձախ ափը en tout propriété¹¹², մանավանդ, որ Vansittart հայտնեց մեզ առանձին, որ մենք այդ պահանջելու իրավունք ունինք և Գերագույն Խորհուրդը կտա մեզ

¹⁰⁹ Ազատ նավահանգիստ: Նավահանգիստ կամ ծովափնյա շրջան, որ առանց մարտի օգտվում է ապրանքների ներմուծման և արտահանման իրավունքից:

¹¹⁰ Ինքնիշխանությունը:

¹¹¹ Երաշխիք:

¹¹² Մտրոջ սեփականությանը:

այդ: Նաև պահանջեցինք մեր հատուկ քարավար Բաթումում և նրա շուրջը բավարար չափով հող, ուր կարելի լինի շինել պետք եղած ամբարները և այլ անհրաժեշտ ծածկերը: Ճորոխի գետաբերանից մինչև Բաթում 7-8 վերստ¹¹³ տարածություն հողաբաժնի վրա, որ վրացական է լինելու, մենք պետք է իրավունք ունենանք մեր երկաթուղիին գիծը անցկացնելու, որ գալու է Արդահանի և Կարսի շրջանից:

Այս որոշումն էր, որ մենք հաջորդ օրը հայտարարեցինք ժողովում: Վրացիք բացելիքաց մերժեցին: Բաթումի մասին համաձայնություն չգոյացավ:

Մենք առաջարկեցինք ստորագրել առայժմ գեթ արքիտրածի մասին մեր կայացրած համաձայնությունը: Վրացիք հայտնեցին, թե քանի որ Բաթումի մասին համաձայնություն չկա, նրանք հնարավոր չեն գտնում առաջինն ստորագրել:

Vansittart սպասում էր պատասխանի: Երեք պատվիրակություններն ապրիլի 17-ին ներկայացանք և հայտնեցինք կատարվածը: Նա շատ վշտացավ, նորից պնդեց, թե պետք է համերաշխիլ և առաջարկեց այս ձևախղանքը չնկատել վիժումն և վերսկսել Սան-Ռեմոնում, ուր լինելու է և ինքը, և ուր ապրիլի 19-ին, ասաց, սկսվելու են Խաղաղության Համաժողովի նիստերը:

Ես մեկնեցի Սան-Ռեմոն ապրիլի 18-ին գեմ. Կորզանյանի, Ս. Հակոբյանի, Մյուրեի հետ. Հռոմից էլ կանչեցի Վարանդյանին: Եկան և Փաշան ու Նորատունկյանը: Վերջինիս ես իրավիքեցի:

ԽՈՐՀՐԳԱԿՑՈՒԹՅՈՒՆ ՎՐԱՑԻՆԵՐԻ ԵՎ ԹԱԹԱՐՆԵՐԻ ՀԵՏ ՍԱՆ-ՌԵՄՈՆՈՒՄ

1920թ. ապրիլ 21

Սան-Ռեմոնում Vansittart մեզ առանձին հայտնեց, թե մեր կցությունը խախտված է, թե Թուրքիայի կողմից մեր սահմանները սղմելու տրամադրություն կա (խոսքը Էրզրումի մասին էր) Հայաստանը շրջապատող բազմաթիվ թշնամիների պատճառով և թե լավագույնն է զիջումով համաձայնության գալ վրացիների և թաթարների հետ և խորհուրդ տվեց ճորոխի ձախ ափի սեփականության պայման չլինել և պահանջել իրավունք՝ երկաթուղային

¹¹³ Երկարության ռուսական հին չափ՝ հավասար 1,06 կմ.-ի, որ կիրառվում էր մինչև մետրական սիստեմին անցնելը:

գիծ անցկացնելու վրացական հողով, բայց մեզ պատկանող իբրև Հայաստանի անձեռնմխելի սեփականությունը մինչև Բաթում, որը մնալու է Port Libre et Franc¹¹⁴:

Ստիպված էինք համակերպիլ, քանի որ իրոք Էրզրումի մասին շշուկները քանի գնացին ավելի ճշմարտապատում պատկեր առան: Եվ առաջին ժողովում իսկ, երկար վեճերից հետո, աշխատելով քանի ծախել, մենք հայտնեցինք, որ հրաժարվում ենք հողային պահանջից և կրավականաճանաչ լուրջ գարանտիաներով մեր երկաթուղային գծի համար, որը անցնելով ճորոխի եռվստով վրացական հողով կերթա դեպի աջ՝ Բաթում և դեպի ձախ՝ դեպի Աֆինե և Բիզա, որոնք մեզ խոստացված են որպես սեփական մավահանգիստներ:

Վրացիք, ընդունելով մեր երկաթուղային գիծը, ավելացրին, սակայն, որ իրենք պետք է որոշ կոնսորի¹¹⁵ իրավունք ունենան երկաթուղու կառուցման և շահագործման մեջ: Նրանց հակաառաջարկն այս մասին պարզապես մեր միջոցներով շինված երկաթուղին դարձնում էր վրացական գիծ. իսկ դեպի Աֆինե և Բիզա ճյուղ տանելուն հակառակեցին:

Առարկությունը հետևյալն էր, որ Չխեիձե, Գորեչիա և Գվարճալածե արտահայտեցին երկար ճառերով: Նրանք ասում էին, թե մեր պահանջը Լազիստանի վրա հակադեմոկրատիկ է և ազգերի ինքնորոշման դեմ՝ ի՞նչպես կարելի է լազերի երկիրը պահանջել, առանց նրանց կամքն առնելու. «այո, մենք, վրացիներս, արդեն իսկ Բաթումի շրջանին ինքնավարություն ենք տալի»:

Ինչ վերաբերում է երկաթուղային գծին դեպի Բաթում, նրանք դեմ չեն, ասաց Չխեիձեն, բայց հարկավոր է այս մասին առաջարկել մեր երկու կառավարություններին համաձայնության գալ, որովհետև իրենց պատվիրակությունը իրավասու չէ այդպիսի զիջումն անել:

Նախընթաց օրը նրանք տեսնվելու էին իտալացիների հետ: Ես ասացի.

— Շատ ուրախ եմ, որ դուք ազգերի ինքնորոշումը և ժողովուրդների իրավունքը մեջ բերիք: Բայց ինչու՞ այդ հիշեցիք այժմ լազերի առթիվ և այնպես մոռացել եք Ախալքալակը պահանջելիս, ուր 80 հազար հայի դեմ հազիվ 4-5 հազար վրացի կա, և Լոռին ու Բորչալուն պահանջելիս, ուր 60 հազար հայության մոտ հազիվ 4-5 հարյուր վրացի կա: Պ. Չխեիձե, կամ շարունակ լինինք իսկապես դեմոկրատ, պաշտպան ժողովուրդների իրա-

¹¹⁴ Ազատ և առանց մաքսի մավահանգիստ:

¹¹⁵ Հսկողություն:

վունքի, կամ երբեք չլինինք: Հարցրե՞լ եք արդյոք լոռեցիներին, քե նրանք կամենու՞ն են վրացի դառնալ: Հարցրե՞լ եք ախալքալարացիներին... Ինչ վերաբերում է ձեր իրավասություն չունենալուն, մեզ զարմացնում է, որ Դուք միայն այժմ այդ հիշեցիք, այժմ, մի ամբողջ ամիս այս մասին ժողովներ անելուց հետո:

Ժողովը ցրվեց՝ վճռելով Vansittart-ին հաղորդել կատարվածը հարազատությամբ:

Vansittart-ը, լսելով խնդիրը, ասաց հետևյալը.

– Պարոններ, Լորդ Ջորջընի մտաած-ն¹¹⁶ է, որ ես ձեզ հայտարարում եմ: Համերաշխության փորձի այս տխուր վիժումը մեծապես վշտացնում է Լորդ Ջորջընին, որ իրեն իրավունք է համարում ձեր հովանավորը կարծել, քանի որ նա էր, որ խանդով պաշտպանեց և ձեր պետությունները ճամաչել տվեց: Նա խորապես դառնացավ իմանալով այս բոլորը: Ես գտնում եմ, որ հայերը հասել են կարելի զիջումի եզրին, նրանից դեմը գնալու չեն: Հայտնում եմ ձեզ, որ Conférence-ը վճռել է Հայաստանին ծովային ելք տալ ինչ գնով և լինի, որ Բաթումը պիտի մնա Port Libre et Franc, և հայերը պետք է զիծ ունենան և՛ դեպի Բաթում, և՛ դեպի Աթին:

Չխեիձե. – Երբ դեպի Բաթում կա, ինչու՞ այս երկրորդ զիծը:

Vansittart. – Տարօրինակ է. բայց դա ձեզ ի՞նչ վնաս: Ես ձեզ ասում եմ, պ.պ. վրացիներ, իզուր մի հակառակեք հայերի համեստ պահանջներին, այլապես դուք ավելի կկորցնեք Բաթումի շրջանում: Ես առաջարկում եմ ձեզ նորից հավաքվել, և սկզբունքը այս է համաձայնության.

- 1) Հայերը չեն հակառակի ձեր իրավունքին Բաթումի և շրջանի մեջ;
- 2) Բաթումը՝ Port Libre et Franc;
- 3) Հայաստանը պիտի իր երկաթուղին ունենա Դորոխի հովտով en tout propriété, որի մի ճյուղը կերթա Բաթում servitude-ի¹¹⁷ իրավունքով և մյուսը Աթին և Բիզն՝ հայկական նավահանգիստները: Հայերը և թաթարները կունենան Բաթումում իրենց քարափը (quai¹¹⁸) և Zone Franche-ը¹¹⁹ շենքեր կառուցանելու»:

¹¹⁶ Հարորդած:

¹¹⁷ Ռոշալի սահմաններում՝ ուրիշի սեփականությունից օգտվելու իրավունք:

¹¹⁸ Կառամատույց:

¹¹⁹ Առանց մարտի զոնա:

Հաջորդ օրը՝ 23-ին ապրիլի, նորից ժողովվեցինք: Նորից վրացիք երկար ճառեր ասացին. դարձյալ համաձայնություն չկայացավ, քանի որ Ավալով ու Չխեիձե երկաթուղագծի մասին այսպիսի ֆորմուլ առաջարկեցին քե՝ «Վրաստանի սովորեցիտես (վեհապետական) իրավունքը տարածվում է և՛ հողի վրա, և՛ երկաթուղային գծի վրա»: Իսկ դեպի Բիզն գնացող զիծը մերժեցին:

Վերջին անգամ հավաքվեցինք Vansittart-ի մոտ հայտնելու, քե համաձայնություն դարձյալ չկայացավ:

Vansittart շատ հուզված, շատ դառնացած ձայնով ասաց.

– Պ.պ. վրացիներ, դուք չկամեցաք ընդունել հայերի համեստ պահանջները: Թույլ տվեք այժմ ձեզ ասել, որ դուք ձեր հայրենիքի շահերի դեմ ընթացաք: Դուք չուզեցիք Հայաստանի իրավունք տալ հարևաններն ձեր հողով երկաթուղի տանել: Վստահ եղեք, որ հայերը կունենան նույն երկաթուղին, բայց իրենց սեփական հողով, և դուք կկորցնեք Բաթումի շրջանի 2/3-ը: Գիտցեք, որ Թուրքական Հարցի կարգավորվելով, այստեղ կլուծվի Հայաստանի Հարցը, և նրա սահմանները կորոշվին: Բայց դուք և Արդրեյջանը դեռ կսպասեք: Դուք չկամեցաք համաձայնիլ և հնար չտվիք, որ Conférence-ը և՛ ձեզնով զբաղվի: Ես վերջապահ, և խոստանում եմ ձեզ այլևս անհանգիստ չանել:

Ասաց և վեր կացավ դուրս գնալու:

Ավալով. – Պ. Vansittart, կխնդրեմ, սպասեք, մինչև որ ձեր ասածները ես ռուսերեն թարգմանեմ պ. Չխեիձեին:

Vansittart. – Ես հավատում եմ, որ Դուք ճիշտ կթարգմանեք: Ես չպիտի մնամ:

Vansittart դուրս գնաց:

Այդ օրը հավաքված էինք Փաշայի մոտ: Երբ վրացիք ու թաթարները հեռացան, Vansittart ու Չխեիձե ժամը 12-ին, նորից եկավ, և ցույց տալով մեզ մի թուղթ, ասաց.

– Ահա ձեզ մի փաստաթուղթ վրացիների և թաթարների վատ մտայնության և քաղցրեխության: Ես ծանոթ եմ բոլոր այս բանակցություններին: Գիտեմ, քե ինչ արին վրացիք, որպեսզի այս համաձայնությունը վիժի: Եվ այնուամենայնիվ այս մարդիկ երես են ունեցել զեկույց տալ Conférence-ին մեղադրելով՝ քե դուք՝ հայերը եք պատճառ համաձայնության ձախողանքին: Նրանց համարձակությունն ասեմ, քե հիմարությունը այնքան մեծ է, որ նույն զեկույցը դրկել են և ինձ, որ ամեն ինչ գիտեմ: Ահա այդ փաստաթուղթը, որ լիքն է աներես ստերով: Պատասխանեցեք

կենտ առ կենտ, և կարող եք իմ վկայությունն առաջ բերել:

Մենք հաջորդ օրը պատասխանեցինք վիրո-բարբարական այս ստահող գրությանը՝ միաժամանակ ներկայացնելով *Conférence*-ին մեր իսկական պահանջները: Եվ այս առթիվ վերստին կանգնեցինք Փարիզում արած մեր ստաջարկի վրա, այսինքն՝ պահանջեցինք նորոխից ձախ ավել միացնել Հայաստանին՝ մեզ երկաթուղային գիծ ապահովելու համար, քանի որ, ինչպես բանակցությունները ցույց տվին, եթե մեր երկաթուղին մեր սեփական հողով չանցնի, ոչ մի ապահովություն չունենք, քե վրացիք իրենց հազար ու մի միջամտություններով չեն խանգարելու մեր ելքը դեպի Սև ծով:

Այսպես վերջացան մեր բանակցությունները վրացիների և քարաքների հետ:

Պողոս Փաշայի տպավորությունը այնքան ծանր եղավ վրացիներից, որ նրանց մեկնելուց հետո բացակայեց.

— Ah, les menteurs, fripouilles, canailles, je n'ai jamais vu de gens pareils¹²⁰:

ԳԵՐԱԳՈՒՅՆ ԽՈՐՀՐԴԻ ԱՌԱՋ

Ապրիլ 23, 1920

Սան-Քենտ

Գերագույն Խորհուրդը Սան-Քենտ հավաքված օրից գրեթե մենակ Թյուրքական և Հայկական Հարցերով է զբաղված:

Երկու օրից ի վեր լուրեր են շրջում, քե Էրզրումը մեզնից ուզում են խլել՝ հակառակ Լոնդոնում կայացած որոշման, որովհետև մենք՝ հայերս հարկավոր ուժը չենք ունենա այն գրավելու բյուրքերի ձեռքից և մանավանդ պահելու: Պետությունները մեզ զինվորական օգնություն տալու չեն:

Երեկ երեկո կանչեցին Պողոս Փաշային, որ եկավ հայտնեց, քե ճշմարիտ է, դրված է Էրզրումի խնդիրը և քե դրա մասին իրեն հարցեր տվին: Ավելացրեց, քե ինքը հայտնել է, որ հայերը մենակ իրենց ուժերով կարող են գրավել Էրզրումը և պահել:

Նույն երեկոյան *Hotel Royal*-ում պատահեցի *Galli*-ին, Իտալական Պատվիրակության գլխավոր քարտուղարին: Նա զար-

մանք հայտնեց, որ ես չեմ եղել Գերագույն Խորհրդում այսօր, և ավելացրեց, քե Նիտտիի հրամանով ինքն է կարգադրել, որ ինձ ու Փաշային միասին հրավիրեն և քե եկել են իրեն հայտնել, քե ինձ իբր քե չեն գտել հյուրամոցում:

— Բայց եթե Դուք այնուամենայնիվ կամենում եք լսել Գերագույն Խորհրդում, Դուք անպատճառ կհրավիրվեք:

Ես պատասխանեցի դրական մտքով, և հաջորդ առավոտ ժամը 10-ին հրավերն ստացա մի ժամ հետո՝ ժամը 11-ին ներկայանալու համար:

Շտապեցի Փաշայի մտտ, նրան հաղորդեցի լուրը և խնդրեցի ընկերանալ ինձ այս կարևոր խնդրում՝ լիակատար համերաշխության ապացույց տալու համար: Նա առարկեց, քե զուցե անպատեհ է երկրորդ անգամ գալ, քանի որ եղեր է երեկ: Ես պնդեցի: Նա համաձայնեց՝ ներս մտնելու կամ չմտնելու համար ըստ հանգամանաց:

Մենք արդեն *Villa Devachan*-ի սրահումն էինք, երբ հետզհետե հասան Միլլրան, Նիտտի, Լյուդ Ջորջ, Լորդ Քրրզընը, Բերթլոն: Վերջինս մտնեցավ ինձ ու Փաշային ու ասաց, քե Էրզրումի շուրջը շատ մեծ վեճ կա, քե ինքը, Լորդ Քրրզըն մեզ կողմնակից են, մինչդեռ Լյուդ Ջորջ, Նիտտի հակառակ են: Ավելացրեց, որ Պողոս Փաշայի երեկվա բացատրությունը լավ տպավորություն է բողել, բայց հարցը դեռ լուծված չէ: Նա հեռացավ:

Մտնեցավ մեզ Վենիզելու: Նա ասաց.

— Չզուշացեք, Դաշնակիցներից օգնություն չխնդրեք ի գուր: Տալու չեն, և դրանով միայն կգրկվեք Էրզրումից: Ինչ և լինի, ասացեք, եթե ձեր ուժերով կարող եք գրավել Էրզրումը, պետք է մախ իրավունքը ձեռք բերեք, գրավումը կարող է ուշանալ:

Ես պատասխանեցի, որ մենք էլ նույն կարծիքի ենք և տարբեր բան անելու չենք, քեև Փաշային ու ինձ գատ կանչելով, Նիտտին զուցե նպատակ ունի մեզնից տարբեր կարծիքներ լսել:

Ինձ հրավիրեցին: Փաշան մնաց Վենիզելուսի հետ խոսակցելով:

Ես ներս մտա: Պայտաձև սեղանի ճակատին նստած էր Նիտտին՝ նախագահ. նրանից դեպի ձախ Լյուդ Ջորջ, Լորդ Քրրզըն՝ իրենց քիկունքին ունենալով իրենց խորհրդականներին: Նիտտիից դեպի աջ՝ նստած էր Շայուրա, ապա Միլլրան, Բերթլոն, դարձյալ իրենց քարտուղարներով քիկունքում: Ավելի վար, դեպի դուռը նստած էին Չինվորական Հանձնաժողովի անդամները՝ Մարեշալ Ֆոշի նախագահությամբ:

Ես Նիտտիի հրավերով տեղ բռնեցի իր դեմ ու դեմ:

¹²⁰ «Ահ, խաբեբաներ, դատարկապորտներ, սրիկաներ, ես կյանքիս մեջ այդպիսի մարդկանց չեմ տեսել» (ֆրանս.)

Նիստին, որ առաջին անգամ էի տեսնում, հաստ, քանձրա-
մարմին մարդ էր կարճ պարանոցով, մեծ գլխով, ապակու փայլով
անախորժ, բայց խելացի աչքերով: Ամբողջ արտաքինը խորա-
մանկ մարդու տպավորություն էր գործում, կարծես և չոր, անսիրտ
մարդու:

Նա դարձավ ինձ մտավորապես հետևյալ բաներով.

Պ. Ահարոնյան, - ասաց նա, - Խաղաղության Համաժողովը
շատ մտահոգ է Հայաստանի Խնդրով, և շատ կցանկանար
հանգել մի որոշման, որ հոգուտ այդ երկրի լինեք: Եվ քանի որ
Դուք լավ ճանաչում եք ձեր երկիրը, ինչպես և գիտեք Երզրումի
կարևորությունը, և նույնպես գիտեք, որ այնտեղ Մուստաֆա
Քեմալը 14 հազար զորք է կենտրոնացրել, որ Դաշնակից պետու-
թյունները անկարող են օգնական զորք որկել Հայաստանին:
Հանուն Խաղաղության Համաժողովի ինք այժմ կցանկանար
իմանալ, ընդունելով, որ Դաշնակից պետությունները տրամադիր
լինին տալ զենք, ռազմամթերք և սպաներ, հայ զորքը ընդունակ
կլինե՞ր գրավել և պահել Երզրումը, ինչպես և առհասարակ
գրավել ձեր նոր սահմանները: Մի ուրիշ հարց, որ ես կուզեի ուղղել
Ձեզ, հետևյալն է՝ որո՞նք կլինեին Հայաստանի շահերին համա-
պատասխան սահմանները:

Ես պատասխանեցի.

«- Ձեր հարցին պատասխանելուց առաջ, թույլ տվեք շնորհա-
կալությունս հայտնել Ձեզ, պ. Նախագահ և ամբողջ Գերագույն
Խորհրդին, որ հաճեց ինձ ունկնդրել իմ երկրի համար այսքան
կենսական մի հարցի մասին: Ապա կխնդրեի նկատողության
առնել

1) բյուրքերի վիճակը և նրանց ուժերի արժեքը,

2) հայերի վիճակը և նրանց քանակի արժեքը:

«Առաջինի մասին պետք է ասել, որ Մուստաֆա Քեմալի բա-
նակի և քանակը, և՛ արժեքը շատ չափազանցված է թուրք գործա-
կալների և նրանց համակիր օտարականների միջոցով: Մուստա-
ֆա Քեմալ 14 հազար զորք չունի, այլ շատ պակաս, և այն էլ մեծ
մասամբ անկանոն զորք, գյուղացիներ, շատերը բռնի զենքի տակ
պահված, ամենքը վատ հագված, վատ զինված, անվարժ: Կան և
բյուրդ ձիավորներ 1200 հոգի, որոնք միայն թալանի համար են
զնոմ: Մեր քանակի գլխավոր շտաբի տեղեկությունները, որոնք
ճշգրիտ են, կասկած չեն թողնում այս մասին:

«Հետո, մի փաստաթուղթ, որ մեր ձեռքի տակ կա, ապացու-
ցանում է, որ երբ Մուստաֆա Քեմալի զորքերը լսեցին, թե Երզրում
և իր շրջակայքը միացվելու են անկախ Հայաստանին, անհազն

քափով դասարարություն սկսվեց զորքի մեջ: Մուստաֆա Քեմալ,
այս մասին հաղորդելով կենտրոնական կառավարության,
պահանջում է թույլ չտալ Պոլսի մամուլին խոսել այդ գավառները
Հայաստանին կցվելու մասին: Խնդրում են նկատի առնել այս
հոգեբանական կացությունը:

«Գալով հայ հանրապետական քանակին, պետք է ասեմ, որ
նրա թիվը երբեք չէ 20-25 հազարի մեջ, նայելով թե զենք ու ռազ-
մամթերք որչափ կա: Դուք գիտեք, որ այդ զորքը պատերազմի
սկզբից մինչև այսօր կովում է Entente-ի¹²¹ թշնամիների դեմ
առանց ստանալու մեր Դաշնակիցներից ոչ մի փամփուշտ, ոչ մի
հրացան և առհասարակ որևէ օգնություն: Սակայն, կոիվների մեջ
վարժված այդ քանակը, ենթակա հազար ու մի զրկանքների, այդ
փոքրաթիվ քանակը կարողանում է պաշտպանել մեր երկիրը
բազմաթիվ թշնամիների դեմ: Եվ ես վստահաբար կարող եմ հայ-
տարարել, որ մենք հեշտությամբ, ինչպես այդ հաստատում են
մեր լավագույն զինվորական մասնագետները, 1-2 ամսում կարող
ենք հասցնել մեր քանակը մինչև 40-50 հազարի, եթե մեզ տրվի
համապատասխան քանակով զենք ու ռազմամթերք:

«Այդ վերակազմված ու մեծացրած քանակով, վստահաբար
կարող եմ ասել, որ մենք պիտի կարողանանք մեր սեփական ուժե-
րով գրավել և պահել և՛ Երզրումը, և՛ մեր մյուս գավառները Թյուր-
քիայում: Դրա համար մեզ հարկավոր է, ինչպես ասացի, զենք ու
ռազմամթերք, ավելացնեն նաև՝ Դաշնակից պետությունների
սպաներ և Գերագույն Խորհրդի վարկն ու դրոշակը:

«Քանի որ խոսքը Երզրումին է վերաբերում, թույլ տվեք ինձ,
պ. Նախագահ, քանի մը խոսք ասել նաև այդ բերդաքաղաքի
կարևորության մասին մեր պետության ապահովության տեսա-
կետից: Երզրումը իր դիրքով ռազմապես իշխում է ամբողջ
Հայաստանին: Բոլոր ճամփաները դեպի մեր երկրի սիրտը՝
այնտեղից են անցնում: Նա առաջացած մի մշտական սպառ-
նալիք պիտի մնա մեր պետության սրտին ուղղված, եթե Հայաս-
տանին չմիացվի: Անհնարին է երևակայել Հայաստան առանց
Երզրումի: Վերջապես այդ քաղաքը մեր իսկական մայրաքաղաքն
է: Երևանը ժամանակավոր է, մինչև որ Երզրումը գրավենք»:

Լյոյդ Ջորջ. - Ո՞րչափ հայ կա Երզրումում:

Ես. - Անշուշտ, պ. նախագահը ամբողջ վիլայեթն ունի աչքի
առաջ և պատերազմից առաջ եղած թվե՞րը:

Լյոյդ Ջորջ. - Այո, իհարկե:

121 Անտանո: Խաղաղության համաժողովի քաղաքական հարցադրումը

Ես. – Պատերազմից առաջ ամբողջ Էրզրումի վիլայեթում կար 240 հազար բուրք և 227 հազար հայ, մեջը լինելով և՛ փոքրաթիվ այլ բրիտանոնյաներ: Մակայն, խնդրեմ նկատի առնել, որ որ 240 հազար բյուրքերի հետ է և IV (4-րդ) բանակը, որ միշտ Երզնկա էր, թվով՝ 40 հազար, Էրզրումի գարնիզոնը¹²², վիլայեթի քաղաքացիական և զինվորական պաշտոնյաները: Այնպես որ, շատ չենք սխալվի, եթե 240 հազար բուրքերից պակսեցնենք 50 հազար: Այսպիսով հայերի թիվը պատերազմից առաջ դարձյալ բուրքերից բարձր էր: Ճշմարիտ է, հայերը մեծապես տուժեցին բուրքերի հալածանքներից և զգալապես նոսրացան ջարդերով և տարագրությամբ, բայց պետք է նկատել տամ, որ բուրքերն էլ մեծապես վնասվեցին ու նվազեցին պատերազմի արհավիրքների երեսից, քանի որ Կովկասյան ճակատի բոլոր հեղեղումները կատարվեցին Էրզրումի շրջանում:

Լյուդ Ջորջ. – Թուրքական վիճակագրությունը ցույց է տալիս Էրզրումի վիլայեթում 800 հազար ազգաբնակչություն, որ ձեր տվածից շատ տարբեր է:

Ես. – Չեզ հայտնի է, անշուշտ, սլ. Նախագահ, որ թուրքական վիճակագրությունը ծայրահեղ չափազանցությունների վրա է հաստատված և շատ հեռու է ճշմարտությունից: Իմ բերած տեղեկությունները հաստատված են մեր Պատրիարքարանի և եվրոպացի ճամփորդների տված թվերի վրա:

Լյուդ Ջորջ. – Ո՞րչափ հայ կա Հայաստանի Հանրապետության մեջ:

Ես. – Հայաստանի Հանրապետության հողի վրա կա մեկ միլիոն 292 հազար հայ, չհաշված 1) բյուրքահայ մոտ 220-250 հազար գաղթականները և 2) այն հայերը, որ փախած են Ադրբեյջանի բռնության երեսից:

Լյուդ Ջորջ. – Ո՞րքան թաքար կա Հայաստանի Հանրապետության մեջ:

Ես. – 300 հազարից քիչ ավելի:

Այս պատասխանիս վրա, ես նկատեցի, որ իտալացի խորհրդականներից մեկը փափսաց Նիտտիի ականջին և սա դարձավ ինձ ու հարցրեց—

Նիտտի. – Պ. Ահարոնյան, Դուք ասացիք, թե միայն ձեր ուժերով պիտի կարողանաք գրավել Էրզրում և Թուրքաց Հայաստանը: Արդ՝ քանի որ դուք այժմ Ադրբեյջանի հետ կովի մեջ եք, կարո՞ղ եք ասել, թե ո՞րքան զորք պիտի բողնեք Ադրբեյջանի

դեմ, մնացածով բուրքերի վրա գնալու համար:

Ես զգացի, որ այս հարցը մի քակարդ էր՝ ինձ դժվար կացության մեջ դնելու համար, ուստի պատասխանեցի.

– Պ. Նախագահ, մենք Ադրբեյջանի հետ պատերազմի մեջ չենք և չենք եղել: Մեր և նրանց մեջ պարզ սահմանային ընդհարումներ կան, որոնք իսկույն պիտի դադարին, հենց որ Գերագույն Խորհուրդը հաճի մեր սահմանների կնճիռները լուծել: Այդպիսի սահմանավեճեր այս պատերազմից հետո ամեն տեղ կան Եվրոպայում: Եվ արդեն մենք բանակցության մեջ ենք թաթարների հետ, գուցե և՛ համաձայնության գանք:

Նիտտի. – Այլևս հարց չունիմք:

Ես դուրս եկա: Դրսի դահլիճում Վենիզելոս հանդիպեց, հարցրեց: Ես պատմեցի: Նա շատ զոհ մնաց իմ պատասխանից:

Էրզրումի մասին իմ ու Պողոս Փաշայի տված բացատրությունը Գերագույն Խորհրդին թվացել էր շատ համոզիչ, ինչպես այդ իմացանք հետո:

Տարաբախտաբար, երբ մեզնից հետո հարցրել են Չինվորական Հանձնաժողովի և իր նախագահ Ֆոշի կարծիքը, սրանք գրեթե միաբերան մերիցին հակառակ կարծիք են հայտնել:

Գերագույն Խորհուրդը դրված մե՛ր և Չինվորական Հանձնաժողովի հակադիր կարծիքների մեջ, մնացել է վարանոտ և լուծումն տալու անկարող լինելով, միջին ելք է գտել՝ առաջարկել նախագահ Վիլսոնին՝

- 1) որպես Arbitre¹²³ որոշել Հայաստանի սահմանները Բիթլիսի, Վանի, Էրզրումի, Տրապիզոնի վիլայեթներում և
- 2) ընդունել Հայաստանի մանդատը:

¹²² Քաղաքում, ամբողջում կամ այլ անբացված շրջանում գեներոված զորք:

¹²³ Միջնորդ դատավոր: Իրավաբար:

ԻՆՉՊԵՍ ՆԵՐԿԱՅԱՅՎԵՑ

ՀԱՏՏՈՒԹՅԱՆ ՊԱՅՄԱՆԱԳԻՐԸ

ԹՅՈՒՐԵՐԻՆ

Մայիս 11, 1920

Փարիզ

Երկու օր առաջ մեր քարտուղարությունը Գերագույն Խորհրդի քարտուղարությունից պաշտոնական նամակ ստացավ հաղորդելու՝

1) Ո՞վքեր են մեր կառավարության ներկայացուցիչները (կամ ներկայացուցիչը)՝ ներկա լինելու համար հաշտության պայմանագիրը բյուրքերին տալու ցերեմոնիային¹²⁴ և ապա ստորագրելու, երբ պետք լինի:

2) Ի՞նչ Lettre de Créance¹²⁵ ունին:

Մեր քարտուղարը պատասխանեց, թե ներկայացուցիչը Պատվիրակության նախագահ Ա. Ահարոնյանն է և թե Lettre de Créance կներկայացվի:

Մյուս օրը քարտուղարը տարավ իմ Lettre de Créance-ը և միաժամանակ ստացավ հրավիրագիր ինձ համար՝ carte pour le Délégué plenipotentiaire de la République de l'Arménie¹²⁶, վեց կարտ-հրավեր¹²⁷ մեր քարտուղարների և 3 կարտ-հրավեր մեր ժողովատեսների համար:

Նույն օրը, երեկոյան, Գերագույն Խորհրդի քարտուղարությունը մեր ստացած վեց քարտուղարական կարտերից մեկը ետ խնդրեց Փաշային տալու համար, որովհետև ասել էր յուրաքանչյուր պետություն մի աթոռ ունի պատվիրակի, հետևապես Փաշան կարող է ներկա լինել միայն քարտուղարի և ոչ պատվիրակի կարտով:

Փաշան ինձ պատահելով ասաց, թե ինքը Quai d'Orsay է գնացել, խոսել է քարտուղարի հետ և ստացել է կարտ-հրավեր: Այդ կարտը ես չտեսա:

Միայն այսօր 11-ին ճաշից հետո, ժամը 4-ին երբ պետք է Quai d'Orsay գնալ, մի դժբախտ պատահար արգելք եղավ, որ ես ժամանակին հասնեմ, և ես իմացա, որ գնացել է մենակ Փաշան:

Միլլրանը հինգ բուպեի խոսքով՝ Տեֆֆիկ փաշային և իր ընկերներին (4 հոգի) հանձնել էր խաղաղության պայմանագիրը,

¹²⁴ Արարողություն:

¹²⁵ Հավատարմագիր:

¹²⁶ Տոմս Հայաստանի Հանրապետության Լիազոր Ներկայացուցչի համար:

¹²⁷ Հրավիրատոմս:

որ Տեֆֆիկ փաշան դողդոջուն ձեռքով ընդունել էր, հայտնելով, թե պատրաստ են այն քննել և պատասխան տալ մի ամսում:

ՊՈՂՈՍ ՓՈՇԱՅԻ LETTRE DE CREANCE-Ը

Մայիս 10, 1920

Փարիզ

Այսօր Միացյալ Պատվիրակության նիստին, ուր ներկա էր և՛ Աջեմյանը, ես հայտնեցի, որ Գերագույն Խորհրդի քարտուղարությունը ինձ հրավիրել է ներկա լինել մայիս 11-ին բյուրքերին խաղաղության պայմանագիրը տալու ցերեմոնիային և թե պահանջում է իմ Lettre de Créance-ը: Արդյոք Փաշան ստացե՞լ է նույնը, հարցրի:

Նա պատասխանեց, թե չի ստացել, բայց ինքը անձամբ գնացել է, երկարորեն խոսել Ժյուլ Կամբոնին և ներկայացրել իր երկու Lettre de Créance-ները, մեկը Կաթողիկոսից և մյուսը՝ Պոլսի Ազգային Խառն Խորհրդից և թե ինք չգիտե արդյունքը:

Աջեմյան ասաց թե՝

– Կարող է պատահել որ Չեզ, Փաշա, թույլ տան ներկա լինել վաղվա ցերեմոնիին, բայց ստորագրելու համար Չեր հավատարմագիրը Կաթողիկոսից և Ազգային Մարմնից՝ Պոլսի, բավական չէ, Թյուրք պատվիրակությունն իսկ կարող է խնդիր հանել:

Թեքեյանը նույնը հաստատեց և ավելացրեց թե՝

– Ստորագրելու իրավունք ունին միայն կառավարությանը ներկայացուցիչները:

Այս հայտարարությունը շատ ազդեց Փաշայի վրա: Նա կոտորվեց, կծկվեց, վարի ծնոտն ուժգնորեն դողդողաց ու հարցրեց Աջեմյանին:

– Ի՞նչ պետք է անել:

Աջեմյան. – Ես կարծում եմ, որ միակ միջոցը դուրս գալու այս դրությունից այն է, որ պ. Ահարոնյանը գրի մեր կառավարության և խնդրի, որ Դուք էլ ստորագրության իրավունք ստանաք որպես կառավարության պատվիրակ:

Փաշան շատ խեղճացած եղանակով դարձավ ինձ.

– Դուք ի՞նչ եք կարծում, պ. Ահարոնյան:

Ես. – Ես համաձայն եմ գրել, որովհետև բազմաթիվ պատճառներով, որ ավելորդ է առաջ բերել, ես կկամենայի, որ Դուք էլ ստորագրեք:

Փաշա. — Ժամանակ կլինի՞ մեր կառավարության պատասխանը ստանալու:

Աջեմյան. — Պետք է հեռագրել, թե չէ՝ ուշ կլինի:

Ես. — Հեռագիրն անհարմար է: Ավելի լավ է մենք գրենք, թո՛ղ կառավարությունը հեռագրի:

Փաշային երբեք այս աստիճան խեղճացած, ընկճված տեսած չէի: Թյուրքերին տված պայմանագիրը չտորագրելու վախը այնպիսի հարված էր իր փառասիրության, որ հակառակ իր ամբողջ դժկամության դեպի ինձ և մեր կառավարությունը, հանձն առավ խնդրել, որ ես այս դիմումն անեմ:

Ցավով ու կարեկցությամբ իմացա, որ դժբախտ ու փառասեր ծերունին մինչև այդ արդեն շատ անհանգիստ, դիմել է մի կեղծիքի. Պատրիարք Չավենի հետ շտապով մի հավատարմագիր են կազմել. Պուլի Խառն Ազգային Մարմնի անունից, որը իբր պատճեն շտապել է ներկայացնել Գերագույն Խորհրդին, մինչև որ իսկականը ստանա Կ.Պուլից: Լավ, որ Գերագույն Խորհրդի քարտուղարությունը չի պահանջել իսկականը:

Երբ ես այսօր հայտարարեցի, թե պատրաստ եմ խնդրել մեր կառավարությունից, որ Փաշան նշանակվի պատվիրակ, Նորատունկյան բացական չեց.

— «Je rends hommage à la loyauté de Mr. Aharonian¹²⁸»:

Ես վճռել էի խոստումն կատարել, երբ վրա հասան կովկասյան ցավալի անցքերը, բուշևիզմի վախը մեր երկրում և առհասարակ անորոշությունը:

Միաժամանակ Փարիզում գումարվեց Թյուրքահայ համագումարի երկրորդ նստաշրջանը, և Փաշան նորից թափ առավ, որով հետև այժմ կարծում է, որ եթե մեր կառավարությունը ստիպված լինի ինքզինքը հայտարարել բուշևիզմ, ինքը Փաշան կհռչակի այստեղ Թյուրքահայ կառավարություն:

Երևի, այս է պատճառը, որ այլևս քնավ չի խոսում մեր կառավարությունից մանդատ ստանալու մասին:

Անցյալ օրը, մի գրույցի ժամին, ուր ներկա էինք Փաշան, Աջեմյանը, Նորատունկյանն և ես, Փաշան հարցը դրեց վճռական եղանակով.

— Ես, — ասաց նա, — հենց որ Երևանը հայտարարի ինքզինքը

¹²⁸ Հարգանքներն իսկ հավաստիքը Ձեր խոստումնապահությանը, պ. Ահարոնյան (Ֆրանս.):

բուշևիզմ, պիտի հրաժարվեմ այդ կառավարությունից: Դուք ի՞նչ կանեք, պ. Ահարոնյան:

— Վաղաժամ է, — ասացի, — այսպիսի հայտարարություններ անել: Ես կվարվեմ ըստ հանգամանաց՝ միշտ նկատի առնելով մեր պետության գերագույն շահերը:

ՏԵՍԱԿՅՈՒԹՅՈՒՆ ՊԱԼԵՈԼՈԳԻ ՀԵՏ

Հունիս 17, 1920

Փարիզ

Ես առաջին անգամ էի տեսնում Պալեոլոգին՝ Արտաքին գործոց ենթաքարտուղարին:

Շնորհակալություն հայտնեցի համուն մեր կառավարության Ֆրանսիայի ներկայացուցիչ Երևանում Poidebard-ի գործունեության համար և խնդրեցի նորից թողնել նրան իր պաշտոնում Երևան: Դիմումն և խոսքս նրան հաճո քվաց և նշանակեց block-note¹²⁹-ում:

Բարձունը դատարկելու իմ հարցին պատասխանեց դրակա-նապես.

— Que voulez, il est si difficile de travailler avec les Anglais dans la politique. Ils nous ont poussé pour y envoyer des troupes et maintenant il faut le quitter¹³⁰:

Կիլիկիայի կացության մասին երկարորեն խոսեցի:

Պալեոլոգ հայտնեց.

— Մենք, — ասաց, — Կիլիկիան ձգելու չենք, մինչև որ կարողանանք տանելի ըեժիմ¹³¹ ստեղծել հայերի համար: Մենք առայժմ մեր ճակատը նեղացնելու համար դեպի ծովափը քաշվեցինք: Այս է բոլորը: Պիտի աշխատենք այնպիսի վարչություն հաստատել այնտեղ, որ հայերը կարևոր դեր ունենան և ինքզինքները ապահով զգան:

Շատ թերահավատեցա այս հայտարարությունը լսելով, և շատ ջղայնությամբ զգալ տվի, որ երաշխիքը դժվար է ձեռք բերել առանց մեծ պետության դրոշակի: Պալեոլոգ անպատասխան չթողեց, բայց անորոշ խոսքեր ասաց:

¹²⁹ Բլոկնոտ, ծոցատետր, նշումների տետր:

¹³⁰ «Ի՞նչ կուզեք որ, շատ դժվար է անգլիացիներուն հետ բաղադրականության մեջ միասին աշխատիլ: Մեզի մղեցին, որ զինվոր դրկենք հոն, այժմ ալ պիտի լքենք»:

¹³¹ Ռեժիմ:

Շնորհակալություն հայտնեցի քանի մի օր առաջ իր գրած նամակի մասին, որով Ֆրանսիական կառավարությունը խոստանում էր մեզ զենք և ռազմամթերք:

— Չե՞ք գտնում, որ այժմ շատ դժվար կլինի այդ ռազմամթերքը Հայաստան հասցնել, քանի որ Բաթունը ձգելու ենք, — ասաց Պալեոլոգ:

Պատասխանեցի, որ այդ դեպում կհուսամ անհնարին չլինի, քանի որ մեր հարաբերությունները վրացոց հետ այժմ լավ են:

— Անգլիացիների դրկած զենքի տեղ հասնելուն պես, կպարզվի, — ասացի, — մեր անելիքը:

Պ. Գ. ՆՈՐԱՏՈՒՆԿՅԱՆԻ ԱՅՅԸ

(Մեծ Վեզիրի հետ տեսակցելու առթիվ)

Հունիս 19, 1920

Փարիզ

Այսօր առավոտյան Նորատունկյան եկավ ինձ հաղորդելու հետևյալը.

— Պալեոլոգ իմ մի բարեկամը գրում է թե՛ «Ես տեսնվեցի Ջավեն Պատրիարքի հետ, որ հայտնեց թե, հայերը բոլորովին գոհ պիտի մնան, երբ կարողանան ստանալ իրենց պահանջած զավառները Թյուրքիայից, և թե Վիլսոնի իրավարարությունը կլուծի այդ խընդիրն ապահովաբար, որից հետո փոքրամասնությանը վերաբերյալ օրենքն էլ կապահովի մնացած հայությունը Թյուրքիայում»: «Այս բոլորը երբ իրականանա, — ասել է Պատրիարքը, — հայերը Թյուրքիայից պահանջ չունեն և կարող են հաշտ հարևան լինել»:

Այս հայտարարությունը թվացել է այնքան հաշտարար, որ Նորատունկյանի բարեկամը իսկույն հաղորդել է Մեծ Վեզիր Դամադ Ֆեռիտ փաշային: Վերջինս, որ իբր թե միշտ էլ հայերին բարյացակամ է եղել, ցանկություն է հայտնել, որ Փարիզում իրեն հետ տեսնվի Նորատունկյանը: Այս նպատակով նամակ է գրվել Նորատունկյանին, որ բերել է ինքը՝ Դամադ Ֆեռիտ:

Նորատունկյան կարդաց այդ նամակը, որով իր բարեկամը խնդրում և խորհուրդ էր տալիս զնալ տեսնվել Մեծ Վեզիրի հետ:

Նորատունկյան եկել էր իմանալու իմ կարծիքը:

1) Պե՞տք է տեսնվել Մեծ Վեզիրի հետ, թե՞ ոչ:

2) Եթե այո, ի՞նչ պետք է խոսել. կարելի՞ է արդյոք մեկդի թողնել Վիլսոնի իրավարարությունը և անմիջական համաձայնության գալ քյուրքերի հետ:

Առաջին հարցին տվի իմ լիակատար համաձայնությունը: Երկրորդ հարցին ասացի.

— Վիլսոնի միջնորդությունից մենք հրաժարվելու չենք, որովհետև այդպիսով կխախտենք Դաշնագրի հողվածը: Նորատունկյանը կարող է նրանց հասկացնել, որ թե ուզում են մեր վստահությունը շահել, ապա պետք է չորոքեն Վիլսոնի միջնորդության դեմ, որ լավագույն ու արդար ձևն է լուծելու հողային վեճերը: Երբ մենք ընդունում ենք այդ իրավարարությունը, քյուրքերի կողմից մերժելը մենք կհամարենք իրավախոհության ոգու պակաս:

Նորատունկյան ինձ հետ համաձայնեց:

ԽԱՂԱՂՈՒԹՅԱՆ ՀԱՄԱԺՈՂՈՎԸ ԲՈՒՆՈՒՌՈՒՄ Ծ/Վ.

22 հունիս

Այսօր Բուլոն գնացի տեսնվելու Վեհիզելոսի հետ, քանի որ Գերագույն Խորհրդում հարց էր դրված Հունաստանին մանդատ տալ՝ զսպելու քյուրք ազգայնական քանդակների շահագործումները և բռնադատելու ստորագրել Դաշնագիրը:

Հունիս 23-ի առավոտյան ժամի 10-ին տեսնվեցի Վեհիզելոսի հետ: Իմ հարցին՝ թե անդա՞րձ է Գերագույն Խորհրդի վճիռը Հունաստանին տրվելիք մանդատի մասին, Վեհիզելոսը պատասխանեց.

— Այո, վերջնական է, և մեր զորքերը հրաման ստացան առաջ շարժվել:

Իմ ակնարկը, թե զուցե նպատակահարմար կնկատեր ոտքի հանել Պոնտոսի հույները և դեսասանը¹³² անել այնտեղ, Վեհիզելոսին շատ չժպտաց.

— Վախենում եմ ինձ մեղադրեն չափազանց ախորժակի համար, ստիպված եմ խույս տալ շատ տեղ շարժվելուց:

— Գուցե կարելի էր Կիլիկիայի մեր կռիվներին օգնության հասնել, — ասացի, — սա կլինե՞ր փոխադարձ օգնություն երկու ազգերի:

— Ճշմարիտ է, — պատասխանեց Վեհիզելոսը, — բայց քանակ դրկել չեմ կարող, այնքան ուժ չունիմք, իսկ զենք ու ռազմամթերք, վախենում եմ, նույնիսկ մեր պահեստներին իսկ չքափ: Զգիտե՞ք,

¹³² Descente (ֆրանսերեն) — Ջրային կամ օդային ճանապարհով հակառակորդի տարածքում գործի էջը կամ տեղադրումը: Նաև՝ այդ կերպով հայտնված զինված ուժերը:

թե որքան բքամիտ եղան մեր մեծ Դաշնակիցները, կատարյալ ապուշներ են:— Եվ Վենիզելու գլուխը բռնեց երկու ձեռքով:— Ապուշներ, ապուշներ... Անենալով մեր 90 հազարնոց բանակը Ջմյուռնիայում, որ վերջապես Դաշնակից բանակ է, բողին, որ Մուստաֆա Քեմալ կազմակերպվի ու զարկի, որ կողմն ուզում է, մինչդեռ ինձ արգիլեցին առաջ շարժվել: Որչափ ճիգ եմ քափել հանդգելու համար, թե Հունական բանակը կարող է և պետք է շարժվի վերջ դնելու Քեմալյան սկանդալին¹³³: Հավատացնում եմ Ձեզ, որ ապուշներ են:

— Իրավունք ունիք,— պատասխանեցի,— մի՞թե նույնը չարին մեզ հետ: Ամբողջ 1¹/₂ տարի է՝ զենք ու ռազմամթերք խնդրեցինք մեր բանակի համար, մեզ մերժեցին, բայց բյուրքերի դաշնակից Ադրբեյջանի թաթարներին լավ կազմակերպեցին: Մի քանի օր է միայն, ինչ անգլիացիք վերջապես մեզ զենք ու ռազմամթերք տվին: Ըստ պիտի խնդրեմ Ձեզ՝ 1) քանի որ գնում եք Լոնդոն, միջնորդեք, որ Բրիտանական կառավարությունը հարասակի իք այս նոր ընթացքի մեջ մեր վերաբերմամբ և աջակցի նյութապես կազմակերպելու մեր բանակը, որ լուրջ սպառնալիք կդառնա բյուրքերին Էրզրումի կողմից, և 2) եթե հնար է Բաթումի պարպումը հետաձգեն անորոշ ժամանակով, մինչև որ այս կրիզիսը¹³⁴ անցնի:

Վենիզելոսը խոստացավ Փարիզ վերադարձին ինձ պատասխան տալ:

Այնուհետև ճաշից հետո, նույն օրը ժամը 2.30-ին, Hotel Imperial գնացի տեսակցելու Իտալական պատվիրակության քարտուղար Gallի-ի հետ:

Gall-ն շատ սիրալիկ կերպով ինձ ներկայացրեց իրենց Արտաքին Գործոց նոր նախարար կոմս Սֆորցային, որին ճանաչում էի Կ.Պոլսից ու Հոմնից: Սֆորցան ձեռքս սեղմելով և ժպտալով ասաց.

— Կարող եմ Ձեզ լավ լուր տալ. Հայաստանի կառավարության մոտ ամենահայասեր իտալացի նշանակեցի, պ. Կորինին:

Ես շնորհակալ եղա ու հայտնեցի, թե ճանաչում եմ. նա ավելի քան հայասեր է, գրեթե հայ:

Այա գրույցն անցավ մեր և բյուրքերի հարաբերության: Սֆորցայի կարծիքով՝ բյուրքերը մեզ զիջումներ անելու տրամադիր են, և նրանց հետ անմիջական գրույցը շահավետ կլինի:

¹³³ Աղմկալի, խայտառակ, ամօրեն միջադեպ:

¹³⁴ Եզմաժամ:

Ես պատասխանեցի, թե Թյուրքիան ու բյուրքերը ոչ ոքից ենք և ո՛չ հետապնդում ենք, հակառակ այն անձեցի չարիքին, որ մեզ հասցրին: Եվ գիտեմք, որ պիտի ապրիք նրանց հետ և հետագայում. բայց անհրաժեշտ է, որ նրանք ընդունին մեր միմիմալ¹³⁵ պահանջները, որ ներկայացրել ենք Խաղաղության Համաժողովին:

— Այդ պահանջները նրանք կընդունին, և դուք կո՞վ անելու պետք չունիք ուրիշների պես (ակնարկը հույների մասին էր): Արժե, որ նրանց հետ խոսվի:

Gall-ն ավելացրեց, որ բյուրքերը միայն Էրզրումի մասին են ստարկություն անում: Այդ խնդիրը նրանք չինել են ազգային արժանապատվության հարց:

Սֆորցան հեռացավ, և իմ խոսակցությունը շարունակվեց Gall-ի հետ:

— Էրզրումը բյուրքերը պահանջում են էտնոգրաֆիական¹³⁶ (ազգագրական) տեսակետով:

— Դա բացարձակ սխալ է,— պատասխանեցի,— պատերազմից առաջ մենք մեծամասնություն էինք:

— Թեև մյուս կողմից,— ավելացրեց Gall-ն,— ես որչափ ստաժել եմ, անկարող եմ եղել գտնել Հայաստանի սահմանին մի այնպիսի գիծ, որ Էրզրումը դուրս մնար:

Մտեցավ Բելգիական Արտաքին Գործոց նախարար Հիմանս, մի քանի րոպե գրուցեց: Այդ պահուն դուրս եկան Լյոյդ Չորջ, Քըրզըն իրենց հետևորդներով՝ մեկնելու համար, և քազմությունը զնաց ողջերք ասելու:

ՊՈՂՈՍ ՓԱՇԱՅԻ ԱՆԱԿԿԱԼ ԱՅՑԸ

30 հունիս, 1920,

Փարիզ

Այսօր առավոտ Պողոս Փաշան անակնկալ կերպով այցի եկավ ու ասաց մոտավորապես հետևյալը:

— Դուք գիտեք, որ ես հրաժարական տվի, քանի որ շատ հոգնած եմ ու հիվանդ: Բժիշկները խորհուրդ են տալիս ինձ անպայ-

¹³⁵ Եվազգային:

¹³⁶ Ազգագրական, ազգաբաշխական (նկատի ունի նաև՝ դեմոգրաֆիական):

ման հանգիստ առնել: Բայց գիտեք, որ ինձ մեր համագումարը ներդել է, որ ետ ընդունեն հրաժարական: Փորձեցի գեթ պ. Նորատունկյանին պատվիրակության մեջ առնել, որ ինքս ավելի թեթևամամ, բայց նա մերժեց, ասելով թե դրսից ավելի օգտակար կլինեն: Սակայն, մեկ-երկու հոգի նորերը պիտի խնդրեն, որ ընտրեն, ինչպես Սինապյան, Մկրտչյան, ինքս էլ պետք է 4-5 շաբթով քացակայեն, հանգստանամ հանքային ջրերում: Արդ՝ եկած եմ Չեզմից իմանալու թե այսուհետև մեր աշխատակցությունը ի՞նչպես պիտի լինի:

Ես պատասխանեցի, որ այս հարցի ծագումն ինձ համար անհասկանալի է: Մենք ցարդ աշխատակցել ենք, երևի այսուհետև էլ պիտի կարողանանք միասին աշխատել՝ հակառակ ծագող դժվարություններին, որ պիտի հարթենք:

- Ոչ, - ասաց Փաշան, - ես կուզեի ավելի պարզաբանել մեր հարաբերությունները:

- Այդ դեպքում, թույլ տվեք ինձ խորհել և Չեզ պատասխանել ճաշից հետո:

Ճաշից հետո, ժամը 3.30-ին, գնացի իր մոտ:

- Ես նորից կրկնում եմ, - ասացի, - որ Չեր հարցը չեն հասկանում: Եթե համագումարը չհավաքվեր, Դուք երևի հրաժարական չպիտի տայիք, և այս հարցն էլ տեղի չէր ունենա: Ի՞նչ է պատահել: Նորից ասեմ, որ մենք կգործենք, ինչպես անցյալում: Իհարկե, թրթր կլինին, որ մենք միասին կստորագրենք: Կլինի նաև, որ ես մե՞նակ կստորագրեմ, երբ այդ պահանջի մեր պետության և ազգի շահը:

- Ես կարծում էի, թե մենք ամեն թուղք միասին պիտի ստորագրենք: Այլապես Չեր ասածը պիտի նկատեն պառակտում, - ասաց Փաշան:

- Ես շատ եմ զարմանում, - պատասխանեցի, - որ Դուք այսքան պարզ խնդրում պառակտում եք փնտրում: Ամբողջ 1½ տարի ծանր պայմաններում աշխատակցելուց հետո, տարօրինակ է այսօր և անհասկանալի պառակտումի խոսքը, երբ 1-2 ամիս է մնացել վերջին: Ես կրկնում եմ, որ մենք համերաշխ գործունեության պատվանդան կգտնենք:

Իմ խոսքը նրան չգոհացրեց, և մենք բաժնվեցինք զրույցը շարունակելու համար:

Հաջորդ առավոտ ինձ մոտ եկան Պ.Պ. Սինապյան և դեկտոր Նեվրուզ՝ խոսելու նույն նյութի մասին:

Նեվրուզի առջև ինչ-որ թղթի կտոր կար, որի վրա նա մատիտով գրոտում էր:

- Ի՞նչ է, գրավո՞ր զրույց պիտի անենք Փաշայի հետ:

- Ոչ, - ասաց, - սա սոսկ հիշողության համար է:

Եվ կարդաց թղթի վրա նշանակած քանի մը կետեր, որոնք կարող էին հիմք լինել իմ ու Փաշայի աշխատակցության:

- Գիտե՞ք ինչ, - ասացի, լսելով այդ ընթերցումը, - գիտեք որևէ թղթով հնարավոր չէ առաջն առնել բոլոր կարելի միջադեպերի: Հաշտարար ոգին և հայրենիքի սերը միայն կարող է հարթել դժվարությունները: Այդ ես չեմ տեսած մինչև այժմ և այսուհետև էլ հույս չունեն տեսնելու: Անխորժ միջադեպերն անխորժ են, գիտեմ, բայց պետք է աշխատենք հարթել:

- Իրավունք ունիք, - ասաց Սինապյան, - միջադեպերը այդ թղթով դժվար է կանխել:

- Փաշայի համար, - ասացի, - գործից ավելի միշտ իր անձի խնդիրն է մեջտեղ:

- Իրավունք ունիք, - կրկին ասաց Սինապյան, - այս դեպքում գործի շահը չէ, այլ պարզապես Փաշայի անձի խնդիրը:

- Տարաբախտաբար, - շարունակեցի ես, - քանի որ համագումարը քաջալերում է Փաշայի հիվանդոտ անձնասիրությունը, ես, աղմուկներից խուսափելու և դրսի աշխարհի առջև մեր պառակտումն ու անհամաձայնությունները չցուցադրելու համար, ստիպված եմ հաշվի առնել և՛ այդ «անձը», - ասացի: - Կարող եք հայտարարել Փաշային, որ պիտի աշխատեն համերաշխ գործակցել, ինչպես անցյալում:

Նրանք հեռացան:

Նույն օրը երեկոյան եկան ինձ ասելու, որ Փաշան համագումարի նիստին մի թուղք կարդաց, որպես գրավոր համաձայնություն իմ և իր մեջ:

Հետախոսով հարցրի համագումարի նախագահ Նորատունկյանին, նա հաստատեց լուրը: Ես խնդրեցի հայտնել ժողովին պաշտոնապես, որ բերանացի համաձայնություն տալով գործակցել Փաշային՝ ես որևէ գրավոր համաձայնություն կնքած չեմ:

Հետագայում պարզվեց, որ դեկտոր Նեվրուզ և Սինապյան ինձ անից հետո, տարել և Փաշային են ներկայացրել իրենց ձեռքի aide memoir¹³⁷ - գիրք և նա էլ, համարելով այդ իմ գրավոր համաձայնագիր, տարել և կարդացել է համագումարում և նույնիսկ քննության դրել յուրաքանչյուր կետ:

Կանչեցի ինձ մոտ դր. Նեվրուզին և Սինապյանին ու դժկամությունս հայտնեցի, և նրանք էլ խոստովանեցան, թե այդ թյուրի-

¹³⁷ Հիշողության հիշեցման օգնության (նշումներ), հիշագիր:

մացութեան արդյունք է, և թե պիտի կարողանան հարթել:

Այսօր ինձ մոտ եկավ Չայանը նույն խնդրի մասին խոսելու: Կրկնեցի, որ ես գրավոր ոչինչ ունեմ Փաշայի հետ և որ, եթե գրավոր լինեք, շատ քան ունեմ ասելիք, ճշտելիք ու ավելացնելիք:

ՏԵՍԱԿՅՈՒԹՅՈՒՆ ՊՈՂՈՍ ՓԱՇԱՅԻ ՀԵՏ

Հուլիս 2, 1920

Նկատելով, որ նախընթաց օրվա համաձայնության խնդիրը վայրիվերո գրույցներով բարդանում է, այսօր ես գնացի անմիջապես Պողոս Փաշային՝ պարզելու իմ վերջնական հայեցակետը և խնդրեցի պ.պ. Չայանին, Սինապյանին և րժ.Նէվրուզին նույնպես ներկա լինել, որպեսզի հետագայում իմ խոսքերին ծուռ քացատրություններ չտրվին:

Եվ այսպես, այսօր ճաշից հետո, ժամը 4-ին, հիշյալ երեք անձանց ներկայությամբ, Փաշային ասացի

– Նախ՝ ես տակավին չհասկացա, Փաշա՛, թե ի՞նչ պատճառ ունեիք սա նոր համաձայնության խնդիրը մեջտեղ նետելու: 1^{1/2} տարվա գործակցությունից հետո, կարծում եմ առաջիկա 1 ամիսն էլ որևէ կերպով կգործակցեինք:

Պողոս Փաշան պատասխանեց.

– 1^{1/2} տարվա ընթացքում մենք հաճախ անախորժ վեճեր ենք ունեցել: Բայց այժմ իմ առողջական կացությունն այնպես է, որ ես կարողություն չունեմ նոր ծանր վեճեր ու դժվարություններ տանել: Ուստի, Պատվիրակության մեջ մտնելուց առաջ, ես ուզեցի իմանալ, թե կարո՞ղ ենք խաղաղ աշխատակցության հիմունք գտնել, թե՞ նորից պիտի դժվարություններ ունենանք: Ահա միակ պատճառը իմ այս հարուցած համաձայնության խնդրի:

– Ընդունում եմ Ձեր պատասխանը բավարար: Ապա թույլ տվեք նախ պարզել անցյալ օրվա թյուրիմացությունը: Ինձ մոտ եկան ներկա պարոններից Սինապյան ու Նէվրուզ և ինձ մի թուրք կարդացին՝ կես մատիտով, կես թանաքով գրված: Իմ հարցին թե՛ գրավոր համաձայնություն է այդ, պատասխանեցին՝ ոչ, գրավոր ոչինչ լինելու չէ, սա պարզ aide memoir է մեզ համար: Ես ընթերցումը լսեցի անտարբեր, առանց քննադատության, առանց իմ կողմից պայմաններ ավելացնելու կամ կրճատելու, որովհետև ընդհանուր պատասխան ունեի: Ասացի, թե այսպիսի համաձայնությունները չեն, որ միջադեպերի առաջը կանոնն, այլ

իմաստությունն ու գործի սերը: Հետևապես, ասացեք Փաշային, որ մենք կգործակցենք, comme par le passé¹³⁸, միայն թե հաշվի պիտի առնենք նոր հանգամանքը՝ մեր պետության ճանաչումը: Հետևապես, մնացածն ինչ-որ պատահել է, ձեր ընթերցումը այդ թղթի, համագումարի քննադատությունն ու քվեարկումը պարզապես թյուրիմացություն է միայն, և, իբրև այդպիսին, պետք է մեկ նոր հայտարարությամբ չեղյալ նկատվի: Իհարկե, Դուք անմիջապես կհարցնեք՝ «ապա այնուհետև ի՞նչ պիտի լինին մեր հարաբերությունները»:

– Այո՛, – ասաց Փաշան, – Դուք կռահեցիք:

«– Մեր հարաբերությունները. ահա այն ֆորմուլան, որ հիմք պիտի ծառայի մեր գործակցության – Nous allons collaborer comme par le passé en tenant compte de la nouvelle circonstance, qui résulte du fait de reconnaissance de notre état¹³⁹»:

Այս ես ասել եմ առաջ, ասում եմ այսօր և նաև հետագայում: Կհարցնեք անշուշտ նորից, թե ինչ եմ հասկանում ասելով collaboration en tenant compte de la reconnaissance de notre état¹⁴⁰:

Պատասխանս պարզ է՝ «chaque fois que la délégation serait appelée à présenter la figure de l'état, je signerai seul les documents»¹⁴¹:

Ես այլևս ոչինչ ավելացնելու չունիմ:

– Բայց Դուք կարող եք այս ֆորմուլան շատ լայն բացատրել, – ասաց Փաշան:

– Փաշա, – ասացի, – ո՛չ մի ֆորմուլ չի կարող բոլոր հնարավոր վեճերի և միջադեպերի առաջն առնել: Ես հույսս դրել եմ ո՛չ այս ֆորմուլայի և ո՛չ մեր բոլոր գրույցի վրա, այլ մեր իմաստության և մեր հաշտարար ոգու, ու մեր պարտքի գիտակցության վրա: Դուք պետք է ընդունեք, որ մենք երկսով էլ պիտի աշխատենք մեր կառավարության դիրքն ամրապնդելու:

– Ես էլ նույնն եմ հետապնդում, բայց պետք չէ Թյուրքաց Հայաստանը լքել: Այ, փաստաբան Lapradelle ասում էր՝ թե ոռւսները Կովկասյան Հայաստանը ձգեցին նախքան Վիլսոնի արքիտրաժը, ձեր պետությունը կարող է կործանվել: Ես պետք է ներկայացնեմ Թյուրքաց Հայաստանը:

¹³⁸ Ինչպես անցյալում:

¹³⁹ «Մենք պիտի գործակցենք անցյալին նման, նկատի առնելով նոր պարագան, որ առաջ եկած է մեր պետության ճանաչումի իրողութենն»:

¹⁴⁰ «Գործակցություն՝ նկատի առնելով մեր պետության ճանաչումը»:

¹⁴¹ «Ամեն անգամ, որ պատվիրակությունը պիտի կանչվի ներկայացնելու պետությունը, ես միայն պիտի ստորագրեմ փաստաթուղթերը»:

— Փաշա, Lapradelle-ը կարող է հմուտ օրենսգետ լինել, բայց վատ քաղաքագետ է և անծանոթ՝ իրերի ընթացքին մեր երկրին վերաբերյալ: Միջազգային հարաբերությունների մեջ ամեն ինչ օրենսդրական կարգով ու մտածումով չի լուծվում: Հետո, Դուք շարունակելով Ձեզ հայտարարել Թյուրքաց Հայաստանի ներկայացուցիչ, թուլացնում եք մեր կառավարությունը, որ թյուրքական դաշնագիրն իսկ նկատում է որպես Միացյալ Հայաստանի միակ կառավարությունը: Եվ հետո Դուք շարունակ հակասության մեջ եք: Դուք այդ կառավարությունը չեք համարում **համայն Հայաստանի**, բայց և Խաղաղության Համաժողովում նույն կառավարության բանակին եք հենվում, երբ պետք է Թյուրքաց Հայաստանի հողը գրավել: Հետո, ես լսել եմ, որ Դուք փորձում եք անգլիական ու ֆրանսիական կառավարությունների միջոցով Ձեր դիրքը, իբրև Թյուրքաց Հայաստանի ներկայացուցիչ ամրապնդել: Մա լավ ճանփա չէ, որ Դուք ընտրել եք, ո՞չ Ձեզ համար և ո՞չ հայ հայրենիքի: Օտարների միջամտությունից շահ չունինք: Լավ գիտցեք, որ Ձեր ամբողջ դիվանագիտությունը ծախսողած է և ինքն Ձերի հետ: Ինչ որ կա, ինչ որ վաստակված է, այդ մեր կառավարությունը, մեր քանակը, մեր պետությունն է, և նրան միայն պիտի հենվինք:

Ես վերջացրի: Դուրս եկա:

Երեկոյան Նեվրոզն եկավ ինձ ասելու, թե Փաշան շատ մտախոհ է և ընդունել է իմ առաջարկը՝ ասելով il se sent fort!¹⁴²:

ՍՊԱՅԻ¹⁴³ ՀԱՄԱԺՈՂՈՎԻՆ

Հուլիս 7, 1920

Առաջին այցը Սպայում ես ու Փաշան արինք Բելգիական Արտաքին Գործոց նախարար Հիմանսին:

Մա լոկ քաղաքավարական այց էր, թեև զրույցի ընթացքում պարզվեց, որ թյուրքերին տրվելիք պատասխանը խիստ է լինելու և սրանց հակառակները մերժվելու են:

Հաջորդ օրը տեսանք Բերթրլօին: Նա առանձին սիրալիրությամբ ընդունեց մեզ, հաստատեց Հիմանսի ասածները և կարդաց մեզ թյուրքերին տրվելիք պատասխանի բնագիրը, որ, ըստ երևույթին, իր խմբագրածն էր:

¹⁴² Իմ քննարկը ամուր կզգա:

¹⁴³ Սպա (Spa) — Առողջարանային քաղաք Բարձր Բելգիայում, Արդեններում, Կեն գետի ափին, Լյեժ գավառում:

Պարզվեց, որ

- 1) Թյուրքական պայմանագիրը մնում է անփոփոխ հողային տեսակետով;
- 2) փոքրիկ փոփոխություն հոգուտ թյուրքերի — Նեղոցները կառավարող Հանձնաժողովում թյուրք ներկայացուցիչ ունենալու մասին;
- 3) նրանց տրվելու է տասն օրվա պայմանաժամ՝ ստորագրելու կամ մերժելու Դաշնագիրը;
- 4) նորից առանձնապես պնդում են Հայաստանի անկախության վրա այնպես, ինչպես Դաշնագիրն է նախատեսել Վիլսոնի arbitrage-ով, և
- 5) պատասխանը տրվելու է թյուրքերին հուլիսի 17-ին, հետևապես նրանք իրենց խոսքն ասելու են հուլիս 27-ին:

Մրանից վերջը Փաշան փորձեց խոսք բանալ Կլիկիայի մասին՝ ներկայացնելով, թե Ամանուսի¹⁴⁴ Հայ Հանրապետությունը Ֆրանսայի աջակցության պտուղ է և թե լավ կլիներ իսկույն այնտեղ դրկել Անդրանիկին՝ սկսված գործը գլուխ քերելու համար:

Բերթրլոն խուսափողական պատասխան տալով այս բոլորին՝ կարճ կապեց տհաճությամբ:

Մենք եկած էինք Սպա այն մտածումով, թե զուցե Թյուրքական դաշնագիրը վերաքննվի և, հետևապես, մենք էլ մեր խոսքը կասենք: Բարեբախտաբար, Բերթրլօի հայտարարություն մեր բոլոր կասկածները ցրեց: Մնում էր սպասել, որ այս պատասխանը հաստատի Գերագույն Խորհուրդը:

Փաշան, չսպասելով այլևս, մեկնեց Բրյուսել: Ես մնացի իմ աշխատակիցների հետ — Կորգանյան, Նեվրոզ և քարտուղար Հանըմյան:

Մի քանի օր հետո, հուլիս 11-ին, տեղի ունեցավ թյուրքերի տալիք պատասխանի վերջնական վճիռը: Բերթրլօի մեզ կարդացած բնագիրը հաստատվեց անփոփոխ: Միայն Վենիզելոսի պահանջով վերջում ավելացրեց, «Եթե թյուրքական կառավարությունը հրաժարվի ստորագրելուց կամ ստորագրելով հանդերձ՝ անկարող հանդիսանա կարգ հաստատել Անատոլիայում, ապա Դաշնակիցները վճռել են վերջնական ձևով վճռել թյուրքերին Եվրոպայից, այսինքն՝ Կ.Պոլսից, ուր թյուրք մեծամասնությունը շատ կասկածելի է, ընդհակառակը՝ քրիստոնյա ազգաբնակչությունն է թվում ավելի մեծ»:

¹⁴⁴ Հնագույն հայաբնակ շրջան, լեռնաշղթա Կլիկիայում, Կլիկիայի հարավ-արևելքում, Հայոց ծոցից հյուսիս-արևելք մինչև Մարաշ:

Հուլիսի 11-ի երեկոյին տեսնվեցի Վենիզելոսի հետ: Ինձ ընկերացավ և գոր. Կորգանյան, քանի որ նյութը գրույցի մաս զինվորական էր:

Իմ հարցին, թե ի՞նչ է մտածում նա (Վենիզելոսը) մեր բանակի առաջխաղացման մասին դեպի քյուրքահայ գավառները, նա պատասխանեց, թե ինքը միամգամայն դեմ է այդ մտքին, որովհետև երկյուղ ունի, որ մեր ուժերը բավարար չլինին, իսկ որևէ ձախողանք կարող է մեզ համար ճակատագրական լինել, քանի որ ո՛չ հույները, ո՛չ Անգլիան և ո՛չ Ֆրանսիան կգան օգնության:

Գեներալ (գորավար) Կորգանյան պատմեց մեր զորքի քանակը և կարալորթյունը: Ասաց, որ մենք կարող ենք, եթե ռազմամքերը ունենանք, մեր բանակի թիվը հասցնել 40 հազարի: Անգլիացիք դրկել են ռազմամքերը: Հուսանք, թե ուրիշ տեղից էլ կուղարկվի: Ասաց նաև, որ հույն կառավարությունն ևս մեզ տասն հազար հրացան է տվել: Շնորհակալ եղանք սրա համար:

Վենիզելոսը գտավ այս տեղեկությունները մեր բանակի մասին շատ խրախուսական:

Այնուամենայնիվ մեր գրույցից պարզվեց, որ

- 1) մենք այժմ չպիտի առաջ շարժվինք,
- 2) պիտի սպասենք մինչև Դաշնագիրը ստորագրվի,
- 3) մինչև Վիլսոն իր խոսքն արտասանե սահմանների մասին,
- 4) եթե այդ պահուն մեր բանակը պատրաստ լինի 40 հազարով, եթե մեր թիկունքը ապահով լինի բուլղարիկներից կամ թաթարներից, այդ ժամանակ առաջ շարժվել:

Իմ հարցին, թե մտադիր չէ՞ դեսանտ հանել Տրապիզոն, Վենիզելոս պատասխանեց, թե դա հնարավոր է, եթե քյուրքերը մերժեն ստորագրել հաշտության պայմանագիրը:

— Այս դեսանտի պահուն, — ասաց նա — ձեր առաջխաղացումը կդադարա ավելի անհրաժեշտ և հաջողության հաստատ գրավականով:

Սակայն, Վենիզելոս կարծում է, որ քյուրքերը կստորագրեն:

— Պիտի խնդրեի, որ պահեք ձեր նոր գրավումներն, — ասացի, — մինչև քյուրքերը իրագործեն Դաշնագիրն ամբողջությամբ և դուրս քաշվեն և՛ Հայաստանից: Արդյոք պետությունները նույն մտածումը չունին՞:

— Անշուշտ դա միակ ճամփան է, — ասաց նա, — քյուրքերին ստիպել իրագործելու Դաշնագիրը և ես մտադիր չեմ թողնել մեր բռնած հողերը: Զգիտե՛մ ի՞նչ կանեն Դաշնակիցները: Դուք գիտեք, թե մեր մեծ Դաշնակիցները հաճախ ինչ հիմարություններ են անում: Առայժմ գոհ լինինք, որ մենք կարողացանք Քենալի

ուժերի լեգեոնան¹⁴⁵ ցրել: Նայինք մնացածին: Համենայն դեպս, դուք դեռ սպասելու եք:

ՏԵՍԱԿՑՈՒԹՅՈՒՆ Պ. Գ. ՆՈՐԱՏՈՒՆԿՅԱՆԻ ՀԵՏ

Հուլիս 16, 1920

Այսօր պ. Նորատունկյան եկավ ինձ և հաղորդեց հետևյալը. —

«Ազգային Համագումար»-ի վերջին նիստին նորից խնդիր եղավ, թե Փաշան ի՞նչպես պիտի ստորագրի Դաշնագիրը և թե Ահարոնյանը խոստացած է իր կառավարությունից խնդրել դա համար պետք եղած արտոնությունը, եթե Փաշան այդ կամենա: «Քայց Փաշան հայտարարեց՝ «Քանի որ Երևանում coalition¹⁴⁶ կառավարություն չկա, ինքը այնտեղից որևէ արտոնագիր և իրավունք խնդրելու ցանկություն չունի»:

«Այսպիսով, — ավելացրեց պ. Նորատունկյան, — Դուք այլևս պատասխանատու չեք, եթե Փաշան հնարավորություն չունենա ստորագրել»:

ԹՅՈՒՐՔԱԿԱՆ ԴԱՇՆԱԳՐԻ ԱՏՈՐԱԳՐՈՒԹՅՈՒՆԸ

Օգոստոս 10, 1920, Փարիզ

Կյանքիս ամենաերջանիկ օրն է այս: Երեսուն տարվա պայքարս, բողոքս, տառապանքս ու հույսերս պսակվեցին փառավոր հաջողությամբ: Թյուրքական դաշնագիրն ստորագրվեց և բոլոր Դաշնակից պետությունների Համաժողովն այսպիսով հռչակեց Միացյալ, Անկախ, Ազատ Հայաստանը Սևրի սրահում:

Այսօր ճաշից հետո, ժամը 4-ին, երկու օրո՞ւրիցներով¹⁴⁷ մեկնեցինք Փարիզից: Ինձ ուղեկցում էին կինս, խորհրդականներ պ. պ. Էնֆիանյան և դոկտ. Նվկրուզ և երկու քարտուղարներ:

Սևրի պալատի առջև ձգվող ծառուղին երկու կողմից բռնված էր զինված պատվո պահակների երկու շարքով, որի միջով մեր կառքերն անցան մինչև հանդիսավոր մուտքը:

¹⁴⁵ Առասպել:

¹⁴⁶ Կռալիցիոն (համագործակցային) կառավարություն՝ կազմված տարբեր, սակայն փոխադարձ համամայնության եկած կուսակցությունների մերկայացուցիչներից:

¹⁴⁷ Ավտոմեքենաներ, ինքնաշարժ:

Առաջին հարկի ընդարձակ դահլիճը, ուր բարձրացանք, արդեն շարված էին պատվիրակների սեղաններն ու արոտները, և նրանց ետևներում՝ տեղեր պատրաստված յուրաքանչյուր պատվիրակության քարտուղարների համար: Իմ արտը գտնվում էր չեխո-սլովակների և ռումեների ներկայացուցիչների կողքին: Սեղանի վրա առջևս մի քարտ կար: «Plénipotentiaire de l'Arménie» — «Լիազոր Հայաստանի»:

Իմ դեմ առ դեմ, հակառակ պատի տակ, տեղ ուներ Հունական պատվիրակությունը՝ գլուխ ունենալով Վենիզելալը: Նրանցից վար թյուրքերի տեղն էր: Գակատի պատի տակ տեղ էին բռնել մեծ Դաշնակիցները:

Հեռվից տեսնելիս լցվեց պատվիրակներով: Ժամը ուղիղ 4-ին հասավ Միլլրան՝ նախագահը Conférence-ի: Եվ գրեթե անմիջապես հետո ներս հրավիրեցին թյուրքերին վարի հարկից, ուր նրանք սպասում էին:

Կարգադրիչը, ներս առաջնորդելով թյուրք երեք պատվիրակներին, բարձրաձայն ասաց.

— Messieurs les plénipotentiaires de l'Empire Ottomane!¹⁴⁸

Ամենքը ոտքի կանգնեցին: Թյուրքերը ողջունեցին գլխի շարժումով և բռնեցին իրենց տեղերը:

Տիրեց ընդհանուր լռություն: Բոլոր այս ցերեմոնիս¹⁴⁹ մահվան պատժի ի կատար ածումի պատկեր ուներ: Պատժվողը Թյուրքիան էր:

Ընդհանուր լռության մեջ, ոտքի կանգնեց Միլլրան և ասաց հետևյալը.

— Messieurs, Je declare que le traité que nous allons signer est en tout exactement conformé à l'original!¹⁵⁰

Ապա հրավիրեց թյուրքերին ստորագրել առաջինը:

Տեղից բարձրացավ Հազի փաշան՝ նախագահը, և հաստատ, վճռական քայլերով առաջացավ դեպի կենտրոնի սեղանը, ուր դրված էր Դաշնագիրը, առավ իրեն մեկնված գրիչը և ջրուտ շարժումով, արագությամբ ստորագրեց ցույց տված տեղը: Նրան հետևեցին իր երկու ընկերակիցները՝ Բիզե Թեֆլիկ բեյ և Բէչիտ բեյ: Վերջինի դեմքը ջղածաքար շարժվում էր, թեև նա աշխատում էր առհարկի անհույզ երևալ, իսկ Բիզե Թեֆլիկը ծնոտն

¹⁴⁸ «Պարոմայք լիազորներ Օսմանյան Կայսրության»:

¹⁴⁹ Արարողություն:

¹⁵⁰ «Պարոմներ, կհայտարարեմ, որ Դաշնագիրը, զոր պիտի ստորագրենք հիմա, իր ամբողջության մեջ ճիշտ կերպով համաձայն է քնագրին»:

էր ջղայնորեն շարժում:

Ստորագրեցին թյուրքերը և շտապով գրավեցին իրենց տեղերը:

Այնուհետև հերթով եկան ստորագրելու Անգլիայի, Ֆրանսայի, Իտալիայի, Ճապոնիայի ներկայացուցիչները:

Երբ հերթը հասավ փոքր Դաշնակիցներին, այբբենական կարգով Հայաստանի լիներով առաջինը, ինձ հրավիրեցին ստորագրել: Ես ստորագրեցի երեք փաստաթուղթ՝ 1) բուն Թյուրքական դաշնագիրը, 2) փոքրամասնությունների ստատուտը Հայաստանի և մեծ պետությունների մեջ կայացած և 3) արձանագրություն այն մասին, թե Յուզո-սլավները¹⁵¹ և Հեջջազ¹⁵² բացակա են և [ան]կարող են ստորագրել:

Երբ վերջացավ ստորագրությունը և բազմությունը վեր կացավ, Վենիզելոսն առաջինը վազեց դեպի ինձ, ձեռքս բռնեց երկու ձեռքով և գրեթե բացականչեց հուզված.

— Mes félicitations, mon cher président, après vous, c'est moi qui est le plus heureux pour l'Arménie!¹⁵³

ՏԵՍԱՎՅՈՒԹՅՈՒՆ ՎԵՆԻԶԵԼՈՍԻ ՀԵՏ

Օգոստոս 11, 1920

Փարիզ

Այսօր առավոտ, ժամը 10-ին, տեսնվեցի պ. Վենիզելոսի հետ: Նյութն էր՝

1) Տրապիզոնի խնդիրը:

Պատվիրակության վերջին խառն ժողովի և Վիլսոնին մեր ներկայացրած վերջին գրի վրա հիմնված հայտնեցի, թե ինչուս տալու համար Պոնտոսի հույների հակամարտությունից և, նկատի առնելով նրանց վճռական բողոքը՝ մենք որոշեցինք հրաժարվել Տրապիզոնից և բավականանալ Դաշնագրի՝ հոգուտ մեզ եղած տրամադրությամբ՝ այդ մավահանգստի մասին:

Վենիզելոս բարձրացավ տեղից՝ երկու ձեռքով իմ ձեռքը թոթվեց ու ասաց:

¹⁵¹ Հարավսլավացիներ:

¹⁵² Այժմ՝ Հիջզազ մահանգ Մատոյան Արարիայի հարավ-արևմտաքոմ:

¹⁵³ «Շնորհավորություններս, իմ սիրելի նախագահ, Չեզմե հետո, ես եմ Հայաստանի համար ամենաերջանիկ անձը»:

- Ընդհանրապես են: Դուք ձեր այդ որոշումով ինձ մեծ հոգսից ազատեցիք:

2) Հարցրի, թե Հունաստանի ո՞րպիսի օգնության վրա կարող ենք հուսալ մեր թյուրքահայ գավառները գրավելու պահուն:

Նա պատասխանեց բառացի այսպես.

- Այնքան ժամանակ, որ թյուրքերը չեն դատարկի Հայաստանը և չեն քաշվի Վիստնի՝ ձեզ հատկացնելիք հողերից, հունական բանակը գրաված պիտի պահի բոլոր այն հողամասերը, որ Դաշնագրի տրամադրությունից դուրս մենք բռնած ենք: Այս հայտարարությունս, - ասաց, - պաշտոնական է, և դուք ամեն առթիվ, ուր պատշաճ և օգտակար կնկատեք, կարող եք ձեզ ծառայեցնել Դաշնակից կառավարությունների հետ զրուցելիս: Խնդրում եմ, երբեք չմոռանաք ամեն տեղ ձերոնց հիշեցնելու, որ մենք - հույն և հայ - բնական դաշնակիցներ ենք և Թյուրքիայի բնական ժառանգները, Արևմուտքի քաղաքակրթության հառաջապահներն ենք ու սպագան Արևելքում մերն է:

3) Խնդիրը մեր ներկայացուցչության հարցն էր Աթենքում: Ես մի քանի թեկնածուների անուն տվի: Վեցիզելուս պատասխանեց.

- Ում որ նշանակեք, ինձ ընդունելի է, միայն թե աշխատի հայ և հույն բարեկամությունը ամրապնդել:

ՏԵՍԱԿՑՈՒԹՅՈՒՆ ԱՄԵՐԻԿԱՆ ԴԵՍՊԱՆ
HUGH CAMPBELL WALLACE-Ի ՀԵՏ

Մեպտեմբեր 1

Ամերիկյան դեսպանի հատուկ հրավերով այսօր իրեն տեսակցության գնացի առավորյան ժամը 12-ին:

Նա ինձ հայտնեց հետևյալը, թե օգոստոսի 26 թվով հեռագիր ունի Վաշինգտոնեն, որով իր կառավարությունը հայտնում է, թե մեր սահմանների գործը շատ լավ հիմերի վրա է, նախագահ Վիլսոնը շատ լուրջ զբաղված է այս խնդրով, և թե կարող ենք վստահ լինել, որ մեր իղձերի և հույսերին համապատասխան սահմաններ կունենանք: Ցավ հայտնեց, որ պատվիրակության ներկայացրած փաստաթղթերն ու կարտերը նա միայն օգոստոս 20-ին է ճամփու ձգել աշտեղից, հետևապես հեռագիր դրկված պահուն (օգոստոս 26-ին) հիշյալ փաստաթղթերը տակավին ստացված չէին:

Ես պատասխանեցի, թե մեր Դատն այնքան արդարամիտ և

հայասեր անձի ձեռքերումն է, որ մենք շատ անհանգիստ չենք մեր փաստաթղթերի հապաղումից: Ես խնդրեցի միաժամանակ ասել արդյոք Նախագահը պիտի սպասի՞ վավերացումին Թյուրքական դաշնագրի, թե՞ առանց այդ իր որոշումը կտա: Մա մեզ համար կենսական նշանակություն ունի, որովհետև մեր գաղթականները 5-6 տարուց ի վեր սպասում են վերադարձի ժամին:

Դեսպանը պատասխանեց.

- Կարող եք վստահ լինել, որ Նախագահը լիովին իրազեկ է Հայաստանի և հայերի կացության և նա ամեն ինչ պիտի անի փութացնելու հարցի լուծումը: Ինչ վերաբերում է Ձեր վերջին հարցին, հազիվ թե ես կարողանամ, - ասաց, - ձեզ պաշտոնական կարծիք հայտնել: Կասեմ միայն իմ անձնական մտածումը: Ես հավատացած եմ, որ Նախագահը քննալ պետք չունի սպասելու որևէ նոր պայմանի Դաշնագիրն ստորագրելուց հետո, և նա չի սպասի: Վստահ եղեք, որ ձեզ համար ձեր երկրի համար ամեն քան լավ կընթանա:

Ընդհանրապես եղա և դուրս եկա:

ՏԵՍԱԿՑՈՒԹՅՈՒՆ
ԱՄԵՐԻԿԱՆ ԴԵՍՊԱՆԻ ՀԵՏ

Մեպտեմբեր 8

Այսօր առավոտ, ժամը 11.30-ին, ամերիկյան դեսպան Հյու-Վալլաս ինձ հրավիրեց իր մոտ մեր սահմանների մասին խոսելու:

Չբույցը մեր սահմանների հարցից անցավ լուխ Տրապիզոնին: Դեսպանը ցանկություն հայտնեց այս մասին մեր քացառություններն ունենալ իր երկու խորհրդականների միջոցով:

Ճաշից հետո ժամը 3-ին, գեներալներ (գորավարներ) Բագրատունի և Կորգանյանի հետ ընդունեցինք ամերիկյան դեսպանատան քարտուղար պ. George Anderson Gordon-ին, որ դրեց մեզ հետևյալ հարցերը.

1) - Ո՞րն է այն հողամասը, որից դուք հրաժարվում եք Վանի վիլայեթում:

Մենք ցույց տվինք քարտեզի վրան Հեքքարին ու Սղեբը և քացառեցինք այն պատճառները, որոնք թելադրումեն մեզ մեր շահերի տեսակետից հրաժարվել այդ հողերից:

Բացատրությունը նրան գոհացրեց:

2) – Ինչու՞ եք հրաժարվում Տրապիզոնից, և ո՞րն է լինելու ձեր նավահանգիստը:

Վերջին հարցին պատասխանեց զոր. Կորգանյան, թե մենք ստիպված եղանք գոհանալ Բիզոնով, հակառակ բազմաթիվ իր անհարմարություններին և կառուցանելու դժվարություններին՝ համեմատելով Տրապիզոնի հետ:

Այս բացատրությունն էլ ավելի հետաքրքրեց պ. Gordon-ին իմանալու Տրապիզոնից հրաժարվելու բուն պատճառը, մասնավորապես, թե ինչու՞ մենք սկզբում պահանջեցինք Տրապիզոնը և միայն վերջերս նախագահ Վիլսոնին ուղղած հուշագրով՝ հրաժարվում ենք նրանից:

Ես պատասխանեցի հետևյալը.

– Մենք պահանջել ենք Տրապիզոնն անցյալ տարի մեր հուշագրով Conseil Suprême-ին¹⁵⁴, դրոված այն անհրաժեշտությունից, որ հանրաժանոք է և մասնավանդ քաջալերված Վենիզելոսի արած հայտարարությունով Գերագույն Խորհրդի առաջ թե՛ «Donnez Trébizonde aux Arméniens, ils l'ont bien meritée»¹⁵⁵.

Բայց հետագայում Պոնտոսի հույների բողոքի առջև Վենիզելոս անդի տվեց և ձեռքերը լվաց այդ հարցից:

– Ե՞րբ պատահեց այդ, – հարցրեց Gordon:

– Մարտ ամսին Լոնդոնում, – պատասխանեցի: – Եվ հետո դրանից շատ առաջ և այդ օրերում իսկ Պոնտոսի հույն պատվիրակությունը ներկայացավ մեզ հայտարարելու վճռապես, որ եթե մենք շարունակենք պահանջել և եթե մասնավանդ հաջողեցանք այն առանալ, իրենք՝ հույները պիտի միանան թյուրքերին մեր դեմ, «որովհետև, ասում էին նրանք, Տրապիզոնը Պոնտոսի գլուխն է, և մենք բույլ չենք տա գլուխը բաժնել մարմնից»: Հունական այս հակառակությունը քանի գնաց՝ ստուտկացավ: Վերջում ավելացավ քեմալիստների շարժումների ընդհանուր վտանգը, սրա հետևանքով Թյուրք դաշնագրի վերաքննության հավանականությունը և Հունական բանակի առաջխաղացությունը, որ այնպես զուգահեյալում էր մեր շահերին: Այս փափուկ պարագաները, երբ թյուրքական վտանգի դեմ միմիայն Հունական բանակի վրա կրթնելու հնար ունեինք, բնականապես հունական բարեկամությունը դարձավ մեզ համար բացարձակ անհրաժեշտություն: Մենք գիտեինք, որ Դաշնակիցները երբեք մեզ օգնելու չեն, մինչդեռ Վենիզելոս

¹⁵⁴ Գերագույն Խորհուրդ:

¹⁵⁵ «Տվեք Տրապիզոնը հայերուն: Անոնք իրապես արժանի են անոր»:

օգոստոսի 4-ին ինձ հայտարարեց, թե նա չպիտի դատարկի Հայք բանակի գրաված թյուրքական հողերը, մինչև որ թյուրքերը հեռանան հայկական բողոք հողամասերից: Եվ այսպես մեր բազմաթիվ դժվարությունների վրա չավելացնելու համար հունական թշնամությունը և պահելու համար հույն կառավարության բարյացակամությունը, մենք վճռեցինք չպահանջել Տրապիզոնը և ոչ թե հրաժարվել նրանից:

– Բայց դուք ուրիշ նավահանգիստ չունիք, – ասաց պ. Gordon:

– Ճշմարիտ է, սա շատ ծանր վիճակ է մեզ համար, բայց Տրապիզոնի պատճառով հույների հետ թշնամանալն էլ ավելի աղետավոր կլիներ մեզ համար մեր ներկա պայմաններում:

– Վենիզելոս կամ իր կառավարությունը ուղղակի ճնշումն չի՞ գործ դրել ձեզ վրա:

– Ես Չեզ ներկայացրի այս հարցի պատմությունը ճշգրիտ կերպով, եզրակացությունը կարող է լինել զանազան:

– Պոնտոսի հույները որևէ քաղաքական կազմակերպված մարմին չունին անշուշտ, – ասաց Gordon, – որի հետ դուք բանակցեիք:

– Ոչ, – ասացի, – նրանց ունեցածը մի պարզ անվանական պատվիրակություն էր, որպիսին ունեին Փարիզում բազմաթիվ մանր ժողովուրդներ ու կրոնական համայնքներ:

– Վերջին անգամ դուք ե՞րբ դադարեցիք պահանջել Տրապիզոնը:

– Մոտերս, օգոստոսի սկզբներին:

Եզրակացություն –

Պ. Gordon-ի հարցուփորձը մեզ վրա այն տպավորությունը թողեց, թե նախագահ Վիլսոնի համար Տրապիզոնի հարցը տակավին զոցված չէ, և թե նա կասկածում է, որ մենք հրաժարվում ենք Տրապիզոնից հույն կառավարության և մասնավորապես Վենիզելոսի ճնշման տակ:

ՏԵՍԱԿՑՈՒԹՅՈՒՆ
ՌՈՒՄԻՆԱԿԱՆ ԱՐՏԱԶԻՆ ԳՈՐԾՈՑ ՆԱԽԱՐԱՐ
ՏԱԿՈՒՈՆԵՍԿՈՒԻ ՀԵՏ

Հոկտեմբեր 4
Փարիզ

Տակո-Իոնեսկուն 58-60 տարեկան մարդ է, շեշտված հայկական դիմագծերով (ասում են հայ ծագումից է), որ ինձ ընդունեց grave¹⁵⁶ ձևով և շատ արատում տոնով հարցրեց.

— Ինչպե՞ս է ձեզ մոտ, լավ չէ, կարծես:

Ես պատասխանեցի թե՛ մեր դրությունը ծանր է և ուզեցի իմանալ ի՞նչ կարող ենք հուսալ Ռումինիայից:

— Չեմ ուզում ձեզ ավելորդ հույս տալ: Մենք անգոր, միանգամայն անգոր ենք ձեզ օգնելու: Թերթերում գրած էին, իբր թե Ռումինիան գորք է դրկում Տրապիզոն: Ցնորամատիություն: Մանդատի հեռավոր միտք իսկ ունեցած չենք:

Այնուհետև մենք երկար խոսեցինք քեմալիստների ուժի և շարժումների մասին, բոլշևիկների մասին:

Իմ հարցին, թե կարո՞ղ ենք հուսալ գեթ մավթ ստանալու Ռումինիայից, նա պատասխանեց բացասաբար:

— Կարող եմ ձեզ խոստանալ, — ասաց նա, — միմիայն հրացաններ, ռուսական հրացաններ 4-5 հազար և ոչ վճարելով, այլ որպես ընծա Հայաստանին:

Ես սրա համար էլ շնորհակալ եղա և դուրս գնացի:

ՏԵՍԱԿՑՈՒԹՅՈՒՆ
ԱՄԵՐԻԿԱՆ ԴԵՍՊԱՆ ՀՅՈՒՎԱԼԼԱՍԻ ՀԵՏ

Հոկտեմբեր 11, 1920

Կիլիկիայից ու Հայաստանից սրտաբեկիչ հեռագրեր ստանալով, տեսակցություն խնդրեցի պ. Հյու-Վալլասից: Տվի նրան կարդալու հեռագիրը: Բացատրեցի դրությունը և՛ Կիլիկիայում, և՛ Հայաստանի սահմաններում:

Նա, շատ ուշադրությամբ ինձ լսելուց հետո, հարցրեց, թե տեսնվե՞լ եմ արդյոք ֆրանսիական իշխանությունների հետ:

Պատասխանեցի, որ տեսնվելու եմ Առաջին նախարարի¹⁵⁷

¹⁵⁶ Մեայ, խտտաղեմ:

¹⁵⁷ Վարչապետ, նախարարապետ — Պրեմիեր մինիստր:

հետ ամսույս 13-ին:

— Չե՞ք կարծում, — ասաց նա, — որ լավ կլինի այդ տեսակցությունից հետո վերիշիշել մեր գրույցը:

Ես գտա նրա մտածումը գործնական և շնորհակալ լինելով դուրս եկա:

ՏԵՍԱԿՑՈՒԹՅՈՒՆ

ՖՐԱՆՍԻԱՅԻ ՎԱՐՉԱՊԵՏ G. LEYGUE-Ի ՀԵՏ

Հոկտեմբեր 13, 1920

Փարիզ

Այսօր, ճաշից հետո ժամը 4-ին, տեսակցություն ունեցա Ֆրանսիայի վարչապետ Ժորժ Լեյգի հետ: Չբույցի նյութն էր՝ Քեմալիստների արշավանքը դեպի Հայաստան և Կիլիկիայի անցքերը:

ՀԱՅԱՍՏԱՆ: — Կարդացի նրան ստացածս վերջին հեռագրերը Թյուրքիայի արշավանքի մասին: Բացատրեցի մեր գորքի վիճակը, պարզեցի կատարած արիությունը և այն, որ այդ գորքը այսօր վարում է Դաշնակիցների պատերազմը նրանց թշնամու դեմ, որ շատ հայ զինվորներ արդեն կովում են վեց տարուց ի վեր, զենքի տակ են շատերը գրեթե ութ տարուց ի վեր: Մասնավորապես կանգ առա այն վտանգի վրա իրենց իսկ շատերի տեսակետից, թե քեմալիստներ ու բոլշևիկներ հաջողել են միանալ Հայաստանի վրա: Եվ խնդրեցի ասել, թե ի՞նչ միջոցներ են խորհում օգնելու Հայաստանին[ն]:

Պ. Լեյգը շատ սիրալիք, շատ քաջալերիչ կերպով ինձ լսեց ու ասաց թե՛

— Ձեր միտքը գրավել Տրապիզոն-Էրզրում գիծը, արժանի է խորին ուշադրության, և ես դրանով լուրջ զբաղված եմ: Իրավունք ունիք, Հայաստանի վտանգը մերն է: Հավատացեք, որ մենք չենք լքի նրան: Դուք գիտեք, թե ես անձնապես որքան համակիր եմ Ձեզ: Մենք տեսնվել ենք 1915 թվին պարլամենտական հանձնաժողովում, երբ իմ նախագահությամբ Ձեր զեկույցը լսեցինք: Այն ժամանակից իմ զգացումները փոխված չեն:

ԿԻԼԻԿԻԱ: — Պատմեցի իմ ստացած հեռագրերի բովանդակությունը, և այն՝ թե հայերի կացությունը դժվարացել է — գաղթում են, կամ գուցե գաղթեցնում են: Մեր կամավորները զինաթափ են եղած, թյուրք վարչություն հաստատելու վրա են: Բողոքեցի այդ փոսկրտության դեմ, քանի որ թյուրքերը խախտում են Սկրի

դաշնագիրը, անհրավորություն կլինի Կիլիկիայում հոգուտ քյուր-
քերի իրագործել նույն Դաշնագիրը:

Նա պատասխանեց.

— Տարաբախտաբար, ձեր տեղեկությունները ես չունիմ
տակավին, բայց կարող եմ հայտարարել՝ 1) երեք օրից ի վեր
դրությունը հիմնավորապես փոխվել է դեպի լավ, 2) մենք
Կիլիկիան դատարկելու մտադրություն չունինք, 3) հայերի
պաշտպանությունը կշարունակենք *comme par le passé*¹⁵⁸: Դուռս
Ձեր առաջ միշտ բաց է, և միշտ բարյացակամ եմ Ձեզ:

Նախարարապետը այնուհետև լսեց իմ երրորդ խնդիրը, որ
վերաբերում էր դիվանագիտական ներկայացուցչության: Ես
ասացի, որ Ֆրանսիան մինչև այժմ նշանակում է մի Haut
Commissaire pour trois Républiques Trans-Caucasiennes¹⁵⁹: Երև,
ասացի, մինչև օգոստոսի 10-ը այս բացատրել կարելի էր, Սևրի
դաշնագրի ստորագրությունից հետո, դառնում է մեզ համար
չափազանց անպատեհ: Մենք այլևս Կովկասյան Հանրապետու-
թյուն չենք, այլ անկախ մի պետություն՝ ծագած մանավանդ
Թյուրքիայի անկումից ու հողերից: Ուստի մենք պետք է
ունենանանք մեր ներկայացուցիչը Երևանում, անկախ Թիֆլիսից:

Նախարարապետը պատասխանեց, քե նա լիովին բաժանում
է իմ հայեցակետը և անպայման ընթացք կտա իմ խնդրին իմ
առաջարկած ձևով:

Պ. Լեյզը սկզբից մինչև վերջը շատ սիրալիք եղավ, շատ ուշա-
դիր: Տեսակցության ընթացքին մի անգամ, երբ պատրաստվում էի
վեր կենալ, խնդրեց նստել ու շարունակել գրույցը, որ այսպիսով
տևեց մոտ 50 րոպե:

ՏԵՍԱԿՑՈՒԹՅՈՒՆ

ՆԱԽԿԻՆ ՆԱԽԱՐԱՐԱՊԵՏ ԵՎ ՊԱՐԼԱՄԵՆՏԱԿԱՆ
ՀԱՆՁՆԱԺՈՂՈՎԻՆ (ԱՐՏԱԶԻՆ ԳՈՐԾՈՑ) ՆԱԽԱԳԱՀ
Պ. ԲԱՐԹՈՒԻ ՀԵՏ

Հոկտեմբերի 16, 1920

Ժամը 10

Ըվեյցարացի մեր բարեկամը Demorsié-ի հետ այսօր առա-
վոտյան այցելեցինք Բարթուիմ, որ նոր վերադարձած ճամփոր-
դությունից, ցանկացել էր լսել իրերի կացությունը Հայաստանում
և Կիլիկիայում: Կես ժամի չափ պատմեցի նրան, ինչ պատմել էի
Նախարարապետ Ժ. Լեյզին, խնդրեց, իրեն հատուկ *raport*¹⁶⁰ ներ-
կայացնել այս բոլորի մասին:

Նախընթաց օրը երկար տեսակցություն ունեցա Մեհառոր
Դումերի հետ, որի աջակցությունը խնդրեցի կառավարության ա-
ռաջ Հայաստանի համար, որի հին բարեկամն է ինքը:

ՏԵՍԱԿՑՈՒԹՅՈՒՆ

ԱՐՏԱԶԻՆ ԳՈՐԾՈՑ ՆԱԽԱՐԱՐՈՒԹՅԱՆ
ԳԼԽԱՎՈՐ ԲԱՐՏՈՒՂԱՐ Պ. ԲԵՐԹԵԼՈ-Ի ՀԵՏ

Հոկտեմբեր 17, 1920

Փարիզ

Պ. Բերթլյո երկու տարվա ծանոթ էր: Շնորհավորել էի իր ան-
վանումը և ստացել էի սիրալիք պատասխան, ասացի, որ մի քանի
անգամ իրեն տեսած եմ, վերջին անգամ 21 օգոստոս և ամեն ան-
գամ դուրս եմ գնացել սրտապնդված և հույս ունեմ այս անգամ ևս
հուսալից դուրս գնալ:

Նա պատասխանեց.

— Այս անգամ հույսից ավելին կարող եմ Ձեզ ասել, Խնդիրն
ավելի լուրջ գործնական շրջան է մտած:

Ես կարդացի նրան իմ ստացած երեք հեռագրերը քյուրքերի
շարժումների մասին. նա նոթ առավ և Կաղզվան, Նովո Մելիմ,
Մարիդամիշ տեղերը ուզեցի բացատրել, ասաց՝ շատ լավ գիտեմ:
Եվ առհասարակ գրույցի ընթացքին նկատեցի, որ լավատեղյակ
էր նյութին: Ինձնից նոթեր առնելուց հետո՝ ասաց.

¹⁶⁰ Ձեկուցադիր:

¹⁵⁸ Ինչպես անցյալում:

¹⁵⁹ Բարձր Կոմիսար Անդրկովկասյան երեք հանրապետությանց:

- Անհանգիստ լինելու տեղիք չունիք. վստահացնում եմ Ձեզ, որ լուրջ քննության առարկա է Հայաստանին օգնության գալու հարցը:

Հարցրի, թե իմ ներշնչումը՝ գրավել Տրապիզոն-Էրզրում գիծը, հավանության երաշխիքներ չունի՞ արդյոք:

- Դա դժվար կլինե՞ր, - ասաց, - բայց հավանաբար Դաշնակից նավատորմի շնորհիվ կարելի կլինի գրավել Տրապիզոն-Մամսոն, առհասարակ Սև ծովի ափերը՝ փակելու համար քեմալիստների հաղորդակցությունը:

- Հույները դադար առան, - ասացի, - արդյոք չե՞ն կարող շարժվել առաջ, չե՞ն կամենում, թե՞ թույլ չեն տալիս:

- Պատասխանս կարճն է, - ասաց Բերթրյուն, - այդ երեք պատճառներն էլ կան:

Եվ նա երկարորեն բացատրեց Վենիզելոսի ներքին դժվարությունները, 150 հազարանոց բանակը պահպանելու ծանրությունը և նրա վախը՝ շատ առաջ գնալու երկրի խորքերը այդ անազին ճակատով:

- Այնպես որ կարծում եք, թե հույները մեզ օգնել չեն կարող նոր առաջխաղացումով:

- Չեմ կարծում:

Ես անցա Կիլիկիայի Խնդրին և շտապով հաղորդեցի ստացած տեղեկությունները: Բերթրյուն պատասխանեց հետևյալը.

- Կիլիկիայի դրությունը հետևյալն է, - ասաց Բերթրյուն, - բրբերն, ինչպես երևում է, գերմանական մեթոդով աշխատում են մաս-մաս հարվածել հակառակորդին և դառնալ մյուսին: Նրանք հանգիստ են թողել հույներին և ուշադրությունը դարձրել դեպի ձեզ և դեպի Կիլիկիան, կամ ավելի ճիշտ՝ միայն դեպի հայերը: Մյուս կողմից պետք է ասել, որ ձերոնք ևս Կիլիկիայում մի շարք անգաղաչություններ թույլ տվին իրենց. **տարաբախտաբար, գնդապետ Բրենտոնը քաջալերեց այդ և ստեղծեց դժվարություններ և՛ ձեզ համար, և՛ մեզ համար:** Գնդապետ Բրենտոնի շնորհիվ ստեղծվել էր մի կացություն, որ կարելի էր բնորոշել **«ժայկական բռնություն մուսուլմանների վրա որոշ շրջաններում»:** Համաձայնեցեք, որ այս դրությունը դժվար էր հարատևել: Այժմ գնդ. Բրենտոնը հեռացած է, և **դժվարությունները հարթվում են:**

- Դժվարությունները հարթվում են՝ ասում եք, - պատասխանեցի ես, - բայց ըստ երևույթին ո՛չ հայերի համար, քանի որ, ինչպես իմանում եմ, մեր ազգայինները գաղթում են բռնադատված և այլ ծանր միջոցներ են գործադրում մերոնց դեմ: Ես

համաձայն եմ, որ մերոնք բանի մի չափազանցություններ արին, բայց սրբազրել հեշտ էր: Սակայն, ըստ իմ տեղեկությանց, Ֆրանսիական իշխանությունները պարզապես ճգնում են իրագործել Թրքական դաշնագիրը Կիլիկիայում այն ժամանակ, երբ բյուրքական մացիոնայիստ զորքերը ամեն օր խախտում են նույն Դաշնագիրը և, ինչպես գիտեք, շարժվում են դեպի մեր Հանրապետության սահմանները:

- Ոչ, - ասաց Բերթրյուն, - Կիլիկիայում Թյուրքական դաշնագրի խոսք լինել չի կարող առայժմ, կարող եմ Ձեզ վստահեցնել 1) մենք Կիլիկիան չենք թողնի, 2) հայերին կպաշտպանենք, 3) Ձեր ստացած տեղեկությունների դրությունը այս պահուն հիմնավորապես փոխված է: Եշմարիտ է, քանի մի արսորներ եղած են, բայց դա պարզապես խաղաղությունը, հավասարակշռությունը վերահաստատելու համար է:

Այնուհետև խոսեցի Ֆրանսիո ներկայացուցչության մասին Հայաստանում և խնդրեցի Lepissier նշանակել անկախ Haut Commissaire¹⁶¹, ապա խնդրեցի թույլտվություն՝ մեր փոխառության և կարգադրություն՝ Մարսելի 24000 հակ/փութ բամբակի համար: Նա նոթեր առավ:

ՏԵՍԱԿՑՈՒԹՅՈՒՆ

ՀՈՒՆԱԿԱՆ CHARGE D'AFFAIRE¹⁶²

Պ. LEON V. MELAS-Ի ՀԵՏ

Հոկտեմբերի 18, 1920

Փարիզ

Պ. Լեոն Մելաս նախ հայտնեց ինձ, թե իր կառավարությունից հրահանգ ունի խնդրել Հայաստանի կառավարության հանդրությունը նշանակել Երևանում որպես Ministre Résident¹⁶³ պ. Jean Papas: Ես շնորհակալություն հայտնեցի հելլենական կառավարության այս ձեռնդրության համար և ավելացրի.

- Ես այս առթիվ պիտի կրկնեմ պ. Վենիզելոսի խոսքերը, որ նա ասաց, երբ ես agrément¹⁶⁴ էի խնդրում պ. Չայանի համար.

¹⁶¹ Բարձր Կոմիսար՝ հանձնակատար:

¹⁶² Գործերի հավասարմատար:

¹⁶³ Նախարար-ռեզիդենտ՝ դիվանագիտական ներկայացուցիչ նվազ աստիճանի, քան դեսպանորդը:

¹⁶⁴ Համաձայնություն:

«Մեզ համար բոլորովին մեկ է, թե ում կուղարկեք, քավական է, որ նա աշխատի ավելի ևս սերտացնել մեր երկու ազգերի բարեկամական հարաբերությունները», - և ավելացրի, - անմիջապես կդիմեմ իմ կառավարության պետք եղած հավանությունն ստանալու, որ կասկած չունեմ իմ կառավարությունը կտա հաճույքով: Ապա պ. Մելսար հարդորեց ինձ Վենիզելոսի պատասխանը իմ այն հեռագրին, որով ես խնդրել էի Հունական բանակի աջակցությունը մի նոր առաջխաղացությանը քյուրքերի շարժումը մեր ճակատում քուլացնելու համար: Վենիզելոսը հայտնում է, թե տարաբախտաբար չպիտի կարողանա իմ խնդիրն իրագործել, որովհետև Հունական բանակի առաջ թշնամի չկա, հետևապես առաջացումը կլինի քյուրքական հողերի նոր գրավումն, ինչ որ կարելի չէ անել առանց Դաշնակից պետությունների հաճության:

- Կարո՞ղ եմ արդյոք դիմել Դաշնակից պետություններին, հարդորել Վենիզելոսի պատասխանը և խնդրել նրանց արտոնությունը:

Պ. Լ. Մելսար, մի փոքր շփոթված իմ հարցից, պատասխանեց թե՛

- Մեր հաջորդ նպատակը կլինեն գրավել Աֆիոն-Գարա-հիսար - ինչպես գիտեք, ձմռանը այդ գրավումը շատ դժվար է, մեր բանակը ձմռան պատրաստություններ չունի. այս է մտածում Վենիզելոս:

Պարզ էր - Վենիզելոս մերժում էր:

Հոկտեմբերի 22, 1920

Բրյուսել

Այսօր Բելգիական Արտաքին Գործոց նախարար և Ազգերի Լիգայի Խորհրդի ժամանակավոր նախագահ Հիմանսի տանը երեկոյան 9-ին հրավիրված էի բոլոր մյուս պատվիրակությունների հետ, ինձ հետ ունենալով պ. Տիգրան Չայանին: Այստեղ Ժան Գուն ինձ ներկայացրեց Իտալիայի դելեգատ¹⁶⁵ Տիտոսոնին, որի հետ առանձնացած՝ ես հնար ունեցա երկարատև պարզել Հայաստանի արդի կացությունը և խնդրել իտալական կառավարության ազդեցությունը ետ կասեցնելու քյուրքերի արշավանքը դեպի Հայաստան: Ես ասացի, որ Իտալիան անմիջապես շահագրգռված չլինելով Հայաստանում՝

¹⁶⁵ Պատվիրակ, դելեգատ:

նրա միջամտությունը և ձեռնբերությունը կասկածից դուրս կնկատվի: Նկատի ունենալով, ավելացրի, քյուրքերի մասնավոր վստահությունը դեպի Իտալիան, elle pourrait, jouer un beau role¹⁶⁶. Տիտոսոնին խոստացավ ինձ Հոմ վերադարձին գրուցել Սֆոնգային:

Հիմանսի հետ գրույցից պարզվեց, որ Քեմալիստների շարժման մասին դեպի Հայաստան Ազգերի Լիգային տված իմ երեք հուշագրերը արժանացել են նրա Խորհրդի ամենալուրջ ուշադրության, և նույն օրը Խորհուրդը որոշել է դիմել Դաշնակից պետություններին, առաջարկելով Լիգայի հետ միախորհուրդ միջոցներ հայթայթել Հայաստանի[ն] շտապ օգնություն հասցնելու:

Հունական դեսպան Կակյամանոսը, որին լավ ծանոթ էի դեռ Լոնդոնից, երկար գրույցի մեջ պարզեց ինձ, որ

- 1) Ազգերի Լիգան Ժընևում նոյեմբեր 15-ին համաժողովում պետք է լրջորեն զբաղվի մեր պետության աջակցելու խնդրով,
- 2) գրեթե հաստատ է, որ պիտի առաջարկվի Լիգայի բոլոր անդամ պետություններին մեծ փոխառություն տալ Հայաստանին՝ բաժնելով իրենց վրա հայթայթելիք գումարը,
- 3) որ Քեմալիստների շարժումը անխուսափելի կերպով նրանց դեմ պիտի միացնի Դաշնակիցներին, մանավանդ, ասում էր նա, Ֆրանսիան և Իտալիան են անհանգիստ, վախճալով, թե մի գուցե Անգլիա երկրորդ անգամ Հունական բանակը շարժե դեպի Թյուրքիայի խորքերը: Այս է պատճառը, որ Ֆրանսիան և Իտալիան պիտի միանան Անգլիային բռնադատիչ միջոցների գործադրության պահուն,
- 4) ասում էր նա, որ առհասարակ նոյեմբերի 15-ին քացվող համաժողովին պետք է մեր վիճակը ուժգնորեն և հարազատությանը ներկայացվի, ուստի նա խորհուրդ էր տալիս ինձ ներկայանալ այդ ժողովին և զեկույց անել, որի համար և, անշուշտ, կհրավիրվեմ պաշտոնապես,
- 5) նրա կարծիքով, Ժընևի համաժողովը, Լիգայի առանց որևէ առարկության, պիտի ընդունի Հայաստանը իբրև անդամ, քանի որ նա հռչակված է Դաշնակից:

Երկար գրույց ունեցա նաև Ազգերի Լիգայի ընդհանուր քարտուղար Սըր Էրիկ Դրումմոնդի հետ և երկրորդ քարտուղար Մանրուի հետ, որոնք երկուսն էլ իրենց գոհունակությունը հայտնեցին

¹⁶⁶ Նա կարող է լավ դեր խաղալ:

ին ներկայացրած զեկույցներից՝ մեր ընդունելության մասին Ազգերի Լիգայում:

ԲԱՆԿԵՏ ԲՐՅՈՒՄԵԼՈՒՄ

Հոկտեմբերի 24, 1920

Այսօր հազիվ, Բրյուսելում տեղական հայ գաղութը և Անվերսից եկած հայեր մեր հյուպատոս Չանքերթեհնի և պ. Դավիթ Մարյանի ձեռնարկությամբ պատվո սեղան էին կազմել, ուր հրավիրեցին ինձ, պ. Չայանին և քարտուղար Դազարյանին:

Բանկետի վերջում շատ ջերմ ճառեր արտասանվեցին, ապա ես խոսեցի երկար պարզելով Հայաստանի կարիքները և իրենց պարտքը հայրենիքի հանդեպ և առաջարկեցի փոխառության համար կազմել մի հանձնաժողով: Կազմվեց հանձնաժողով՝ 4 հոգուց բաղկացած, նախագահությամբ Սվաճյանի: Անմիջապես ձեռնարկեցին ստորագրությունների, որի արդյունքը եղավ մոտ 300.000 ֆրանկ: Խնդիր հարուցին, որպեսզի կառավարությունը գործնական տեսակետից դռլարի սիստեմը փոխի գոն իրենց վերաբերմամբ ֆրանկի:

ՏԵՍԱԿՅՈՒԹՅՈՒՆ ԳԱԼԼԻԻ ՀԵՏ

27 հոկտեմբերի
Փարիզ

Այսօր Գալլիից իմացա.

1) որ Անգլիական կառավարության պահանջով Դեսպանական Խորհուրդը չպիտի զբաղվի Թյուրքական դաշնագրի գործադրության հետ կապված խնդիրներով, և որ այս կարգի հարցերը Դեսպանների Խորհուրդը ստիպված է ուղարկել Դաշնակից պետություններին, և

2) այդ պատճառով մեր դիմումը՝ Պոլսում զինվորական ներկայացուցիչ ունենալու մասին, հիշյալ Խորհուրդը նույնպես ներկայացրել է Դաշնակից կառավարություններին, որոնք այդ առթիվ գրագրության մեջ են իրար հետ, և նա չգիտե, թե երբ պիտի լինի լուծումը:

**ՏԵՍԱԿՅՈՒԹՅՈՒՆ
ՓԱՐԻԶԻ ԼԵՀԱԿԱՆ ԴԵՍՊԱՆ ԿՈՍՍ ՉԱՄՈՅՍԿՈՒ ՀԵՏ**

Նոյեմբեր 5

Փարիզ

Մեր կառավարությունը հեռագրել էր՝ աշխատել, եթե հնար է, Լեհ-Բուլշևիկյան դաշնագրի մեջ մեկ հոդվածը մտցնել, որով Հայաստանի անկախությունը ապահովվի: Այս նպատակով տեսնելիցի կոմս Ջամոյսկու հետ: Իմ առաջարկը լսելով՝ կոմսը սկզբում ասաց, որ իրենց դաշնագիրը բուլշևիկների հետ գրեթե մշակված, վերջացած է, և ինքը հնար չի տեսնում, թե ինչպես կարելի է Հայաստանի մասին այդ դաշնագրի մեջ խոսք ասել: Ես պատասխանեցի, որ եթե դաշնագիրը կնքված է, բնական է՝ այդ դժվար է, հակառակ դեպքում, ինչքան և այդ տարօրինակ թվա, Հայաստանի ու Լեհաստանի շահերի մեջ ներդաշնակություն կա: Անշուշտ, կոմս, ասացի, չի կարծում, թե իրենց այս խաղաղությունը բուլշևիկների հետ տևական է. գարնանը նոր պատերազմը անհնար է, և այդ դեպքում բուլշևիկները պիտի աշխատեն ամեն կողմից և մասնավորապես Անդրկովկասից զինվորական և այլ ուժեր տանել դեպի լեհական ճակատը, ինչպես այդ արեցին անմիջապես, երբ մտան Ադրբեջան: Այդ [դեպքում] ինքն իր քախտին լքված Հայաստանը կարող է ընկնել, և այս ժամանակ ամբողջ Անդրկովկասը և ամբողջ Թյուրքիան նրանց տրամադրության տակ կլինի, որովհետև միայն Հայաստանն է անկարելի դարձնում բյուրքերի և բուլշևիկների փաստական միացումը և գործակցությունը: Կոմսը ինձ հետ համաձայնեց:

Ինչ վերաբերում է, - ասացի, - առաջարկածս հոդվածին ձեր Դաշնագրի մեջ, բնական է, որ դուք չեք կարող հատուկ Հայաստանի համար խոսք անել, քայց կարծում եմ, որ այսպիսի մի ֆորմուլա¹⁶⁷ անգործնական չէր լինի. «Քանի որ Լեհաստանի ազատությունը ծագել է այս մեծ պատերազմից և Դաշնակիցների հաղթությունից՝ առաջ եկած խաղաղության դաշնագրերով, Մովսեսական Ռուսաստանը հանձն է առնում չխափանել հիշյալ դաշնագրերի գործադրությունը»:

Կոմսն ասաց.

- C'est une formule tout à fait heureuse¹⁶⁸: Այս ձևով, ես

¹⁶⁷ Բանաձև, ֆորմուլա:

¹⁶⁸ Ասկա բուրրովին քախտավոր (ընդունելի) բանաձև, մրմ է:

կարծում են, — շարունակեց նա, — հնարավոր է Դաշնագրի մեջ մտցնել, ուստի այսօր եթե ես կենդանի իմ կատարարությանը և պատասխանը անմիջապես կհաղորդեմ Ձեզ:

Ես ավելացրի, որ՝

Ձեր պատասխանի դրական դեպքում իմ աշխատակիցներից մեկ-երկուսին պատրաստ եմ ուղարկել մինչև Վարշավա:

Այնուհետև զրույցը շարունակվեց Ռուսաստանի ապագայի մասին, և Կոմսը ժպտալով՝ վերջացրեց, թե իր կարծիքով Ռուսաստանի նախկին հողերի վրա կազմված պետություններից միայն Հայաստանը ու Լեհաստանն են ճանաչված և պիտի կարողանան ապրել, մնացածները՝ Լատվիա, Լիտվա, Էսթոնիա և Կովկասի պետությունները հազիվ թե գոյություն ունենան, երբ Ռուսաստանը նորից կազմակերպվի և ի վիճակի լինի իր հողերը պահանջել:

ՏԵՍԱԿՑՈՒԹՅՈՒՆ ՊԵՐԵՏՏԻԻ ՀԵՏ

(DIRECTEUR DES AFFAIRES POLITIQUES DU MINISTÈRE DES AFFAIRES ÉTRANGÈRES)¹⁶⁹

Այս տեսակցության մեջ ես խնդրեցի կարգադրել հետևյալ խնդիրները.

1) Ֆրանսիան, ժամանակ է որ, իր դիվանագետ-ներկայացուցիչը նշանակի Հայաստան և նույնը մեզ արտոնել Փարիզում, դադարեցնելով Haut Commissaire-ի իրավասությունը մեզ վրա, քանի որ Հայաստանը ճանաչված է անկախ դաշնակից պետություն:

2) Կարգադրել Բաբունում կոմս դը Մարտելի կարգադրությանը գրավված մեր՝ 24.000 բամբակի գործը, բացատրեցի այդ գործի դրությունը և մեր իրավունքը:

3) Արտաքին Գործոց նախարարությունը մեզ մերժած լինելով փոխառության արտոնություն՝ ես բացատրեցի, որ այդուեղ քյուրիմացություն կա, մեր փոխառությունը նման չէ սովորական փոխառություններին. մերին պիտի մասնակցեն միայն հայերը, հազիվ մի քանի միլիոն ֆրանկով. բորսային դիմում լինելու չէ, և հավաքված գումարն էլ ըստ մեծ մասին

¹⁶⁹ Արտաքին Գործոց Նախարարության Բաղադրական Գործերի տնօրեն:

պիտի ծախսվի Ֆրանսիայում ապրանքներ գնելով Հայաստանի համար:

3) Պերետտին ընդունեց, որ այս ձևով հայ փոխառությունը Ֆրանսիայում միանգամայն հնարավոր է, և առաջարկեց նոր թղթով դիմել, խոստանալով միանգամայն աջակցել:

Առաջին երկու խնդիրների մասին ևս գտավ, որ ես իրավունք ունեմ և խոստացավ նրանց լուծումը փութացնել:

4) Այնուհետև խոսք արի Կիլիկիայի մասին:

Եվ Պերետտին ինձ հավաստիացրեց թե,

ա) իրավ է, որ Կիլիկիայում մի կարճ ժամանակում շփոթ է եղել, որ ֆրանսիական ջոկատներ ձախողանքի են ենթարկվել, բայց դրությունը այժմ վերահաստատվել է:

բ) ֆրանսիական զորքերը Ադանան չեն թողել և նույնիսկ շարունակում են առաջանալ, ու

գ) որ Ֆրանսիան բնավ մտադիր չէ Կիլիկիան բռնել, ուր նա և հնուց ու Սևրի դաշնագրով իրավունքներ ունի մնալու և պաշտպանելու փոքրամասնությանը իրավունքը և իր էկոնոմիք¹⁷⁰ շահերը՝ համաձայն Zones d'influence économique-ի¹⁷¹ պայմանագրի տրամադրություններին: Ավելացրեց, որ իրենց Zone-ը տարածվում է դեպի հյուսիս մինչև Տիգրիսի ակունքը, Դիարբեքի¹⁷² և Մամուրեթ ու Ազիզ (Խարբեդ):

ԵՐԿՐՈՐԴ ՏԵՍԱԿՑՈՒԹՅՈՒՆ ՊԵՐԵՏՏԻԻ ՀԵՏ

Նոյեմբեր 9, 1920

Այսօր Կարսի առումը հաստատվելով՝ գնացի Quai d'Orsay և Բերթլոյի ցանկությանը նորից տեսնվեցի Պերետտիի հետ իմանալու համար, թե ի՞նչ են մտածում Ֆրանսիան և Դաշնակիցները մեր այս ծանր ճգնաժամին՝ օգնելու համար իրենց դաշնակից Հայաստանին: Նորից և նորից պարզեցի թյուրք-բուլշևիկյան կռաւիցիոնից ծագող բոլոր ծանրակշիռ հետևանքները, հիշեցրի մեզ արված հանդիսավոր խոստումները, Սևրի դաշնագրի արժեքը, մեր հանդեպ կատարված անիրավությունները՝ Դաշնակիցների կողմից զինադադարով կնքումեն մինչև այսօր և ավելացրի, որ եթե արագ ու վճռական միջոցներով Դաշնակիցները Հայաստանին

¹⁷⁰ Տնտեսական:

¹⁷¹ Տնտեսական ազդեցության գոտիներ՝ գոնաներ:

¹⁷² Տիգրանակերտ:

12 նոյեմբեր, 1920

Լոնդոն

Երևանից ստանալով մեր ծախտորդության ու Կարսի անկման լուրը, գոր. Բագրատունու միջոցով պատասխան ստացա, որ Ալը-Ջոն-Տիլլին (Sous-Secrétaire d'état)¹⁷⁵ ինձ կրնորնի 12 նոյեմբերին:

Ես մեկնեցի Լոնդոն Փարիզից 11-ին նոյեմբերի: Ալը-Ջոն-Տիլլին գնացիմք գոր. Բագրատունու հետ: Ես ասացի թե՛

– Դուք ծանոթ եք կացությանը, հետևապես ինձ մնում է միայն խնդրել Մեծն Բրիտանիայի անմիջական միջամտությունը:

Ավելացրի, որ ես արդեն տեսնվել եմ ֆրանսիական կառավարության ներկայացուցիչների՝ Լեյզի¹⁷⁶ և նույնիսկ Միլլըրանի հետ և, տարաբախտաբար, նրանց հայտարարությունից տեսնում եմ, որ Ֆրանսիան մեզ օգնելու անկարող է:

Ալը-Ջոն-Տիլլին միջամտեց՝ ասելով.

– Մենք էլ անկարող ենք: Մեր կացությունը, զիտեք, շատ դժվար է. գորք դրկել չենք կարող: Բայց ի՞նչ եք կարծում, ի՞նչպես կարելի էր օգնել Հայաստանին:

Ես. – Տրապիզոն–Էրզրում գծի անմիջական գրավումով: Սա կստիպի քեմալիստներին անմիջապես ետ քաշվել: Եվ դրա համար մեծ գորք հարկավոր չէ:

Ալը-Ջոն-Տիլլին ինձ հետ համաձայն չէր: Նրա կարծիքով ձմռանը անհնարին է Տրապիզոն–Էրզրում գիծը գրավել և առիասարակ Դաշնակիցներն այդ չեն կարող անել: Չորք չկա, դրան չկա:

Ես. – Այս իմ առաջարկի իրագործման համար հայերը պատրաստ են իրենց մեծագույն ճիզը թափել: Ես հավատացած եմ, որ եթե Անգլիան այսօր հանձն առնի մի արշավանք կազմակերպել, հավատացած եմ, որ 10-15 հազար հայ կամավորներ կարելի է ունենալ արտասահմանի հայ գաղութներից, մասնավորապես Ամերիկայից: Հավատում եմ, որ դեռ կան սրտի տեր օտարականներ ևս, որոնք կերթային այդ բանակը: Եվ որպեսզի առիթ չտրվի Եվրոպայի ծայրահեղ դասերին "իմպերիալիզմ" ճշալ, կարելի էր, օրինակ, այս բանակը անվանել «Մաղադության բանակ», որ կմտնի Անատոլիա՝ պարզապես կռվող ցեղերին ու կողմերին

¹⁷⁴ Արտաքին Գործոց նախարարություն:

¹⁷⁵ Պետության ենթաքարտուղար:

¹⁷⁶ Հավանաբար վերոնշյալ Լեյզը և Լեյզը նույն անձն է:

օգնության չհասնեն, ես երկյուղ ունեմ, որ բոլշևիկները քյուրքերի հետ կստիպեն Հայաստանին ընդունել սովետական իշխանություն: Պերետսին ասաց, թե հրահանգ ունի Mr. Berthelot-ից՝ ինձանից իմանալ, թե ինչ ձևով կարելի է օգնել Հայաստանին: Ես նորից հիշեցրի.

- 1) Տրապիզոնի գրավումը,
- 2) Հունական բանակի առաջխաղացումը և
- 3) ճնշում Պոլիսի վրա:

– Տարաբախտաբար, – ասաց Պերետսին, – Տրապիզոնի գրավումը անկարելի է, քանի որ ո՛չ Անգլիա, ո՛չ էլ մենք կարող ենք բանակ դրկել:

– Այդ դեպքում, – ասացի, – Դաշնակիցներին է մնում ուրիշ բան մտածել:

Նա շվարած մայեց երեսիս և կոտրված շշնջաց.

– Մենք հնար չենք գտնում, մեր հոգըր Կիլիկիայում արդեն շատ է. 80.000 մարդ ունինք Սյուրիայում և Կիլիկիայում: Նոր ուժեր տրամադրել չենք կարող, իսկ Անգլիան մարդ չունի:

Ես պատասխանեցի.

– Սա անհնարին անհրավություն է՝ Սյուրիան, Մեսոպոտամիան¹⁷³, Պաղեստինը, Նեղուցները գրավելու համար մարդ ճարվեց, և երբ հերթը Հայաստանին հասավ, Դաշնակիցները դարձան անգոր, – և ավելացրի. – Նորից կրկնում եմ, որ դուք այսպիսով Հայաստանը նետում եք բոլշևիկների գիրկը:

– Այո՛, – պատասխանեց նա, – պետք է փրկել Հայաստանը:

Չեզ խորհուրդ եմ տալիս նորից մի պաթետիկ կոչով դիմել Դեսպանների Խորհրդի նախագահին, որ ինքը Լեյզն է, և այդ հիման վրա մենք անմիջապես հեռագրական բանակցություններ կսկըսենք Դաշնակից պետությունների հետ:

Ես դուրս եկա:

¹⁷³ Միջագետք:

խաղաղեցնելու համար տալով յուրաքանչյուրին իր տեղը: Ես կավելցնեմ, որ նույնիսկ նյութական օժանդակություններ (մեկ քան *անընթեռնելի*) հայերը կանեն: Գուցե այդ բանակը կարող լինի գործել հանուն Ազգերի Լիգայի, եթե Անգլիան չկամենա միջամտել:

Արք-Ջոն-Տիլի – Այդ գաղափարը ուշադրության արժանի է (նա նորագրեց): Ես կխոսեմ Լորդ Քրոլընին:

Ես – Խնդրում եմ չմոռանալ, որ բուրքերի և բուլշևիկների նյատուակն է Հայաստանի վրայով իրար ձեռք մեկնել և, եթե այդ նրանց հաջողվի, այն ժամանակ Մոսկվայից մինչև Միջերկրական մրապաղաղ կիշխեն բուրք-բուլշևիկները: Մի՞թե սա համապատասխան է Դաշնակիցների և մասնավորապես Անգլիայի շահերին: Չէ՞ որ Ամատոլիայում շուտով Դաշնակիցները կարող են գործ ունենալ արդեն ոչ միայն քեմալիստների, այլև բուլշևիկների հետ: Եթե նույնիսկ բնավ Հայաստանի Հարցը չլիներ, միշտ կմնար Մերձավոր Արևելքի Հարցը, Թյուրքիայի խաղաղեցման հարցը Դաշնակիցների համար, Սևրի դաշնագրի իրագործումը:

Արք-Ջոն-Տիլի – Մուստաֆա Քեմալը չի կարող մեզ արգիլել իրագործել Սևրի դաշնագիրը ո՛չ Միջագետքում, ո՛չ Չմյուռնիայի շրջանում, ո՛չ Թրակիայում և ո՛չ Նեղուցների գոնայում: Հայաստանի վրա քալելը նրանց չի կարող ազատել Սևրի դաշնագրից: Մենք արդեն իսկ Կ. Պոլսում ձեռնարկել ենք բյուրք նոր քանակի կազմակերպության, որ մեզ կաջակցի իրագործելու Դաշնագիրը: Հավատացե՛ք ինձ, որ Քեմալն անգոր կլինի մեզ արգիլելու:

Ես – Որքան տեսնում եմ, դուք նպատակ ունիք ամեն տեղ իրագործել Դաշնագիրը, բացի Հայաստանից: Այսպիսով երկու անգամ զրկվում է Հայաստանը. մեկ՝ զինադադարի կնքմանը, երբ Հայաստանի գրավումը մոռացվեց, մեկ էլ՝ այժմ:

Արք-Ջոն-Տիլի – Հայաստանը նույնպես կօգտվի, երբ հաջող լինինք Դաշնագիրն իրագործել հիշածս վայրերում: Չեզ մնում է քաշ տալ բյուրքերի հետ, մինչև մի որոշ ժամանակ: Մենք պատրաստ ենք ձեզ տալ նորից պետք եղած քանակով ռազմամթերք և վառելիք երկաթուղիների համար: Հուսահատվելու չեք:

Վերջում խոսք բաց արի այն բոթի մասին, որով Foreign Office-ը մեզ առաջարկում էր ֆինանսական խորհրդական, համաձայն Խատիսյանի հայտնած ցանկության:

Ես ասացի, որ մեր կառավարությունը հակառակ հրահանգ չի

տվել, միայն ներկա ծանր պարագաներում, երևի, դժվար կլինի մեր կառավարության համար այդ խնդրով զբաղվել: Համենայն դեպս, ասացի, ես Բրիտանական կառավարության այդ սիրալիր առաջարկը անմիջապես հայտնեցի մեր կառավարության և սպասում եմ պատասխանի: Ես անմիջապես ավելացրի, թե քանի որ Բրիտանական կառավարությունը այդքան բարոյագականորեն մեզ խորհրդական է առաջարկում, արդյոք չէ՞ր վերցնի Հայաստանի մանդատ:

Արք-Ջոն-Տիլին վճռապես բացասական պատասխան տվեց:

Հաջորդ օրը, նոյեմբեր 13-ին, ես տեսնվեցի Արևելյան Գործերի դիրեկտոր Օսթրոնի հետ:

Նյութը նույնն էր գրեթե, և պատասխանը՝ նույնը: Միայն թե՛ երբ ես ակնարկեցի բրիտանական շահերին Հայաստանում, Օսթրոն պատասխանեց.

– Հայաստանում մենք միայն մարդասիրական տեսակետից կարող ենք գործել, այլ շահ չունենք: Եվ եթե իշխանությունը ինը լիներ, ես կհեռացնեի մերոնց և՛ Միջագետքից, և՛ Պարսկաստանից:

ՏԵՍԱԿՑՈՒԹՅՈՒՆ

ԼՈՐԴ ԲՈՒԵՐԹ ՍԵՍԻԼԻ ՀԵՏ

Նոյեմբեր 18, 1920

Շրճև

Լոնդոնից նոյեմբերի 16-ին շտապով Փարիզ և այնտեղից էլ նոյեմբերի 17-ին Շրճև մեկնեցի Ազգերի Լիգայի Համաժողովի համար: Եվ հաջորդ օրն իսկ տեսակցություն խնդրեցի մեր հայտնի բարեկամ Լորդ Բորեթթ Սեսիլից: Իր քարտուղար Պ. Տյուրմեր իսկույն ինձ լուր տվեց, որ Լորդը ինձ կսպասի նույն օրը ժամի 3½ ժողովից հետո:

Երկրորդ անգամն էի տեսնում Լորդին, ու նա դարձյալ շատ սիրալիր ու չափազանց ուշադիր էր դեպի մեր վիճակը: Հրավիրել էր նաև իր մի քանի խորհրդականները: Հարցրեց Հայաստանի դրության մասին:

Ես համառոտակի տեղեկություններ տվի: Պատմեցի մեր գոր-
քի կրած ճախողանքի պատճառը ու արդի կացությունը, և
ավելացրի, որ մեր հույսը իր վրա է և որ միայն արագ զինվորական
միջամտությամբ կարելի էր մեզ օգնել դուրս գալու այս ծանր
կացությունից:

Նա հարցրեց, թե ո՞ր տեղից կարելի է միջամտել և ո՞րքան
գործով:

Ես. — Միջամտելու երկու կերպ կա՝ կամ Բաթումի վրայով, եր-
կաթուղով Հայաստան, կամ Տրապիզոն-Էրզրում գիծը գրավելով,
ինչ որ պիտի ստիպեր քուրքերին ետ քաշվել:

Սկսեցինք այդ կետերը նայել քարտեզի վրա:

Լորդ Սեսիլ. — Որքա՞ն գործ հարկավոր կլինի:

Ես. — Ոչ ավել քան 25-30 հազար, որի կազմության մեջ
հայերը կարող են բավական խաշոր մասնակցություն ունենալ 10-
15 հազար մարդով:

Լորդ Սեսիլ. — Ես հավատում եմ, քայց դրան չկա: Դժվարին
հարցը սա է:

Ես. — Գուցե Ամերիկան տար: Հայերն էլ կօգնեին մասնավոր
հանգանակությամբ: Գուցե փոխառություն աներ որևէ պետու-
թյուն:

Լորդը թերահավատում էր նյութականի համար:

Լորդ Սեսիլ (խոսքը փոխելով). — Ես Ձեզ մի թուրք կկարդամ,
ասացեք Ձեր կարծիքը:

Եվ նա կարդաց մի ծրագիր, որ ասաց, թե կուզեր առաջարկել
Ազգերի Լիգային: Համաձայն դրան՝ 1) Ազգերի Լիգան ուլտի-
մատում¹⁷⁷ է տալիս հայերին ու թյուրքերին դադարեցնել կռիվը և
2) ետ քաշվել՝ թողելով չեզոք զոնա: Եթե որևէ կողմը չի
հպատակվում, ա) նրա երկիրը ենթարկվում է պաշարման, բ)
խսկույն գրավվում է Կ. Պոլիսը: Բայց եթե կռիվը դադարում է, այն
ժամանակ Ազգերի Լիգան միջամտում և հարթում է խնդիրը:

Ես պատասխանեցի, որ այս բոլորը առանց բանակի անհնա-
րին է և որ թյուրքերը միայն դրանով կքաշվեն ետ:

Նորից խոսքը դարձավ բանակ կազմելու հնարավորությանց
մասին: Լորդ Սեսիլ ասաց, որ ինքն այդ նպատակով կանչել է Լոն-
դոնից գեներալ (գորավար) Մորիսին:

Այն ժամանակ ես պատասխանեցի, որ գուցե լավ լիներ
կանչել և մեր զինվորական խորհրդական գոր. Կորզանյանին:

Միտքս շատ հաճելի եղավ: Լորդն առաջարկեց ինձ իսկույն

¹⁷⁷ Վերջնագիր, վերջնապահանջ:

հեռագիր պատրաստել, որ ինքը իր միջոցներով կհաղորդի 1-2
ժամում Փարիզ:

Արդարև, հեռագիրը տվի և հետո իմացա, որ հասցրել էին մեր
գորավարին նույն երեկո: Ես պատասխան ստացա, որ գորավարը
ճամփա է ընկել հաջորդ առավոտ, 19-ին նոյեմբեր, Ժընև լինելու
համար:

188 ՏԵՍԱՎՅՑՈՒԹՅՈՒՆ ԼՈՐԴ ԲՈՒԲԵՐԹ ՄԵՍԻԼԻ ՀԵՏ

19 Նոյեմբեր, 1920
Շրճև

Այսօր, գոր. Կորզանյանի ընկերակցությամբ երկրորդ անգամ
գնացի Լորդ Սեսիլին տեսակցության: Խորհրդակցության նյութն
էր Տրապիզոն անելիք դեսանտը:

Ջորավարը, իբրև քաջամտոթ այդ շրջաններին, երկարորեն
բացատրեց և համոզեց Լորդ Բոբերթ Սեսիլին, որ դեսանտը հնա-
րավոր է նույնիսկ ձմռանը և որ Ռուս բանակը այդ կողմերը
ձմռանը գործեց վերջին պատերազմին:

Որոշվեց, որ գոր. Կորզանյան հանդիպի մեզ մոտ անգլիացի
գորավար Մորիսին, որ Լորդ Սեսիլի հրավերով եկած էր
Լոնդոնից:

ՏԵՍԱՎՅՑՈՒԹՅՈՒՆ ԶՈՐ. ՄՈՐԻՍԻ ՀԵՏ

Նոյեմբեր 21

Մեզ մոտ եկավ գոր. Մորիս: Զրույցը տևեց մի ժամ: Նյութը
նույնն էր, ինչ որ լսեցի Բոբերթ Սեսիլի հետ:

¹⁷⁸ Այսինքն՝ Երկրորդ:

ՏԵՍԱԿՅՈՒԹՅՈՒՆ ՕՍԲՈՐՆԻ ՀԵՏ

Փետրվար 22, 1921

Լոնդոն

Օսթրոնիմ տեսա այսօր՝ հայտնելու համար, որ իր լսածը Հռոմում իբր կայանալիք Պան-Արմենիեն կոնֆերանսի մասին, թյուրիմացություն է, և որ պր. Խատիսյան գալիս է մեր հրավերով՝ պարզապես, ճշգրիտ տեղեկություններ բերելու համար իրերի արդի կացության մասին Հայաստանում:

Այնուհետև մեր գրույցն անցավ Հայաստանի ապագային: Եվ Օսթրոն, ի մեծ զարմանս իմ, հայտարարեց, թե հայերի շահը պահանջում է ձեռք քաշել Թյուրքաց Հայաստանից և պահանջել Կիլիկիան, ուր և հաստատվել պետություն կազմելու հույսով:

Ես ցավս հայտնեցի այս հայտարարության առթիվ և ինդրեցի պարզել, թե ի՞նչն է դրդապատճառը այսքա՛ն ծանր առաջարկի:

Օսթրոն. - Պատճառը պարզ է: Հայաստանում հայ չկա: Ինչո՞վ եք ուզում այնտեղ պետություն կազմել:

Ես. - Սերի դաշնագրի ստորագրությունից հետո չէ, որ հայերը նվազեցին այնտեղ: Եթե պետությունները հնար գտան այդ Դաշնագիրը կազմել ու ստորագրել, ասել է թե՛ նրանք մեր իրավունքն էին նկատում այդ հողերը: Այդ երկրում հայ չկա, և Դուք գիտեք թե ինչու: Բայց կոտորածից ազատած 300 հազար հայությունը սպասում է Կովկասում և մոտ 500 հազար էլ աշխարհի չորս ծայրերում: Սրանց հուսով է, որ կազմվեց Սերի դաշնագիրը, և սրանք սպասում են անհամբեր երկիր դառնալու:

Օսթրոն. - Ո՞ր մասը կդառնա:

Ես. - Խոշորագույն մասը:

Օսթրոն. - Չեմ կարծում: Մանչեստրի, Լոնդոնի, Փարիզի հարուստ հայերը շահ չունին ավեր երկիր դառնալու:

Ես. - Գիտեմ, դարձողները նրանք չեն, այլ աշխատող, գեղջուկ ժողովուրդը:

Օսթրոն. - Գեղջուկներով պետություն չի շինվի:

Ես. - Գիտեմ, մյուսները կտան իրենց մտքերը: Վերջապես, մեր ժողովուրդը ստեղծագործող է, մեր գեղջուկը մեր երկրի արժ է, հիմնաքարն է: Փորձը ցույց կտա:

Օսթրոն. - Ո՞վ պիտի քչի Մուստաֆա Քեմալին՝ հայերին տեղ տալու համար:

Ես. - Դաշնակիցները պարտական են այն զոհերի հանդեպ, որ մենք հանձն առինք:

Օսթրոն. - Կովկասա-Հայաստանը բոլշևիկ է այժմ: Թյուրքական հողերը նրան կցելով՝ մենք զորացրած կլինենք ռուսներին:

Ես. - Բայց եթե դուք այդ նահանգները թողնեք թյուրքերին, կարծու՞մ եք, որ ռուսները կխնայեն թյուրքերի սիրուն աչքերի համար: Մի մոռանաք, որ 1916 թվի գաղտնի դաշնագիրը որոշ իրավունքներ է տալիս ապագա Ռուսաստանին, և այդ իրավունքը շատ ավելի քիչ կարծենա, եթե ռուսների առաջ լինի մի քարեկամ հայ պետություն, բան մի հին թշնամի: Թյուրքիան:

Օսթրոն. - Այո, իրավունք ունիք այս կետում, - ասաց նա մտածելու: - Կարծեմ Պոլիսն էլ մեջն էր այդ Դաշնագրով հատկացված Ռուսաստանին:

Ես. - Այո՛, Պոլիսն էլ: Եվ դուք թողնելով մեր հայ վիլայեթները Թյուրքիային, այս ամբողջ հարցը բաց եք անում: Ես չեմ հասկանում, պրն. Օսթրոն, այս գրույցի խորհուրդը: Մենք գուցե միամտորեն միշտ կարծել ենք, թե Բրիտանական շահերին հակառակ է ռուսների վերահաստավիր Կովկասում: Բայց այս բոլորից ես դժվարանում եմ եզրակացություն անել:

Օսթրոն. - Իհարկե, մեր շահերին դեմ է ռուսների երևալը Կովկասում: Բայց ի՞նչ արած, երբ դուք, երեք ժողովուրդները, չկարողացաք ֆեդերացիա կազմել ու ամրանալ վրացիք արգելք եղան:

Ես. - Միայն վրացիք չեն պատճառը, նաև Դաշնակիցների անհոգությունը: Սակայն, անհնարին չէ այժմ փորձել: Հայաստանի կազմակերպումը մեծ քայլ կլինի դեպի ֆեդերացիա: Առանց Հայաստանի, ճանփան լայն կրացվի ռուսների համար:

Օսթրոն. - Զգիտեմ, գուցե, բայց Հայաստան ստեղծել անհնարին է, և պետք է դուք դիմեք Կիլիկիա:

Ես. - Պ. Օսթրոն, մեր ժողովուրդն այդպես հեշտ չի հրաժարի իր մոտ 3000 տարվա հայրենիքից, քաղաքակրթությունից:

Օսթրոն. - Որ դուք չկարողացաք պաշտպանել:

Ես. - Պաշտպանեցինք մինչև այս պատերազմը, երբ մեր հույսը դրինք Դաշնակիցների վրա: Եվ թող մեզ օգնեն Դաշնակիցները, կտեսնեք, որ ինչպես կապաշտպանեք և կվերաշինեք երկի-

րը: Լավ չէ, որ գերման *Chiffon de papier*-ն¹⁷⁹, որի դեմ ծառայան Դաշնակիցները հինգ տարվա պատերազմով, վիճակվի Դաշնակիցների ակտին, Սևրի դաշնագրին:

Օսրորն. – (խոսքը փոխելով) Սակայն, Դուք և Պողոս Փաշան համաձայն չեք երևում: Նա պնդում է Կիլիկիայի վրա, Դուք՝ Մեծ Հայաստանի:

Ես. – Ոչ, մենք բոլորովին համերաշխ ենք: Ինձ համար նույնպես կա Կիլիկիայի Խնդիր, բայց դա մեր հայրենիքի ապահովության խնդիր է թյուրք թե՛ թե՛ մի տակ: Դուք գիտեք, որ փոքրամասնության որևէ դաշնագիր չի կարող ստիպել թյուրքերին խնայել հայ ազգաբնակչությունը, եթե չհաստատվի մի հատուկ թե՛ թե՛, որ ապահովեր մերոնց կյանքը, պատիվը, վաստակը, մի խոսքով՝ քաղաքակրթությունը: Եվ այս է, որ մենք պահանջում ենք, ես ու Փաշան:

Օսրորն. – Ոչ, վստահեցնում եմ Ձեզ, որ ամերիկացի հայասերներ կան այստեղ, որոնք խոսում են Կիլիկիայի մասին հիշածս մտքը, և Փաշան նրանց հետ է և ոչ Ձեզ հետ:

Ես. – Ամերիկացիք չեն, որ մեր ապագան ու բախտը պիտի վարեն: Ինչ վերաբերում է Պողոս Փաշային, ես պատրաստ եմ նրա հետ նորից գալ այստեղ Ձեզ ապացուցանելու համար, թե մենք միանգամայն համերաշխ ենք մեր պահանջների մեջ, որ է՝ Սևրի դաշնագրի իրագործումը Մեծ Հայաստանի վերաբերմամբ և Կիլիկիայում հատուկ թե՛ թե՛:

Օսրորն. – Հավատացնում եմ Ձեզ, Պողոս Փաշան Ձեզ հետ համամիտ չէ:

ԶՐՈՒՅՑ ՊՈՂՈՍ ՓԱՇԱՅԻ ՆԵՑ

Փետրվար 22, 1921

Լոնդոն

Այսօր պատմեցի Պողոս Փաշային իմ տեսակցությունը Օսրորնի հետ և մասնավորապես այն, թե նրա կարծիքով մենք համերաշխ չենք, թե ինքը պատրաստ է հրաժարվել Մեծ Հայաստանից՝ Կիլիկիան ունենալու համար:

Պողոս Փաշա. – Օսրորնի ասածը արտուրդ (անհեթեթ) է: Երբեք որևէ հայ աշխարհում չի համարձակվի հրաժարվել

հայկական վիլայեթներից, ես ևս՝ առավել: Ես Օսրորնին ասել եմ, խոսել եմ, նա նույն բաներն ինձ ասաց, բայց ես երբեք չեմ ասել, թե պատրաստ եմ հրաժարվել Մեծ Հայաստանի թյուրքական գավառներից:

ՄԻԱԲԱՆՎԱԾ ՊԱՏՎԻՐԱՎՈՒԹՅԱՆ ԺՈՂՈՎՈՒՄ

24 փետրվար, 1921

Լոնդոն

Այսօր առաջին անգամ հավաքվեցինք Պողոս Փաշայի մոտ *Délégations Arméniennes Réunies*¹⁸⁰ նիստին կարդալու Համաժողովին ներկայացնելիք մեր հուշագիրը:

Երկու թուրք կար պատրաստված. մեկը՝ մերը և մյուսը՝ Պողոս Փաշայի գրածը:

Կարդացինք նախ՝ երկրորդը: Այստեղ մասնավոր վեճի նյութ եղավ Փաշայի գրածի այն մասը, որ վերաբերում էր Կիլիկիային: Այդ գրությանը պահանջվում էր թյուրքերին ձգված Կիլիկիայում տեղական վարչական ինքնավարություն ֆրանսիական հովանու տակ, իսկ Ֆրանսիային ձգված մասում ինքնավարություն հայերի:

Մենք դիտել տվինք Փաշային, որ այս կերպով, առանց որևէ արդյունքի հույսի Կիլիկիայում, մենք կթուլացնենք Մեծ Հայաստանի թեզը, որովհետև միաժամանակ մենք պահանջում ենք և՛ Կովկասյան Հայաստանը, և՛ Թյուրքաց Հայաստանը, և՛ Կիլիկիայի երկու մասերը: Ավելացնենք նաև, որ եթե հեռավոր հիմք կա վարչական ապահովություն խնդրելու թուրքական Կիլիկիայի համար, մենք սակայն շատ պիտի վշտացնենք ֆրանսիական կառավարությունը, եթե այստեղ, Լոնդոնի Համաժողովից պահանջենք ֆրանսիական Կիլիկիայում ինքնավարություն մտցնել: Ավելի լավ է այդ խնդրել առանձին ֆրանսիական կառավարությունից:

Փաշան համառոտ: Պետք եղավ երկար համոզել, որ կարողանանք դուրս ձգել ֆրանսիական Կիլիկիային վերաբերյալ մասը: Մնացածն էլ լրացրինք ու սրբագրեցինք մեր թղթի համաձայն և ամբողջը ստորագրեցինք երկսով և ղրկեցինք *Conseil Suprême*-ին:

¹⁸⁰ Հայ Միացյալ Միաբանված Պատվիրակություններ:

Երեկ ժամը 11-ին ես ու Փաշան ներկայացանք Conseil Suprême-ին, Foreign Office-ի մեջ:

Նախագահում էր Լորդ Բրոքլեն, ունենալով իր հետ Vansittart-ը: Ֆրանսացվոց կողմից ներկա էին Berthelot և Camerer, Իտալացվոց կողմից՝ Count Sforza և Galleli, ճափոնի¹⁸¹ կողմից՝ Conte Hayashi: Մեզ հետ էր գոր. Բագրատունին, որի մասին Vansittart-ը հայտնեց Լորդ Բրոքլենին և մա համաձայնվեց. իսկ Մալքոմ, ըստ իր սովորության, նույնպես ներս սողոսկեց Փաշայի ետևից:

Նիստը բանալով՝ Լորդ Բրոքլեն հայտարարեց հետևյալը. -

- Ստեղծված նոր հանգամանքների շնորհիվ, Գերագույն Խորհուրդը, Արևելյան Խնդիրը քննության նյութ դարձնելով, հարկ է տեսնում լսել և Հայ Պատվիրակության կարծիքը Հայաստանի մասին: Կուզեի գիտնալ թե (դիմելով Պողոս Փաշային) Դուք ի՞նչ մարմնի և կամ ի՞նչ կազմակերպության անունից պիտի խոսեք:

Փաշան պատասխանեց մասնավորապես հետևյալը. -

- Մինչև զինադադարը ես մինակ ներկայացնում էի Հայկական Դատը և հետո, երբ Կովկասյան Հայաստանը անկախ հայտարարվեց, պրն. Ահարոնյան եկավ որպես նորակազմ պետության ներկայացուցիչ, և մենք միասին պաշտպանեցինք մեր Դատը: Այժմ էլ մենք մեր երկու պատվիրակությունները ներդաշնակել ենք. **ես ներկայացնում եմ քրահայերին և պրն. Ահարոնյանը ռուսահայերին և նախագահը ես եմ**:

Այս հայտարարության փաստական կոպիտ ու դիտավորյալ անճշտությունը ստիպված եղա տանիլ Գերագույն Խորհրդի առջև, անմիաբանության առիթ չտալու համար: Մեր երեք միջնորդ բարեկամները, որոնց կարող էի հաղորդել այս փաստը, կհուսամ, թե այժմ կհասկանան իմ բոլոր երկյուղներն ու կասկածները, որ ես արտահայտել էի այս առթիվ:

Ապա Փաշան գրպանից հանեց մի ծալ թուղթ և սկսեց կարդալ իր Exposé-ն¹⁸² ֆրանսերեն, որի միտքը մոտավորապես հետևյալն էր:

¹⁸¹ Ճապոնիա:

¹⁸² Էքսպոզե (ֆրանս.) - համառոտ շարադրանք, հաշվետվություն ընթացիկ քաղաքականության (հիմնականում արտաքին) հարցերի:

Այս առիթը և այս ժողովը խորապես հուզում է նրան: Այդքան զոհողություններից հետո, հայ ժողովուրդը չի կարող հրաժարվել Սևրի դաշնագրով իրեն տրված իրավունքներից: Եթե բուլղարները գրավել են Կովկասյան Հայաստանը, սա չի կարող թուլացնել հայ պետություն կազմելու մեր իրավունքները, քանի որ Թրքա-Հայաստանի հողերը կան: Արդ՝ այդ հողերն են, որ կազմում են հիմունքը հայ պետության, նրանց հետ է կապված եղել Հայկական Հարցը իր ծագումով, քրքահայ ժողովրդի կրած մարտիրոսության պատճառով: Եվ եթե Կովկասյան Հայաստանի մասին խոսք եղավ հետագայում, այդ միայն նրա համար, որ Ռուսաստանի քայքայումի շնորհիվ կովկասահայերը իրենց հոչակեցին անկախ և միացան Թրքաց Հայաստանին: Այլապես Դաշնակիցները սկզբում չէին էլ կարող մտածել Կովկասյան Հայաստանի անկախության մասին, քանի որ այն պատկանում էր իրենց դաշնակից մեկ պետության՝ Ռուսաստանին:

Վերջում Պողոս Փաշան ավելացրեց, որ հայերի համար կա մահ Կիլիկիայի Խնդիրը: Հայտնի է, որ Կիլիկիայի մեծագույն մասը Սևրի դաշնագրով թողված է Թուրքիո և որ կազմում է, սակայն, Ֆրանսիական տնտեսական գոտին: Սևրի դաշնագրի իրագործումը պահանջելով մեզ համար՝ մենք չենք կարող միաժամանակ թողոթել այդ Դաշնագրի դեմ Կիլիկիայում: Բայց քանի որ քրքահայերն ոչ մի վարչություն չի կարող ապահովել հայ ժողովրդի գոյությունը, մենք պիտի խնդրեինք և երախտագետ կլինեինք, եթե Ֆրանսա հաճեր ստեղծել տեղական մի ինքնավարություն, իր հովանու տակ:

Այն ժամանակ նախագահը դարձավ դեպի ինձ և հրավիրեց, որ իմ խոսքն ասեմ: Ես ասացի հետևյալը. -

«Ես խոսում եմ հանուն անկախ և միացյալ Հայաստանի՝ կազմված ու ճանշված Սևրի դաշնագրով, որը ստորագրել են, և հանուն այն Ազգային կառավարության, որ բուլղարիկան թեժիմը տապալելով՝ Հայաստանում այսօր վերստին իշխանության գլուխ է անցած: Անծանոթ են ինձ Դաշնակիցների նոր տեսակետները այն նոր հանգամանքների հետևանքով, որոնց մասին այստեղ խոսվում է: Հայաստանի կառավարության համար այս նոր հանգամանքները, եթե կան իսկ, ոչնչով չեն կարող խախտել Սևրի դաշնագրի տրամադրությունները հօգուտ Հայաստանի: Այդ դաշնագիրը կազմել են մեր Դաշնակիցները, հաշվի առնելով հայոց անձայր զոհարերությունները և ծառայությունները

Դաշնակիցների գործին: Այդ դաշնագրից մենք չենք կարող հրաժարվել: Նա դարձել է հայ ժողովրդի շարքերը¹⁸³: Ասում են – այդպես են կարողում լրագիրներում – թե Կովկասյան Հայաստանը դարձել է Սովիետ, իսկ Թրքաց Հայաստանում արդեն հայ չկա, հետևապես Հայ Պետություն այլևս չի կարող լինել, թե Հայաստան չկա: Այս է մոտավորապես թրքերի թեզը:

«Թույլ տվեք ինձ, խնդրում եմ, ծանրանալ այս երկու կետերի վրա, որոնք մեզ համար կենսական են: Ես կարող եմ այստեղ վճռապես հայտարարել, որ եթե թրքական այդ դավադիր արշավանքը տեղի չունենար դեպի Հայաստան, բոլշևիզմը ոչ Հայաստան կարող էր թափանցել և ոչ իսկ այսօր Վրաստանին սպառնալ: Թյուրք արշավանքը՝ դեպի Հայաստան կազմակերպած, դավադրություն էր հատկապես Սևրի դաշնագրի դեմ, հետևաբար և՛ Դաշնակիցների դեմ: Եվ հասկանալի է, թե ինչու: Դեկտեմբեր 2-ին Ալեքսանդրապոլում, մեր պարտությունից հետո, մեր կառավարության պարտադրված պայմաններից առաջինը Սևրի դաշնագրից հրաժարվելու պահանջն է, – մի պայմանագիր, սակայն, որ իմ կառավարության 1920 նոյեմբերի 2-ի հրահանգով ես հայտարարում եմ չեղյալ, որպես բռնության տակ ստորագրված:

«Սևրի դաշնագրով Հայաստանի ստեղծումը թյուրք ազգայնականների համար ամիսներով էր, քանի որ դա խափանում էր իրանց համաթուրանյան ծրագիրները: Կարսի և Ալեքսանդրապոլի գրավումով է, որ նրանք ճգնում են Հայ Աշխարհի միջով ձեռք մեկնել Թուրանյան աշխարհին, մինչև Ասիա, իրագործելու համար համաթուրանականությունն ու համախաղամությունը: Եվ նույն այս նպատակով է, որ քեմալականներն այսօր ավերում ու կոտորում են Կարսի ու Ալեքսանդրապոլի շրջանները ճիշտ նույն մեթոդով, ինչով ավերած ու անմարդաբնակ են արած Թրքաց Հայաստանը: Բոլոր արու հայ ազգաբնակչությունը, իբր թե աշխատանքի պատրվակով, քշվում է Թուրքիո խորերը և ջարդվում ճանապարհին, նրանց կանայքն ու աղջիկները առեվանգվում են, և այդ շրջաններում այլևս կանգուն ու շեն հայ գյուղ չի մնացել, թալանված է ամեն ինչ, ուտելիքից սկսյալ մինչև տնտեսության պիտանի ամենաչնչին իրը¹⁸⁴:

«Հավատացած եմ, որ Դաշնակիցները թրքական այս

¹⁸³ Charter (անգլ.) > Chartion (հուն.) – խարտիա, իրավունք, կանոնադրություն, արտոնություն:

¹⁸⁴ Իսկ այս ասածները ճշտելու համար կիսնդրերի մի միջազգային հանձնաժողով դրելի տեղի վրա քննություն կատարելու: - Ա. Ա. (Ախարոնյանի նշումն է):

ոճրային ծրագիրները չեն սրբագործելու ևս՝ առավել այժմ, երբ հայ ժողովուրդը, հակառակ այն դժոխային պայմաններին, որոնց մեջ գտնվում է, նորեն միանգամ դեն է շարտել Սովիետ թեթիքը, որպես խորթ ու անհարազատ իր հոգուն, և վերահաստատել իր ազգային իշխանությունը:

«Կարծում եմ, որ այս փաստը բավական է՝ ապացուցանելու համար, որ բոլշևիզմը Հայ Աշխարհում հող չունի բնավ և ներմուծվել է բացառապես թրքերի հառաջխաղացման և բարբարոսության շնորհիվ: Ես ավելին կասեմ, բոլշևիզմը հող չունի Կովկասյան որևէ ուրիշ երկրի մեջ, և նա երբեք չպիտի կարողանա արմատ ձգել:

«Ես դառնում եմ Թրքա-Հայաստանի գավառներին: «Այնտեղ հայ չկա», – ասում են թյուրքերը: Իրենք գիտեն սակայն, ուր են այդ հայերը, գիտեն, որ ջարդերով ու տարագրությունով փճացուցած են մեծագույն մասը, բայց բարեբախտաբար ոչ ամբողջ $1\frac{1}{2}$ ¹⁸⁵ միլիոնը, որովհետև մահատակների զավակներից ու եղբայրներից 300.000 հոգի պատերազմից ի վեր սպասում են Կովկասում՝ իրենց հայրենիքը մտնելու համար: Եվ նկատի առեք, որ եթե Թրքա-Հայաստանում այսօր հայ չկա, այնտեղ չկան և մուսուլմաններ: Վերջին վիճակագրությամբ հաստատված է, որ մուսուլմանների թիվը հայկական վիլայեթներում 96.000-ից չէ անցնում, որի մեկ երրորդն իսկ թյուրք չէ, մնացածը՝ քյուրտ և ոչ-թյուրք ցեղեր: Եվ դրա հանդեպ 300.000 թրքահայեր պատրաստ են Կովկասից Հայաստան մտնել, չհաշված դեռ այն հազարավոր հայերը, որոնք աշխարհի բոլոր ծայրերից աչքերը սևեռած սպասում են ե՞րբ կարող են իրենց երկիրը վերադառնալ:

«Սևրի դաշնագրի մեջ մի հոդված կա՝ 218-րդը, որով Դաշնակիցները իբր բացարձակ սեփականություն ձեռք են բերում Թյուրքիո այն հողերը, ուր թաղված են Դաշնակից բանակներից սպանվածներն ու մեռյալները այս պատերազմի ընթացքին, և այդ հողերը հայտարարվում են, որպես ամենեն նվիրական: Արդ, Կովկասի երկու միլիոն հայությունը, ի սփյուռս աշխարհի ցրված մեկ միլիոն հայությունը, նախկին Թյուրքիո գավառները դիտում են որպես 1.500.000 ազգակիցների գերեզմանը: Ինչպես որ Դաշնակիցները չկամեցան լքել իրենց մեռելներին, նույնպես և հայ ցեղը երբեք չպիտի կարողանա լքել իր մեծ ու նվիրական գերեզմանը:

¹⁸⁵ Եղեռնի զոհերի այստեղ և ներքոքերյալ թվերի փոքրիկ շփոթումը կա:

«Մենք հավատացած ենք, որ մեր Դաշնակիցները մեզ կտան մեր քանդված ու ավեր հայրենիքը¹⁸⁶։ Հայ ժողովուրդն սպասում է և, եթե նորից հուսախար դառնա այս կողմից, նա կհետամտե այլ ճամբաներ, այլ հմարներ, այլ օգնություն, բայց երբեք չի հրաժարվի իր նվիրական հողերից։ Համենայն դեպս, ես հայտարարում եմ, որ եթե այս տրամադրություններից տարբեր կարգադրության խոսք լինի, ես պիտի խնդրեմ հնար տալ ինձ հարաբերության մեջ մտնելու իմ կառավարության հետ»։

Դրանից վերջ, Լորդ Քրոզըն, որ խնամքով նոթեր էր առնում, երբ ես փաստեի ու թիվեր էի տալիս, չնայած որ ամեն ինչ գրվում էր Sténographie-ով¹⁸⁷, դարձավ ինձ հետևյալ հարցով.

— Արդյոք դուք տեղեկություն ունի՞ք այն սահմանների մասին, որ թուրքերը պարտադրել են Ալեքսանդրապոլում՝ հայ կառավարության;

Ես պատասխանեցի.

— Այո։ Մտավոր կերպով սահմանն անցնում է մինչև Արփաչայ գետը, այնուհետև մինչև Արաքս կայարանը երկաթուղիի, ապա Արաքս գետով անցնում է մինչև Նախիջևան։ Մուրմալում հայտարարվում է plébiscite-ի¹⁸⁸ ենթակա, իսկ Նախիջևանի շրջանը Թուրքիո protectorat-ի¹⁸⁹ տակ։

Դարձյալ Լորդ Քրոզըն հարցուց ինձ.

— Ձեր exposé-ի մեջ հիշատակեցիք Ալեքսանդրապոլի դաշնագիրը, որ ձեր օրինական կառավարությունն է ստորագրել թրքերի հետ։ Հայաստանի Պատվիրակությունը ի՞նչ ունի ասելու այդ դաշնագրի իրավական արժեքի մասին։

Այս հարցը, ինչպես և շատ ուրիշ հարցեր, Լորդ Քրոզընը դնում էր խիստ բարյացակամորեն, հօգուտ մեզ պատասխան ստանալու համար։

Ես պատասխանեցի.

— Այդ դաշնագիրը մենք ժխտում ենք ամենավճռական կերպով, որպես չարաչար բռնության տակ ստորագրված։ Եվ սա միայն Հայաստանի Պատվիրակության կարծիքը չէ, այլ նաև մեր օրինական կառավարության, որ Կարսի անկումից անմիջապես

¹⁸⁶ Եվ այդ իրավունքը ազատության, հայ ազգը ձեռք է բերել հինգ դարերի տառապանքի, 30 տարվա պայքարի և վեց տարվա պատերազմի գնով — Ա. Ա. Ալեքսանդրյանի նշումն է։

¹⁸⁷ Sténographie (ֆրանս.) - Սղագրություն։

¹⁸⁸ Plébiscite - Համաժողովրդական քվեարկություն, ռեֆերենդում։

¹⁸⁹ Հովանավորություն (լատ.) - Ըստ միջազգային համաձայնագրի՝ որևէ պետության՝ մի այլ պետության հանդեպ «պաշտպանության» իրավունքի հանձնում՝ միաժամանակ տալով իրավունք՝ ղեկավարելու՝ հովանավորյալ պետության ֆինանսները, տնտեսությունը, արտաքին քաղաքականությունը։

եռք, նախատեսելով գալիքը, նոյեմբեր 2 թվով ինձ հրաման էր տալիս գրավոր, թե քանի որ մեր աշխարհը չորս կողմից պաշարված է բյուրք և բուլշևիկ թշնամիներով, կառավարությունը կարող է ստիպված լինել ծանր հանձնառումներ ստորագրելու։ Այդ Պատվիրակության և մեր Դաշնակիցներին է մնում, ասում էր պաշտոնական թուրքը, չընդունել մեր ստորագրելիք թուրքը, չընդունել մեր ստորագրելիք այդ ծանր պայմանները և վերահաստատել նախկին դրությունը։ Ահա թե ինչու՝ ես վերստին հայտարարում եմ, որ Ալեքսանդրապոլի դաշնագիրը գոյություն չունի մեզ համար և հավատացած եմ, որ մեր Դաշնակիցների համար էլ նա չեղյալ մի փաստաթուղթ է, որպես բռնության տակ ստորագրված։

Մրանից հետո, Լորդ Քրոզըն մեզ դարձավ մի վերջին հարցով.

— Հայտնի՞ է Չեզ, որ Ման Ռեմոյի քոնֆերանսի¹⁹⁰ որոշումով Միացյալ Նահանգների Նախագահին է հանձնված Հայաստանի և Թյուրքիո միջև սահմանը գծելու գործը։ Դուք գիտեք անշուշտ, որ այդ սահմանները, շնորհիվ մի շարք հանգամանքների, այսօր անգործադրելի են։ Ի՞նչ է կարծում Հայ պատվիրակությունը, որո՞նք կլինեն գործադրելի սահմաններ այս նոր պայմաններում։

Եվ մինչ Լորդ Քրոզընի այդ ասածը, ըստ սովորության անգլերենից թարգմանում էին մեզ համար, ես կուսցա և Փաշայի ակամջին ասացի.

— Լավ է, որ մենք ժամանակ խնդրենք պատասխանելու այս հարցին։ Սա փափուկ խնդիր է։

Փաշան կտրուկ տոնով ինձ առարկեց.

— Անկարելի է այդ։ Մենք չենք կարող չպատասխանել այժմ և գրեթե անմիջապես, — և, առանց որ ես հնար ունենամ նորից միջամտելու, նա բարձրաձայն հայտարարեց հետևյալը, — Մենք գիտակցում ենք դժվարությունները և արդեն իսկ այդ պատճառով էր, որ մենք Տրապիզոնը չենք պահանջել և նույնիսկ Նախագահ Ուիլսոնին այդ մասին հայտնել ենք։ Այժմ ևս մենք պատրաստ ենք զիջել Տրապիզոնը։

Եվ դարձյալ ինչ-որ նախագահության¹⁹¹ ասաց, որից կարելի էր այն տպավորությունը ստանալ, թե մենք հրաժարվում ենք և՛ Տրապիզոնից, և՛ նույնիսկ Երզնկայից։

Այնուհետև խոսք առավ Բերթրոլոն Կիլիկիո մասին և ասաց.

— Մենք Կիլիկիան պիտի թողնենք, բայց կարող եմ հայտա-

¹⁹⁰ Կոնֆերանս։

¹⁹¹ Հավանաբար տպագրական վրիպակ է՝ նախադասություն։

քարել, որ Ֆրանսան, իր գորքը քաշելեն առաջ, անպատճառ ձեռք կրերե հաստատուն երաշխիքներ՝ ապահովելու համար քրիստոնյա և, ի մասնավորի, հայ փոքրամասնությանց գոյությունն ու իրավունքները: Այնպես, ինչպես քուրք կայսրության բոլոր մյուս տարրերի իրավունքները: Իհարկե, ինքնավստահությունը ֆրանսական կառավարության հայացքներում չի մտնում:

Սա, ըստ երևույթին, ֆրանսիական կառավարության վերջին և պաշտոնական հայտարարությունն էր, որ, տարաբախտաբար, շատ հեռու է մեզ գոհացնելուց, քանի որ Ֆրանսան հրաժարվում է մեզ համար որևէ քաղաքիկ իրավունք ճանաչելուց Կիլիկիո մեջ:

Փաշան խոսք առավ և ստաց.

— Պրն. Բերթրլոն խոսեց Կիլիկիո հայ փոքրամասնության մասին: Սակայն, հայերը միշտ մեծամասնություն եղած են Կիլիկիայում: Ահա իմ առջևը դրված է մի գիրք, որ մոտերս կազմած է Ֆրանսացի մի տղա: Այդ գրքի մեջ են գտնում եմ թրքական 1912-ի պաշտոնական վիճակագրությունը և զոհ եմ ասելու, որ անգամ թյուրքերը պաշտոնապես ընդունում են, թե մենք Ադանայի շրջանում մեծամասնություն ենք եղած:

Բերթրլո, ի պատասխան, ասաց Քամերերին և վերջինս կարդաց այլ քվանշաններ, իրենց ասելով՝ նույնպես թյուրք աղբյուրից, ուր թյուրքերն են համարվում մեծամասնություն:

Այս անախորժ միջադեպով կնքվեց մեր ունկնդրությունը, որ տևեց 1 ժամ 10 րոպե:

Իտալական ներկայացուցչին՝ Կոմս Սֆորցային տեսած և հետը խոսած էի ժողովի սկիզբին, քայց ժողովի ընթացքին նա լուռ մնաց, ինչպես և Ճավոնի ներկայացուցիչ Կոմս Հայաչին:

Տպավորությունս այնպես է, որ Անգլիական կառավարությունը և մասնավորապես Լորդ Զըրզընը շարունակում են ուժգնորեն պաշտպանել Հայաստանը: Կարծում եմ, որ ստիպված կլինենք Ուիլսոնի գծած սահմաններից քիչ ներս քաշվիլ: Խորապես հավատացած եմ, որ Ալեքսանդրապոլի այդ ոճրային դաշնագիրը ոչ մի Դաշնակից չպիտի ընդունի:

ՄԻԱԲԱՆՎԱԾ ՊԱՏՎԻՐԱԿՈՒԹՅԱՆ ԺՈՂՈՎՈՒՄ

Մարտ 2, 1921

Ներկա էին Պողոս Փաշա, Սինապյան, Պապաջանյան, Վարանդյան, Բագրատունի, Խատիսյան, Արարատյան և ես:

Նկատել տվի Պողոս Փաշային, թե Խաղաղության Համաժողովի առաջ իր exposé-ի մեջ նա ասաց՝ թե՛ «Պատվիրակությունները միացել են, և ինքը նախագահ է»: Մինչդեռ այդ ճիշտ չէ. ինքը միայն նիստերի նախագահն է, և այդպիսի հայտարարությունը կարող է թյուրիմացությունների տեղի տալ:

Փաշան պատասխանեց.

— Կամենում եք, ես մի նամակով ուղղեմ այդ անճշտությունը: Ես պատասխանեցի.

— Այդ այժմ ավելորդ է, քայց կիսնդրեի հետագայում այդ կարգի թյուրիմացություններից խույս տալ:

Երբ պիտի դուրս գայի, Փաշան նորից անհամզիստ կերպով ասաց.

— Հուսամ, Դուք Չեր կողմից քան չեք գրի Conseil Suprême-ին, այլապես ինքս պատրաստ եմ գրել:

— Ոչ, — ասացի, — ինձ բավական էր այս հայտարարությունը:

Նկատել տվի նաև, որ մի այլ թյուրիմացություն Մալքունի ներկայությունն էր «որպես պատվիրակ»: Այս անընդունելի է:

Փաշան պատասխանեց, թե Մալքունը ինքն է մտել, նա չի հրավիրել:

ՏԵՍԱԿՑՈՒԹՅՈՒՆ ԿՈՍՍ ՍՖՕՌՅԱՅԻ ՀԵՏ

(Արտաքին Գործոց Նախարար Իտալիայի)

Մարտ 5, 1921

Լոնդոն

Երեկ գնացի Carlton Hotel իմ բարեկամ C. Galli-ին խնդրելու, որ ինձ և Փաշայի համար տեսակցություն խնդրի Կոմս Սֆորցայից:

Փաշայի անունը տալուս պես՝ նա դժկամեց: Ես պնդեցի, որ նա անպատճառ ինձ ընկերանա:

— Դուք կներկայացնեք իրականություն մը, — ասաց Գալլին, — մինչդեռ Պողոս Փաշան ոչինչ կներկայացնե:

Ես նորից պնդեցի՝ խնդրելով տեսակցություն երկսիս համար: Գալլին համաձայնեց և քիչ հետո եկավ ինձ հայտնեց, թե տեսակցությունը կլինի հաջորդ օրը, մարտի 5-ին, առավոտյան ժամը 10.30-ին:

Կոմս Սֆորցան մեզ ընդունեց շատ սիրալիր կերպով: Եվ երբ

Փաշան ներողություն խնդրեց, որ մենք նրա կարճ ժամանակը խլում ենք, Կոմս Մֆորցան շատ վարպետ կերպով պատասխանեց.

— Ես միշտ ժամանակ ունիմ Հայաստանի պատվիրակների համար:

Մենք նորից շնորհակալ եղանք այդ սիրալիր խոսքերի համար:

Փաշան, առաջինը խոսք առնելով, ասաց, թե գիտնալով պ. նախարարի համակրությունը դեպի հայ ազգը, ինք չի կասկածում, որ այս կրիզի¹⁹² օրերում նա մեզ կպաշտպանի:

— Ինձ համարում են թրքասեր, — ասաց Մֆորցան, — բայց խնդրեմ հավատալ, որ ես Հայկական Դատը լքող չեմ: Ե՛վ թյուրքերը, և՛ դուք հողային ընդարձակ հույսեր եք ունեցել, որ պետք է տրմել: Մնացածը հեշտ է:

Փաշան ուշադրություն հրավիրեց, որ մենք արդեն իսկ բավական զիջել ենք մեր նախնական պահանջներից: Բայց եթե հարկավոր է խաղաղության համար, մենք պատրաստ ենք նորից զոհեր հանձն առնել:

— Ես, — ասաց նա, — անցյալ օրը արդեն հայտարարեցի Տրապիզոնի համար, թե հրաժարվում ենք: Կարծեմ, սա ապացույց է, թե մինչև ի՞նչ աստիճան մենք պատրաստ ենք խաղաղության օժանդակել: Այժմ պետք է թյուրքերի վրա ազդել: Ե՛վ այս է, որ խնդրում ենք Ձեզ:

Կոմս Մֆորցա. — Իրավունք ունիք: Ես արդեն իսկ ասել եմ թյուրքերին, որ նրանք պետք է նույնպես զիջող լինին ձեր հանդեպ: Այդ է պահանջում և՛ նրանց շահը: Հիմար մարդիկ չեն: Բեքիր Մամին շատ հասկացող մեկն է: Հուսամ, իմ խորհուրդները ապարդյուն չպիտի անցնին:

Ես խոսք առա.

«— Պ. նախարար, Ձեր ուշադրությունը թույլ տվեք հրավիրել երկու կետի վրա.

«1. Թյուրքերը հեշտ հայտարարություն են անում, բայց իրոք խույս են տալիս բուն հարցից. նրանք իրենց գրույցների մեջ միշտ նկատի ունին Կովկասյան Հայաստանը: Այս Ձեզ հայտնի է, թե մեզ համար տարբերություն չկա Հայաստանի երկու հատվածների մեջ: Բայց մենք գիտենք նաև, որ Հայկական Հարցի ծագումը կապված է Թյուրքաց Հայաստանի հետ, և նրա մասին է, որ խոսում ենք և նրանից է, որ բնավ չենք հրաժարվի: Մյս է, որ

¹⁹² Եզնաժամ, բեկում, անկում:

թյուրքերը պետք է հասկանան, ինչպես և՛ այն, որ եթե թյուրքերը խանգարեն Միացյալ Հայաստանը, դրանով նրանք կհեշտացնեն ռուսների հետագա առաջխաղացումը և փոքրիկ, թույլ Հայաստանի փոխարեն իրենց սահմանի վրա կունենան մի հզոր ու վտանգավոր դրացի, որի արժեքը թյուրքերը շատ լավ գիտեն վաղուց ի վեր: Թյուրքերը ահռելի ոճիրներ են գործել հայերի դեմ և քավել կարող են միմիայն զիջելով մեզ մեր արյունով ողողված մեր հողերը: Սա խնդրի բարոյական կողմն է: Կա և քաղաքականը: Առանց Թյուրքաց Հայաստանի մենք հետագայում շատ ավելի մեծ դժվարություններ կունենանք կազմակերպված Ռուսիո հետ, քան եթե Թյուրքաց Հայաստանը միացած լինի Կովկասյան Հայաստանին: Վերջին դեպքում մենք խորը հավատ ունինք, որ Հայաստանը կարող է մնալ ազատ: Նա կդառնա միջազգային դաշինքով ու իրավունքով ապահով մի պետություն: Հետևապես, մենք պետք է ունենանք, և պետությունները չպետք է զրկեն մեզ Թյուրքաց Հայաստանից, եթե վճռել են ազատ, անկախ Հայաստան ստեղծել: Միայն Միացյալ Հայաստանը կարող է կենսունակ լինել:

«2. Մենք, ինչպես ասաց Փաշան, պատրաստ ենք չափավոր զիջումներ անել, մեր սահմանները տղմել մի պայմանով, որ մնացածը մենք գրավենք առանց կռվի, որովհետև, ինչպես գիտեք, մենք մի կաթիլ արյուն իսկ չունինք թափելու: Մենք շատ ենք վախենում, որ Մուստաֆա Բեմալը ձևացնի զիջում, իսկ իր փոխարեն մի ուրիշը իր դերը խաղա էրգրումում, ինչպես Կարա Բեքիր փաշան, կամ թե մեր դեմ հանեն զինված տեղական մուսուլմաններին»:

Կոմս Մֆորցա. — Ես ձեզ մեծ ուշադրությամբ լսեցի: Ձեր արժամենտներից մի քանիսը արդեն թյուրքերին ասել եմ, կհասկացնեմ մնացածը ևս, որոնք շատ հետաքրքիր են: Ես հույս ունեմ, որ թյուրքերը կհասկանան: Այդ իրենց շահն է: Իրավունք ունիք. պետք է այս խաղաղությունը վերջնական լինի և arrangement -ի¹⁹³ կառուցվածքի մեջ այլևս fossure¹⁹⁴ չլինի: Խնդրում եմ ինձ հավատալ, որ ես ձեզ հետ եմ, և որ իմ ջանքերը ապարդյուն չեն մնա:

¹⁹³ Arrangement (ֆրանս.) - Կարգավորում:
¹⁹⁴ Հավանաբար վրիպակ է. կամ forure (ճեղք, անցք), կամ fossure (խառնիճաղանցք):

ՄԱՆՉԵՍՏՐԻ ՊԱՏՎԻՐԱԿՈՒԹՅՈՒՆԸ

Մարտ 6, 1921

Լոնդոն

Այսօր Միաբանված պատվիրակությունը ողջունելու համար Մանչեստրի գաղութի կողմից հասան պ.պ. Յ. Գամբերյան, Գ. Ֆնդկյան և [անունը չկա] վարդապետ: Ողջունեցին պատվիրակությանը և վերջում իրենց ցավը հայտնեցին, որ Պողոս Փաշան, «ստանց հատուցման, շտապել է հրաժարվել Տրապիզոնից»:

Փաշան բացատրեց, բայց նրանք մնացին չհամոզված, և այս պարագան Փաշային խիստ դառնացրեց:

ՏԵՍԱԿՅՈՒԹՅՈՒՆ ՎԱՆՉԻՏՏԱՐԻ ՀԵՏ

Մարտ 5, 1921

Լոնդոն

Ճաշից հետո, այսօր Փաշայի հետ գնացինք այցի Վանգիտտարին: Նրա ասածներից պարզվեց, որ մեր Խնդիրը դեռ չի կարգադրված, և լուծումը կախված է ամբողջ Արևելյան Խնդրի լուծումից: Նա շատ մեծ արժեք էր տալիս Վրաստանի անցքերին: — Եթե Վրաստանը ետ մղի բոլշևիկյան հարձակումը, ձեր հարցն այստեղ շատ հեշտ կկարգադրվի, քանի որ բոլշևիզմը ձեզ էլ չի սպառնա: Այլապես շատ դժվար է, — ասաց նա:

— Բայց Թյուրքաց Հայաստանը կա, — ասաց Փաշան, — մի՞թե չէ կարելի այնտեղ կապել մեր պետությունը:

— Թյուրքաց Հայաստանը, առանց Կովկասյան Հայաստանի, կատարյալ խիսներս է¹⁹⁵, — բացակամչեց Վանգիտտարը, — առանց ժողովրդի պետություն չի լինի:

¹⁹⁵ Քիմերա — Հունական դիցանուն (Chimaira)՝ հրաժայթք, առյուծի երախով, օձի պոչով, այծի իրանով — անհասանելելի հատկանիշներով կրեշի: Փոխաբերաբար — անհնարին, անիրագործելի երազ, անիրականանալի ֆանտազիա:

ՏԵՍԱԿՅՈՒԹՅՈՒՆ ՎԱՆՉԻՏՏԱՐԻ ՀԵՏ

Մարտ 11, 1921

Լոնդոն

Մի շաբաթ առաջ Փաշան ու ես խնդրած էինք Վանգիտտարից մեզ տալ Անգլիական կառավարության կարծիքը մեր և քյուրքերի ուղղակի բանակցության համար: Այսօր նա մեզ տեսակցության կանչեց և հայտարարեց հետևյալը.

1) Թյուրքերի հետ մեր անմիջական բանակցությունները համարվում են անօգուտ, անժամանակ: Հանգամանքների դասավորությունն է այդպես:

2) Հայաստանի մասին Գերագույն Խորհրդի որոշումը հետևյալն էր. — «Ազգերի Լիգայի Խորհուրդը նշանակում է մի Հանձնաժողով, որ կերթա տեղնուտեղը Հայաստանի և Թյուրքիայի սահմանները որոշելու: Այս Հանձնաժողովի վճիռները պարտադիր պիտի լինին երկու կողմի համար»: Թյուրք պատվիրակությունը այս առաջարկը, ինչպես և բոլոր մյուս առաջարկները հանձն առավ ներկայացնել Կ.Պոլսի և Անկարայի կառավարություններին, որովհետև ինքը իրավասություն չունի ընդունելու: Թյուրք պատվիրակությանը հասկացրված է, որ բոլոր առաջարկները, բոլոր փոփոխությունները Սևրի դաշնագրի հիման վրա, կանգնում են մի ամբողջություն, և պիտի ընդունվեն, կամ մերժվեն միասին: Լյոյո Ջորջը այս պայմանը հայտարարել է շատ վճռական շեշտով:

— Ուրեմն մենք դարձյալ պիտի սպասենք «Հունական օրացույց»-ին¹⁹⁶, — ասացի:

— Տարաբախտաբար, այո՛, — պատասխանեց Վանգիտտար, — իրապես որևէ լուծում չկա Արևելյան Խնդրի: Ե՛վ Գերագույն Խորհուրդը, և՛ քյուրքերը սպասում են Ռուսաստանում զարգացող անցքերին: Թյուրքերի մի մասը, չափավոր ու խոհեմ պահանջների կողմնակից, պատրաստ է ընդունել՝ վախճանալով որ բոլշևիզմի խորտակումը իրենց դիրքը կթուլացնի. իսկ մյուս մասը հույսեր ունի և մնում է անհաշտ: Տեսնենք, թե ի՞նչ կասեն անցքերը:

¹⁹⁶ «Մինչև հունական կալենդը (կադանդը)» — արտահայտությունը գործածվում է մի որևիցե խոստում անորոշ ժամանակով տալու համար: Քանի որ հույները կալենդը չունենին, ուստի ժամկետն էլ դառնում է անորոշ:

Փաշան, որ առավուտից շատ ուրախ էր թերթերում (Daily Telegraph) կարդալով այն մասին, թե 1) Թյուրքաց և Կովկասյան Հայաստան իրարից զատվում են և 2) Թյուրքաց Հայաստանում ստեղծվում է հայերի մի Home¹⁹⁷, - հարցրե՞ց՝ թե որքա՞ն ճիշտ է այդ բոլորը և թե արդյոք ենթադրյալ Հանձնաժողովը միայն Թյուրքաց Հայաստանի՞ սահմանները պիտի գծի:

- Ոչ, - պատասխանեց Վանգիտտար, - այդ Հանձնաժողովը գծելու է ամբողջ Հայաստանի սահմանները և՛ Կովկասում, որ նախատեսված էր Սևրի դաշնագրով: Իսկ Home-ը Թյուրքաց Հայաստանում կարող է կազմվել: Դա մի փորձ է դուրս շորթելու հայկական հողը բյուրքերից: Այնուհետև ինչ բովանդակություն ասես՝ կարելի է դնել Home-ի գաղափարի մեջ: Դա նույնպես պետություն է:

Մենք դուրս եկանք այս հայտարարությունից շատ ընկճված: Այս հայտարարությունը Վանգիտտար մեզ արեց Լորդ Բրոքրնի կողմից պաշտոնապես:

ԲԱՆԱԿՅՈՒԹՅՈՒՆՆԵՐ ԹՅՈՒՐԿԵՐԻ ՀԵՏ

I

ՏԵՍԱԿՅՈՒԹՅՈՒՆ Պ, Գ. ԳՅՈՒՂ ՊԵՆԿՅԱՆԻ ԵՎ ՃԱՎԻՏ ԲԵՅԻ

Այսօր, մարտի 20-ին, Գյուլպենկյանը տեսնվել է Ճավիտ բեյի հետ: Զրույցի նյութը հայ-բյուրք համաձայնության կարելիությունն էր: Գյուլպենկյանը խոսել է «իր անունից և, ի միջի այլոց», թեև կասկածից դուրս է, որ Ճավիտ բեյը հասկացել է, որ խոսակիցը ներշնչված է:

Ճավիտ բեյը ասել է մտավորապես հետևյալը: Թյուրքերը համաձայնության դեմ չեն, բայց առայժմ իրենք անկարող կլինեին գործնական քայլեր անել այդ ուղղությամբ, գնում են Անկարա տանելով Լոնդոնի առաջարկները: Ինքը կարծում է, թե Անկարայում որոշ թեթևություններ ձեռք բերել Ալեքսանդրապոլի և Կարսի մասին հնարավոր է, բայց գտնում է, որ վաղաժամ է խոսել Վանի և բյուրքահայ այլ գավառների մասին:

- Մենք էլ տարգլուխներ ունինք, ինչպես և դուք, որոնք խոսք

հասկանալ չեն ուզում: Եվ հետո՝ մեր Արևելյան բանակը գրեթե ամբողջապես հայկական վիլայեթներից է, դժվար կլինի այժմ նրանց հասկացնել ձգել այդ հողերը, ասելով, թե տրվելու են հայերին:

Ճավիտ բեյ ավելացրել է, թե շատ բան հնարավոր է հոգուտ հայերի, եթե կարելի է դառնալ Կովկասյան Հանրապետությունների Ֆեդերացիա - հայերը պիտի աշխատեն այդ նպատակով մտնելով Ադրբեյջանին և Վրաստանին:

- Հայկական Հարց ասածն ի՞նչ է, - բացականչել է Ճավիտ բեյ: Մի անապատ, որ մի կողմի տարգլուխներ պահանջում են, մյուս կողմի տարգլուխները մերժում են, այս է ամբողջը:

Գյուլպենկյանի տպավորությունն այն է եղել, որ բյուրքերը շատ էլ տրամադիր չեն գրուցելու և Լոնդոնի Համաժողովը նրանց դարձրել է պահանջկոտ ու անհաշտ:

Մարտ 20, 1921

Փարիզ

Այս գրույցից մի երկու օր հետո, Թափա Չերմուկին հեռախոս արեց հարցնելու, թե չէ՞նք կամենա արդյոք տեսակցել բյուրք կարևոր անձնավորության հետ: Ենթադրվում է Բեքիր Սամին, որի մասին նա ինձ խոսել է Լոնդոն մեկնելուց առաջ: Որոշեցինք, որ Խատիսյանը, իբրև ծանոթ, տեսնվի Բեքիր Սամիի հետ:

II

ՏԵՍԱԿՅՈՒԹՅՈՒՆ Ա. ԽԱՏԻՍՅԱՆԻ ԵՎ ԲԵՔԻՐ ՍԱՄԻ

Մարտ 24, 1921

Փարիզ

Այսօր մարտի 24-ին Ա. Խատիսյանը, որպես վաղաժամոր, առանց պաշտոնական հանգամանքի, պատվիրակության անդամների և եկվոր ընկերների (Գ. Փաստրմաջյան¹⁹⁸, Ս. Արարատյան¹⁹⁹) համաձայնությամբ տեսնվեց Բեքիր Սամիի հետ:

Անկարայի պատվիրակության շեֆն ասել է.
- Հայ-բյուրք վեճը լուծելու երկու ճամփա կա. կամ պետք է պետությունները զինու գորով մեզ պարտադրեն իրենց պայման-

¹⁹⁸ Արմեն Գալո (Փաստրմաջյան Գարեգին Հարությունի) - հասարակական-քաղաքական գործիչ:

¹⁹⁹ Արարատյան (Արարատով) Քրիստափոր Գերասիմի - ռազմական գործիչ:

¹⁹⁷ Տոն, օջախ:

ները հոգուտ ձեզ, կամ մենք պիտի ուղղակի համաձայնության գանք: Չոր այսօրվա այցից ես տեսնում եմ, որ դուք նախընտրում եք վերջինը:

— Այո, — պատասխանել է Խատիսյան, — մենք դեմ չենք ձեզ հետ համաձայնության գալու: Բայց դրա համար մի քանի նախապայմաններ կան, օրինակ՝ դուք անշուշտ չեք պնդելու Ալեքսանդրապոլի դաշնագրի վրա:

— Ոչ, — պատասխանել է Բեքիր Սամի:

— Բացի այդ, — շարունակել է Խատիսյան, — դուք պիտի ասեք, համաձայն եք արդյոք սկզբունքով մեզ զիջել հողեր 14 թվի սահմանից անդին, թեկուզ մի թիվ:

— Անշուշտ, զիջելու ենք: Բայց հասկանանք իրար: Դուք ձեր պահանջները շատ լայն բռնեցիր: Սակայն կամաց-կամաց տեսաք դրա վնասները: Լոնդոնում կարծեմ պարզ եղավ ձեզ համար, թե դուք անօգնական եք: Համաձայնությունը մեզ համար էլ, ձեզ համար էլ նախընտրելի է: Խնդիրը չափերի մեջն է: Որո՞նք են ձեր պահանջած սահմանները:

Խատիսյան — Ես պաշտոնական հանգամանք չունիմ սահմանների մասին ձեզ հետ խոսելու, բայց կասեմ, որ 1) մենք պիտի դուրս գանք ծով Բիզեի վրայով և 2) մենք բնականապես պիտի ըստանանք Վան, Մուշ, Բիթլիս: Այդ երկու կետերի մեջ դժվար չէ մեր և ձեր սահմանները գծել, վեճը այստեղ է:

— Էրզրումի վրա, ուզում եք ասել — դա մի վեճ է, որի վերջը հայտնի է, Էրզրումը չի կարող ձեզ տրվել, — ասում է Բեքիր Սամին, — Վեճը կարող է լինել մնացած հողերի վրա:

— Այստեղ էլ վեճի վախճանը հայտնի է, այդ հողերը չեն կարող մերը չլինել, դուք այդ զիտեք:

Բեքիր Սամի խոսքը դարձնում է Ռուսիային.

— Խնդիրը միայն մեր համաձայնության մեջ չէ, — ասում է նա, — այլ Ռուսիայի ընթացքի: Ամեն բան կախված է ռուսներից, Էրզրումը ձեզ տալ, միևնույն է թե տալ ռուսներին. առհասարակ, հայերին զիջած հողերը մենք նկատում ենք Ռուսիային զիջած, որը հավասարապես սպառնում է մեզ: Մեր այսօրվա համաձայնությունը սովետների հետ մի ժամանակավոր տակտիկական երևույթ է, որ ապագա չունի, վաղ թե ուշ Ռուսիան նորից պիտի կիրարկի իր արևելյան քաղաքականությունը. այսինքն՝ առաջխաղացություն դեպի Պոլիս և հարավ: Այս է վտանգը և այ՛ն է, որ պետք է մեզ գրադեցնի, ավելի քան հողային այս կամ այն զիջումը: Այս վտանգի առաջ կարելի է առնել միայն կազմելով մի Կովկասյան Ֆեդերացիա: Երբ այդ լինի, մեր փոխհարաբերու-

թյունները շատ կհեշտանան: Ինչ վերաբերում է հողային զիջումներին, այո՛, մենք այն պիտի ամենք ձեզ — բայց մեր մտածումով, ոչ «Թյուրքաց Հայաստան անուճով», այլ որպես սահմանների շտկումն (rectification des frontières): Ամեն պարագայի, ես համաձայն եմ, որ մենք պետք է գրուցենք: Ես գնում եմ Անկարա, կարծում եմ, որ երկու ամսից ետ կգամ. մինչև այդ, լավ կլինի, որ մենք հանդիպենք և ժամ առաջ եզրակացության գանք: Մա իմ անհատական մտածումն է: Եթե Անկարայում համաձայնեցին իմ հայեցակետի հետ, ապա ես ձեզ կհեռագրեմ և մենք կհամաձայնենք հանդիպումի տեղի և ժամանակի մասին:

Խատիսյանը տվել է մեր Պատվիրակության հասցեն:

ՏԵՍԱԿՑՈՒԹՅՈՒՆ ԿՐԱՍՍԻՆԻ ՀԵՏ

Լոնդոն, ապրիլ 7, 1921

Այսօր, ապրիլի 7-ին, հետս ունենալով պրոֆեսոր Արոնցին, տեսակցություն ունեցա Կրասսինի հետ: Չրույցի նյութն էր այն հեռագիրը, որով Վրացյանը բողոքում էր սովետական զորքերի հարձակման դեմ և պահանջում էր կանգնեցնել ռուսական արշավանքը Հայաստանի վրա:

Ես ասացի մտավորապես հետևյալը. —

«— Հայ ժողովուրդը ունեցել է և այժմ էլ պահպանում է Ռուսիո հանդեպ բարեկամական զգացումներ, բայց ռուս սովետը ամեն ինչ անում է այդ լավ զգացումները փտեցնելու: Սովետական ներկայացուցիչներին ընունելով, հայ ժողովուրդը դեկտեմբերի 2-3-ին կարծում էր, թե հանձին ռուս բոլշևիկների երկրի հոգատարներ են եկել թյուրքերի դեմ և իր կարիքները հոգացողներ: Արդեն այսպիսի լոզունգներով հայտնվեցին Հայ Հեղ-կոմի անդամները: Փորձը ցույց տվեց հակառակը — հայերը շուտով նկատեցին, որ

ա) եկողները թյուրքերի դաշնակիցներն են և

բ) չկարողացան կամ չկամեցան թյուրքերին դուրս քշել նոր գրաված ռուսահայ գավառներից:

գ) երկրում քաղցը ու կարիքը ծայրագույն չափերի հասավ:

դ) եղած չնչին պաշարը կրվեց դեպի հյուսիս:

ե) քաղաքական վատթար տեսակի հալածանքներն սկսվեցին:

զ) բանտերը լցվեցին հայ մտավորականներով, հակառակ

տրված հանդիսավոր խոստումների:

է) և, վերջապես, տիրահոչակ Աթաբեգյանի գալով սկսվեցին բանադարկյալների կոտորած, սպաների ձերբակալություն (մոտ 1200 հոգի) և արսոր դեպի Ռուսաստան:

Ժողովրդի համբերությունը հատավ, և առաջ եկավ այս տարվա փետրվար 18-ի տարերային ապստամբությունը: Այժմ Ռուսաստանից նոր զորքեր են հասել և ավերում են մեր երկիրն ու ժողովուրդը: Ուր է ժողովուրդների ինքնորոշումը, որ դուք հռչակել եք: Մեր ժողովուրդը անկարող է սովետական ռեժիմը տանել, քանի որ դրա համար ոչ մի պայման չկա և այդպիսի ռեժիմը, ինչպես տեսնում եք, միայն զորով, արյունով, ավերածով պետք է մտցնել: Ի՞նչ շահ դրանից Ռուսաստանին, ի՞նչ շահ ձեր գաղափարին: Եվ մի՞թե այլ ճանփա չկա ավելի բարվոք հարաբերություններ ստեղծելու Ռուսաստանի հետ, որից երկու կողմերն էլ մեծապես կշահվին: Ինչու՞, օրինակ, դուք կարողանում եք համաձայնություններ կնքել Պարսկաստանի, Ավրանիստանի²⁰⁰, Լիտվայի, Լատվիայի, անգամ Թյուրքիայի հետ առանց նրանց պետական ռեժիմը խախտելու և միայն Հայաստանը տրորում եք, ոտքի տալիս Հայաստանը, որ բազմաթիվ մորթալ իրավունքներ ունի միանգամայն տարբեր վերաբերմունք տեսնելու ռուսների կողմից, քանի որ համաշխարհային այս կատակլիզմի²⁰¹ օրերին, մա միակը եղավ, որ մինչև վերջը ձեզ հավատարիմ մնաց: Եվ մեր խնդրածը շատ բան չէ: Դադարեցնել արշավանքը, հնար տալ մեր երկիրը կառավարել մեր ժողովուրդի կամքի համաձայն, և դրանով միաժամանակ մեծապես նպաստել մեզ Թյուրքաց Հայաստանի միացումին, քանի որ դուք առաջինը եղաք բյուրքահայերի ազատագրության իրավունքը ճանաչող: Մենք գիտենք ձեր հարաբերությունները բյուրքերի հետ և բնավ նպասակ չունինք ձեզ իրար հետ թշնամացնել. մենք խնդրում ենք միայն ճանաչել մեր իրավունքը Կովկասյան Հայաստանում, և այն ժամանակ մենք կկարողանանք ձեռք բերել Թյուրքաց Հայաստանը: Որքան դուք ճնշում եք Կովկասը, այնքան հեռանում է մեզնից Թյուրքաց Հայաստանը: Դուք տեսաք, որ ձեր արշավանքի հետևանքով դեկտեմբերի 1-3-ին, Միացյալ Հայաստանը դարձավ Home – հակառակ Սևրի դաշնագրին: Մենք շատ ենք վախենում, որ այս նոր արշավանքով դուք իսպառ սպանեք Հայկական Հարցը: Ի՞նչ է ձեր շահը: Միևնույն է, վերջ է վերջո մեր

²⁰⁰ Ավրանստան:

²⁰¹ Կատակլիզմ (հուն. ջրհեղեղ) – Կարոկ ավերիչ շրջադարձ հանրային կյանքում:

ժողովուրդը կջարդվի, բայց չի ընդունի սովետական ռեժիմ և ամեն հարմար առթիվ պիտի ոտքի ելնի: Լավագույնը չէ՞ մի modus vivendi²⁰²»:

Կրասսինը պատասխանեց.

– Ես խոսում եմ անհատապես, քանի որ իմ իրավունքից դուրս է քաղաքական բանակցություններ վարել, իսկ կարող եմ Ձեզ վստահեցնել, որ Մոսկվայում շատ են այն վարիչները, որոնք բաժանում են իմ մտածումները Հայաստանի մասին: Ասեմ նախ, որ Դուք սխալ ձևով եք դնում հարցը, երբ խոսում եք «ժայ ժողովրդի» անունից «առաջ ժողովրդին»: Դուք կարծես մոռանում եք դասակարգային կռիվը, որի ամունով մենք գործում ենք: Ես շատ լավ գիտեմ, որ ձեր բուրժուա ինտելիգենցիան – օրինակ՝ մի Պավել Օսիպիչ Դուկասով, եռանդով գործում է մեր Միլյուկովների հետ մեր դեմ: Այս՝ մեկ: Եվ հետո՝ մենք բնավ վստահություն չունինք դեպի Դաշնակցականները, որոնք գործիք են Entente-ի ձեռքին մեր դեմ: Եվ, վերջապես, Դուք ասում եք, թե ձեր ժողովուրդը դեմ է սովետին, բայց ես այսօր իսկ հեռագիր ունիմ, որ Երևան մտնող սովետական զորքերին ժողովուրդը ընդունել է գրկարաց և ծափահարությամբ:

Կրասսինը կարդաց ինձ ապրիլ 5 թվակրով հեռագիր Աթաբեգովի²⁰³ ստորագրությամբ Երևանի գրավման մասին:

Հարվածը ճիշտ տեղին հասավ ինձ և ես, հանկարծակիի եկած, ետ ընկա թիկնաթռուի մեջ մի վայրկյան, թողնելով, որ Արմենը²⁰⁴ խոսի: Ես այն մարդու վիճակն ունեի, որ գնացել է բռնակալի մոտ իր դատապարտված եղբոր ներումը, փրկությունը ձեռք բերելու ու հանկարծ լուսամտուից նրան ցույց են տալիս եղբոր կտրած գլուխը: Չսպեցի հուզմունքս և շարունակեցի գրույցը:

– Մենք չենք մոռացել դասակարգային կռիվը, և հենց այդ տեսակետից է, որ խոսում ենք – իզուր եք ծանրանում մեր բուրժուազիայի վրա – կովոդ դասակարգը միմիայն մեր աշխատավոր, գյուղացի բանվոր ժողովուրդն է – բուրժուազիան մեր երկրից հեռու է եղել և այժմ իսպառ հեռացած է – ու՞ր են Ձեր հիշած Դուկասովները –...

²⁰² Modus vivendi (լատ.) – Կենսակերպ՝ պայմաններ, որոնք հնարավոր են դարձնում բեկուզև ժամանակավոր և կանոնավոր ու խաղաղ հարաբերությունները երկու (թշնամական) կողմերի միջև:

²⁰³ Աթաբեկյան Գևորգ – հայ բոլշևիկյան պարագլուխ՝ հայտնի իր դաժանությամբ:

²⁰⁴ Արմեն (Տեր-Ավետիքյան) Նիկողայոս Գևորգի – պատմաբան:

Կրասսին. – Անշուշտ, Փարիզում: Եւազ վերջապէս զրգովորած
Ես. – Այո, Փարիզում ձեր Միլյուկովների հետ: Դուք արյու-
նոտում և սովամահ եք դարձնում միայն և միայն մեր
աշխատավոր ժողովուրդը: Դաշնակցության չէք հավատում –
հենար չկա Gage²⁰⁵ պահանջել – և վերջապես այդ անվստահու-
թյունը մի ողբալի թյուրիմացություն է, որին զոհելով է մեր
ժողովուրդը – և այս նոր չէ – ցարական կառավարությունն էլ մեր
պայքարողներին համարում էր անգլիական ազենուներ, իսկ
անգլիական կառավարությունը՝ ռուսական ազենուներ – Սուլ-
թանը գիտեր միայն, թե ում հետ գործ ունի: Գիտեք մնացածը:
Մենք նրա այքում ապստամբներ էինք – և վարվում էր, որպէս
այդպիսիների հետ: Նույն այդ թյուրիմացությունն է, որ այժմ
Դուք եք կրկնում:

Կրասսին. – Ես ուրախ եմ, որ լսում եմ այս բոլորը: Պիտի
ասեմ, որ շատ բան մեզ ասում են և հավատացնում են նաև հայ
բուլշևիկները – նրանք են շարունակ պնդել, թե հայ ժողովուրդը
ձգտում է դեպի կոմունիզմ: Եվ պիտի գիտնաք, որ հաճախ
կենտրոնը չի իմանում ինչ են անում հեռուները: Չեմ զարմանա,
որ այս նոր արշավանքն էլ Հայաստանի դեմ հայ բուլշևիկների
գործը լինի, որովհետև Մոսկվայի տրամադրությունը այլ է:

Ես. – Լավ հիշեցիք հայ բուլշևիկները – նրանք մեր կյանքում
շատ հանցագործ դեր են կատարում:

Կրասսին. – Ինչու՞, այնուամենայնիվ նրանք հայեր են, հրեշ-
ներ չեն:

Ես. – Ընդունեցեք, պ. Կրասսին, որ նրանց մեջ կան, այո, և
պարզապէս հիվանդ մարդիկ, որոնց հոգեկանը հասնում է սա-
դիզմի – այսպէս է հենց Աթաբեգովը – որ, անկասկած, հոգեկան
հիվանդ է: Ես ճանաչում եմ նրա ազգատոհմը – հորը, պապին –
ախտավոր ընտանիք է, և նա սարսափներ է կատարում ամեն
կողմ հանում սովետների, վարկաբեկելով և՛ սովետը, և՛ Ռուսիան:
Մյուս հայ բուլշևիկները – մեծ մասամբ նախկին Դաշնակ-
ցականներ – և հենց այս պատճառով հազար ու մի պատճառ
ունին լինելու Դաշնակցության դեմ – անձնական, կուսակցական,
փառասիրական և հետո՝ կենտրոնի առջև երես ունենալու տենչը
նրանց դարձնում է ավելի եռանդով և ավելի կասկածելի
միաժամանակ: Երբ Դուք դադարեք ձեր տեղեկությանց աղբյուր
նկատել այդ կասկածելի պարոններին, և իրերի ճշգրիտ կա-
ցությունն իմանաք, ինքներդ կնկատեք, թե զոհ եք թյուրի-

մացության:

Կրասսին. – Ես խոստանում եմ այս բոլորը անմիջապէս հա-
ղորդել Մոսկվա և ձեզ պատասխան տալ, երբ ստանամ: Առայժմ
կարող եմ ձեզ հայտարարել, որ՝

1) Հայաստանը մեզ համար անսովոր և անսովոր էր հետաքրքրություն չի
ներկայացնում, ո՛չ տնտեսական, ո՛չ քաղաքական տեսա-
կետից – որպէս հարաբերությունների միջոցող ևս բան չի
արժե: Դուք չունիք ո՛չ երկաթուղիների կարևոր գծեր, ո՛չ
Բաքու և ո՛չ Բաթում: Եթե ես Չեզ ասեի, թե օրինակ Բաթում,
Ադրբեյջանը մեզ չի հետաքրքրում, կսխալվեի – մենք երբեք
չենք ձգի Բաթում: Բայց այլ է Հայաստանը: Մենք
ցանկություն չունինք այն տիրապետել, հողի պետք չու-
նինք, մեր ունեցածը շատ-շատ է: Դուք տեսաք, թե որքան
մենք լայն եղանք մեր հողային զիջումների մեջ Լեհաս-
տանին:

2) Գալով ռեժիմին – Կրկնում եմ, հայ բուլշևիկներն են մեզ
հանդուր, թե հայ ժողովուրդը ծարավ է կոմունիզմի, եթե այդ
այդպէս չէ, մենք ձեզ բռնադատելու դեմ կլինենք:

3) Հայաստանի անկախությունը մենք ո՛չ միայն չենք վե-
րացնի, այլ ընդհակառակը, կաջակցենք նրան, որովհետև
դա մեզ հարկավոր է Ադրբեյջանը Թյուրքիայից բաժանելու
համար: Եվ որքան մեծ լինի անկախ Հայաստանը, այնքան
լավ մեզ համար: Մի խաբվեք մեր և թյուրքերի ժամա-
նակավոր բարեկամությանը, դա անցողիկան է և եթե
Թուրքիան սահմանակից դառնա Ադրբեյջանին, նա շա-
րունակ գրգռումներ պիտի առաջ բերի մեր դեմ: Ահա թե
ինչու՞ Հայաստանի անկախությունը մեզ հարկավոր է:

4) Ես Չեզ խորհուրդ եմ տալիս անմիջապէս մարդ դրկել
Լիտվինովի մոտ կամ անձամբ գնալ, եթե հնար է այս բո-
լորը պարզելու: Կրկնում եմ, շատ բան կա բացատրելու,
ասելու: Ես տնտեսական խնդիրների համար եմ այստեղ,
Լիտվինովը՝ քաղաքական: Ես իմ կողմից բոլոր լսածներս
անմիջապէս կհաղորդեմ Մոսկվա: Կրկնում եմ, Մոսկվան,
զոհե իմ մեկնելու ժամին, ինձ պէս էր մտածում Հայաս-
տանի մասին:

²⁰⁵ Գրավ, երաշխիք:

21 հունիս, 1921

Փարիզ

Այս առավոտ ժամի 8.30-ին տեսա Քըրզընի դիվանապետ պ. Վանգիտտարին, որ ընկերակցել էր Բրիտանական Արտաքին Գործոց նախարարին իր բանակցությունների ընթացքին ֆրանսիական նախարարապետ Բրիանի հետ:

Իմ հարցին, թե արդյոք Դաշնակից պետությունները այս բանակցությունների ընթացքին շոշափե՞լ են Հայոց Հարցը, թե ոչ, նա պատասխանեց.

— Դաշնակիցները զբաղվեցին միայն Հունա-Թյուրքական ռոնիտ²⁰⁶-ով, հայոց մասին խոսված չէ:

Իմ մյուս հարցին՝ թե ինչպես կվերաբերվեր Բրիտանական կառավարությունը, եթե մեր պատվիրակությունը գրավոր մի դիմում աներ Դաշնակից երեք պետություններին, որպեսզի առաջիկա բանակցությունների ընթացքին Թյուրքիայի հետ, սրանք պահանջեին, որ Թյուրքահայ գավառները, որոնք պիտի կցվին Հայաստանին, Թյուրքիան առանց դիմադրության հանձնի Դաշնակից պետություններին, որոնք կտնօրինեն նրա բախտը:

— Շատ լավ գաղափար եք ունեցած, — պատասխանեց Vanzittart, — Հայկական Հարցը դնելու սա լավագույն ձևն է: Կարող եմ ձեզ վստահացնել, որ Բրիտանական կառավարությունն այսպիսի մի դիմումն կընդունի շատ սիրով: Ինչ վերաբերում է Ֆրանսիային ու Իտալիային, որքան և նրանց քաղաքականությունը շահեկան լինի թյուրքերին, այսպիսի մի դիմումը անուշադիր թողնել չեն կարող:

Միաժամանակ պ. Վանգիտտար ասաց, թե պետք է տեսնվել նորից Բեքիր-Սամիի հետ՝ աշխատելով համաձայնվել թյուրքերի հետ:

— Բայց ի՞նչ արժեք կունենա այդ համաձայնությունը, երբ, ինչպես փորձը ցույց տվեց, Անկարա կարող է միշտ պատռել այստեղ ստորագրածը:

— Այս անգամ այդ հնարավոր չէ, — ասաց Վանգիտտար, — թյուրքերը, վերջապես պետք է ընտրեն կամ բուլղարներին, կամ Արևմուտքը: Բեքիր-Սամիի երկրորդ անգամ գալն ապացույց է, թե նրանք գերադասելու են Արևմուտքը:

²⁰⁶ Ընդհարում, հակամարտություն:

Հունիս 22, 1921

Փարիզ

Այսօր առավոտյան ժամը 11-ին ես, Չ. Ավալուլը (Վրաստան), Թ. Չերմուկ (Լեռնական), Ա. Թոփչիբաշև (Ադրբեյջան) ներկայացանք Բրիանին հանձնելու համար մեր չորս պետությունների համաձայնագիրը կնքված հունիս 14-ին, Փարիզում:

Ես ներկայացրի իմ ուղեկիցներին, Բրիան հրավիրեց մեզ նստել: Ավալուլ խոսք առնելով ասաց, թե ուրախ է հաղորդել, որ ֆրանսիական կառավարության ներշնչումով մեզ հաջողվել է համաձայնության գալ իրար հետ: Ապա քվեով համաձայնության գլխավոր կետերը հույս հայտնեց, որ Ֆրանսիան պիտի աջակցի ամրապնդելու այս համաձայնությունը, որից մեծապես կշտկվի և խաղաղության գործն Արևելքում, և Դաշնակիցները քաղաքական և տնտեսական մեծ առավելություններ կունենան, քանի որ միջազգային առևտրին մեծ հեշտություններ են տրվում: Ավելացրեց, որ կովկասյան ազգերի միությունը կարող է նաև բուլղարա-թյուրքական դաշինքը խախտել:

Բրիան հարցրեց, թե ի՞նչպես է կացությունը Կովկասում: Ես խոսք առա:

Ասացի, որ բուլղարները թեև տիրացան Կովկասին բոնի ուժով, բայց Լեռնականները ապստամբ են, Ադրբեյջանում խլրտումներ կան: Ինչ վերաբերում է Հայաստանին, Փետրվար 18-ի ապստամբությունից հետո, 40 օր տևող կռիվներ սղելով բուլղարների դեմ, մերոնք ստիպված եղան անցնիլ մեր երկրի լեռնային մասը — Սյունիք, ուր հաստատված է բանակը, կառավարությունը, պարլամենտը՝ քաղաքական վարչական ամբողջ կազմով, և այսքարը շարունակվում է բուլղարների դեմ:

— Ի՞նչպես են հաստատված բուլղարները Կովկասում, — հարցրեց Բրիան:

Ես պատասխանեցի, թե կան սովետներ յուրաքանչյուր երկրում, կազմված տեղական տարրերից, որոնք իրոք առանձին կարևորություն չունին, քանի որ վարչական ղեկը մնում է միշտ Ռուս բանակի գլխավոր կայանի²⁰⁷ ձեռքին, որոնք ռուսներ են: Չևականորեն պահպանվում է անկախությունն այդ երկրներում, բայց

²⁰⁷ Շուար:

դա ֆիկցիա²⁰⁸ է, սակայն մենք հավատ ունինք, որ բուլղարները երկար չեն մնա մեր երկրում և նրանք այնտեղ բնավ հող չունին:

— Ես հավատում եմ — և մենք կաջակցենք ձեզ այս միությունը իմ սրտին մոտիկ է, ես գիտեմ, որ ոչ Թյուրքիայում և ոչ Կովկասում ժողովուրդները բուլղար չեն:

— Պ. նախագահ, — շարունակեցի ես, — Ձեր աջակցությունը այսօր իսկ կարող է մեզ մեծ բարիք անել: Ես գիտեմ, որ Դաշնակիցները հնար չունին ազդելու բուլղարների վրա, բայց քանի որ զրույց է սկսված քյուրքերի հետ, մենք վստահ ենք, թե այս ճամփով հնար է մեզ օգնել: Բանն այն է, որ բուլղարների Կովկասում ունեցած հաջողության մեջ մեծ բաժին ունին քյուրքերը — առանց քյուրքերի օժանդակության բուլղարները չէին կարող հաստատվել Կովկասում. այն փաստը, որ նրանք գրեթե նույն օրը մտան Հայաստան անցյալ դեկտեմբերին, ապացույց է, թե նրանց հարձակումը նախամտածված ու մեղաշնակված էր: Այսօր, ինչպես գիտեք, քյուրքերը պահում են ոչ միայն Թյուրքաց Հայաստանը, այլև Կովկասյան Հայաստանի կեսը: Եթե քյուրքերի շահը պահանջում է, որ կովկասյան ուժեղ միություն հաստատվի, պետք է նրանց հասկացնել, որ նրանք ծամ առաջ կարգադրեն Հայկական Խնդիրը՝ զիջելով հայերին նրանց հասանելիք հողերը: Հայկական հողային պահանջները Թյուրքիայում այնքան արդար են, որ մեր այս երեք հարևաններն էլ, որոնցից երկուսը կրոնակից են քյուրքերին, — այս իսկ համաձայնությամբ, — ինչպես այդ կտեսնեք ներկա փաստաթղթի 7-րդ հոդվածից, ընդունում են և խոստանում աջակցել հայերին ստանալ սահմաններ Թյուրքիո հողերում և այսպիսով լուծել Հայկական Հարցը: Ես՝ երախտագետ դեպի մեր հարևանները այս վերաբերմունքի համար, պիտի նկատեմ միաժամանակ, որ նրանց մտածումն է՝ լուծելով Հայկական Հարցը՝ անբասկոնել Կովկասյան Միությունը: Նրանք գիտակցում են, որ առանց հայերին զոհանքներ, խաղաղություն անհնարին է — և պետք է հայտարարեմ, պ. նախագահ, ոչ մի հայ պատվիրակություն մի քանի ժամ իսկ չի կարող մնալ իր տեղում, եթե նա հրաժարվի Թյուրքաց Հայաստանի հողերից:

Բրիան. — Ձեզ հետ համաձայն եմ, որ քյուրք չափավոր տարրերի հետ պետք է եզրակացության գալ — ես Հայկական Հարցի լուծումը հենց այդպես էի դրել Լոնդոնում: Թյուրքերի հետ համաձայնության գալու իմ ջերմ ցանկության շնորհիվ, քիչ մնաց,

որ ես վշտացնեի մեր բարեկամ անգլիացիներին. այս ճամփան ես չեմ թողել: Բուլղարիկյան և քյուրք դաշինքը մի անոմալիա²⁰⁹ է, որ հարատևելու չէ: Թյուրքերը կորստաբեր խաղ են խաղում՝ ռուսներին իրենց երկիրը քաշելով, որտեղից նրանք դուրս չեն գնա: Թյուրքերին տրվում է այսօր եզակի առիթ՝ վերաշինելու իրենց պետությունը: Այս ուղղությամբ պիտի աշխատինք: Ես ձեզ խոստանում եմ առաջիկա Գերագույն Խորհրդի նիստին դնել Կովկասյան խնդիրը այնպես, ինչպես Դուք ներկայացրիք:

Չերմոկ քանի մը խոսք ասաց, որոնց միտքն էր, թե մուսուլմանները կրոնի համար ոտքի կելլեն, բայց Թյուրքիո պետական գործի համար՝ ոչ: Այդ է պատճառը, ավելացրեց նա, որ մուսուլմանները այս պատերազմին չմիացան քյուրքերին:

Բրիան հարցրեց.

— Բանի՞ միլիոն են լեռնականները:

Չերմոկ պատասխանեց՝ թե 3 1/2 միլիոն:

ԱՅՑ

ՀՈՒՆԱԿԱՆ CHARGE d'AFFAIRE-ԻՆ²¹⁰ M.

METAXAS-ԻՆ

Այսօր հուլիս 21-ին, այցի գնացի հունական Chargé d'Affaire-ին շնորհավորելու Բյուրանիայի հաղթությունը և մեր խնդակցությունը հայտնելու հույն կառավարության այս առթիվ: Պ. Metaxas, շատ զգացված այս այցից, խոստացավ հայտնել այն իր կառավարության:

Խոսք դարձավ այնուհետև հայ-հունական պրոպագանդի²¹¹ մասին Եվրոպայում, որ զրույցի նյութ է դարձած Աթենքի մեր ներկայացուցչի և Հույն Արտաքին Գործոց նախարարի մեջ: Ես, ընդունելով հանդերձ այդ կարգի պրոպագանդի համար մեր պատրաստակամությունը, ավելացրի, որ մեր ներկա նյութական կացությունը մեծ դժվարությունների առաջ է հանում մեզ այդ կարգի որևէ ձեռնարկի առաջ:

— Մորալ²¹² գործակցության համար մենք միշտ պատրաստ ենք, — ասացի:

²⁰⁹ Տարականոնություն:

²¹⁰ Գործերի հավատարմատար (ֆրանս.):

²¹¹ Տարածում (լատ.) — Գաղափարների կամ ուսմունքների տարածում:

²¹² Բարոյական (լատ.):

²⁰⁸ Հորինվածք, խաբուսիկություն, այլափոխում:

Հույն ներկայացուցիչը չէր կարծում, թե օրինակ՝ ֆրանսիական մամուլի ընթացքը հնարավոր է փոխել դրամական միջոցներով: Կասկածից դուրս է, որ այսօրվա թյուրքաֆիլ հոսանքի աղբյուրը Quai d'Orsay-ն է: Եվ այնքան ժամանակ, որ այնտեղ կախրի ներկա քաղաքականությունը, թերթերը կշարունակեն իրենց այսօրվա ընթացքը: Հետևապես, ավելացրեց պ. Մետաքսաս, մենք դիվանագիտական աշխատանք պիտի քափենք:

Այնուհետև գրույցն անցավ Չայանի մի փոքր տարականոն գրությանը, քանի որ accrédité²¹³ եղած է առանց lettre de créance-ի և այս մասին ակնարկներ եղած են հույն թերթերում: Ես նորից հիշեցրի այն պարագաները, որոնք ստեղծեցին այս դրությունը և հայտնեցի, թե առաջին իսկ առթիվ, այդ lettre de créance-ը մեր կառավարությունը կուղարկի, երբ կանոնավոր հարաբերության հնարավորություն ստեղծվի:

ԱՅՑ ՊԱՐՄԻՑ ԴԵՍՊԱՆ ՍԱՍՆԴ ԽԱՆԻՆ

Հուլիս 21, 1921

Փարիզ

Այսօր, հուլիս 21, կեսօրից հետո ժամը 3-ին, այցի գնացի պարսից դեսպանին: Մենք նրա հետ ծանոթներ էինք 1907 թվի La Hay-ի Խաղաղության Conférence-ից: Այս պարագան մեր հանդիպումը շատ սրտազին դարձրեց, և երկար գրույց ունեցանք Հայ և Պարսիկ բարեկամության մասին: Ես վերջում խոսք դարձրի Թեհրանի մեր ներկայացուցչության մասին. բուշահիկները պահանջում են պարսից կառավարությունից՝ չճանաչել Արդությանին: Ես խնդրեցի հեռագրով խնդրել պարսից կառավարության, եթե հնար է, տեղի չտալ այդ անիրավ պահանջին: Ավելացրի, որ անգլիական ու ֆրանսիական կառավարությունները մնան դիմումն արդեն արել են: Սամաղ Խան գրիչ առավ և խնդրեց ինձ՝ շատ սիրալիք կերպով միասին կազմել հեռագիրը, ինչ որ արինք: Նա խոստացավ անմիջապես դրկել:

213 Accrédité- լիազորագիր, վարկագիր, lettre de créance- հավասարմագիր:

Այսօր, հուլիս 22, առավոտյան ժամը 11¹/₂-ին, այցի գնացի Միացյալ Նահանգների նոր դեսպանին բարի գալուստ մաղթելու համուն Հայաստանի:

– Ես օգտվում եմ այս առիթից, – ասացի, – նորից արտահայտելու այստեղ հայ ժողովրդի խորունկ երախտագիտությունը հանդեպ ամերիկյան մեծ ազգի ու կառավարության, որ այնքան ազնվորեն օգնության հասավ մեզ մեր ծանր օրերին:

– Դա ամերիկյան ժողովրդի պարտքն էր – և ես կարող եմ Ձեզ վստահացնել՝ հայ ժողովուրդը շատ մեծ համակրություն ունի մեր երկրի ազգաբնակչության բոլոր խավերում և նա չի մոռացվի:

– Շնորհապարտ եմ, – ասացի, – Ձեր ազնիվ հայտարարության համար, որ ավելի քանկ է մեզ համար, քանի որ դեռ շարունակվում են մեր ազգի ծանր փորձությունները, և մյուս կողմից մենք դեռ սպասում ենք մեր Դաշնակից և բարեկամ պետությունների բազմաթիվ խոստումների իրագործման: Այս պայմաններում մեծ բախտ է մեզ համար, որ Ամերիկա, իր նոր կառավարությունը նորից հրապարակ է գալիս աշխարհի գործերում իր բարերար ազդեցությամբ:

– Տարաբախտաբար, – ասաց դեսպանը, – մեր երկիրը տակավին լիովին չի ճշտել իր քաղաքականությունը Եվրոպայի հանդեպ: Բնական է, որ Հայաստանի մասին մենք չկարողացանք անել այն, ինչ համապատասխան էր մեր ազգի համակրանքին – բայց մեծ հույս ունեմ, թե Ուշինգգորնի²¹⁴ առաջիկա Conférence-ը կարող է ձեր փորձություններին վերջ դնել:

Ես վերստին շնորհակալ եղա, և դեսպանը նորից ու նորից կրկնեց ամերիկյան ազգի համակրանքը՝ ինձ մինչև դուրը ուղեկցելով:

214 Վաշինգտոն:

ՏԵՍԱԿՅՈՒԹՅՈՒՆ
ՀՈՒՆԱԿԱՆ ԱՐՏԱՔԻՆ ԳՈՐԾՈՑ
ՆԱԽԱՐԱՐ ԲԱԼԴԱՅՅԻԻ ԵՎ
ԱՌԱՋԻՆ ՆԱԽԱՐԱՐ ԳՈՒՆԱՐԻՍԻ ՀԵՏ

Հուլիս 22, 1921

Փարիզ

Հունական Chargé d'Affaire պ. Մետաքասպի հետ համաձայնած էի, որ իրենց նախարարապետի և Արտաքին Գործոց նախարարի՝ Փարիզ հասնելուն պես նրանց հետ տեսնվեմ, նախքան Բրիտանի մոտ նրանց ունկնդրությունը:

Եվ այսօր (հոկտեմբեր 20) առավոտյան ժամը 12.30-ին, տեղի ունեցավ այդ տեսակցությունը: Hotel Crillon-ի առանձին սալոնում²¹⁵ ինձ ընդունեց պ. Բալդացցի և ինքն սկսեց առաջինը խոսել: Նա ասաց, որ պ. Չայանի հետ նա երկար գրայց է ունեցել, և լավատեղյակ է մեր առաջարկներին ու ցամաքային Հույն-Հայկական քաղաքական ու դիվանագիտական գործակցության մասին:

Գիտեմ, - ասաց, - որ դուք կկամենայիք 1) սպազա դաշնագրի մեջ հողված լինի, որով թյուրքերն ընդունին՝ Սևրի դաշնագրով, կամ թեթև փոփոխությամբ, կազմված Հայաստանը, 2) որ մենք պահենք գրաված թյուրքական հողերը, մինչև Թյուրքիան լիապես կատարի իր հանձնառությունները Հայաստանի վերաբերմամբ և, վերջապես, 3) հետագայում, Հայաստանը անկախ պետություն նկատվի, որպես Հունաստանի կենսական շահերի համար անհրաժեշտություն, և Թյուրքիայի կողմից որևէ հարձակումն Հայաստանի դեմ Հունաստանը համարի casus belli²¹⁶: Այս երեք կետերի մասին էլ, ինչպես դուք գիտեք անշուշտ, մենք ձեր ներկայացուցիչ պ. Չայանին սկզբունքային համաձայնություն տվել ենք: Ես այժմ էլ կարող եմ նույն վճռական հայտարարությունն անել - Հայաստանի վերաբերմամբ մեր մտածումները նույնն են:

Ես. - Շնորհակալ եմ Ձեր այդ սրտապնդիչ հայտարարության համար: Աշմարիտ է, պ. Չայան այդ բոլորն ինձ տեղեկագրել է, բայց ինձ համար առանձին հաճույք է նույնը լսել ձեր հեղինակավոր շրթունքից: Մեզ այնպես է թվում, որ Հայաստանի անկախ ու հաստատուն գոյությունը հունական կենսական շահերի

պահանջն է: Խնդրեմ նկատի առեք, որ երկու անգամ վերջին տարիները թյուրքերը, օգտվելով մեր նեղ ու մեղմ կացությունից, մեզ պարտադրեցին սահմանագիծ, որ միշտ նրանց միացնում էր Ադրբեյջանին: Սա դիպվածական չէ: Քաղաքական մտածումի իրագործումն է - Հայաստանը ճնջել, միանալ մուսուլման ու քաթար Ադրբեյջանին և այնտեղից ձեռք մեկնել Միջին Ասիայի, Անդրկասպյան երկրների մուսուլմանության: Մենք կարծում ենք, որ, նույնիսկ եթե ձեզ հետ թյուրքերը խաղաղություն իսկ կնքեն, չպիտի դադարին revanche-ի²¹⁷ համար պատրաստվել - Չմյուռնիան ու Թրակիան նրանք երբեք չեն մոռանա: Արդ՝ բոլորովին հասկանալի է, որ, Կովկասում ամրանալով, թյուրքերը պետք է compacie²¹⁸, մուսուլմանությունը ձեր դեմ շարժեն: Հետևապես, սպասելով ձեզնից վերոհիշյալ երեք կետերի իրագործումը հօգուտ Հայաստանի, մենք կարծում ենք՝ մեր կողմից լավագույն հատուցումը ձեզ կլինի մեր պետության, մեր անկախության ապահովությունն ու հետագա զարգացումն ու ամրապնդումը:

Բալդացցի. - Լիապես Ձեզ հետ համաձայն եմ. կավելացնեմ, որ մենք ուրախ կլինեինք, թե ձեր և թե մեր շահերի տեսակետից Կովկասյան և մյուս ժողովուրդների ազատագրության՝ քրիստոնյա թե մահմեդական: Օսմանցիները - ես դիտմամբ այս տերմինն եմ գործածում խոսափելով Օտտոման բառից - օսմանցիները Արևելքում, որպես տիրապետողներ, իսպառ մթնացրել են պետական ամենատարրական հասկացողությունը և նրա տեղ դրել կամայականության, վայրագ սանձարձակության, ավերի, ավարի, ամենավատթար բռնության բարբերը: Օսմանցի՝ չի նշանակում պետականություն, այլ պարզ ավազակային, արյունարբու, կազմակերպված ավեր ու թշվառություն՝ տիրապետած ցեղերի վրա. այս վայրագ ըմբռնումները պետք է արմատախիլ անել նախկին Թյուրքիայում, մասնավորապես մահմեդականների մեջ: Այդ տեսակետից թյուրքերը անուշադիր ձգելու չէ: Աշմարիտ է. նրանք ձեր դեմ մեծամեծ չարիքներ են գործել, բայց և այնպես անհրաժեշտ է աշխատել ուրույն Զյուրիխտան ստեղծել: Գոհ եղա իմանալով, որ Պոլսում դուք նրանց գլխավորների հետ հարաբերության մեջ եք: Մտածելու է մասնավորապես Ադրբեյջանի մասին: Վստահելի չեն, և շատ հակամետ դեպի թյուրքերը:

Ես. - Այո, ես գիտեմ, անվստահելի են, բայց աշխատելու է:

²¹⁵ Մրահ (Ֆրանս.):

²¹⁶ Casus belli (լատ.) - Պատերազմի պատրվակ:

²¹⁷ Ռևանշ, փոխվրեժ:

²¹⁸ Համախումբ:

Դուք, երևի, իմացաք, որ Կովկասյան չորս ժողովուրդների ներկայացուցիչների մեջ – հայ-թաթար-վրացի-լեռնական – այստեղ համաձայնություն է կնքված: Այս փաստը անշուշտ իր ապագա զարգացումն է ունենալու, և մենք աշխատելու ենք այդ ուղղությամբ: Էականը ժամ առաջ Արևելյան Հարցի և մասնավորապես ձեր և մեր Խնդրի շտապփույթ կարգադրումն է: Եվ բնական է, որ ցանկանայի իմանալ, թե Ձեր այս ճամփորդության հետ ինչ հույսեր են կապված: Պիտի ասեմ Չեզ, պ. մախարար, որ ես մասնավոր արժեք եմ տալիս մանավանդ Ձեր տեսակցությանը Բրիանի հետ, քանի որ ձեր և մեր դժվարությունը գլխավորապես ծագում է Ֆրանսիայից:՝

Բաղրացցի. – Ձեր դժվարությունը հասկանում եմ, բայց, ճշմարիտն ասած, ես չեմ կարողանում բացատրել ֆրանսիական հակամարտությունը ձեր դեմ: Տարիներից ի վեր այս երկիրը ձեր հանդեպ միայն համակրություն է ունեցել: Ինչպես եղավ, որ այս ճգնաժամային կացության մեջ Ֆրանսիան ձեր դեմ է:

Ես. – Արդար լինելու համար պիտի ասեմ, որ Ֆրանսիան առանձին չկամություն չունի մեր դեմ. համակրանքը կա, միայն թե անզու-ֆրանսիական հակամարտությունն է, որ անդրադառնում է ձայնադրեմ մեր բախտի վրա. մյուս կողմից շատ պատճառներով, որոնցից մի քանիսը անհիմն չեն, Հայկական Հարցի անջատ լուծումը հնարավոր չի նկատվում. սպասում են Արևելյան Հարցի՝ ձեր և թյուրքերի conflict-ի կարգադրությունը՝ մերն էլ լուծելու համար: Չեմ կարծում, թե Ֆրանսիայում առանձին հակահայ քաղաքականություն կիրառվի, կա ուժեղ թյուրքաֆիլ քաղաքականություն, որին զոհվում են մեր շահերը: Այժմ, երբ Դուք այստեղ եք և պիտի խոսեք Բրիանի հետ, մենք հույսեր ենք տաժում, որ Արևելյան Հարցը մտնում է մի նոր դիվանագիտական ֆազի²¹⁹ մեջ, և քանի որ թյուրքերը կարող են անհաշտ մնալ ուրույն Հայաստանի գաղափարին, չկամենալով զիջել մեզ այն հողերը, որ մեզ տրամադրել է Սևրի դաշնագիրը, ահա այստեղ է, որ մեզ հարկավոր է Ֆրանսիայի բարյացակամությունը և ձեր աջակցությունը մեր զբոյցի սկզբում արտահայտածս ձևով: Ձեր աջակցությունը նրանով է թանկագին, որ, ֆրանսիական և առհասարակ Դաշնակիցների հաճությունն ունենալով հանդերձ, մեր Խնդրի լուծման համար միշտ կհարկավորվի զինված ուժ՝ թյուրքերին հնազանդության քերելու: Ահա թե ինչու՝ մենք այնպես մեծ կարևորություն ենք տալիս Ձեր զբոյցին Բրիանի հետ, որը կիմանա Ձեր

չրթունքով, որ եթե Ֆրանսիան և Դաշնակիցները վճռեն Հայաստանն ազատել թյուրքերից, այդ վճիռն իրագործել տվող մեկը կա՝ Հայաստանի բարեկամ և բնական դաշնակից Հունաստանը:

Բաղրացցի. – Դաշնագրի կնքելու պահուն, ինչպես ասացի, մենք ձեր հանդեպ ստանձնած հանձնառությունները կկատարենք. ինչ վերաբերում է Բրիանին, պետք է ասեմ, որ մենք այժմ եկած չենք Ֆրանսիայի կամ որևէ այլ պետության միջնորդությունը հայցելու: Բրիանի հետ մենք պիտի խոսինք Թյուրքիայից մեր գրաված հողերին վերաբերյալ խնդիրների մասին: Եթե այդ զբոյցի ընթացքին Բրիան ինքը պետք համարեց շոշափել հունա-թյուրքական հաշտության հարցը, մենք, բնականապես, այլ խնդիրների կարգին և իր տեղին կդնենք և Հայաստանի Խնդիրը ձեր ուզած եղանակով: Բայց կրկնում եմ, Բրիանից է կախված մեր զբոյցի հետագա զարգացումը: Չափազանց ցավալի է, – շարունակեց Բաղրացցի, – որ Ամերիկայի Միացյալ Նահանգները ձեռնքափ եղան եվրոպական գործերից. Ամերիկան ձեզ խիստ համակրում է և կարող էր շատ բարիք անել և՛ ձեզ, և մե՛զ:

Ես. – Ամերիկյան ձեռնքափությունը մի փոքր պրոքրեմատիկ է. Ամերիկացիք Եվրոպայից տարբեր դիվանագիտական ձևեր ու սովորություններ ունին: Դժվար է իմանալ հաճախ, թե նրանք ե՞րբ են ձեռնքափ և երբ են հետաքրքրվում: Ամեն պարագային, կարող եմ ասել, որ նրանք մեծապես օգնեցին մեզ նորերս Կիլիկիայի հարցում: Ֆրանսիական կառավարությունն անպաշտոն կերպով Ամերիկյան կառավարության պարզ ու որոշ ցանկությունը լսեց՝ չլքել Կիլիկիայի հայերին վերստին թյուրքերու վայրագ քնահաճույքին: Եվ Բրիանի կառավարությունը, որ շատ պատճառներ ունի հարգելու Ամերիկայի այդ միջամտությունը, ստիպված եղավ Անկարայի հետ իր բանակցությունների ընթացքին Թյուրքիայից **իրական** երաշխիքներ պահանջել հօգուտ հայերի, և միայն այդ պայմանով հնարավոր է ֆրանսիական զորքերի՝ Կիլիկիայից դուրս բերվելը: Եվ քանի որ քեմալականները լսել անգամ չեն ուզում որևէ կոնտրոլի մասին թյուրքական համարված որևէ հողամասի վրա, ֆրանկո-թյուրքական բանակցությունները ձրգ-ձգվում են և կարծես հեռու են վերջնական հաջողությունից:

Բաղրացցի. – Ձեր այս հայտնությունը շատ կարևոր է: Ըստ իս՝ վատ չէր լինի, թե Դուք տեսնվեիք ամերիկյան դեսպանի հետ այստեղ՝ ճշտելու համար այսօր ամերիկյան հետաքրքրության չափը

²¹⁹ Ժամանակավոր (հուն.):

ձեր Խնդրում: Եվ հետո, Ուղիներգրքնի Conférence-ը կա, ուր մենք հրավիրված չենք: Չե՞ք կարծում, որ այնտեղ Հայկական և առհասարակ Արևելյան Հարցը կարող է շոշափվել: Գուցե լավ լիներ, թե Դուք Ամերիկա մեկնեիք այդ առթիվ:

Ես. – Մեր էլ մտածումը մույնն է, և հավանաբար կամ ես, կամ ընկերակիցս Ամերիկա անցնինք: Մենք էլ հույսեր ունինք, և մեր ներկայացուցիչն Ամերիկայում այդ հույսերը չի ժխտում:

Ներս մտալ մի քարտուղար և մի հեռագիր պարզեց Բաղաց-ցիին: Նա կարողաց ուշադրությամբ, մնաց մտածկոտ, ծալեց, գրր-պանը դրեց, ապա դարձավ ինձ.

Բաղացցի. – Թյուրքերը ֆրանսիացիներին մի քանի անգամ խաբեցին և նույնիսկ Կիլիկիայում նրանց դեմ զենք բարձրացրին – Չեզ տարօրինակ չի թվում այս պարագան, երբ Ֆրանսիա քյուլբի միակ պաշտպանն է հանդիսանում: Ես կարծում եմ, – շարունակեց Բաղացցին, – քյուլբերը հենվում են Սովետական Ռուսաստանին, և նրանց անհաշտությունն այլ հիմք ունենալ չի կարող:

Ես. – Անշուշտ, այդպես է. և այն կա, որ քյուլբերն, ինչպես ասացի, Կիլիկիայում որևէ սահմանափակում չեն ընդունում իրենց գերիշխանության. իսկ ֆրանսիացիք առանց այդպիսի սահմանա-փակումի Կիլիկիա լքել չեն կարողանում. և նրանց քանակությունները տակավին կարող են շարունակվել նորանոր անակնկալներով:

Բաղացցի. – Այս բուպեին ստացածս հեռագիրն այդ մասին է, և ես Չեզ կկարդամ խիստ confidentiel²²⁰ կերպով, իհարկե: (Նա կարդաց, թե Ֆրանսիայի ու Անկարայի միջև կնքվել է դաշնագիր Կիլիկիայի և Սյուրիայի վերաբերմամբ, բայց այդ համաձայնությունը ուժի մեջ է մտնելու Անկարայի Մեծ Ժողովի վավերացումից հետո:) Ի՞նչ կասեք այս մասին:

Ես. – Պ. նախարար, ֆրանսիացիք սրան ասում են un son de cloche²²¹, որ նպատակ ունի թուլացնել ձեր համաձայնության շաները ֆրանսիական կառավարության հետ: Այդ համաձայնությունը կնքված է Չեր գալու առթիվ, սակայն, քանի որ Անկարայի Մեծ Ժողովի վավերացումից է կախված նրա արժեքը, հավանաբար նորից ամեն ինչ ջուրը կընկնի, ինչպես մի քանի անգամ եղած է արդեն: Սպասելու ենք հետևանքներին, կարծում եմ վաղաժամ է անհանգիստ լինել:

²²⁰ Փոխվստահություն, փոխզարդանապահություն:

²²¹ Չանգի ձայն:

Այս պահուն ներս մտավ նախարարպետ Գունարիս: Բաղացցին ինձ ներկայացրեց, ապա փոխադարձ սիրալիք ողջույնից հետո՝ խոսակցությունը շարունակվեց: Բաղացցին զեկուցեց Գունարիսին մեր գրույցի էական մասերը. նախարարապետն իր կողմից լիակատար համաձայնություն հայտնեց:

Ես. – Մեր ներկայացուցիչ պ. Չայան նորերս գրած էր ինձ Հունա-Հայկական գործակցության մասին պրոպագանդի և դիվանագիտական քայլերի համար Արևմուտքում: Ավելորդ է ասել, որ մենք համաձայն ենք, և ես իսկույն հեռագրով հաղորդեցի այդ պ. Չայանին: Դուք գիտեք սակայն, որ մեր ազդեցությունն ու միջոցները շատ փոքր են այդ նպատակի համար. մենք ձեզ վրա ենք հենվելու: Մեր կարծիքով, գլխավորը մեր կարծիքների ներդաշնակությունը պիտի լինի Սևրի դաշնագրի մասին. շնորհակալ կլինեմ, եթե այս մասին ձեր մտածումներն իմանամ: Դուք գիտեք, որ Լոնդոնի վերջին Conférence-ը մեզ Home National-ը²²² առաջարկեց, իսկ մենք շարունակում ենք պաշտպանել Սևրի դաշնագիրը և պաշտպանելու ենք այնքան ժամանակ, քանի դիվանագիտական այդ ակտը ուրիշով փոխանակված չէ:

Բաղացցի. – Մեր համոզումով դա միակ ուղին է հաստատուն գործունեության. Սևրի դաշնագիրը, թեև տակավին չէ վավերացված, մնում է միակ իրավական հիմունքը ձեր և մեր պահանջների. և մեր կարծիքով, թե այն փոփոխվելու է, դա պիտի լինի միմիայն հոգուտ քրիստոնյա ժողովուրդների և ոչ հոգուտ պարտված ու հանցավոր քյուլբերի:

Գունարիս. – Ի դեպ, այս Home National-ը: Սևրի դաշնագրի հետ ինչպե՞ս են հաշտեցնում Գաշնակիցները այս Home-ը:

Ես. – Որչափ կարողացանք հասկանալ, անգամ մեր բարեկամ անգլիացիք Home-ը նկատում են միանգամայն Թյուրքիայից անկախ, ինքնավար մի երկիր, որ հետագային պիտի միանա Հայաստանի Հանրապետության. այս իմաստն ուներ փետրվարին Լոնդոնի Conférence-ի որոշումը և նույն մտքով որոշում ընդունեց Ազգերի Լիգայի Համաժողովը: Home-ը մեջտեղ նետվեց Հայաստանի Հանրապետությունը ռուս բուլշևիկների ձեռքով գրավվելու պատճառով: Հովանավոր պետությունները կարծում են, որ սովետների գոյությունը ժամանակավոր է, և նրանց անկումով Սևրի դաշնագիրը Միացյալ Հայաստանի

²²² Ազգային տուն՝ օջախ:

վերաբերմամբ կիրականանա գրեթե automatique²²³ եղանակով: Ահա թե ինչու՝ Home-ի հեղինակները այն չեն նկատում Սևրի դաշնագրի հակառակ, այլ ժամանակավոր մի դրություն դեպի Միացյալ Հայաստան: Բավական է, որ Home անվանված հայ երկրամասը բյուրքերի ձեռքից դուրս գա և իսպառ անկախ լինի:

Այսքանով վերջացավ մեր գրույցը, որ տևեց մի ժամ մի քանի լույս: Այնուհետև Գունարիս և Բաղդասցի խոստացան ինձ հետ տեսնվել Բրիանի հետ տեսնվելուց հետո: Միաժամանակ նրանք ինձ ասացին, որ Հոռն և Լոնդոն են գնալու ու ցանկություն հայտնեցին, որ ես էլ Լոնդոն գնամ իրենց այնտեղ եղած ժամանակ:

Այս երկարատև գրույցից իմ տպավորությունն այս է -

- 1) Հույն կառավարությունը լիապես ընթրնում է Հայ-Հունական շահերի համերաշխությունը;
- 2) Գեպի Կովկաս թուրքական ծավալումի վտանգը նրանք նախատեսում են և Անկախ Միացյալ Հայաստանի գոյությունն ու ամրապնդումը նկատում են Հունաստանի սպազա սպառնալույթի խնդիր;
- 3) Կնքվելիք դաշնագրի մեջ նրանք կաշխատին Հայաստանի սպառնալույթը պահանջել, եթե, իհարկե, պետք եղած աջակցությունը գտնեն Անգլիայից կամ մյուսներից;
- 4) Իրենց ներկա կացությունը շատ կայուն ու փայլուն չէ, շատ կուզեին Ամերիկայի միջամտությունը տեսնել՝ Արևելյան Խնդրում;
- 5) Երկու նախարարների նպատակն է՝ բարյացակամ մթնոլորտ ստեղծել Ֆրանսիայում, և դժգոհ չեն լինի, թե Բրիանի հետ գրույցի ընթացքին նրանց mediocion (միջոտորություն) առաջարկվի, որին շատ չեն սպասում, քայք վընտրում են անուղղակի կերպով:

Հ. Գ. - Նույն օրը երեկոյան եղա մեր բարեկամ Վիկտոր Բեբարի մոտ. այս տեսակցության մասին խոսեցի, և նա քառ առ քառ ասաց ինձ հետևյալը.

- Si d'ici en huit jours Constantin n'abdique pas la Grèce n'obtiendra rien en France, qui ne veut pas oublier l'assassinat de ses marins. Constantin a promis et il doit se retirer. C'est la dernière chance. Gounaris a fait un immense mal à son pays²²⁴.

Հոկտեմբեր 21, 1921, Փարիզ

²²³ Մեքենայարար, ինքնաբերարար, ավտոմատորեն:

²²⁴ «Եթե ասկե ուրք օրվա ընթացքին Կոնստանդինը հրաժարական չտա, Հունաստանը ոչինչ ձեռք չի բերի Ֆրանսիայի մեջ, որը չուզեր մոռանալ նավատիների սպանությունը: Կոնստանդինը խոստացել է և պարտավոր է քավել: Ասիկա վերջին պատեհությունն է: Գունարիսը սեղանը չարիք գործեց իր երկրին»:

ԵՐԿՐՈՐԴ ՏԵՍԱԿՑՈՒԹՅՈՒՆ
ՀՈՒՅՆ ՎԱՐՉԱՊԵՏ ԳՈՒՆԱՐԻՍԻ ԵՎ
ԱՐՏԱԲԵՆ ԳՈՐԾՈՑ ՆԱԽԱՐԱՐ ԲԱՆԴԱՑՑԻԻ ՀԵՏ

Լոնդոն

Նոյեմբեր 1, 1921

Այսօր երեկոյան ժամը 5½-ին տեսնվեցի հույն նախարարներ Գունարիսի և Բաղդասցիի հետ: Ներկա էր գեներալ (գորավար) Բազրատունին:

Մեկ ժամ տևած գրույցից այն տպավորությունն ստացա, որ հույները դժվարության մեջ են: Ֆրանկո-քեմալական համաձայնությունը ավելի ևս մեծացրել է նրանց դժվարությունները: Նրանց ասելով՝ Բրիտանական կառավարությունն ու հասարակական կարծիքը ամեն գնով խաղաղության կողմնակից են: Կուզեին, որ մենք հայերս մեր դիվանագիտական և պրոպագանդայի ճիգերով Արևելյան Հարցի լուծումը փութացնենք ու հեշտացնենք:

Բաղդասցիի կարծիքով՝ Կիլիկիայի հայության համար ստեղծված ծանր կացությունը ֆրանկո-բյուրք համաձայնության հետևանքով՝ հուզիչ նյութ կարող էր լինել անգլիական հասարակաց կարծիքի համար: Նա կուզեր մույնիսկ, որ Հունաստանի գրաված վայրերի հայությունը (Չմյուտնիա) հեռագրելով Լոնդոն և այլուր՝ իր բողոքը հայտներ բյուրքական տիրապետության որևէ հնարավորության դեմ: Նորից ու նորից խորհուրդ էին տալիս մեզ Ամերիկա պատվիրակություն ղրկել և այնտեղ եռանդով գործել:

Այս բոլորից հեշտ էր եզրակացնել, որ նրանք դժվարություններ ունեն և, հակառակ Բրիտանական կառավարության բոլոր համակրանքին, զգում են, որ իրական օգնություն չեն ստանա և որոշ հույներ են կապում հայերի գործակցության և աջակցության հետ:

Իմ հարցին, թե իրենց գրույցի ընթացքին խոսք եղե՞լ է Հայաստանի մասին, Բաղդասցի պատասխանեց, թե՛ հաճախ, և որ Բրիտանական բարձր շրջանակների տրամադրությունը շարունակում է մնալ համակիր՝ հայերին: Մակայն նա ավելացրեց, որ այս հանգամանքը մեզ պետք չէ լիապես գոհացնի: Եթե Անգլիա ևս, Ֆրանսիայի և Իտալիայի օրինակին հետևելով, ստիպված լինի անջատ համաձայնություն կնքել բյուրքերի հետ, վտանգ կա, որ Հայաստանի Խնդիրը կարող է դուրս մնալ և մենք կարող ենք զոհ գնալ: «Ահա թե որ վտանգի դեմ դուք պետք է պայքարեք»: Նա ավելացրեց սակայն, որ Բրիանի վերադարձից առաջ Արևելյան Խնդիրը մեջտեղ պիտի հանվի և որ դա մի բարեհաջող

պարագա է, քանի որ հնար կտա մեզ (հայերին և հույներին) աշխատելու: Ասաց նաև, որ Անգլիան ճիգ պիտի թափի Արևելյան Հարցը կարգադրել մյուս երկու Դաշնակիցների հետ համախորհուրդ և միաբան:

Հույն նախարարները այստեղից գնում են Հոռմ:

ՏԵՍԱԿՑՈՒԹՅՈՒՆ

ԱՐԵՎԵԼՅԱՆ ԳՈՐԾԵՐԻ ԴԻՐԵԿՏՈՐ ՕՍԲՈՐՆԻ ՀԵՏ

Լոնդոն

Նոյեմբեր 2

Ես պատմեցի նրան Կարսի վերջին ռուս-թյուրքական համաձայնության մանրամասները և ծանրացա թյուրքերի կողմից Կովկասի գրավման կարելիության և նրանից ծագող վտանգների վրա:

Այս խնդիրների շուրջը բավական երկար մտքերի փոխանակություն եղավ, որի ընթացքում, ես քարտի (քարտեզի) վրա ցույց տվի Մովետական Հայաստանի և Քեմալիստ Թյուրքիայի միջև հաստատված սահմանագիծը և նրա քաղաքական ու ռազմական նշանակությունը:

Ձրույցի նյութ եղավ նաև ֆրանկոթյուրք վերջին համաձայնությունը և նրանից առաջ գալիք ահագին վտանգը Կիլիկիայի հայության համար, որ ձգվում է անպաշտպան թյուրքերի քմահաճույքին:

Ես դրեցի վերջում հետևյալ կոնկրետ հարցերը.
ա) Ի՞նչ կլինի Բրիտանական կառավարության դիրքը Թյուրքիայի նոր առաջխաղացության պահուն դեպի Կովկաս, դեպի Բաքու;

բ) Հնարավո՞ր է Մեծն Բրիտանիայի անջատ համաձայնությունը թյուրքերի հետ, մնան ֆրանսիականին;

գ) Այդպիսի համաձայնությունը կարո՞ղ է Հայկական Հարցը դուրս թողնելու գնով լինել:

Օսթրոնը պատասխանեց.

1) Եթե Թյուրքիան արշավի Անդրկովկաս, Անգլիան հազիվ թե հնար և միջոց ունենա այդ արշավանքը խափանել: Դա շատ ցավալի կլինի, բայց ինքը սիրում է պատրանք չթողնել:

2) Անգլիան քնավ տրամադիր չէ որևէ անջատ խաղաղություն կնքել թյուրքերի հետ, որովհետև նա առանձին նյութական շահեր,

առանձնաշնորհումներ չի հետամտում, այլ՝ քաղաքական շահեր: Անգլիան Արևելյան Հարցը կլուծի Դաշնակիցների հետ համեքաշխ:

3) Եվ հետևապես Հայկական Հարցը, որպես Սևրի դաշնագրի ընդունած խնդիրներից մեկը, չի կարող դուրս մնալ և չպետք է դուրս մնա, այլ իր լուծումը կստանա ամբողջի հետ միասին: Եվ, ավելացրեց վերջում «վախենալու պետք չունիք»:

4) Ինչ վերաբերում է Կիլիկիային, Օսթրոնը կարծում է, թե դա խաղաղություն չէ Ֆրանսիայի և Թյուրքիայի միջև, դա մի մասնակի համաձայնություն է, որ դուրս է Սևրի դաշնագրից:

Տպավորությունս այն է, որ Օսթրոնը ֆրանկ-և-թյուրք համաձայնության մասին իր իսկական զգացումը չարտահայտեց և այդ մասին արած իմ առաջարկություններին խուսափողական պատասխան տվեց:

ՏԵՍԱԿՑՈՒԹՅՈՒՆ

ԼՈՆԴՈՆՈՒՄ ԱՄՆ ԴԵՄՊԱՆ Պ. ՀԱՐՎԵՅԻ ՀԵՏ

Լոնդոն

8 նոյեմբերի, 1921

Այսօր, նոյեմբերի 8-ին, տեսնվեցի Միացյալ Նահանգների Լոնդոնի դեսպան Պ. Հարվեյի հետ: Ձրույցի նյութն էր ֆրանկոթյուրք վերջին համաձայնությունը: Ես պարզեցի մեր հայեցակետը այսպես.—

- 1) Դաշնակիցները Կիլիկիան գրավել են հայերի զինվորական աջակցությամբ, որի փոխարեն հայերին խոստացած են լուրջ երաշխիքներ Կիլիկիայում;
- 2) Դաշնակիցները քաջալերել են հայերի վերադարձը Կիլիկիա, և այսօր նրանց թիվը 150 հազար է այնտեղ;
- 3) Ֆրանսիան Կիլիկիան գրավել է հանուն Դաշնակիցների քրիստոնյաների պաշտպանության համար;
- 4) Կիլիկիայի Խնդիրն առանձին չի կարելի կարգադրել. նա կապված է Արևելյան Խնդրի և Հայոց Հարցի հետ;
- 5) Անջատ համաձայնությունները միաժամանակ զորացնում են թյուրքերին և նրանց դաշնակից բոլշևիկներին և ամրապնդում նրանց փոխադարձ դիրքը Կովկասում և Հայաստանում:

Այս բոլոր պատճառներով ես ստիպված եմ հանուն հայ ազգի

բողոքել ֆրանկո-թյուրք համաձայնության դեմ, որ առանց որևէ իրական երաշխիքի 150 հազար հայություն հանձնում է թյուրքերի տիրապետության այն ժամանակ, երբ նույն թյուրքերը ոչ միայն Թյուրքաց Հայաստանն են տիրում, այլև անցյալ տարվանից հրով ու սրով գրավեցին Կովկասյան Հայաստանի մի կարևոր մասը: Գիտեմ, որ Ամերիկյան անմիջապես չի մասնակցում եվրոպական գործերին, բայց նրա բարոյական ազդեցությունն անազն է: Եվ քանի որ պ. դեսպանը Ամերիկյան է ներկայացնում Գերագույն Խորհրդում, պիտի խնդրեի իր ազդեցությունը գործ դնել, որպեսզի Դաշնակիցներն առաջմ չպարպեն Կիլիկիան՝ առանց իրական երաշխիքների քրիստոնյաների ապահովության համար և, եթե, վերջ ի վերջո, Կիլիկիան ձգվելու է թյուրքերին, դա պետք է կատարվի այն ժամանակ միայն, երբ թյուրքերը կդատարկեն քե՛ Կովկասյան և թե՛ Թյուրքաց Հայաստանը և կիրագործեն փոքրամասնությանը երաշխիքները Կիլիկիայում:

Հարվել. – Չեր բոլոր ասածները են կհաղորդեմ իմ կառավարության: Ես պետք չունիմ Չեզ ասելու, բայց Դուք հասկանում եք անշուշտ, որ անզու-ֆրանսիական հարաբերությունները չափազանց լարված են և այսպես շարունակվել չեն կարող: Ի մտտ կզումարվի Գերագույն Խորհուրդը, որին անդամ են ես: Կուզեի մտտիկից ծանոթանալ ձեր Հարցի հետ: Շատ ուրախ կլինեի ձեռքիս տակ ունենալ մի հուշագիր ձեր Խնդրի մասին: Ես խոստանում եմ Չեզ՝ պաշտպանել ձեր շահերը Չեր ներկայացրած եղանակով Գերագույն Խորհրդում:

Ես շնորհակալ եղա դեսպանից, երախտագիտությունս հայտնեցի Ամերիկայի մեծահոգի և առատաձեռն օգնության համար Հայաստանին:

Մի քանի օր հետո, ներկայացրի պ. Հարվելին ընդարձակ հուշագիր Հայկական Հարցի մասին՝ ցույց տալով միաժամանակ նրա լուծման պայմանները:

ՈՒՆԿՆԴՐՈՒԹՅՈՒՆ
ԲՐԻՏԱՆԱԿԱՆ ԱՐՏԱԷԻՆ ԳՈՐԾՈՑ ՆԱԽԱՐԱՐ
ԼՈՐԴ ԶԵՐԶԵՆԻ ՄՈՏ

Լոնդոն

Նոյեմբեր 19, 1921

Այսօր, նոյեմբեր 19-ին, Լորդ Զերզեն ընդունեց ինձ և Նորատունկյանին: Ինձ ընկերակցում էր մեր ներկայացուցիչ զեմ. Բագ-

րատունի, իսկ Նորատունկյանին՝ պ. Մալքուն:

Զերզենի մոտ մեզ առաջնորդեց իր կաբինետի վարիչ պ. Վանգիտտար:

Նորատունկյանի ցանկության անսալով՝ առաջինը խոսք առա ես:

Ահարոնյան. – Միլորդ, – ասացի, – հակառակ մեր խորին համոզումին, որ Բրիտանական կառավարությունը ձեռքից եկածը չի խնայում օգնելու հայ ժողովրդին մեր Դատի այս ցավալի օրերին, այնուամենայնիվ մեզ թվաց, որ պարտք ունինք Չեր հատուկ ուշադրությունը հրավիրել ֆրանկո-թյուրք համաձայնությունից բխող մի քանի հետևանքների վրա, որոնք հայ ժողովրդի վրա ծանրանալու բնույթն ունին: Այս տեսակետից պարտք են համարում նկատել տալ, որ Կիլիկիան այսպես, առանց իրական երաշխիքի, պարպելով և այն թյուրքերին ձգելով, Դաշնակիցներին ձեռքից թողնում են մի քանկարժեք գրավական, որ մենակ զուցե բավական լիներ թյուրքերին բռնադրելու Արևելյան Հարցը կարգադրող որևէ դաշնագիր: Մինչդեռ Կիլիկիան տիրապետելով՝ թյուրքերն ավելի ըմբոստ և ավելի պահանջկոտ կդառնան: Թյուրքերի ուշադրությունից չի վրիպում անշուշտ այն պարագան, որ Կիլիկիան նրանք ստանում են Դաշնակիցներից ճիշտ մի շարք հետո այն մյուս դաշնագրից, – Կարսի դաշնագիր, – որով Սովետ Ռուսաստանի ճնշման տակ Հայաստանը (սովետականները) թողնում է Թյուրքիային Կովկասյան Հայաստանի մեկ կարևոր բաժինը՝ Կարսի, Արդահանի և Սուրմալուի շրջանները: Այս գուգադիպությունը մեծապես քաջալերիչ է թյուրքերի համար:

«Այս նշանակալից փաստը պիտի բարձրացնի թյուրքերի վարկն Արևելքում ի վնաս ընդհանուր խաղաղության և մասնավորապես ի վնաս մեր Հայ Դատի: Խուսափելու համար այս ցավալի հետևանքներից՝ կարծում ենք, որ Դաշնակիցները չպիտի պարպեն Կիլիկիան»

- 1) առանց կանխավ դատարկել տալու հայկական բոլոր հողերը Թյուրքական և Կովկասյան Հայաստանում, և
- 2) առանց իրական երաշխիքներով ապահովելու Կիլիկիո հայության ազատությունը թյուրքական բռնություններից, ինչ որ խոստացված է նրան բազմիցս:

«Խնդրում ենք նկատի առնել, որ Կիլիկիան իրենց ձեռքին ունենալով և գորանալով, հենված այդ փաստի՝ առաջ քերած իրենց նոր վարկին, թյուրքերն այսօր լրջորեն սպառնում են և Կովկասյան հայության: Այս երկյուղը մտացածին չէ, եթե

խորհիւնք, որ բուշկիզնը մի ժամանակավոր, անհաստատ կացութիւն է, որ կարող է ամեն բոլոր քաշվել Կովկասից, ինչպէս այդ եղավ 1918 թվին, և այդպիսով կամավ կամ բռնադատված լքել Կովկասը թյուրքական քմահաճութիւն:

«Մենք լուրեր ունինք, վատահեղի լուրեր, որ Կարսի կոնֆերանսում ռուս Սովետը, այս պատահականութիւնն ի նկատի առնելով, փորձել է համաձայնութեան գալ թյուրքերի հետ Կովկասը նրանց թողնելու պայմանների մասին, եթէ Ռուսիան կովի բռնվի Լեհաստանի կամ Ռումանիայի հետ: Ես խնդրում եմ հավատալ, որ ռուսների Կովկաս պարսպելը բնավ անհնարին չէ, և ներկա պարագաներում, երբ ոչ Արևելյան և ոչ Հայկական Հարցն է լուծված, երբ հայ-թյուրք հարաբերությունների սրությունը թյուրքերի վայրագութեան քաջակերիչ պիտի լինի, այսպիսի մի հեռանկարը ռուսների քաշվելը Կովկասից՝ կլինի հայության համար զարհուրելի կատաստրոֆա²²⁵: Հայ ժողովուրդը, բուշկիկներին առելով հանդերձ, սարսափում է թյուրքի առաջխաղացման հեռանկարից: Սակայն, ինչպէս ասացի, ռուսների նահանջը Կովկասից կարող է տեղի ունենալ անսպասելի ժամին, և թյուրքական արշավանքը՝ նույնպէս՝ իր բոլոր սուկալի հետևանքներով հայության համար: Այս ահռելի կատաստրոֆից ազատվելու համար, մեր կարծիքով, անհրաժեշտ է այլևս չձգձգել և հնար եղածին չափ արագացնել Արևելյան և Հայկական Հարցի լուծումը՝ հայ-թյուրք հարաբերությունները նորմալ դարձնելու համար: Այլպէս թյուրքերը, պատեհ առիթից օգտվելով, մահացու հարված կարող են հասցնել հայ ժողովուրդին և միաժամանակ համայն Արևելքը շփոթի ու խռովի մեջ կծգեն:

Լորդ Բրոքլին. – Իրավունք ունիք. եթէ թյուրքերը վերստին արշավեն դեպի Կովկաս ու Հայաստան, հայությունը իսպառ կփչանա (Լորդ Բրոքլին ձեռքի հուսահատ շարժում արեց դեպի վար): Մենք կաշխատենք փութացնել Արևելյան Խնդրի կարգադրությունը: Ինչ վերաբերում է Կիլիկիային, Դուք գիտեք, որ այդ շրջանը վերաբերում է Ֆրանսիային և Դուք պիտի դիմեք Բրիտանիան, Բեռլինին (Լորդ Բրոքլինի ձայնի և շարժումի մեջ ցատկոտ, զսպված հեզություն կար):

Անարտնյան. – Մենք նրանց հետ տեսնվել ենք, միտքով: Մեր բոլոր անհանգստության Կիլիկիո հայության սպառնացող վտանգի մասին, նրանք միայն մի պատասխան ունին՝ թե մենք

պետք է վատահիւնք, հավատ ունենանք դեպի թյուրքերի պարկեշտությունն ու խոստումը: Դուք գիտեք, սակայն, թե ինչ արժեք ունի թյուրքի խոստումը, երբ մանավանդ դա վերաբերում է քրիստոնյաների ապահովության: Մյուս կողմից, քանի որ Կիլիկիան գրավված է ֆրանսիացիներից հանուն Դաշնակիցների, մեզ արդար և իրավացի թվաց, որ դիմենք բոլոր Դաշնակիցներին և մասնավորապէս Մեծն Բրիտանիայի կառավարության: Հայ ժողովուրդն այսօր պանիկով²²⁶ բռնված՝ մեզ է դիմում միջոցներ տալ իրեն գաղթելու: Գուցէ կարելի էր ֆրանսիականի փոխարեն միջ-դաշնակցային զորքերով կարգ պահպանել Կիլիկիայում մինչև Արևելյան Խնդրի կարգադրությունը:

Լորդ Բրոքլին. – Հավատացեք ինձ, որ ձեր Խնդրով ես մեծապէս զբաղված եմ: (Սա խուսափողական պատասխան էր իմ կատեգորիկ առաջարկին:)

Նորատունկյան. – Կիլիկիայի հայ ժողովուրդը կովել է այդ երկրի ազատագրության համար Դաշնակիցների շարքերում և 150 հազար հայություն, Դաշնակիցների խոսքին վստահած, եկած հաստատված է Կիլիկիա: Այս ժողովուրդը նորից թյուրքերին հանձնելը՝ նրանց ջարդել տալ կնշանակի: Ֆրանկո-թյուրք համաձայնությունն ամբողջ Արևելքում պիտի ծառայի Դաշնակիցների վարկի նվազման և թյուրքերի քաջալերության: Եթէ Ֆրանսիան ֆինանսական դժվարություններ ունի, կարելի չէ՞ արդյոք խնդրի այդ կողմը կարգադրել՝ փրկելու համար 150 հազար հայությունը: Հավատալ թյուրքերին անհնարին է: Ես նրանց ճանաչում եմ մոտիկից, մասնավորապէս քեմալիստ կոչվածներն վատթար ավագաններ են, բուշկիզմի բարեկամ, պանիսլամիստ, պանթուրանիստ: Ցավալի է, որ Ֆրանսիան թողեց Պոլսի սուլթանական օրինավոր կառավարությունը և կապվեց այս ավագանների հետ: Կիլիկիայի Խնդրի այսօրինակ միակողմանի կարգադրությունը ամեն տեսակետով աղետավոր է հայության համար: **Մենք պնդում ենք Սերի դաշնագրի վրա և պիտի պնդենք:** Նա պետք չէ թղթի կտոր դառնա: Աշխարհում տեսնված չէ, որ մի դաշնագիր մերժվի ոչ թէ պարլամենտներից, այլ ստորագրող կառավարություններից: Եթէ Սերի դաշնագիրը պիտի փոփոխվի, նա պիտի կատարվի բոլոր ստորագրող պետությունների մասնակցությամբ (առանց Թյուրքիայի) և ոչ թէ այսպիսի միակողմանի ձևով, ինչպէս ֆրանկո-թյուրք համաձայ-

²²⁵ Աղետ: Բնական կամ արհեստական վտանգերի արագ արձակումը:

²²⁶ Խուճապ: Բնական կամ արհեստական վտանգերի արագ արձակումը:

Լոնդոն

22 նոյեմբեր, 1921

նությունն է: Հետո, ես կխնդրեի, որ մի միջ-դաշնակցային հանձնաժողով մեկնեք Կիլիկիա՝ տեղի վրա տեսնելու, թե մինչև ո՞ր աստիճան վտանգավոր է թյուրքերին վստահիլ և ըստ այնմ միջոցներ ձեռք առնել:

Լորդ Զրրզրն. — Ձեր բոլոր ասածները կարելի է երեք գլխավոր մասի բաժանել: 1) Ֆրանկո-թուրք համաձայնությանը Մուստաֆա Քեմալ կուժեղանա ի վնաս Դաշնակիցների: Ես լիապես բաժանում եմ այդ կարծիքը: Դա շատ վտանգավոր պարագա է: 2) Սևրի դաշնագրի որևէ փոփոխություն պետք է Դաշնակից մեծ պետությունները միաբան ու միասին կատարեն: Ես ևս գտնում եմ, որ դա այդպես պետք է լինի և պնդում եմ Սևրի դաշնագրի վրա: 3) Տարաբախտաբար Հյուսիսային Հայաստանն առայժմ Մովսես է: Ինչ վերաբերում է Հարավային Հայաստանին՝ դուք վստահ կարող եք լինել, որ առաջիկա Համաժողովում ես այն կպաշտպանեմ: Հավատացեք ինձ, որ Հայկական Հարցը, հայերի իրավունքների պաշտպանությունը, եթե հավատում եք ինձ, ես իմ ուժերը չեմ խնայի պաշտպանելու համար: Մենք նոր ստացանք ֆրանսական կառավարության պատասխանը մեր տված նույնիսկ: Հավատացեք ինձ, որ ես ամենաուշադիր և ամենակրկիտ քննության առա հատկապես հայերին վերաբերյալ բաժինը: Ես հայերին չեմ լքել, ինչպես և Հայկական Հարցը:

Նորատունկյան. — Կարո՞ղ եք հեռագրել Կիլիկիա, որ ժողովուրդը չգաղթի, մնա իր տեղում:

Լորդ Զրրզրն (մտածկոտ). — Եթե վախկոտ եմ, կփախչեմ: Բայց գերադասելի կլինեք, որ քաջ լինեին ու մնային իրենց տեղերը: Ձեր կողմից կարող էիք հեռագրել այդ:

Ունկնդրությունը վերջացավ, 45 րոպե տևեց:

Հրաժեշտի վայրկյանին ասացի.

Ահարոնյան. — Միլորդ, անցյալ տարի, մի այսպիսի ունկնդրության պահուն Դուք բարի եղաք ասելու, թե Հայ Պետության ստեղծումը Դուք Ձեր կյանքի լավագույն գործերից մեկն եք համարում: Ձեր ազնիվ խոսքերը զիտե մեր ժողովուրդը, նա սպասում է:

Լորդ Զրրզրն. — Իրավունք ունիք, ես չեմ մոռացել:

Մեկնելուցս առաջ վերջին անգամ տեսնվեցի Լորդ Զրրզրնի կաբինետի գլխավոր Վանգիտտարի հետ:

Զրույցի նյութն էր՝

1) Կովկասյան հանրապետությունների հակաբուլժիկյան շարժման ձգտումները:

Ես ասացի, որ մեր ժողովուրդը, համոզված հակառակորդ լինելով բուլժիզմին, այնուամենայնիվ երկրներանքի կրիտիկական շրջանում միշտ բուլժիզմը կգերադասի թուրքից: Առաջինը չի կոտորում, երկրորդը միայն կոտորել գիտե: Մեր ժողովուրդի այս համոզումն այնքան անխախտ է, որ, հակառակ մեր բոլոր վստահության և հավատին դեպի բրիտանական կառավարությունը, անգամ եթե Լոնդոնից այդպիսի խորհուրդ տրվեր, հայությունը բուլժիկների դեմ չի զնա այնքան ժամանակ, որ կլինի թյուրքական առաջխաղացության արյունոտ հեռանկարը:

Վանգիտտար. — Իրավունք ունիք, թյուրքերին չէ կարելի գերադասել բուլժիկներից: Ես ուրիշ առթիվ ասել եմ և Չխենկելիին: Այս պահուն բուլժիկների դեմ որևէ ձեռնարկ ձեր կողմից կվերջանա կատաստրոֆով ձեզ համար:

Ահարոնյան. — Ոմանք կուզեին այս ձեռնարկն անել թյուրքերի աջակցությամբ և նույնիսկ թյուրք հողի վրա պատրաստել կադրեր թյուրք սպաներով: Մենք չենք ուզում քայլել այդ ճանփով և, վճռապես, դեմ կլինինք: Թյուրքերի հետ այդ ուղղությամբ որևէ ձեռնարկ, եթե այն երբևիցե լինելու է, պիտի ստորադասվի Հայկական Խնդրի լուծման և հայ հողերի վերադարձին:

Վանգիտտար. — Դուք միշտ դրիք խնդիրը. ճախ՝ Հայկական Հարցի կարգադրություն, հայ հողերի վերադարձ, ապա՝ զրույց այս մասին:

Ահարոնյան. — Ձեր այս կարծիքը մեզ համար շատ թանկագին է և զուգադիպում է մերինին: Թույլ տվեք, սակայն, մեր մի անհանգստությունն այստեղ պարզել:

2) Ես իմանում եմ, որ այստեղ Լոնդոնում շրջաններ կան, որոնք խորթ աչքով չէին դիտի, եթե տեսնեին թյուրքերի մի նոր առաջխաղացումը դեպի Անդրկովկասի խորքերը, դեպի Բաքու և թյուրքական hegemonic-ի²²⁷ հաստատությունն այդ երկրների

²²⁷ Գերիշխանություն (հունարեն) — Որևէ դասակարգի կամ պետության ղեկավար, խշխանական դերը՝ մյուս դասակարգերի կամ պետությունների հանդեպ:

վրա: Ըստ իս՝ ավելի կարճամիտ ծրագիր դժվար է երևակայել: Եթե այսօր ոռոսներն այնքան անգոր լինին, որ թյուրքը կարողանա գրավել Կովկասը, հավատացեք ինձ, որ նա հետագայում կգա ավելի իրավունքով, քան եթե Կովկասը մնար իր բնիկներին, հայերին, վրացիներին ու թաթարներին: Ռուսը կարող է, վերջ ի վերջո, հասկանալ ու հաշտվիլ, որ Կովկասը բնիկների սեփականություն դառնա, քայց նա չի կարող հանդուրժել Կովկասը թյուրքական: Թյուրքը Կովկասում պիտի անվերջ հուզի Ռուսիայի ներսի և շրջապատի մուսուլմաններին, և բնական է, որ Ռուսիան ըմբոստանա այս կարեկիրության դեմ: Կովկասյան պետությունները միմեակ, առանց թյուրքի շատ ավելի հիմքեր ունին *légalé*²²⁸ ու *juriditique*²²⁹, իրենց անկախ գոյությունն ընդունել տալու ոռոսներին քան թյուրքերի հետ, որոնց մասնակցությունը²³⁰ այս արդար դատը, Կովկասյան ազգերի սեփականությունը կվերածվի մի վատ ավանդույտայի²³¹: Հայ ժողովուրդը այսպես է համոզված և ամեն տեսակետից նա չի կարող թյուրքական որևէ առաջխաղացումն քաջալերել, ևս առավել աջակցել ու գործակցել:

Վանզիտտար. – Ես կատարելապես Չեզ հասկանում եմ: Ես ուրախ եմ, որ դուք այդ ծրագրով եք գործելու: Ես շատ գոհ եմ, որ Դուք տեսնվեցիք Լորդ Զորզոնի հետ: Ամեն տեսակետից այդ շատ լավ եղավ:

ՏԵՍԱԿՑՈՒԹՅՈՒՆ Օ՛ՔՈՆՆՈՐԻ ՀԵՏ

Լոնդոն

Նոյեմբեր 23, 1921

Չրույցի նյութն էր այդ դիմումը, որ մի խումբ բրիտանացի հայասերներ մտադրած էին անել Բրիտանիան Հայկական Հարցի հա-մար:

Օ՛Քոննոր կամեցավ իմ կարծիքն իմանալ այն մասին թե՛
ա) Հարկավոր է այդ դիմումը:
բ) Բրիտան կհամաձայնի՞ ընդունել այդպիսի պատվիրակություն:

²²⁸ Օրինական, օրենքին պատշաճ:

²²⁹ Իրավական:

²³⁰ Գուցե՝ մասնակցությամբ:

²³¹ Արկածախնդրություն:

գ) Հայկական Հարցի ո՞ր կետերի վրա պետք է ծանրանալ:

Առաջին երկու կետին ես տվի դրական պատասխան:

Գալով նյութին՝ ես պարզեցի Օ՛Քոննորին այն միտքը, որ միմիայն Կիլիկիայով կամ քրիստոնյաների պաշտպանությամբ չպիտի բավականանալ, այլ դնելու է գլխավորապես հայ պետության, թյուրքահայ հողերի անջատման խնդիրը թյուրքերից:

Նա համաձայնեց ինձ հետ: Դիմումը կատարելու էին Լորդ Բրայսի հետ:

ՏԵՍԱԿՑՈՒԹՅՈՒՆ

ՖՐԱՆՍԻԱՅԻ ՎԱՐՉԱՊԵՏ Պ. ԲՐԻԱՆԻ ՀԵՏ

Փարիզ

7 դեկտեմբեր, 1921

Այսօր, ցերեկվա ժամը 12-ին, Արտաքին Գործոց նախարարության շենքի մեջ պ. Նորատունկյանին և ինձ ընդունեց վարչապետ Բրիան մեր խնդրի համար:

Չրույցի նյութն էր ֆրանկո-թուրք համաձայնությունը, Կիլիկիայի պարպումը և առհասարակ Հայկական Խնդիրը:

Բրիան մե՛նակ էր: Առաջինը խոսք առավ Նորատունկյան:

Նորատունկյան. – Պ. Նախագահ, մենք եկած ենք Կիլիկիայի

չարաբաստիկ Խնդրի մասին Չեզ հետ խոսելու ու շնորհակալ ենք, որ բարի եղաք շուտափույթ կերպով մեզ ունկնդրություն շնորհել: Դուք հիշում եք անշուշտ, պ. Նախագահ, որ ժամանակին, երբ Դուք տակավին վարչապետ չէիք, մեզ ասացիք, թե Կիլիկիայի Խնդիրը Չեր սեփական գործն է: Այն ժամանակից հետո, ահա մենք ֆրանկո-թուրք համաձայնության ծանր հետևանքների առջև ենք կանգնած: Տարաբախտաբար, Դուք բացակա էիք, և մենք անկարող եղանք ժամ առաջ Չեր ուշադրությանը հանձնել քանի մը կետեր, որոնք, ըստ մեզ, կարող էին բարվորել ստեղծված ծանր դրությունը: Գոհ ենք, որ գեթ այժմ մեր անհանգստությունները Չեզ կհայտնենք: Ժամանակին մենք երկու հուշագիր ներկայացրինք Հանրապետական Կառավարության, որ դրկվեց գե՛ն. Գուրոին և նրա հաճությամբ իսկ ստացանք: Մենք ցույց էինք տալիս Կիլիկիո Պրոբլեմը լուծելու արդար ու գործնական միջոցներ: Եվ, սակայն, մնաց անուշադիր: Այնուհետև Դուք, պ. Նախագահ, Բեքիր-Սամիի հետ համաձայնություն կնքեցիք, որը նույնպես ավելի տանելի էր: Այս նոր համաձայնության և հիմն

միջև ահագին տարբերություն կա՝ ի վնաս մեզ: Եվ մեր ժողովուրդը փախում է արասփած:

«Պետք է ասել, որ Կիլիկիայի Խնդիրն այնպիսի հուզում է պատճառել մեր ժողովրդին, որ ամեն կողմից ներդրում են հուսաբեկիչ հեռագրերով, որոնք այսօր դեզ են կազմում: Ցավալիմ այն է, որ Ֆրանսիան համաձայնություն է կնքել Անկարայի Ժողովի հետ, որ ոչ այլ ինչ է, եթե ոչ ոճրագործների մի ժողովածու: Ես դրանց մեծ մասին անձամբ ճանաչում եմ: Շատերը քսանհինգ տարվա իմ պաշտոնավարության ընթացքին ձեռքիս տակով են անցել: Եվ կարող եմ վստահաբար ասել, որ սակավ քացառությամբ ամենքը պանիսլամիստ, պանթուրանիստ, մանավանդ օտարատյաց հանցագործներ են, որոնց համար չկա սրբություն: Եվ մեր ժողովուրդը երևակայել չէր կարող, թե նորից այս մարդասպանների իշխանության պիտի ենթարկվի: Սա մի սարսափելի աղետ է, որովհետև դրանք բարոյապես սմանկացած, մի քանի անգամ սնանկ հայտարարված մարդիկ են, որոնց հավատայն այլևս անհնարին է, մանավանդ որ իրենց բոլոր ոճիրների համար ոչ միայն որևէ պատիժ չստացան, այլ սիրաշահվեցին, քաջալերվեցին: Անցյալ մարտին Լոնդոնում Բեքիր Սամին եկավ մի պատվիրակությամբ, որի անդամներից երեքը հակառակ հանվանե հայտնի են որպես իսկական ջարդարներ: Բեքիր Սամին ձեռքերը հայի արյան մեջ չեն շահախված, բայց նա թուրք չէ, այլ չերքեզ: Մնացած երեքը՝ իսկական մարդասպաններ: Ի՞նչպես կարելի եղավ, որ Լյոռի Ջորջի և այլոց հետ թեյի հրավիրվեին: Այս փաստը հայ ժողովրդի սիրտը խոցեց: Էլ ու՞ր մնաց այն հանդիսավոր հայտարարությունը, որով մեծ պետությունները պատասխանատու էին հռչակում այս չարագործներին հայերի կոտորածի համար: Ու՞ր մնաց պատիժը: Եվ այժմ, այս բոլորից հետո, Ֆրանկլին Բույոն մեզ հրավիրում է վստահիլ, հավատ ընծայել այս չարագործներին: Մենք այդ չենք կարող անել, պ. Նախագահ: Անկարայի խոստումները կեղծիք են, վատ խաբեություն, և հայ ժողովուրդը զարհուրելիորեն կատիժի, եթե հավատ ընծայի նրանց խոստումներին: Եթե անմիջական կոտորած էլ չանեն, հազար միջոց գիտեն փշացնելու հայերը: Նրանք ամենքը դաստիարակված են Արդյուլ-Համիդի ոգիով, նրա ձեռքի տակ, իսկ հայտնի է, որ այս դաժան սուլթանի դաստիարակությունն ու ոգին ապականություն էր: Այո՛, Անկարայի Ժողովը հայտարարել է քրիստոնյաներին ազատ զինվորությունից...»

Բրիան. – Տեսնու՞մ եք, ահա՛ իմ հրահանգների արդյունք-

ներից մեկը, դեռ կան ուրիշները ևս:

Նորատունկյան. – Այո՛: Բայց մինչև ե՞րբ: Հետո, կան Réquisition-ները²³² (բռնագրավումները): Կան ծածուկ հարածանքները: Կան անիրավ դատարանները: Կան աշխատանքի պատրվակով տներից, ընտանիքներից իվված երիտասարդները, որ էլ ետ չեն գալիս: Ո՞ր մեկն ասեմ: Նոր փորձերի պետք կա՞ր այս բոլորն իմանալու համար: Մենք պատրաստ ենք աջակցել Ձեզ խաղաղության, հանգստության գործին: Բայց ո՞ր է երաշխիքը մեր ժողովրդի ապահովության:

Բրիան. – Բայց Դուք ի՞նչ կառաջարկեիք:

Նրատունկյան. – Շատ ուրախ եմ, որ այս հարցը տվիք: Այս բոլորին իմ պաշտոնակից պ. Ահարոնյան ճիշտ այդ հարցի պատասխանը կտա:

Բրիան. – Դուք ևս պետք է նկատի առնեք, պարոններ, որ այս համաձայնությունը կնքել մենք ստիպված ենք եղել: Ֆրանսիայի դժվարություններին ծանոթ եք: Մեր միջոցները չեն ներում Արևելքում այդպիսի մեծածախս բանակ պահել: Ոչ մի պարլամենտ չի կամենա մեր պայմաններում այդ բանակի բյուջեն քվեարկել: Մենք այնուամենայնիվ սպասեցինք մինչև վերջին կարելիությունը: Ավելի սպասել մեզ համար, հավատացեք ինձ, անհնարին է, մեր ուժերից վեր է: Հազարներով զոհ տվինք Կիլիկիային և միլիոններ ծախսեցինք: Սպասեցինք Հունական արշավանքին՝ հուսալով թե նա լուծում կրերի հարցին և մենք կկարողանանք քաշել մեր զորքերը: Բայց տեսանք, որ թուրքերը նրանց ետ մղեցին, և սպասելի է, որ զարմանը նրանց դուրս կքշեն նաև Չմյուռնիայից: Արդ՝ երբ թուրքերը վերջացնեն հույների հետ, բնական է, որ պիտի պատերազմը դարձնեն մեր դեմ: Իսկ մենք բնավ ցանկություն, միջոց, հնար չունինք թուրքերի հետ պատերազմելու: Մեր երկիրը այսպիսի պատերազմ չի ընդունի, չի հասկանա, չի կամենա: Ի՞նչ էր մնում մեզ անել այս պայմաններում: Ժամ առաջ վերջացնել թուրքերի հետ հաշտությունը և դուրս քաշել մեր զորքերը Կիլիկիայից, որը, ըստ Սկրի դաշնագրի, վերջ ի վերջո մենք պարտական էինք նրանց վերադարձնել: Գալով հայերի ապահովության, խնդրում եմ հավատալ, որ մենք պետք եղած միջոցները ձեռք ենք առել, մեր պաշտոնյաները այնտեղ են՝ հսկելու համար այդ ապահովության պայմանների իրագործման: Ահա տեսնում եք, արդեն առաջին նշանը՝

²³² Պետության կողմից, վճարի դիմաց՝ սեփականության հարկադրական օտարումը կամ ժամանակավոր խլումը:

քրիստոնյաները չպիտի զինվորագրվին: Սա լավ փաստ է: Կլիմին և նորերը, հավատացեք ինձ: Եվ, վերջապես, պետք է կարծել, որ թյուրքերն էլ այնքան հիմար չեն, որ ներկա պայմաններում ջարդ կազմակերպեն և իսպառ փչացնեն իրենց գործը՝ ամբողջ Եվրոպան իրենց դեմ հանելով: Ո՛չ, նրանք այդ չեն ամի այժմ: Ապագայում դա այլ խնդիր է: Բայց դրա համար ժամանակ կա: Շուտով Գերագույն Խորհուրդը գումարվելու է, և ես ձեզ խոստանում եմ այս հարցը այնտեղ տանել և ապահովել իսպառ քրիստոնյաների կյանքն ու աշխատանքը: Բայց ասացի, որ մենք սպասել չէինք կարող: Ֆրանսիան շատ դժվարություններ ունի:

Ես. - Ֆրանսիայի ծանր դրության մասին խոսեցիք, պ. Նախագահ, և թե այդ դրությունն է պատճառը, որ Կիլիկիան այս ձախող պայմաններում հանձնված է թյուրքերին: Մենք, որ Ֆրանսիան մեր երկրորդ հայրենիքը համարեցինք, սիրեցինք և սիրում ենք, մենք չենք, որ կարող ենք անգիտանալ այդ դժվարությունները: Բայց դրա հետ միաժամանակ, ի՞նչպես ձեր ուշադրությանը չհանձնենք մեր ազգի, հայ ժողովրդի թշվառ, անտանելի գոյությունը, որի վրա այսօր ավելանում է Կիլիկիո աղետը: Կիլիկիո բնակիչ հայերը այսօր ծովերի վրա թափառական, գլուխ դնելու տեղ չունին, ինչպես համայն հայությունը: Պ. Նախագահ, թույլ տվեք Ձեզ ասել, որ մենք այսօր ձեզ բերում ենք համայն հայ ազգի սուզը և ողբը: Թույլ կտա՞ք ինձ անկեղծ լինել:

Բրիան. - Խնդրում եմ:

Ես. - Այդ արցունքը ո՛չ միայն մեր ցեղի ճակատագրի համար է, այլ նաև Ֆրանսիայի վարկի՝ Արևելքում կրած այս ծանր հարվածի, այս մեծ նվաստացումի համար: Ֆրանսիայի վարկի նվաստացումը, որ մենք ողբում ենք, նաև մեր սեփական նվաստացումը, որովհետև մենք դարբերով Ֆրանսիայի վարկին փարած մնացինք մեր բախտով: Ներեցեք ինձ, բայց ես չեմ կարող չիշխեցնել այսօր, որ այն մեծ ավանդությունը, որով մենք դաստիարակվեցինք և որով քրիստոնյաները Արևելքում Ֆրանսիայի ազդեցության մեջ էին գտնում իրենց իրական հովանին, այս դարավոր ավանդությունը այսօր իսպառ չքացավ: Ահա դարձյալ մի ուրիշ ցավը մեր ժողովրդի, որ Ֆրանսիային հավատաց ու Ֆրանսիան սիրեց: Սակայն աղետը տեղի ունեցավ, փաստը կատարված է, ֆրանսիական զորքերը դատարկել են արդեն Կիլիկիան, և հայ ժողովուրդը փախչում է այնտեղից ուշակորույս: Դուք մեզ հարցնում եք, թե մենք ի՞նչ միջոց կառաջարկեինք այս աղետը դարմանելու: Նախքան այդ՝ ներեցեք, որ այստեղ վեր հանեմ մի զուգարդիություն, որ Կիլիկիո Խնդրի վրա առանձին լույս է

սփռում: Այս տարի հոկտեմբերի 13-ին Կարսում տեղի ունեցավ Քենալիստ թուրքերի և Մուսկվայի Մովետի ներկայացուցիչների մեջ մի ժողով, ուր թյուրքերը կարողացան Մուսկվայի օգնությամբ ընդունել տալ հայ թշվառ Մովետին մի դաշնագիր, որով Կովկասյան Հայաստանի մի խոշոր բաժինը՝ Կարսի, Արդահանի, Կաղզվանի, Սուրմալուի շրջանները անցնում են թուրքերին: Այդ շրջանների հայությունը անցյալ տարվա դեկտեմբերից արդեն թյուրքերն իսպառ ցրիվ տվին ու ջարդեցին, 8000 հայ երիտասարդներ ջլեցին Թյուրքիա և մոտ օրերս նրանցից ետ եկավ միայն 700-ը, մնացածին ջարդել են: Արդ Կարսի այս դաշնագրից մի շաբաթ հետո, կնքվում է ֆրանկո-թյուրք համաձայնությունը, որով թյուրքերին թողնվում է նաև Կիլիկիան: Չե՞ք գտնում, պ. Նախագահ, որ այս պարագան քաջալերիչ պիտի հանդիսանա թյուրքական պանթուրանիստ ձգտումներին, որի ճամփան բանալու համար է, որ թյուրքերը գրավեցին Կովկասյան Հայաստանի մի խոշոր մասը:

Բրիան. - Բայց, ներեցեք, սա մի խնդիր է, որ պիտի գա Գերագույն Խորհրդի առաջ, և անշուշտ մեծ պետությունները պետք եղած միջոցները ձեռք կառնեն՝ այդ խնդիրը կարգադրելու համար: Կիլիկիո Հարցը մի ուրույն գործ է, որ պետք էր կարգադրել այժմ:

Ես. - Պ. Նախագահ, իրավունք ունիք, ինձ Դուք հայտարարեցիք, որ Կիլիկիան թողիք թյուրքերին, համաձայն Սևրի դաշնագրի: Արդ՝ նույն Դաշնագիրը եթե Կիլիկիան թողել է թյուրքերին, Թյուրքիայի մի խոշոր բաժինն էլ թողել է հայերին: Մեզ թվում է, որ արդար չէ իրազործել Սևրի դաշնագիրը թյուրքերի համար, և զլանալ նույնը հայերին:

«Մեզ թվում է, որ Կիլիկիան թյուրքերին հանձնելուց առաջ կարելի էր նրանց պայմաններ դնել, որ Կիլիկիան կարող են ստանալ միայն այն ժամանակ, երբ կդատարկեն Սևրի դաշնագրով Հայաստանին հատկացված հողերը: Բայց կատարված է ճիշտ դրա հակառակը. թյուրքերը մի շաբաթ առաջ մի նոր դաշինքով իրենց են վերապահում ո՛չ միայն Թյուրքաց Հայաստանը, այլ և՛ Կովկասյան Հայաստանի մի խոշոր բաժինը, և մի շաբաթ հետո, կարծես որպես քաջալերություն այս անիրավության, ստանում են և՛ Կիլիկիան: Վերջապես, փաստը կատարված է: Անօգուտ է մեզնից հավատ սպասել դեպի թյուրքերը: Գեներալ Գուրո կոչ է անում հայերին և, Մուստաֆա Քենալի Chevaleresque²³³ բնա-

²³³ Ասպետական:

վորության գովքը անելեն վերջը, հրավիրում է հավատալ նրա խոստումներին: Ո՛չ, պ. Նախագահ, Անկարայի խոստումներին մենք չենք կարող վստահիլ: Թող Ֆրանսիան ինքը հայտարարի, թե իր պատվով պատասխանատու է հայության ապահովության համար, այն ժամանակ կհավատանք:

Բրիան. – Բայց դա միևնույնն է, եթե Գուրոն է ասում:

Ես. – Դա միևնույնը չէ: Նա մեզ հրավիրում է հավատալ բորբերին, ոչ թե ֆրանսիացիներին: Կիսնդրեինք այժմ գեթ Դյորք-Յուլ²³⁴ շրջանը, ուր այսօր հավաքված են Կիլիկիայից հալածական հայերը, և որ տակավին ֆրանսիական իշխանությունների ձեռքին է, շարունակի մնալ քյուրքերի իշխանությունից ազատ, որպես հայության ապաստան, մինչև որ Կիլիկիո Հարցը կարգադրվի և հայերը կարողանան դառնալ իրենց օջախները:

Բրիան. – Ես արդեն իսկ հրահանգ եմ տվել, որ մեզ մոտ լայն ընդունելություն անեն բոլոր խուսափող հայերին և դյուրությամբ տան ու տեղավորեն: Դուք գիտեք անշուշտ, որ շատ տեղ նրանց չեն ընդունել: Բայց Ֆրանսիան չի կարող անտարբեր մնալ և պիտի հյուրընկալի նրանց:

Ես. – Մենք կխնդրեինք՝ մեկ կամ երկու հայ պաշտոնյա անվանել անդամ Կիլիկիա մեկնած ֆրանսիական Mission-ի և այսպիսով գուցե կարելի լինի մի փոքր վստահություն ներշնչել խուճապած ու սարսափած հայության:

Բրիան. – Այո, դա մի գաղափար է, որ կարելի է ուշադրության առնել: Բայց եթե Դուք այս բոլոր կետերը գրավոր տայիք ինձ, դա շատ կհեշտացներ գործը:

Ես. – Մենք գրած ունինք, պ. Նախագահ, – և տվի Բրիանին մեր պատրաստած Aide Mémoire-ը (հուշագիրը):

Նորատունկյան. – Մեզ անհասկանալի մնաց, պ. Նախագահ, որ Կիլիկիո պարպումը կապվեց ֆինանսական դժվարությունների հետ: Մինչդեռ Կիլիկիան լավ ճանաչող պաշտոնյաներ, ինչպես զնդապետ Բրեմոն, հաստատում են, որ Կիլիկիան իր արդյունքով կարող էր լիովին գոհացնել տեղական զորաբաժնի պետերը: Մեզ թվում է, թե ծախսերը մեծաքանակ ավելի շատ Սյուրիո գրավոր քանակի վրա էր, քան Կիլիկիայի:

Բրիան. – Օ, ոչ: Կիլիկիան ահազին ծանրացած է մեր բյուջեի վրա: Իսկ մենք խաղաղության այս պահուն, իրավունք չունինք մի սու իսկ ծախսել: Բայց, վերջապես, ես նորից կրկնում եմ մոտիկ

²³⁴ Դյորք-Յուլ Ումրանին – Գավառ, գավառակ, քաղաք, ավան, գյուղ Կիլիկիայում, Ադանայի մահանգում:

ժամանակում գումարվելու է Գերագույն Խորհուրդը, և ես խոստանում եմ ձեզ՝ պաշտպանել ձեր շահերը: Արդեն Դաշնակիցները համամիտ են ամենքն էլ այս կետում: Եվ վստահ եղեք, մենք միջոցներ ձեռք կառնենք հայ ժողովրդի ապահովությունը հաստատ հիմքերի վրա դնելու համար:

Ես. – (ջերմորեն, ամենքս ոտքի) Ո՛չ, պ. Նախագահ, այլևս խոսքը «մեր ժողովրդի ապահովության» մասին չի կարող լինել Գերագույն Խորհրդի առաջ, այլ հայ պետության, որ մեզ խոստացված է կազմել քյուրքական հողերի վրա՝ հետագայում Միացյալ Հայաստան դառնալու համար Կովկասյան Հայաստանի հետ: Գերագույն Խորհուրդը, պ. Նախագահ, մեզ համար սահմաններ գծեց՝ առանց հարցնելու մեզ, թե համաձայն ենք որոշման: Ապա՝ միջնորդ-իրավաբար գտավ հանձին Միացյալ Նահանգների նախագահ Վիլսոնի, դարձյալ առանց մեզ հարցնելու: Վերջապես, մի ամբողջ Դաշնագիր կազմեց, որով ընդունվեք մեր անկախությունն իբր պետություն և մեզ հրավիրեց ստորագրել: Մենք լռելյայն ստորագրեցինք և ընդունեցինք բոլորն, ինչ որ Մեծ պետությունների՝ մեր Դաշնակիցների կամքը մեզ թելադրեց: Արդ՝ այժմ այլևս մեր համոզումով ոչ թե «հայ ժողովրդի ապահովության» մասին է, որ պիտի հոգա Գերագույն Խորհուրդը, այլ Սևրի դաշնագրի տրամադրությամբ, Հայ պետության հաստատության ու ապահովության: Ինչպես որ, ըստ ձեր ասության, Սևրի դաշնագրի հիման վրա խաղաղ ձևով Ֆրանսիան հանձնեց քյուրքերին Կիլիկիան, ճիշտ նույն Դաշնագրի հիման վրա մենք սպասում ենք, որ Ֆրանսիան պիտի աշխատի խաղաղ կերպով քյուրքերից դատարկել մեզ հատկացված հողերը:

Բրիան. – (ընկճված ու նեղված տոնով) Շատ լավ, շատ լավ, իհարկե...

Նորատունկյան. – Պ.Նախագահ, Դուք բարի կլինիք թույլ տալ մեզ Կիլիկիո և առհասարակ Հայկական Խնդրի մասին Ձեզ ներկայացնել մի մանրամասն հուշագիր՝ այդ հարցերի լուծումը հեշտացնելու համար:

Բրիան. – Անպատճառ արեք այդ: Դա շատ անհրաժեշտ է: (հանկարծ) Ինձ թվում է, պարոններ, որ Կիլիկիո հայերի այն խուճապի մեջ կան խորք ներշնչումներ, ինտրիգներ²³⁵:

Նորատունկյան. – Ո՛չ, պ. Նախագահ, ինտրիգ չկա և չի կարող լինել:

²³⁵ Մերձնայություններ, նեղգարարություններ:

Բրիան. – Ամերիկայում ես հայ պատգամավորություններ ընդունեցի: Ամերիկայում ինձ որոշ հայտնություններ արին այս մասին: Բայց բողոքներ այդ: Երբ պետք համարեք ինձ տեսնել, կարող եք լուր տալ:

Հրաժեշտ առինք: Չրույցը տևեց մոտ մի ժամ:

* * *

7 դեկտեմբերի, 1921

Փարիզ

Նույն օրը (դեկտեմբեր 7) երեկոյան թերթերի մեջ լույս տեսավ կիսապաշտոնական լուր Quai d'Orsay-ի այն մասին, թե ես ու Նորատունկյան գնացած էինք Բրիանին շնորհակալություն հայտնելու ֆրանսիական կառավարության նրա ձեռք առած երաշխիքների համար Կիլիկիայում:

Ստիպված եղանք հերքել այս նենգ, ամոթալի հայտարարությունը:

ՏԵՍԱԿՑՈՒԹՅՈՒՆ

ԱՐՏԱՔԻՆ ԳՈՐԾՈՑ ԱՐԵՎԵԼԵՅԱՆ ԲԱԺՆԻ

ՎԱՐԻՉ Պ. ՊԵՐԻՏՏԻԻ ՀԵՏ

Լոնդոնից վերադարձիս՝ ինձ ասացին, որ Պերիտտին ընդունելով Ազգային Պատվիրակության մեկ երկու անդամներին (Մինապայան և Չոպանյան)՝ շատ խիստ տոնով էր խոսել նրանց հետ: Մեղադրել էր, թե պրոպագանդ են անում հայերն ամեն կողմ Ֆրանսիայի դեմ. ակնարկել էր իմ և Նորատունկյանի Լոնդոն ճամփորդությունը և բացականչել էր.

– Մի՞թե դուք հույս ունիք տակավին Թյուրքիայում անկախ պետություն կազմել:

Այս միջադեպի տպավորությունը ցրելու համար գնացի Պերիտտիի մոտ: Նա ինձ ընդունեց շատ սիրով և բնավ նախընթաց այցի մասին խոսք չարավ: Ընդհակառակը, ես նրան ասացի բռնություն, ինչ որ ասել էի Բրիանին, և նա շատ քաղաքավարի գրի առավ գլխավոր կետերը: Վերջում նա խոսք բաց արի մեր հինգ հարյուր հազար ստանալիքի մասին, ու նա զարմացավ, որ մենք դեռ չենք ստացել ու ասաց, որ այդ հարցը կարգադրված է հոգուտ մեզ:

9 դեկտեմբեր, 1921

Փարիզ

ՏԵՍԱԿՑՈՒԹՅՈՒՆ

ՖԱՐՆՍԻԱՅԻ ՎԱՐՉԱՊԵՏ Պ. ԲՐԻԱՆԻ ՀԵՏ

Այսօր՝ դեկտեմբերի 16-ին, առավոտյան ժամը 10.30-ին, ես և Նորատունկյան երկրորդ տեսակցություն ունեցանք Բրիանի հետ, իր հատուկ հրավերով:

Մեզ ընդունելով՝ Բրիան ասաց.

Բրիան. – Պարոններ, ես պետք է ձեզ ասեմ, որ մեր վերջին տեսակցությունից հետո, ես քննություն կատարել տվի, և ցավ ունեմ ձեզ հայտնելու, որ, ըստ հավաքված տեղեկությունների, Կիլիկիայի հայ ազգաբնակչության գաղթը արդյունք է մեծ մասամբ այն եռանդուն պրոպագանդին, որ կատարել են տեղի վրա գանազան մութ անձինք և կոմիտեներ: Ի՞նչ նպատակով, չգիտեմ: Բայց այս պրոպագանդը Ֆրանսիայի համար կրկնակի դժվարությանց աղբյուր է: Մի կողմից՝ հայությունը փախչում է Կիլիկիայից ու այսպիսով վարկաբեկվում է Ֆրանսիան, որ իբր թե պետք եղած չափով չի պաշտպանում իրեն ապավինած հայությունը, և մյուս կողմից՝ գաղթականները Ֆրանսիայից դուրս ուրիշ հովանավոր չեն գտնում և դարձյալ մենք ենք ստիպված նրանց ընդունել, հոգալ, տեղավորել: Արդ՝ ես ձեզ հարցնում եմ, մինչև ե՞րբ պիտի շարունակվի այս աննորմալ կացությունը:

Նորատունկյան. – Չեմ թույլ տա ինձ՝ ձեր գործակալների տեղեկությունները կասկածի տակ դնել, բայց անշուշտ այստեղ թյուրիմացություն կա: Չեմ կարծում, որ ժողովուրդը փախչում է պրոպագանդի պատճառով: Ընդհանուր խուճապ կա բյուրքական տիրապետության հանդեպ: Եվ դա շատ հասկանալի է: Խնդրի խորքը պետք է նայել, պ. Նախագահ, և այդպիսով կբացատրվի ամբողջ այդ երևույթը: Ոչ, դա պրոպագանդայի արդյունք չէ բնավ:

Բրիան. – Վստահացնում եմ ձեզ, որ մեր տեղեկությունները այդ են հաստատում: Բանն այնտեղ է հասել, որ դիմում է կատարված անգամ կարողինալ Մերսիեին Բելգիայում և զվիցերիական²³⁶ մի բողոքական պատյոր այդ նպատակով Բելգիա է գնացել: Ոչ, պարոններ, համաձայնեցեք, որ սա անհանդուրժելի գրգռում է մեր բարի անվան դեմ:

Նորատունկյան. – Ես չգիտեմ, թե ի՞նչ հայեր, ի՞նչ պրոպագանդա կարող էին անել: Բայց դժվարին գործ չէ միջանտել, որ այդպիսի արարքները դադարին, և դա մենք կանենք... Բայց...

Բրիան. – Այո՛, դա պետք է անել: Երբեք մեծ խնդիրներ չեն լինում, երբ մեծ խնդիրներ չեն լինում:

²³⁶ Ըվեյցարական:

Նորատունկյան. – Բայց խնդիրը դրանով չի լուծվում: Մենք ստացած ենք Կիլիկիո ծերունի կաթողիկոսի մի ընդարձակ գեղայնք այն մասին, թե ի՞նչպես են անցել դարձել անցքերը: Կիլիկիայում: Եվ դա ճշգրիտ տեղեկություն է: Եթե Դուք հաճիք ծանոթանալ, կտեսնեք, թե որքա՞ն հեռու են այդ ցավալի անցքերը պրոպագանդայից, ինտրիզներից: Հիշեցնեմ Չեզ, պ. Նախագահ, որ այս խեղճ ժողովուրդը իր ապրած բոլոր խռովքի մեջ մի վայրկյան իսկ չմոռացավ Ֆրանսիան և շարունակ Ֆրանսիան փնտրեց, նրան դիմեց: Եվ մենք այստեղ քանի-քանի՞ դիմումներ արինք, թելադրանքներ արինք, միջոցներ ցույց տվինք՝ այդ խեղճ ժողովրդին իր տեղում պահելու համար և միշտ մնացինք անպատասխան: Ինչու՞ զարմանալ, որ դժբախտ ժողովուրդը հուսահատ ու սարսափած՝ փախչում է իր հայրենի երկրից:

Բրիան. – Սակայն, թյուրքերը նրանց որևէ վնաս չտվին, իրենց խոստումը պահեցին: Ի՞նչ պետք էր այդ ամբողջ գաղթը:

Ես. – Պ. Նախագահ, մերեցեք, որ ես երկու խոսք ասեմ, – միջամտեցի ես՝ հրելով Նորատունկյանի թևը, որ խոսքը ինձ թողմի, – Դուք մի կտրուկ հարց եք դրել Կիլիկիայում տեղի ունեցած գրգռումի մասին, և հարցը պահանջում է իր նույն կտրուկ պատասխանը: Արդ՝ որպես պատասխան ես թույլ եմ տալիս ինձ ասել, որ ինձ բնավ չի զարմացնում, թե Կիլիկիայում այս կամ այն գիտակից անհատը, մտավորական առաջնորդը կամ վարիչ կոմիտեն խորհուրդ են տվել հայ ազգաբնակչության փախչելու, հեռանալու ձևեր գործերի հետ: Ես դրա մեջ բնավ չեմ տեսնում չարամտություն, որևէ հետին նպատակ, բացի թշվառ ժողովրդին ժամ առաջ թյուրքի դանակից ազատելու հասկանալի, բնական ցանկություն: Նկատի պետք է առնել, պ. Նախագահ, որ թյուրքի տիրապետությունը նշանակում է Անկարայի Մեծ Ժողովի տիրապետություն, ուր բազմած են Բիթլիսի, Մուշի, Էրզրումի, Վանի ամենահայտնի ջարդարարները: Եվ այդ շատ լավ գիտե հայ ժողովուրդը: Եվ ո՞րն է այն գիտակից, սրտացավ հայը, որին երբ դիմի մի ընտանիքի հայր, զավակների մի խեղճ մայր՝ հարցումով՝ մնա՞լ թե՞ փախչել, ո՞րն է այն գիտակից հայը, որ խորհուրդ տա, արիություն ունենա խորհուրդ տալու՝ մնալ ու սպասել թյուրքի դանակին: Սա գրգռում չէ, պ. Նախագահ, այլ պարզ մարդկային սրտացավություն: Ինչու՞ միայն նրանց՝ Կիլիկիո հայ գործիչներին մեղադրել այդ բանում, երբ մեզ են դիմել՝ պ. Նորատունկյանին և ինձ...

Նորատունկյան. – Ինձ գալով՝ ես հեռագրել եմ ի պատասխան

ինձ եղած դիմումներին՝ *calme et tranquillité*²³⁷ (պ. Նորատունկյան կարող էր այդ չասել, շահ չունեինք այդ ասելու):

Ես. – (շարունակեցի) – Ես երբեք խորհուրդ չեմ տվել մնալ և երբեք խորհուրդ տալ չեմ կարող: Քանի այս կացությունը չի փոխվի, այո՛, պ. Նախագահ, ես արիություն չեմ ունենա խորհուրդ տալու այդ թշվառ ժողովրդին պարանոցը թյուրքի դանակի տակ դնելու: Ես գիտեմ, դուք ձեր գործակալներն ունիք այնտեղ և այդ եք համարում երաշխիք: Բայց, պ. Նախագահ, ո՞չ թե ձեր գործակալների, նույնիսկ ձեր բանակի՝ աչքի առաջ թյուրքերը, Քեմալի բանդաները²³⁸ կոտորեցին Մարաշը, Հաջինը²³⁹, Ջեյթունը, Մարգվանը²⁴⁰: Ի՞նչպես եք կամենում, որ հայ ժողովուրդը ապահով զգա ինքզինքը միմիայն ձեր գործակալների ներկայության՝ այսքան փորձերից հետո: Տասնյակ տարիներից ի վեր Հայաստանում սիստեմատիկ սարսափելի ջարդեր են հաջորդում իրար, մի՞թե միշտ էլ մեծ պետությանց գործակալները, հյուպատոսները ներկա չեն եղել: Թյուրքերը ե՞րբ են ճնշվել: Կիլիկիո հայության տագնապը մեղմելու և ցավալի աղետավոր գաղթի առաջն առնելու համար, մի շատ պարզ միջոց կար՝ մի հեռագիր, պ. Նորատունկյանի և իմ ստորագրությամբ, որով մենք ասեինք վճռապես. «Հայեր, մի շարժվեք, մի գաղթեք, մնացեք հանգիստ ձեր տեղերում»: Եվ հավատացե՛ք՝ մի հատիկ հայ չէր շարժվի տեղից: Սակայն, այդպիսի մի հեռագիր մենք չտվինք և չենք կարող տալ, արիությունը չունինք: Չեզնից է կախված, որ այդ հեռագիրը մեկնի: Դրա համար մեզ պետք է տրվին հաստատ երաշխիքներ: Նորից խնդրում ենք, մի՛ լքեք Ֆրանսիային ապավինած ժողովրդին և գեթ կարգադրեցեք, որ Ամանոսի²⁴¹ շրջանը չդատարկվի, ուր ահագին թվով հայություն է ապաստանել:

Բրիան. – (մտածկոտ, մնաց լուռ ու շվարած. ապա սկզբի տոնի խստությունն ու պահանջների ձևը թողած՝ հանկարծ խոսքը դարձրեց Վերին Հայաստանին) – Ասացեք, խնդրեմ, դուք ի՞նչ մտածումն ունիք Հայկական Խնդրի ընդհանուր կարգադրության մասին. Լոնդոն գնալուց առաջ շատ կուզեի ձեզ(նից) լսել այս մասին:

Ես. – Պ. Նախագահ, ուրախ եմ Ձեր այս հարցի համար: Արդարև, քանի որ Դուք Լոնդոն պիտի գնաք, ուր հավանաբար

²³⁷ Հանդարտություն և հանգստություն:

²³⁸ Հրոսակներ:

²³⁹ Հաճրն:

²⁴⁰ Գավառակ պատմական Փոքր Հայքում:

²⁴¹ Ամանոս – Երջան Կիլիկիայում, Ադանայի նահանգում:

Արևելյան Խնդրի մասին խոսիք, շատ պիտի խնդրեինք Հայկական Հարցը Չեր ազդու միջամտությամբ օրակարգի մեջ դնել և լուծումն տալ այն ժողովրդի դատին, որ իր բախտը առեւելի գոհաբերությունների գնով Ֆրանսիայի և Դաշնակիցների քախտին կապեց: Եվ այդ լուծումը դժվար չէ, պ. Նախագահ – Դաշնակիցներն, ինչպես գիտեք, հանդիսավորապես Միացյալ Անկախ Հայաստան հռչակեցին: Արդ, այդ Միացյալ Հայաստանի մի մասը՝ Կովկասյան, այսօր գրաված են ռուս բոլշևիկները: Դուք, պ. Նախագահ, անցյալները մեր Կովկասյան մյուս հարևանների հետ տված ընդունելության, այն համոզումը հայտնեցիք, որ Կովկասում բոլշևիկների օրերը համրված են – սա և մեր համոզումն է: Թողնենք և սպասենք, որ ժամանակը գործի մեզ համար Կովկասում, բայց այստեղ մնում է Միացյալ Հայաստանի մյուս մասը՝ հարավայինը: Ի՞նչ արգելք կա, որ այս մասը կազմի ծրագրված ու հռչակված հայ պետություն:

Բրիան. – Ի՞նչ սահմաններում եք ենթադրում այդ հայ պետությունը:

Ես. – Նախագահ Վիլսոնի իրավարարությամբ զօված սահմանները կան: Դա մի գիծ է, որ սկսվում է Տրապիզոնից արևմուտք Դրիբուլիից²⁴², Խուրշիդի²⁴³ հովտի եզերքով, իջնում է հարավ, գրկում է Երզնկան, վար իջնում Բիթլիսից հարավ, անցնում է Հայկական Տավրոսով և գնում միանում է պարսկական սահմանին: Այս սահմանները շատերը համարեցին չափազանց: Մենք պատրաստ ենք սահմանների նոր ճշտում ընդունել Rectification des Frontières²⁴⁴ հոգուտ քյուրքերի: Մենք պահանջկոտ չենք լինի, միայն մի պայմանով, որ մեզնից չխլվին մեր ծովափյա սահմանները: Առանց ծովի, մենք ապրել չենք կարող:

Բրիան. – Որքա՞ն մեծ է ձեր ցանկացած տարածությունը:

Ես. – Կրճատումներով, երևի, մոտ հարյուր հազար քառակուսի կիլոմետր տարածություն, որի խոշորագույն մասը լեռներ են և հազիվ 20 %-ը՝ մշակելի:

Նորատունկյան. – Մեր երկիրը բարձրավանդակ է: Երգրումը երկու հազար մետրի վրա է: Վաճառ ծովը՝ հազար վեց հարյուր: Միանգամայն լեռներով է ծածկված Հայաստանը:

Բրիան. – Որքա՞ն է հայերի թիվը:

Ես. – Կարող եմ Ձեզ մոտավոր ճշտությամբ ասել – Կովկասյան Հայաստանում կա մեկ միլիոն երկուհարյուր 70 հազար հայ:

²⁴² Գավառ, քաղաք պատմական Պոնտոսում:

²⁴³ Գետ ճորոխի ավազանում:

²⁴⁴ Սահմանների շտկում:

Մրա վրա վրա ավելացան քյուրքահայ գաղթականներ՝ թվով 350 հազար և Ադրբեյջանից հալածական հասած մոտ հարյուր հազար հայեր: Այսպիսով հայերի թիվը Կովկասյան Հայաստանում կարելի է հաշվել մոտ մեկ միլիոն 6-7 հարյուր հազար:

Նորատունկյան. – Մոտ չորս հարյուր հազար ևս կա Վրաստանում և մի փոքր ավելի պակաս Ադրբեյջանում:

Բրիան. – Ուրիշ ու՞ր ունիք հոծ հայ բնակչություն:

Ես. – Կրիկիայում՝ 150 հազար, Պոլսում՝ նույնքան, Ջմյուննիայի շրջանում՝ 40 հազար: Ապա՝ Եգիպտոս, Հունաստան և առհասարակ Բալկանները միասին 60-70 հազար: Նաև Ամերիկա՝ մոտ 150 հազար: Եվ այս քաղմությունից խոշոր բաժինը օրեր է համրում հասյրենիք դառնալու համար:

Բրիան. – Ի՞նչպես եք կարծում՝ կարելի կլինի՞ կազմել հայկական պետություն:

Ես. – Առաջին պայմանը մեր հողերի դատարկվելն է քյուրքերից: Եվ այժմ, երբ, ըստ երևույթին, Դաշնակիցները վճռել են Սևրի դաշնագիրը զգալի փոփոխության ենթարկել հոգուտ քյուրքերի, մեզ բնավ դժվարին չի թվում: Եվ հավատացած ենք, որ Դաշնակիցները այդ գնով, այդ միջոցով կպահանջեն, որ քյուրքերը դատարկեն հայ հողերը: Ավելացնեմ, որ մենք, իբրև Սևրի դաշինքը ստորագրող և Դաշնակից, նույնպես կիրավորվինք այդ Դաշնագրի վերաբնության պահուն: Երբ քյուրքերը թողնեն մեր երկիրը, մեր ժողովուրդը կթափվի իր հայրենիքը, որ պետք է բնականապես գրավել gendarmerie-ով²⁴⁵, որի համար մենք բավական թիվ կամավորներ հավաքելու վրա ենք հայերից հենց այժմեն: Իհարկե, պետք է հուսալ, որ Դաշնակիցները նույնպես զան մեզ զինվորական միասնությունով²⁴⁶, կադրերով և ֆինանսական աջակցությամբ: Ավելացնեմ, որ պետություն վարելու փոքրիկ փորձ էլ ունեցանք, երբ առանց մանդատերի՝ մենք մեզի ձգված՝ մեր փոքրիկ Կովկասյան Հայաստանը կառավարեցինք մեր ուժերով երեք տարի:

«Եվ, վերջապես, երբ այս բոլորը տեղի ունենա, գուցե անկարելի չլինի որևէ փոքրիկ պետություն, ինչպես Բելգիա, ունենալ որպես մանդատեր: Բայց զլխավորը մեր երկիրը քյուրքերից ազատելն է: Եվ այս է, որ սպասում ենք Ֆրանսիայից և Դաշնակիցներից, փոխարեն այն ծառայությունների, որ մենք հանձն առանք:

²⁴⁵ Ժանդարմերիա, ոստիկանություն, ներքին զորքեր:

²⁴⁶ Առաքելություն, ներկայացուցություն, հանձնառություն:

Եվ թույլ տվեք, պ. Նախագահ, դրանցից միայն մեկը հիշատակել
Բաքվի մեր պաշտպանությունը, որի համար գերման գոր.
Լյուդեմոդորֆ իր գրքում գրում է թե՛ հայերը եթե չպաշտպանեին
Բաքուն և հնար տալիս գերմանացիներին մի քանի ամիս առաջ
նավթ ստանալ, իրենք չէին պարտվի: Ահա մեր ծառայությունը,
մեր աջակցությունը Դաշնակիցներին:

Բրիան. – Ուրախ եմ, որ ձեզ տեսա և լսեցի մեկնելուցս առաջ:
Այս բոլորը շատ հետաքրքիր է ինձ համար:

Նորատունկյան. – Պ. Նախագահ, հարցրիք մեր թվի մասին:
Խնդրեմ, սակայն, ի նկատի առնել, որ քյուրքերի թիվը Հայաս-
տանում շատ ավելի նվազ է: Այս պատերազմի ընթացքին այդ գա-
վառները մի քանի անգամ ձեռքե ձեռք անցան և իսպառ անմար-
դարձակ դարձան: Արդեն միշտ էլ Հայաստանում քյուրքերը քիչ
են եղել: Հայերից հետո գերակշռող տարրը եղած է քրդությունը:
Մի ժամանակ նույնիսկ խոսք կար հայ-քրդական պետության
մասին:

Բրիան. – (զերմությամբ) Օ, ո՛չ, ո՛չ, չբարդացնենք խնդիրը:
Այնպես, ինչպես ասաց պ. Ահարոնյանը, շատ լավ է, շատ ավելի
պարզ:

Ես. – Իրավունք ունիք: Մենք եթե քյուրդեր ունենանք, նրանց
հետ հաշտ ապրել կկարողանանք մեր սահմաններում: Նրանք
մոտ են մեզ իրենց ծագումով ու լեզվով: Ես լավ եմ ճանաչում
քրդերին:

Բրիան. – Ես գոհ եմ այս տեսակցությունից, շատ բան ինձ
համար այժմ պարզ է:

Նորատունկյան. – Բայց Կիլիկիան...

Ես. – Մենք նորից կխնդրեինք կարգադրել նախքան Ձեր մեկ-
նիլը, որ Դորք Յուլը չդատարկվի ձեր գորքերից:

Նորատունկյան. – Արդեն շատ գորքի պետք չկա: Հազիվ հա-
զար-հազար հինգ հարյուր զինվորի պետք լինի կարգ պահ-
պանելու համար: Մենք շատ ենք խնդրում Ձեզ այս կարգա-
դրությունն անել, որ ահագին սփոփանք կլինի հայության համար:

Բրիան. – Բայց այդ շրջանը մտնում է մեր համաձայնության
մեջ քյուրքերի հետ:

Ես. – Այո՛, դա մտնում է նաև Սևրի դաշնագրի մեջ:

Բրիան. – Ես այդ մասին կմտածեմ Լոնդոնից վերադարձիս:
Ունկնդրությունը վերջացավ ժամը 11¹/₄-ին:

Տ պ ա վ ո ր ու ք յ ու ն ն ե ր – Նորատունկյանը դրսում ինձ
ասաց, թե չի հավատում նրա հարց ու փորձի անկեղծությանը և թե
այդ բոլորը որ ասաց, մեզ խաբելու համար էր՝ Կիլիկիո ծանր
տպավորությունը թուլացնելու համար: Ինձ, ընդհակառակը, թվում
է, որ Կիլիկիո սկանդալից հետո, Բրիան ցանկություն ունի մի քա-
նով մեզ գոհացնել Վերին Հայաստանում: Այլապես նա այդ հար-
ցերը չէր տա և կբավականանար ընդհանուր ֆրագներով²⁴⁷: Ես
կարծում եմ նորից, որ Ֆրանսիան ու Անկարան կապված են
գաղտնի դաշնագրով:

ՋՐՈՒՅՑ ՆՈՐԱՏՈՒՆԿՅԱՆԻ ՀԵՏ
Փարիզ
Դեկտեմբեր 16, 1921

Դուրս գալով Բրիանի մոտից (դեկտեմբեր 16, ժամը 11.30-ին),
ես խնդրեցի Նորատունկյանին լսել իմ մի մտածումը Հայաստանի
սահմանների մասին: Մենք ոտքով քայլեցինք-անցանք Port
Alexandre-ը և ներս մտանք Dogen-ի ճաշարանը Champs Elysée-
ում²⁴⁸: Ես այնտեղ՝ պարզեցի իմ ծրագիրը Տրապիզոնի շրջանի
մասին, որ հետևյալն է. –

Հույները, ժամանակին մերժելով մեզ Տրապիզոնը, նպատակ
ու հույս ունեին Պոնտոսն ամբողջովին ազատել քյուրքերից: Արդ,
երբ ներկա պարագաները, հանգամանքները այնքան ձախող են
դասավորված մի այդպիսի ծրագրի համար, հնար չկա՞ արդյոք,
Տրապիզոնի մասին նոր գրույց սկսել հույների հետ: Այդ շրջանի
խոշոր բաժինը Վիլսոնը տվել է Հայաստանին: Այժմ, երբ
քյուրքերը բացարձակապես սպառնական մի քաղաքակա-
նություն են որդեգրել՝ ջնջելու, ցրելու, հեռացնելու քրիստոնյանե-
րին իրենց պետությունից, արդյոք հույները չէի՞նք գերադասի
Վիլսոնի գծած սահմանները պաշտպանել և մնալ մեզ հետ
ազատվելու քյուրքական անխուսափելի սարսափներից: Եթե
այո՛, ապա հույներն իրենք պիտի պահանջեն նորից շղնել իրենց
քյուրք արյունալի տիրապետության տակ, այլ միացնել
Հայաստանին: Եվ որպեսզի նրանց հեռավոր ծրագրին արգելք
չլինենք, մենք ոչինչ չենք կորցնի և շատ կշահինք, եթե այժմ
հայտարարենք, որ

²⁴⁷ Դարձվածք:
²⁴⁸ Ելիսյան դաշտեր:

ա) մենք նրանց կապահովենք ամենալայն տեղական ինքնավարություն և

բ) լիակատար հանձնառություն բաժանվել Հայաստանից, օրինակ՝ 15-20 տարուց հետո, երբ նրանք հնարավոր գտնեն Պոնտոսի մնացած մասերն էլ շորթել բյուրքերից և միանալով ստեղծել իրենց ծրագրած Պոնտական պետությունը:

Ի՞նչ կշահին երկու կողմերը 15-20 տարվա կենակցությամբ: **Հույները** – ապահովություն բյուրքական ջարդերից, տնտեսական ու ֆիզիքական զարգացում և մի կորիզ, որ պիտի դառնա ապագայում Պոնտոսի պետություն. մյուս կողմից՝ նրանք հզորապես կօգնեն Հայաստանի զորացումին ու հաստատությանը, որից մեծ շահ ունի Հունաստանը և հելլենականությունը: **Մենք՝ հայերս** կշահվինք նրանով, որ

ա) ծովի ելք կունենանք Հայաստանից,
բ) քրիստոնյա ազգաբնակչություն մեր ճամփին՝ մեզ աջակից ու քարյացական,

գ) զորեղ արգումենտ, թե մեզ հատկացված հողերը մեզնից թափուր չեն, այլ բնակված են քրիստոնյա տարրով,

դ) հույների աջակցությամբ կհաստատվինք Լազիստանում,

ե) Հայաստանի ընդհանուր գրավումը կհետաքրքրի և հույն կառավարությունը և դրանից կարող են ծագել մի շարք հեռանկարներ:

Այս բոլորը լսելուց հետո, Նորատուրկյանը սկզբունքով համաձայնվում է ինձ հետ, որ դրանից շահ կարող է լինել մեզ, բայց միաժամանակ ստաժկոս էր հաջողության մասին:

– Այլ խնդիր է, – ասաց նա, – եթե մենք խոսք անեինք հույն մի իշխան մեր երկիրը դնելու կամ հունական մանդատի: Բայց այդ դեպքում էլ վարանումն ունիմ, թե ո՞րն է լավ՝ հայ-բյուրքական զործակցությունն ապագայում, թե՞ հայ-հունական:

Այնուամենայնիվ նա համաձայնեց, որ ես միակ անցնեմ Լոնդոն այս նյութի մասին sondage²⁴⁹ անելու Գունարիսի և Բալդացցիի մոտ և, համաձայն արդյունքի, մենք հետագայում որոշումն անենք:

²⁴⁹ Sondage - Խորացում, քննում, հետազոտում:

1922
Փարիզ
16 դեկտեմբեր, 1921

Վախ ունեմ, որ երկու պատվիրակությունները այս երկու գաղափարների մասին լուրջ տարակարծություն ունենան:

Դեկտեմբեր 15-ի երեկոյան մեր պատվիրակության մեջ ժողովի կամ ավելի ճիշտ՝ մտքերի փոխանակության, հրավիրեցի Ազգային Պատվիրակության անդամներին: Եկան պ.պ. Նորատուրկյան, Մինապյան²⁵⁰, Պապաջանյան²⁵¹: Մեր կողմից՝ ես և Փափազյան²⁵²:

Զննության խնդիրներն էին. –

1) Արտասահմանում կամավորներ ցուցակագրելու ծրագիրը իմ առաջարկած;

2) Առաջիկա Գերագույն Խորհրդին մեր ասելիքը;

3) Հայաստանի հողերը (Թուրքիայից) գրավելու միջոցները:

Ես պարզեցի իմ առաջին առաջարկը, այն է՝ նշանակել որոշ թվով սպաներ և դրկել գաղութները, ուր նրանք ցուցակագրեն գիտակից, հայրենասեր և մանավանդ զինվորական ծառայություն կատարած հայ երիտասարդներին: Կամավոր գրվողը իր գործն ու աշխատանքը թողնելու չէ. նա պիտի շարունակի իր պարապմունքը: Միայն ազատ ժամանակ, տոն և կիրակի օրերը, կամ երեկոները հավաքվում են ամենքը իրենց սպայի հսկողության տակ, նրա հետ պահպանում են մշտական կապ և, եթե երկրի օրենքները թույլ են տալիս, նաև զինավարժություն են անում, կամ պարզ մարզանք, եթե զինավարժություն չի կարելի:

Այսպիսով մենք որոշակի գիտենք, թե որքան երիտասարդ պատրաստ են պատասխանելու հայրենիքի կոչին, ի հարկին: Եվ երբ այդ պետք լինի, հեշտ է նրանց գաղութներից հավաքել 2-3 շարքից: Եվ մեկ կամ 1½ ամիս վարժություններ անել տալ՝ մեր երկիրը, որպես ժանդարներիա, գրավելու գործի համար: Ծախսք առայժմ մեզ կնստին սպաները, որոնք բոլորն էլ պիտի մնան յուրաքանչյուրը իր շրջանում, կամավորների մոտ՝ նրանց դաստիարակությանը հսկելով:

Ավելացրի, որ այս ծրագիրը հնարավոր է իրագործել

²⁵⁰ Մինապյան - քաղաքական գործիչ:

²⁵¹ Պապաջանյան Միրայել - քաղաքական-պետական գործիչ:

²⁵² Փափազյան Վահան (Կոմս) - Ազգային-ազատագրական շարժման գործիչ, Ազգային պատվիրակության անդամ:

1922

Կ Ա Ն Ն

Հունվար 5, 1922

Այսօր մենակ մեկնեցի Կանն, ուր տեղի է ունենալու Գերագույն Խորհրդի նիստը՝ Համաեվրոպական Տնտեսական Կոնֆերենցիա հրավիրելու մասին:

Կանն հասա հաջորդ օրը հունվարի 6-ին առավոտյան ժամը 10.30-ին և իջա Gonnet հյուրանոցը:

Մարտելից իմ հրավերով եկավ Տիգրան Միրզայանը, որպես բարտուղար:

Կովկասյան մյուս պետություններից եկած էին Գեգեչկորին և Թոփչիբաշևը:

I. Ներկայացրի Գերագույն Խորհրդին մի հուշագիր, որով մեր պատվիրակության անունից խնդրում էի փութացնել Հայկական Խնդրի կարգադրությունը Սևրի դաշնագրի և Վիլսոնյան Arbitrage-ի հիման վրա:

II. Ներկայացրի մի երկրորդ հուշագիր, որով մեր հարեվանների հետ մենք բողոքում ենք Կարսի դաշնագրի դեմ և պահանջում ենք այն չեղյալ նկատել: Այս բողոք-հուշագիրը մշակվեց իմ պնդումի վրա և իմ տվյալներով, հակառակ մեր հարևանների, մասնավորապես Թոփչիբաշևի դիմադրության, և մասամբ Դերմոկի:

III. Հարևանների հետ միասին ներկայացրինք մի երկրորդ հուշագիր, որով բողոքում էինք այն ծրագրած Concessions-ի²⁵⁴ դեմ, որ բուլղիկները Կովկասում պատրաստված են տալ սրան-նրան և չեղյալ ենք հայտարարում առհասարակ մեր երկրների մասին առանց մեզ կազմված ակտերը:

IV. Հարևանների հետ ներկայացրինք մի այլ հուշագիր, որով խնդրում էինք նկատի առնել, որ բուլղիկների տիրապետությունը

²⁵⁴ Թույլատրություն, զիջումներ:

միմիայն, եթե երկու պատվիրակությունները անկեղծ համերաշխությամբ գործեն:

Ժողովականները գտան այս ծրագիրը շատ գործնական: Կարդացինք զորավար Կորգանյանի մի զեկույցն այդ մասին, որ միանգամայն համաձայն էր իմ ծրագրին և բաժանում էր իմ հայացքները:

Նորատունկյան և ընկերները խնդրեցին ժամանակ՝ քննելու համար Կորգանյանի ծրագիրն ու իմ առաջարկը:

Երկրորդ խնդիրը՝ առաջիկա Գերագույն Խորհրդին մեր ասելիքը, տարաբախտաբար, լուրջ տարածայնության պատճառ դարձավ իմ և մասնավորապես Նորատունկյանի միջև:

Նորատունկյանի կարծիքով՝ (այն ժամանակ ես ասեցի) մենք պետք է խնդրենք մեր սահմանների գծումը թողնել Ազգերի Լիգային:

բ) պետք է պնդենք Home-ի և ոչ թե Հայ պետության վրա, և

գ) մենք պետք է Սևրի դաշնագրի՝ Հայաստանին վերաբերյալ հողվածների մի մասը սրբազրենք՝ համաձայն մարտ ամսին Home-ի մասին եղած որոշման և Կովկասյան Հայաստանի սովետիզացիայից (խորհրդայնացումից) ծագող հանգամանքներին, և այդպես նոր կացությանը adapté արած²⁵³ հողվածները ներկայացնենք Գերագույն Խորհրդին:

Ես բացե ի բաց դեմ եղա այս առաջարկներին:

ա) կետում, որովհետև, եթե մենք նորից սահմանները թողնենք Ազգերի Լիգային, կարող ենք սոռոցվել: Լավ է, որ անմիջապես Գերագույն Խորհուրդը վերջացնի այս հարցը:

բ) Հայ պետությունը մեզ մերժված չէ, այլ այդ պետության հյուսիսային մասն է գրավված: Արգելք չկա նույն պետությունը հաստատել հարավային Թյուրքիո մասում: Մասնավաճող, որ Home-ը վտանգավոր է նրանով, որ նա կարող է, վերջ ի վերջո, վերածվել մի անկյունի Թյուրքիայի ծոցում և նրա գերիշխանության տակ, զուցե կտրված Կովկասյան Հայաստանից:

գ) Սևրի դաշնագրին մենք դիպչելու ո՛չ պետք ունինք և ո՛չ իրավունք: Հողվածները մեր ձեռքով փոփոխելը համազոր է նրանցից հրաժարվելուն: Մենք խնդիրը կդնենք համաձայն իմ արդյունքներստացիայի վերի երկրորդ կետի՝ թողնելով պետություններին անել մնացածը:

Մենք իրար չհանդեցինք, ևս ես վախ ունեմ, որ դժվարավ համաձայնության գանք այս կետում: Ես չեմ հավատացած, թե նրանց առաջարկը բխում է անկեղծ համոզումից:

²⁵³ Հարմարեցում, համապատասխանեցում:

Կովկասում բռնություն է, և խնդրում ենք այս պարագան հաշվի առնել Սովետ Ռուսիան Ջենովայի Conférence-ին հրավիրելիս: Այս հուշագիրը մենք պատրաստեցինք՝ նկատի առնելով Դաշնակիցների այն հայտարարությունը, որով նրանք պայմաններ են դնում Սովետին և, ի միջի այլոց, պահանջում են, որ բուլղարները դադարեցնեն իրենց հարձակումները հարևանների դեմ: Մեր թղթի նպատակն է ցույց տալ, որ կան հարևաններ, Qui ont été non seulement attaqués, et même occupés²⁵⁵ և պահանջում ենք վերջ տալ այս կացության:

Հունվար 6, 1922

Այսօր հայտնվեց, որ Գերագույն Խորհուրդը Լյոյո Ջորջի առաջարկության վրա վճռել է հրավիրել Ջենովա մարտի սկզբներին Համաեվրոպական **Տնտեսական Կոնֆերենցիա**, մասնակցությամբ բոլոր եվրոպական պետությունների, և՛ Գերմանիայի, և՛ Սովետ Ռուսիայի: Եվրոպայից դուրս՝ հրավիրվում են Դապոնիան և Միացյալ Նահանգները:

Կովկասյան նորակազմ պետությունների հրավերի խնդիրը բուն վեճի տեղիք է սովել: Բրիան, Բոնոմի և քելզիական ներկայացուցիչները պահանջել են հրավիրել կովկասյան ազգային կառավարությունները:

Լորդ Բրոքզոն հակառակել է բուն կերպով: Բոնոմին վերջում առաջարկել է հրավիրել կովկասյան և՛ սովետ կառավարությունները, և՛ ազգային կառավարությունները: Լորդ Բրոքզոն հակառակել է և այդ առաջարկին:

Վերջում որոշել են չհրավիրել Կովկասը, որպես ասիական պետություններ:

Այս ֆորմուլային գոհ է զնացել և՛ Պարսկաստանը:

Այս որոշման դեմ շրջաբերական-բողոք խմբագրեցի, որ Փարիզ հասնելուս պես կողարկեմ պետություններին մեր ներկայացուցիչների միջոցով:

Բողոքի հիմնական կետերն են –

ա) Հայաստանը Դաշնակից է ու belligerant փաստորեն;

բ) Հայաստանը, իբր ամենաավեր Դաշնակից երկիրը պատերազմի երեսից, չի կարող դուրս մնալ տնտեսական Conférence-ից, որի նպատակն է պատերազմի առաջ քերած վնասներն ու ավերումները դարձանել:

²⁵⁵ Որոնք ոչ միայն հարձակում կրած են, այլև գրավված են:

Նամակ գրեցի իսկույն Վարանդյանին և գոր. Բազրատուն, որով նրանց խնդրում էի այդ ուղղությամբ քայլեր անել Հոռո և Լոնդոն, մինչև որ դրկենք մեր հուշագիրը Փարիզից:

Հունվար 9, 1922

Հասան Նորատունկյան և Սըվազլին: Այցի էին եկած ինձ: Պահեցի նախաճաշի:

Սըվազլիին տեսնում էի առաջին անգամ: Գյուղի պատաված տիրացուի տպավորություն թողեց վրաս: Ամենեն ձանձրալի խոսակիցը, որին ես երբևիցե հանդիպել եմ:

Ջրույցի նյութն է՝ սուպի, մսի և կանաչեղենի ազդեցությունը մարդու ստամոքսի և առողջության վրա:

Այն մարդկանցից է երևում, որոնց մասին Մ. Գորկին ասել է, քե եք իրենց հիվանդությունը չլինի, գրույցի այլ նյութ չեն ունենա:

Սըվազլին, երբ փորձում է լուրջ քաղաքական հարցի մասին խոսել, միշտ հիշեցնում է թյուրքական սրճարաններում մարզիլե քաշող ժողովրդական խիկարները²⁵⁶: Մանր, հիվանդոտ աչքեր ունի, որոնք, սակայն, փոքրիկ, խորամանկ մարդն են արտահայտում:

Ինչու՞ էր Նորատունկյանը սրան հետը քերել, չգիտեմ: Չարմանքով իմացա, որ Նորատունկյան սրան հեռագրով կանչել է Չմյուռնիայից:

ՀԱՆԴԻՊՈՒՄ ՖՐԱՆԿԼԻՆ ԲՈՒՅՈՆԻ ՀԵՏ

Հունվար 10, 1922

Carlton հյուրանոցի վարի սրահում նստած էինք Թոմիչիբաշև, Գիզելկորի և ես, երբ մտնեցավ Ֆրանկլին Բույոն:

Գիրուկ, միջառասակ մի մարդ, դերասանի շարժումով, որ աշխատում էր վրան ուշադրություն գրավել. կենդանի ու շարժուն. ժպտում էր ամենքի հետ և միշտ խոսակից փնտրողի վիճակում: Ըստ երևույթին, գոհ է իր արածից: Թվում է իրեն, քե ամենքի հայացքն իր վրա է սևեռած և երջանիկ է, երբ մեկին էլ է գտնում ծա-

²⁵⁶ Խմաստակ (առասպելական Խիկար իմաստունի անունից):

նոթ: *Sphaire Faiseur d'Affaire*²⁵⁷, որ ա՛յնքան հիշեցնում է Թիֆլիսի կինոտուն: Դեմքը տզեղ չէ, բայց պարարտ, առանց ազնվակա- նության, և այբերն առանց իմաստության:

Թուփչիրաշևը թռավ ընդառաջ և, ըստ երևույթին, որպես վաղեմի ծանոթներ (ինչ որ ինձ համար նորություն էր), ողջուն փոխանակեցին խիստ մտերմորեն: Գիզեչկորին նույնպես թռավ ոտքի: Թուփչիրաշև ներկայացրեց Գիզեչկորին:

Ես մնացի մտած դիտմամբ և անուշադիր: Երբ Թուփչիրաշև իմ անունը տվեց, Ֆրանկլին Բույոն, որ միայն մի անգամ էր տեսած ինձ տարիներ առաջ, վրա թռավ՝ երկու ձեռքերը պարզած քացականչելով.

– O, bonjour, mon cher ami!²⁵⁸

Ես ցուրտ կերպով և լուրջամբ ընդունեցի պարզած աջը: Եվ տպավորությունս այն էր, որ իմ առջև կանգնած էր մի հան- ցագործ, որ արդարանալու պետք էր զգում: Այս հայտնությունն ավելի ևս ուժ տվեց իմ վերապահ դիրքին:

Չկացյալ զբաղված մարդու շարժումով Ֆր. Բույոն խնդրեց մեզ մի վայրկյան սպասել՝ ասելով, թե մեզ բոլորիս հետ խոսելիք ունի և հեռացավ:

Ամսիչապես հետո ես ոտքի ելա, ներողություն խնդրեցի ընկե- րակիցներիցս՝ ասելով, թե աշխատանք ունիմ տանը, հեռացա:

Մի կես ժամ հետո, մտած էի իմ հյուրանոցի պարտիզում, երբ վազեվազ եկավ Ա. Միրզոյանը և ասաց հետևյալը.

– Ֆր. Բույոն եկել է, շատ վշտացած, որ ես հեռացել եմ: Ասում է, որ նա գիտե, թե իմ արածը ցույց է իր դեմ և շատ խնդրում է գալ քացատրվել: Եվ թե Թուփչիրաշև և Գիզեչկորի նույնպես շատ խնդրում են գալ:

– Գնա ասա՛, – պատասխանեցի, – որ Ֆր. Բույոն պետք է տես- նրվեր ինձ հետ Կիլիկիա գնալուց առաջ և ոչ թե Կիլիկիան քան- դելուց հետո:

Միրզոյանը գնաց, ես մնացի:

Ինքս ինձ խորհելով եզրակացրի, որ այս դասն անհրաժեշտ էր Ֆր. Բույոնին իր բոլոր գեշությունների համար՝ հանդեպ հայու- քյան: Բայց եթե վերստին նա դիմի ինձ հանդիպելու, նրա հետ քացատրությունից խույս չեմ տա՝ ամբողջ դառնությունս վրան քափելու համար:

Հավատացած էի, որ նորից կդիմի և չսխալվեցի: Հաջորդ օրն

²⁵⁷ Գործի վարպետ, գործ սարքող, աֆերիստ:

²⁵⁸ Բարի օր, սիրելի՛ բարեկամս:

իսկ, ճաշում էի նույն Carlton հյուրանոցում, երբ Ֆր. Բույոն մտնե- ցավ, ցավ հայտնեց, որ ինձ չէր կարողացել տեսնել նախընթաց օրը և խնդրեց հանդիպել ճաշից հետո ժամը 4-ին:

– Nous devons bavarder²⁵⁹, – ասաց:

– Très volontiers²⁶⁰, – պատասխանելով ընդունեցի ես:

Ճաշից հետո, ժամը 4-ին, ես հանդիպեցի նրան Carlton Hotelsondage-ի թեյասեղանի առջև: Նստած էին և՛ *Matin*-ի խմբագրապետը, թղթակից Չաուիլովայն և քանի մը ուրիշ *journalist*-ներ, ինչպես *Daily Telegraph*-ի մեր բարեկամ թղթակից պրոֆեսոր Ժիրոֆլով:

– Ես ուրախ եմ, – ասաց նա, ժպտալով կեղծ մտերմությամբ, – որ մեր հանդիպումը տեղի ունեցավ մեր այս բարեկամների ներ- կայությամբ:

– Ես ևս գոհ եմ, – ասացի, – և հենց Չեզնից հարցնում եմ՝ հան- գի՞ստ է Չեր խիղճը 50 հազար հայություն բնավեր դարձնելուց հետո:

– Դուք էլ, ինչպես բոլոր հայերը, ինձ եք դատում, – ասաց նա, – բայց ինձանից լավ բարեկամ չունիք: Հիսուն հազար հայեր գաղ- քեցին, որովհետև նրանց անպատասխանատու մարդիկ մղեցին դեպի այդ ճամփան: Բարեբախտաբար, գաղթողներն իսկույն նկատեցին իրենց սխալները և արդեն 25 հազար ետ են եկած: Մնացածներն էլ գալու վրա են:

– Ավելի վատ՝ դարձողների համար, որովհետև նրանց կկո- տորեն Անկարայի Չեր բարեկամները:

– Մխալվում եք, Դուք չեք ճանաչում թյուրքերին:

– Հրաշալի եմ ճանաչում, – ասացի, – Դուք և առհասարակ ֆրանսացիները եք կուրացել, ինչպես կուրացել էիք 1914 թվին, պատերազմի նախօրյակին, երբ նրանք խաբեցին ձեզ և ձեր դրա- մը, առած փոխառությամբ, գործ դրին ձեր դեմ պատերազմի: *Ils vous ont roulé alors, ils vous roulent à present*²⁶¹:

– Ի՞նչ փաստ ունիք Անկարայի մարդոց և հատկապես Քեմա- լին ջարդարար համարելու:

Պատասխանի փոխարեն ես նախ քրքջացի հեզմորեն:

– Միրելի՛ պարոն, – ասացի, – Հայաստանը ջարդող դահիճները ողջ Անկարա են ապաստանած, և հայությունը նրանց ճանաչում է հակառե հանվանե: Ահա թե ինչու՛ են փախել

²⁵⁹ «Պիտի շաղակրատենք»:

²⁶⁰ «Միանգամայն պատրաստակամ եմ»:

²⁶¹ «Չեզ խաբեցին այն ատեն, ձեզ պիտի խաբեն հիմա ալ»:

Կիլիկիայից և ոչ՝ թե կողմնակի խորհրդատուների խոսքերով:

— Բայց Քենալը և իր շրջապատը մի քանի անգամ կյանքերնին վտանգի են ենթարկած ազատելու համար հայերը: Քենալը ինչու՞ է ջարդարար:

— Քենալի գորավար Բյազին Գարա Բեքիր փաշան էր, որ 1920 թվի դեկտեմբերին ջարդեց և ցրիվ տվեց Կարսի ու Արդահանի 200.000 հայությունը: Ողջ Անկարան մարդասպաններ են: Ահա ձեր դաշնակիցները:

— Կարսի ջարդը... Բայց դուք էլ բյուրքերին եք ջարդել, բացականչեց Ֆր. Բույուն:

— Ձեր աղբյուրը բյուրքերն են, և Ձեր հայտարարությունն այդչափ արժեք ունի:

— Սակայն, Ֆրանսիան չէր կարող մնալ Կիլիկիա: Այնքա՞ն ծախք, գոհեր...

— Ֆրանսիա չափաի պահանջեր Բրիտանական կառավարությանից դատարկել Կիլիկիան բրիտանական զորքերից, եթե ինքը մնալու չէր այնտեղ: Դուք Կիլիկիան առիք Բրիտանիայից՝ բյուրքերի՞ն տալու համար, թե՞ բրիտանացիների պաշտպանության համար:

— Չխոսի՞մք այդ մասին: Ֆրանսիան մենակ ի՞նչ աներ: Մեղավորները, ա՛յ, այս անգլիացիք են, — ցույց տալով Daily Telegraph-ի թղթակցին:

— Շատ են խնդրում Ձեզ՝ մեզ չղնել Ֆրանսիայի և Անգլիայի պայքարի մեջ: Մենք շատ փոքր ենք այդ դերն ստանձնելու համար: Այսօր խոսքը ձեր և Անկարայի դաշնագրի մասին է, ուրիշ ոչինչ, և այդ դաշնագիրը հանցանք է:

Ֆրանկլին Բույուն տոնը փոխեց:

— Ի՞նչ եք պահանջում այժմ: Որո՞նք են ձեր ընթրնումով ձեր իրավունքները:

— Դուք, պ. Ֆր. Բույուն, — ասացի, — այդ լավ գիտեք, քանի որ Ֆրանսիայում Դուք համարվել եք հայասեր և պաշտպանում էիք հայերի իրավունքները պատերազմի ընթացքին և պաքներ էիք նետում բյուրքերին հայկական ջարդերի համար: Ի՞նչ էիք պաշտպանում, ասացե՛ք:

— Այն ժամանակ Ֆրանսիան ուներ իր հետ Դաշնակիցները: Այժմ նա մենակ է:

— Ուրե՞ն...

— Ֆրանսիան չի կարող ձեր հողային պահանջներին գոհացում տալ:

— Ձեզ հայտնի է, որ անցյալ սեպտեմբերին այդ մենակ Ֆրան-

սիան, իրավ որ մենակ, հրապարակ եկավ Լեոն Բուրժուայով Ժրնկի Ազգերի Լիգի ժողովում *réserve*²⁶² անելու, երբ հայտարարում էին, թե Թյուրքաց Հայաստանը պետք է անջատվի Թյուրքիայից:

— Լեոն Բուրժուան Ֆրանսիա չէ:

— Հանուն Ֆրանսիայի նա արեց իր հայտարարությունը

— Բայց, վերջապես, ի՞նչ եք պահանջում դուք:

— Վիլսոնի սահմանները, թեկուզ կրճատված:

— Այդ անկարելի է: Չ՞է որ դուք Հայաստան ունիք արդեն Կովկասում:

— Նոր հասկացա Ձեզ, պ. Ֆրանկլին Բույուն: Դուք կուզեիք, որ մեկ միլիոն երկու հարյուր հազար հայ կոտորելուց հետո, Ձեր բարեկամ բյուրքերը տիրանան նրանց հողերին: Կարո՞ղ եք այդպիսի զարհուրելի փաստը պարտկել Ֆրանսիայի փառավոր պատմության մեջ: Մտածու՞մ եք դրա մասին:

— Ես ասում եմ, թե բյուրքերը չեն տա:

— Թյուրքերը կտան մեր հողերը մեզ, եթե նրանց զաղտնի քաջալերող չունենան մերժելու համար:

— Այս վեճը դեռ շատ կերկարի: Հավատացե՛ք ինձ, որ բյուրքերը նախկինները չեն: Դուք պիտի փոխեք ձեր քաղաքականությունը նրանց հանդեպ: Պետությունները ձեզ շահագործում են: Կգամ Փարիզ, կգամ Փարիզ, կխոսենք: Դեռ շատ քան ունին ասելու Ձեզ:

— Ֆրանսիան պարտական է մեզ, — վերջացրի ես:

— Կարո՞ղ եք ինձ ասել, որ Բույունը ինչու է ասում այսպես — ասե՛ք ինձ: ՄԵՍԱԿՑՈՒԹՅՈՒՆ ԻՏԱԼԻԱՅԻ ԱՐՏԱՔԻՆ ԳՈՐԾՈՑ ՆԱԽԱՐԱՐ ՍԱՐՔԻՋ ՏԵԴԼԱՏՈՐԻՏԱՅԻ ՀԵՏ

Հունվար, 12, 1922

Առավոտյան ժամը 11-ին տեսնվեցի Մարքիզ Տորրիտայի հետ:

Անարոնյան. — Պ. Նախարար, ես Փարիզում և Լոնդոնում առիք ունեցա վերջերս տեսնվել պ. Բրիանի և Լորդ Քրոզրնի հետ: Պատրաստվում էի Հոն անցնել Ձեզ տեսնելու համար, երբ իմացա, որ Կաննի Conference-ի առթիվ Դուք այստեղ պիտի լինիք: Շնորհակալ եմ ինձ ընդունելու համար՝ հակառակ Ձեր

²⁶² Վերապահում, պահուստ:

բազմազարդ ժամանակին: Ի մոտո Փարիզում կայանալու է երեք նախարարների խորհրդակցությունն՝ Արևելյան Կնճիոր կարգադրելու համար Չեր մասնակցությամբ, և ես կուզեի Չեզ պարզել այդ առթիվ հայկական հայեցակետերը: Իտալիան, որպես անմասն անգլո-ֆրանսիական տուր հակամարտության, կարծում եմ, մեր Խնդրում պիտի կամենա շատ մարդասեր ու արդար դեր կատարել: Ես կկամենայի բանի մի պայմանների վրա Չեր ուշադրությունը հրավիրել: Նախ՝ ներեցեք, որ ասեմ, թե Հայկական Հարցը, մարդասիրական լինելուց զատ, նաև գերազանցապես réparation-ի²⁶³ խնդիր է: Դաշնակիցները գերմանացիներից réparation են պահանջում: Կարծում եմ, որ Հայաստանի réparation-ը նույնպես հոգացվելու էր: Ո՛չ մեկ երկիր այնպես ավերվեց, որպես Հայաստանը, և ո՛չ մեկ երկիր այնպես մոռացված է այժմ, որպես Հայաստանը:

Տեղա-Տորքիտա.՝ Փարիզի խորհրդակցության այդ հարցով պիտի զբաղվի՞ք, և կարող եք վստահ լինել, որ իմ անձնական և իմ երկրի համակրանքները շատ մեծ են հայերի հանդեպ, և ես հնարավորը կանեն **տվյալ պայմաններում** հոգուտ Հայաստանի:

Ահարոնյան.՝ Երբեք չենք կասկածել և՛ Չեր, և՛ ի մասնավորի Իտալիայի համակրության մասին: Մենք սիրել ենք Իտալիան, որին շատ բան ենք պարտական մեր ժամանակակից կուլտուրայով: Բայց ներեցեք ինձ ասել, որ մեր կացությունը ներկայումս այնքա՞ն ծանր է, որ իրական ու արագ դարմանի պետք ունի:

Տեղա-Տորքիտա.՝ Որո՞նք են միջոցները, Չեր կարծիքով: Ես ուրախ կլինեի լսել:

Ահարոնյան.՝ Նախ՝ ասեմ, որ խոսվում է հայերին ապահովություն տալու մասին: Սա անարդարություն է: Խնդիրը հայկական պետության մասին է, որ ճանաչված է Սևրի դաշնագրին նախընթաց մի ակտով, և հիշյալ Դաշնագրի վավերացումն ու ոչ վավերացումը առանձին առնչություն չունի մեր պետության անկախության հետ: Եթե մեր պետության մի մասը գրաված են բոլշևիկները, ոչինչ չի կարող արգելել, որ ազատագրվի թյուրքերի ձեռքերից հարավային մասը, թյուրքաց վիլայեթները: Սևրի դաշնագրի վերաքննությունը լավ առիթ է, թյուրքերին որոշ գոհացումն տալու փոխարեն, պահանջել որպես հատուցումն Թյուրքաց Հայաստանի

²⁶³ Ռեպարացիա՝ վերականգնում-Պատերազմի պատճառած կորուստների փոխհատուցում, որ հաղթողին վճարում է պարտված երկիրը. սա ռազմական կոնտրիբյուցիայի ձև է, որ օրինակ՝ Առաջին համաշխարհային պատերազմում հաղթանակած երկրների կողմից գանձվեց Գերմանիայից:

հողերի պարպումը: Եվ այս խնդրում մենք հույս ենք կապում Չեր աջակցության:

Այսա՛ ես մի առ մի քվեցի Հայաստանի ապագա կազմակերպության բոլոր հնարավորությունները՝ հայերի թիվը, ֆինանսական հարցի կարողության եղանակը, ժանդարմերի կազմությունը, վարչության ձևը մանդատի տակ:

Տեղա-Տորքիտա.՝ Բարի եղեք, խնդրեմ, այս բոլորը հուշագրի ձևով ինձ ներկայացնել և վստահ եղեք Իտալիայի բարյացական աջակցությանը:

Տեսակցությունը վերջացավ: Ես դուրս եկա ճնշված տապալորությամբ: Իտալիայի նախարարի արտաքինն իսկ զորացնում էր այդ տպավորությունը: Մարքիզը փոքրիկ, վտիտ մարդ է, միհար, մուսիայի դեմքով, կենդանի բայց անախորժ աչքերով, որոնք վստահություն չեն ներշնչում:

Եվ հետո, բազմաթիվ փորձերից հետո, ես բնագրական վախ ունեմ այն պետական մարդկանցից, որոնք դիվանագիտական զրքույցը դարձնում են սոսկ համակրական զգացմունքի արտահայտության միջոց, մասնավա՞նդ՝ երբ խոսում են սեփական համակրանքից՝ խույս տալով իրական և որոշ հարցերից:

Տեղա-Տորքիտայի վրա ես առանձին հույս չունեմ: Aide Mémoire-ը ներկայացրի:

Կամնում տեղեկությունների տեսակետից շատ մեծ ծառայություն ցույց տվին ինձ Բելգիայի ընկերվարական Brucker, թրթակից Wansipe և Կաննից մեկնեցի Ֆրանսա 15-ին:

ՏԵՍԱԿՅՈՒԹՅՈՒՆ
ՖՐԱՆՍԻԱԿԱՆ ՄԻՆԻՍՏՐԻ ՊԵՐԵՏՏԻ
ԴԸ-ԼԱ ԲՈԿԿԱՅԻ ՀԵՏ

Այսօր, հունվար 21-ին, տեսնվեցի Պերետտիի հետ: Խնդրեցի ասել, թե արդյոք կառավարությունն առաջ քերե՞լ է քաղաքականության փոփոխություն Արևելքում և մասնավորապես Հայաստանի վերաբերմամբ:

Պերետտի.՝ Ո՛չ, քաղաքականության մեջ փոփոխություն չկա Հայաստանի վերաբերմամբ: Բայց շատ երկյուղ ունիմ, որ թյուրքերը intransigeant²⁶⁴ լինին Հայաստանի հանդեպ: Անցյալ օրը ինձ մոտ էր մի թյուրք, որ ասում էր, թե Հայաստան չկա և թե

²⁶⁴ Անգիջում, անդրդվելի, անհաշտ:

հայերի թիվը ամբողջ Թյուրքիայում 300 հազարից անց չէ: Ես հարցրի, թե պատերազմից առաջ հայերի թիվը այնտեղ ավելի էր մեկ միլիոն ու կեսից: Ապա ու՞ր են մնացածը, այսինքն՝ մեկ միլիոն երկու հարյուր հազարը: «Մեկնե՛լ են երկրից», - պատասխանեց թուրքը: «Մեկնե՛լ են», - բացականչեցի ես, - երկի ձեռք ձեռքով երկիրը»: Պարզ էր կատարածի խոստովանությունը թուրքի կողմից:

Ահարոնյան. - Մեր վերջին տեսակցության Բրիանի հետ Կիլիկիայի մասին, նա թողեց այդ Խնդիրը և դարձավ Հայաստանին, ասել ուզելով, թե Կիլիկիայի Խնդրում փոփոխության հնար չկա, և թե նա պատրաստ է մեզ աջակցել Հայաստանի Խնդրում, այսինքն՝ ստանալ մեր հողերը քարքերից: Այս հարցումն է, որ ես կուզեի հավաստիք ունենալ նոր կառավարության ամբիվ: Կարո՞ղ ենք հուսալ Ֆրանսիայի աջակցության վրա այս խնդրում:

Պերետտի. - Վստահացնում եմ Ձեզ, որ մեր քաղաքականությունը Հայաստանի հարցում փոխված չէ:

Ահարոնյան. - Ես կկամենայի հասկանալ Ձեր խոսքերը այն իմաստով թե Կիլիկիայի Հարցը այնքան ի վնաս մեզ լուծելուց հետո, Ֆրանսիան ինքզինքը մինչև մի որոշ աստիճան պարտական է զգում Հայկական վիլայեթներն ազատել թյուրքերից և հայ ժողովրդին հանձնել: Ես չեմ թաքցրել Ձեզնից, պ. Մինիստր, թե ի՞նչ ցավազին արձագանք ունեցավ Կիլիկիո Հարցը բոլոր հայ սրբուներում:

Պերետտի. - Մենք չենք կարող մոռանալ Հայաստանը. La Cause Arménienne est une Cause Française²⁶⁵:

Ես շատ զարմանքով լսեցի այս վերջին խոսքերը, որ միանգամայն անսպասելի էին Պերետտիի շրթունքներում: Այդ զարմանքը նկատեց Պերետտին և ժպտալով հարցրեց.

- Qui, est - ce que vous on doutez ?²⁶⁶

Ահարոնյան. - Ո՛չ, պ. Մինիստր, ես բնավ չեմ կասկածում, որ Հայ Դատը Ֆրանսիական Դատ է: Միայն թե՛ մեր այս ծանր օրերում այսքան սրտապնդիչ հայտարարությունը ինձ համար ուրախություն է, և այդ ուրախության համար Ձեզ երախտապարտ եմ: Ձեր նշանակալից խոսքերը ես երբեք չեմ մոռանա:

Պերետտի. - Վստահ եղեք ինձ վրա: Դուք այստեղ, այս հարկի տակ, հավատարիմ բարեկամ ունիք: Vous avez, ici un ami fidèle²⁶⁷:

²⁶⁵ «Հայկական Դատը Ֆրանսիական Դատ է»:

²⁶⁶ «Ի՞նչ, կկասկածե՞ք»:

²⁶⁷ «Դուք այստեղ փոտանեի բարեկամ ունեք» (Ֆրանս.):

Ե գ ր ա կ ա ց ու թ յ ու ն - Ըստ իմ ստացած տպավորության, Պերետտին մեր հանդեպ նոր և մեզ համար ո՛չ աննպաստ մեղջնչումն է ստացել: Սակայն, չեմ կարող ասել, թե ֆրանսիական քաղաքականությունը վերջնապես իր համար պարզե՞լ է մեր Խնդրում բռնելիք ընթացքը: Կարծում եմ, որ Պուանքարեն ավելի նպաստավոր քաղաքականություն, կամ ավելի ճիշտ տրամադրություն ունի մեր հանդեպ, քայց դեռ իր անելիքը շատ որոշ չէ:

ՏԵՄՍԿՅՈՒԹՅՈՒՆ

TEMPS ԹԵՐԹԻ ԳԼԽԱՎՈՐ ԽՄԲԱԳԻՐ
JEAN HERBETTE-Ի ՀԵՏ

Այսօր, հունվարի 23-ին, իմ հրավերով, որ ընդունվեց շատ փութով ու մեծ սիրով, մի փոքրիկ թեյասեղանի շուրջը՝ La Rue ճաշարանում հանդիպեցինք Temps-ի խմբագիր J. Herbette-ի հետ: Ներկա էր և Ա. Խատիսյան:

Ջրույցի նյութն էր Ֆրանսիայի քաղաքականությունը Հայկական Հարցում: Մեր ցանկությունն էր իմանալ, թե Ֆրանսիան պիտի աջակցի՞ մեզ արդյոք Թյուրքաց Հայաստանի խնդրում: Ավելացրինք, թե առանց Ֆրանսիայի անկեղծ ու վճռական աջակցության, երկյուղ ունենք. որ Թյուրքաց Հայաստանի հարցը վերածվի սոսկ փոքրամասնության երաշխիքների ձևին, ինչ որ Հայաստան ու Հայկական Հարց իսպառ լքել ասել է:

Jean Herbette. - Թյուրքաց Հայաստանի անկախությունը ներկա պայմաններում ինձ բնավ հնարավոր չի թվում Home-ի ձևով կամ այլապես: Ցավն այն է, որ թյուրքերը կամավ չեն զիջի, իսկ նրանց բռնադատելու որևէ միջոց ես չեմ տեսնում: Ըստ իս՝ հայերը բավականանալու են Կովկասյան Հայաստանով, ուր կարող են ամրապնդվել և սպասել լավագույն օրերի: Ինչ վերաբերում է Թյուրքաց Հայաստանին, իբրև փոքրամասնություն, հայերը կկարողանան համախմբվել քաղաքներում, երկրի առևտուրը ձեռք առնել, բազմաձև և լինել լավագույն հարաբերության մեջ թյուրքերի հետ: Ես այլ հեռանկար չեմ տեսնում այսօրվա պայմաններում: Հասկանում եմ, ձեր կացությունը, որպես վարիչների, շատ ծանր է: Դուք Կովկասում 300 հազար թյուրքահայ զաղթականներ ունիք, որոնք շարունակ պիտի ձգտին դեպի Թյուրքիա: Բայց վարիչների քաղաքական իմաստությունը պետք է գերակշռի:

Ահարոնյան. - Հարցն այսքան հեշտ չէ: Հայաստանի մեկ

միլիոն գողը այսպիսի արդյունքի համար չէր: Պետություններն և ի մասնավորի՝ Ֆրանսիան ծանր պարտք ունին մեր հանդեպ: Բռնադատելու միջոցները չեն պակասում, եթե պետությունները և ի մասնավորի՝ Ֆրանսիան այդ կամեման: Քանի որ Սևրի դաշնագրի վերաքննությանը Ֆրանսիան հաջողեցրեց ահագին շահ քյուրքերին, փրկեց Թյուրքիան, նա կարող է քյուրքերից Հայաստանի պարպումը պահանջել:

J. Herbette. – Ֆրանսիան այդ չի կարող անել մեռակ: Դրանով նա միայն քյուրքերին պիտի դարձնի իր դեմ՝ առանց շահի ձեզ համար: Ֆրանսիան կարող է Հայաստանի պարպումի խնդիրը դնել միայն այն ժամանակ, եթե կարողանա գոհացնել քյուրքերին՝ նրանց մյուս պահանջների հետ: Արդ՝ դուք գիտեք, որ Անգլիա լսել չի ուզում այդ մասին: Եթե դուք կարող եք համոզել անգլիացիներին ընդունելու քյուրքերի բոլոր պահանջները, այն ժամանակ հեարավոր կլինի և՛ ձեր Հարցի լուծումը ձեր ուզած ձևով:

Մհարոնյան. – Հուսամ, Դուք այդ առաջարկը լքողներն չեք անում: Մենք չենք, որ կարող ենք անգլո-ֆրանսիական վեճի մեջ մտնել: Ֆրանսիան պարտավոր է մեզ օգնել: Մենք չենք պահանջում Ֆրանսիայից զորք, ֆինանսներ, այլ միմիայն նրա բարի խոսքը, հօգուտ Հայաստանի, որ իր հույսը դրել է նրա վրա: Կլիկիկայի թշվառություններից հետո, Ֆրանսիան այս նոր հիասթափությունը պետք է խնայի հայ ժողովրդին:

J. Herbette. – Ես ասացի, որ մենք մեռակ ենք: Եվ մեր այդպիսի պահանջը, կրկնում եմ, առանց ձեզ օգուտ տալու, մեր էլ հարաբերությունները կզեղացնի Թյուրքիայի հետ...

Անօգուտ էր շարունակ այսպիսի զրույցը *J. Herbette*-ի հետ: Պարզ էր, որ *Temps*-ի խմբագիրը իր կարծիքը փոխելու չէր:

Բաժանվեցինք շատ ծանր տավառությամբ:

ՏԵՍԱԿՅՈՒԹՅՈՒՆ

ՖՐԱՆՍԻԱՅԻ ՎԱՐՉԱՊԵՏ Է. ՊՈՒՆՆՔԱՐԵԻ ՀԵՏ

Այսօր, փետրվարի 20-ին, ճաշից հետո ժամը 5-ին, Նորատունկյանի հետ միասին տեսվեցինք Պուանքարեի հետ:

Նորատունկյանը, առաջինը խոսք առնելով, ծանրացավ Թյուրքաց Հայաստանի կազմության իրական կամ ենթադրյալ դժվարությունների վրա: Հայ բնակչության թվի պակասը հերքեց ասելով, թե Կովկասում և այլուր 500 հազարի չափ հայ փա-

խըստականներ են սպասում՝ իրենց հայրենիքը վերադառնալու: Ժանդարմերի համար հայտնեց, թե հայությունը կկարողանա պետք եղած թվով կամավորներ տրամադրել՝ Դաշնակիցների կադրերով կարգն ապահովելու համար: Ֆինանսների համար ասաց, թե Ամերիկայի բարգավաճ հայության ներկայացուցիչները առաջարկում էին անցյալները Ազգերի Լիգային 5000 հայ կամավորներ և 25 միլիոն դոլլար, եթե հոգատար մի պետություն հանձն առներ Հայաստանը իր խնամքի տակ առնել ու կարգավորել:

– Փոքրամասնությանց իրավունքների սխտեմով, – ասաց Նորատունկյան, – անհնարին է Թյուրքիայում ապահովել հայության վիճակը, որովհետև քյուրքերը հազար հնար ունեն խախտելու այդ կարգի համաձայնությանց բոլոր կետերը. նրանք ջարդարարներ են, անվստահելի և անուղղելի. Անկարայի Ժողովի անդամները մեծավ մասամբ հանցագործներ են և հայերի դեմ ոճիրներ են կատարած:

Պուանքարե, որ լսում էր ակնհայտ տհաճությամբ, վերջին խոսքերից առաջ զայրությով ձեռքը սեղանին վրա ցնցեց ու բացականչեց.

– Թողեք խնդրեմ անցյալը: Մենք հնար չունենք քյուրքերին պատերազմ անելու: Ես չեմ կարող ժամանակս կորցնել: Խոսինք իրականությունից:

Նորատունկյան. – Նպատակս Ձեզ քյուրքերի դեմ գրգռել չէ, այլ պարզապես իրականությունը բացատրել: Բայց ես վերջացրի Թյուրքաց Հայաստանի մասին: Պ. Մհարոնյանը կասի, թե ինչեր են կատարել նրանք Կովկասյան Հայաստանում:

Պուանքարեն ինձ դարձավ, բայց դեռ սրտնեղած արտաքինով փոքրիկ միջադեպից և դեմքը կարմրած:

Ջնջելու համար այս անախորժ տպավորությունը, ես ստիպված էի փոխել իմ ասելիքը և հեռվից մտտեմալ նյութին:

Մհարոնյան. – Պ. Նախագահ, նախ՝ թույլ տվեք ինձ իմ անկեղծ երախտագիտությունը հայտնելու Ձեզ պ. Գերմինին ուղղած Ձեր մամակի համար ի պատասխան Ֆրանսական պարլամենտի անդամների դիմումին, որով Դուք խոստանում եք հայկական Home-ը պաշտպանել առաջիկա կոնֆերանսում: Մեզ համար այդ մամակը սրտապնդիչ երևույթ է, որին վաղուց կարոտ էինք:

Պուանքարե. – (Ժպտալով) Այո, բայց պետք չէ չափազանցել հույսերը: Պետք է գիտնաք, որ կան մեծ դժվարություններ:

Մհարոնյան. – Գիտեմ, և հենց դժվարությունների մասին պիտի խոսեմ, քանի որ գտնում եմ ավելորդ կրկնել այստեղ մեր

իրավունքների արդարությունը և մեր հանձն առած զոհաբերությունների մեծությունը: Ֆրանսիական Հանրապետության նախագահ պ. Պուանքարեն լավ գիտեր այդ բոլորը, հետևապես Ֆրանսիայի վարչապետ Պուանքարեն նույնպես: Մենք հավատացած ենք, որ մեր հարցը Չեզ ծանոթ է գուցե մեզմիջ ավելի:

Պուանքարեն. – (ժպտալով) O, pas tant que ca²⁶⁸:

Ահարոնյան. – Չեզ հրաշալի ծանոթ են Կովկասյան ճակատում մեր կռիվները. մեր 200 հազար զինվորների գործը ռուսական և այլ ճակատներում: Չեզ քաջածանոթ է մարեշալ²⁶⁹ Ալեկսիի վկայությունը Պաղեստինի ճակատում մերոնց կատարած դերի մասին և նորերս գեմ. Լուդենդորֆ իր մի գրքում խոսում է նաև Բարվում մեր զորքերի կատարած դիմադրության մասին, որ ուշացրեց մի քանի ամսով Գերմանիային նավթը և վճռապես ազդեց Գերմանիայի պարտության վրա: Այս բոլորի հանդեպ Սկրի դաշնագիրը մեր վարձատրությունն եղավ: Տարաբախտաբար, զինադադարը չիրագործեց թյուրքերի զինաթափումը: Մի սխալ, որից տուժում ենք այսօր ամենքս, և որ Ֆրանսիայինը չէ:

Պուանքարեն. – (ակնհայտ հաճությամբ) Լիապես համաձայն են Չեզ հետ: Դա ծանր սխալ եղավ և այսօրվա դժվարությանց գլխավոր պատճառն է:

Ահարոնյան. – Եվ մեր մեծ աղետին, թյուրքերը կարողացան բուլղարիայում օգնությամբ ոչ միայն պահել Թյուրքաց Հայաստանը, այլև անցնել գրավել Կովկասյան Հայաստանի մի կարևոր մասը: Ես այդ նախատեսել էի և բազմիցս հրավիրել Դաշնակիցների ուշադրությունը թյուրք-բուլղարիայի գործակցության վտանգի վրա: Բայց ձայնս լսելի չեղավ: Փաստը մեր առջևն է: Բայց դա անցյալն է: Մենք կարծում ենք սակայն, որ հակառակ այս դժվարին կացության, հնարավոր է Հայկական Խնդիրը կարգադրել, մանավանդ որ դա չի հակասում անգամ թյուրքական շահերին, եթե նրանք խելահաս լինին:

Նորատունկյան. – Անգամ կովկասյան մահմեդական պետությունները պնդում են Թյուրքաց Հայաստանի ազատագրության վրա, ինչպես և հնդիկ մահմեդականները, որը վկայեց նորերս Լորդ Նորդլիֆ:

Պուանքարեն. – Ճշմարիտ է, բայց Անկարայում խոսք հասկացող հոսանքը գորել չէ: Դրա փոխարեն թյուրքերն այսօր այն-

քան կազմակերպված են: Մենք մեր օրակարգի մեջ ունինք հայկական Home-ը: Սակայն, խնդիրը թյուրքերին հարկադրելու միջոցների դժվարության մեջ է: Դաշնակիցները և, ի մասնավորի, Ֆրանսիան չեն կարող նոր պատերազմ հայտարարել Թյուրքիային:

Ահարոնյան. – Պ. Նախագահ, թյուրքերին պատերազմ հայտարարելու պետք չկա: Մենք գիտենք, որ Դաշնակիցները հայտարարել են՝ ոչ մի սու, ոչ մի զինվոր: Մենք խնդրում ենք թյուրքերին առաջարկելիք պայմանների մեջ դնել և հայկական հողերի դատարկումը: Եվ հավատացած ենք, որ երբ պետությունները վճռապես ու միակամ այդ պահանջեն, թյուրքերը կզիջեն: Նրանք աղմկում են, սովոր են «բազարլը-ի»²⁷⁰. շահագործում են պետությունների անտագոնիզմը²⁷¹, բայց պիտի խոնարհին, հենց որ պետությունները միահամուռ ու վճռապես պահանջեն: Միշտ այսպես է եղած ահա մեր Խնդիրը:

Պուանքարեն. – Մենք աշխատում ենք համաձայնության գալ Անգլիայի հետ և հույս ունեն կհասնենք: Ինչպես ասացի, Հայկական Home-ը օրակարգի մեջ է, որ առաջադրելու ենք թյուրքերին: Բայց կրկնում են, դժվարությունը այդ չէ, այլ այն, որ թյուրքերը կարող են մերժել, և մենք հնար չունենք նրանց հարկադրելու: Ես մարշալ Ֆոշի հեղինակավոր կարծիքն ունեմ: Թյուրքերն այսօր այնքան հզոր են, որ կարող են և՛ Անգլիայի դեմ դնել Միջագետքում, և՛ մեր դեմ Սյուրիայում, և՛ հույների, և՛ ձեր դեմ: Սա է փաստը: Եվ պետք է հաշվի առնել այս: Մենք չենք կարող նոր կռիվ հայտարարել Թյուրքիային, ի վիճակի չենք այդ անելու: Սակայն, Հայկական Home-ը կպահանջենք հնարավոր պայմաններում:

Նորատունկյան. – Մի խնդիր ևս: Ինչպես գիտեք, Կիլիկիայի հայությունը խույս տվեց իր երկրից: Պիտի խնդրելիք հնար տալ նրանց իրենց հայրենիքը վերադառնալ և այնտեղ ստեղծել մի հատուկ ռեժիմ նրանց պաշտպանության համար: Կիլիկիան հայության խոշոր կեդրոն է, որ կարող է Home դառնալ փախստական հայության: Իհարկե, մեր ցանկությունն է ունենալ Home-ը բուն Հայաստանում: Բայց եթե այդ անկարելի դառնա...

Պուանքարեն. – (ջղայնացած) Ոչ, ոչ, Կիլիկիո մեջ առանձին ռեժիմ լինել չի կարող: Ընդհանուր քրիստոնյաների պաշտպանության հարց կա: Համենայն դեպս Կիլիկիան կարող է հուսալ նույնն ունենալու, ինչ որ Չնյուտնիո շրջանի քրիստոնյաները:

²⁷⁰ Բազար անել, սակարկել (թուրք.):

²⁷¹ Անհաշտ հակառակություն, հակամարտություն:

²⁶⁸ «Օ», ոչ այդչափ:

²⁶⁹ Մարշալ:

Միարոնյան. – Երկու խոսք ևս Ձեռնովայի կոնգրեսի մասին: Գիտեք, որ Սովետական պատվիրակությունը բերելու է իր հետ և մի հայ բոլշևիկ, որպես Հայաստանի ներկայացուցիչ: Որպես Հայաստանի լեզու կառավարության ներկայացուցիչ, խնդրեմ, ի նկատի առնել, որ դա ծանր ռուսագոյություն է մեր անկախության դեմ: Հուսամ՝ Ֆրանսիական կառավարությունն այդ թույլ չի տա:

Պուանքարե. – (վճռապես) Ո՛չ, ո՛չ, կովկասյան պետություններն Ասիայումն են և չեն կարող մասնակցել այդ կոնգրեսին: Արդեն իսկ մենք մերժեցինք Վրաստանին:

Տեսակցությունը տևեց 35 րոպե:

ՏԵՍԱԿՅՈՒԹՅՈՒՆ ՉԻՉԵՐԻՆԻ ՀԵՏ

*Ձեռնովա
մայիս 15, 1922
Hotel Nizza*

Այսօր, մայիսի 15-ին, ճաշի ժամը 12-ից մինչև 1-ը տեսակցություն ունեցա Չիչերինի հետ Մ. Վարանդյանի և Ա. Գյուլխանդանյանի²⁷² հետ միասին:

Վարանդյան ներկայացրեց ինձ ու Գյուլխանդանյանին: Ես առաջինը խոսք առա:

Ես ասացի Ֆրանսերեն.

– Թույլ տվեք ինձ, նախ, մի *pro domo sua*²⁷³:

Եվ նրան նկարագրեցի 1918 թվին բյուրքերի առաջադասման և Ռուս բանակի հեռանալու օրերին Թյուրքիո հայ ժողովուրդի համակրանքը դեպի ռուսները և թե ես անձնապես ինչ եմ արել այդ օրերին: Ավելացրի, որ միայն ռուսներին հովանու աջակցության պակասն եղավ պատճառ, որ մենք ստիպված եղանք մանդատեր փնտրել: Ռուսների վերադարձը դեպի Կովկաս, սակայն, բյուրքերի հետ, հայ ժողովրդին անասելի ցավ դարձավ և ծանր աղետների աղբյուր եղավ մինչև այժմ: Ռուս-բյուրք համաձայնությունը փաստ է այսօր: Ռուսը իր արևելյան նոր քաղաքականության հենարան է համարում Թյուրքիան, և մենք ստիպված ենք հաշվի առնել այդ փաստը: Մտածում ենք, սակայն, որ անհնարին չէ հաշտեցնել հայկական շահերը՝ ռուս-

բյուրք համաձայնության տրամադրությունների հետ: *Մենք* կարծում ենք, որ Հայկական արևելյան նահանգները, կամ *նրանց* մի մասը հայերին հատկացվելը ավելի ևս կամրապնդեր *ռուս*-բյուրք համաձայնությունը և բյուրքերի գործը կհեշտացներ աշխարհում, վերցնելով մեջտեղից մի դժնդակ պրոբլեմ, որի համար ամբողջ քաղաքակիրթ աշխարհը դեմ է բյուրքերին: *Մենք* կարծում ենք, որ Մոսկվայի Սովետը, մնալով հանդերձ բյուրքին բարեկամ և նույնիսկ այդ բարեկամության վրա հենած, պիտի կարողանար մեզ մեծապես օգնել մեր պրոբլեմը լուծելու՝ ճնշում գործելով բյուրքերի վրա: Եվ այս տեսակետը համայն հայու-թյանն է:

– Երեկ Դուք ընդունել եք պ. Նորատունկյանին, իմ կարգին, – ասացի, – և ես վստահ եմ, նա էլ նույն տեսակետն է պաշտպանել Ձեր առաջ:

Չիչերին. – Նախ ասեմ, որ պ. Նորատունկյան ձեզ չի ճանաչում: Նրա հետ մենք խոսեցինք և ես խոստացա անել հնարավորը բյուրքահայերի համար: Ինչ վերաբերում է Կովկասյան Հայաստանին, մենք զիջեցինք Կարսի շրջանը բյուրքերին ստիպված, որովհետև ձեր կառավարությունը այդ արդեն զիջել էր: Մեղքը մերը չէ, ձերն է: Այս պահուն այդ հողերը (Կարսի) բյուրքական է: Եթե դուք կարողանաք բյուրքերից այն վերցնել ձեր Home-ի համար, մենք ուրախ կլինենք: Տարբեր ձևով, մենք բյուրքերին բռնադատել չենք կարող: *Մենք* նրանց դաշնակիցներ ենք, և եթե խոսք բանանք Թյուրքաց Հայաստանի կամ Կարսի մասին, բյուրքերը պիտի մեզ մեղադրեն ինպերիալիզմի մեջ: *Մենք* չենք կարող մեր արևելյան քաղաքականությունը, որ հենված է բյուրք բարեկամության վրա, փորձության ենթարկել: Ուրախ կլինեմ, եթե դուք հաջողեցնեք: Եվ նույնիսկ Մոսկվա վերադարձիս կաշխատեմ քարոյապես ազդել բյուրք ներկայացուցիչների վրա հօգուտ ձեզ: Ցավում եմ, սակայն, որ դուք՝ և՛ ձեր պատվիրակությունը, և՛ ձեր կուսակցությունը գործում է ռուս Սովետի դեմ: Ձեր հակառակությունն այնքան մեծ է մեր դեմ, որ այն ժամին, երբ ձեր ներկայացուցիչները Ալեքսանդրապոլ էին Կարսի անկումից հետո, երբ Հայաստանում Սովետ էր հայ-տարարված, ձեր ընկերները Ալեքսանդրապոլում ստորագրեցին մի դաշնագիր, որի որոշ մի հոդվածը ուղղված է Ռուսաստանի դեմ:

Գյուլխանդանյան. – Ես ստիպված եմ Ձեզ հայտարարել, որպես հիշյալ դաշնագիրը ստորագրողներից մեկը, որ այդ ակտը ստորագրած ենք Երևանի Սովետի անդամների հրահանգով և

²⁷² Գյուլխանդանյան Աբրահամ – Հասարակական, քաղաքական գործիչ:

²⁷³ *Pro Domo Sua* (լատիներեն) - *Քառացի՝ Սեփական տնից, այսինքն՝ սեփական առիթով, սեփական գործերից:*

Մեր հուշագիրը ստացել էր ու կարդացել և գոհ էր: Համաձայն է պաշտպանել այն: Ինձ ուշադրությամբ լսելուց հետո՝ ասաց .

– Բնավ հուսահատվելու չէ հասարակաց կարծիքից, թեկուզ մեր այս դժվարին օրերին: Խաղաղ ճամփաներով հարցեր լուծելու ժամանակները հասունանում են: Պատերազմը անհրաժեշտ պայման չէ արդարություն գտնելու համար: Հայկական Հարցը ևս կարող է լուծվել խաղաղ եղանակով: Դրա համար աշխատանք պետք է անընդհատ: Ժամանակին Ժորես²⁷⁵, Պրեսանսե²⁷⁶, Դընի Կոչեն ինչ որ անում էին, պետք է շարունակվի:

Գալով այստեղ անելիքին, գաղթականական հարցը, որով զբաղվում է մեր Bureau-ն²⁷⁷, մի ուրույն ու մասնակի հարց է, որ պետք չէ խառնել գլխավորի՝ հայ ժողովրդի իդեալի հետ: Նանսեն պետք չէր Կովկասի Home մեջտեղ մետեր: Նա շատ ազնիվ մարդ է, բայց և ոչ խորը: Ես S.D.N-ի²⁷⁸ մեջ խոսք առնելու առիթ չունեմ, բայց պիտի նախագահեմ Near East Reunion Annuelle-ին²⁷⁹ ու ամսիս 7-ին, և իմ ճառը կլինի ճիշտ ձեր Memoire-ի իմաստով:

դրանց համար միջոցի դաման մարզում պարզ

ըզրմեջ պատմելու զմե՝ ան զաստ - նույն ի՞նչ կարող եմ

մեջ արժեքիս նուրբ մարզում ընդ ճալիս զմարդ զմանու

ՏԵՍԱԿՅՈՒԹՅՈՒՆ

ՆԻԿՈԼԱՅՈՍ ՊՈԼԻՏԻՍԻ ՀԵՏ

Հունաստանի ներկայացուցիչը Փարիզում, ինձ ընդունեց երեկոյան ժամը 6-ին: Նրա մոտ գտա Լ. Բաշալյանին²⁸⁰ և Ա. Մանդելշտամին²⁸¹: Նրանք եկած էին խոսելու Թյուրքիայում մերոնցից հափշտակված կալվածների խնդրի մասին:

Մտքի դրս Գրիգոր Պոլիտիս ընդհանուր տեսակետներ պարզեց թե՛ այդ մասնավոր խնդրի և թե՛ առհասարակ մեր Հարցի մասին:

Իրոք մանկան հոստոստանը հոստոստանը մարչալիս

²⁷⁵ Ժան Ժորես - Հասարակական-քաղաքական գործիչ, սոցիալիստ, «Յունամիտե» թերթի հիմնադիրը:

²⁷⁶ Ֆրանսիս դը Պրեսանսե - Ֆրանսիական հասարակական-քաղաքական գործիչ, ֆրանսիական խորհրդարանի անդամ:

²⁷⁷ Բյուրո:

²⁷⁸ S.D.N. (Société Des Nations) - Ազգերի Ասոցիացիա:

²⁷⁹ Մերձավոր Արևելքի Վերամիավորման Տարեդար:

²⁸⁰ Բաշալյան Լևոն - գրող, հրապարակախոս, Ազգային պատվիրակության անդամ:

²⁸¹ Մանդելշտամ Անդրեյ Նիկոլակի - ռուսական դիվանագետ, իրավաբան, պատմաբան, Թուրքիայում Ռուսաստանի կողմից առաջարկվելիք հայկական բարենորոգումների նախագծի հեղինակ:

Քաղաքական ներկա մտնենում արդարություն գտնելու մասին նա շատ վատատես է: Մարդկության մորալի (քաղաքականի) մակարդակն է իջել: Գալով թյուրքերին, պետք է գիտնալ, որ մեծ պետությունները շարունակում են քծնել Թյուրքիային: Եվ հասկանալի է, յուրաքանչյուրը միլիարդներ են թողած այնտեղ, և աշխատում է սիրաշահելու ճամփան՝ առանց կովի, մաս-մաս շորթել:

Ըստ Պոլիտիսի, թյուրքերը միայն հայերին ու հույներին չկողոպտեցին, այլև՝ մեծ պետություններին, որոնք անխոհեմություն ունեցան մի օր հայտարարել, թե Թյուրքիայի դեմ պատերազմելու համար՝ «ոչ մի շիլլինգ և ոչ մի զինվոր»²⁸²:

Երբ Վենիզելոս դարձավ Անեռիկայից 1920 թվին, Պուանքարեն նրան իր մոտ հրավիրեց՝ նրա կարծիքը լսելու Փոքր Ասիո մասին: Վենիզելոս ասել է Պուանքարենին թե՛ «Մեր բանակը կպարսովի, այնուհետև կպարսովիք դուք, հաղթական Դաշնակիցները»: Պուանքարեն խնդացել է վերջին ֆրազի վրա. C'est l'expression d'amertume d'un patriote²⁸³, ասել է Պուանքարեն: Եվ սակայն, Վենիզելոսի ասածը բառ առ բառ կատարվեց:

Այսօր, շարունակեց Պոլիտիս, ոչ Ֆրանսիան, ոչ Անգլիան որևէ բայլ չեն անի Թյուրքիայի դեմ, ինչ անախորժ բան և գեշություն էլ կատարեն Անկարայի վարիչները: Տարբեր բան է, եթե Թյուրքիան Ազգերու Լիգի մեջ մտնի: Այդ ժամանակ շատ բան հնարավոր է: Եվ դա տեղի կունենա հավանաբար եկող տարի:

Ես. - Բայց նա կարող է դուրս գնալ, ինչպես այդ արեց Լոզանում, երբ իր առջև անախորժ հարցեր համվեց: Բրազիլիան, Իսպանիան՝ օրինակ:

Պոլիտիս. - Դուրս կերթա: Այնքան էլ հեշտ չէ: Ստիպված պիտի ետ գա, ինչպես ձգտում են վերադառնալ մյուս դուրս մնացածները: Այսօր, սակայն, դարձյալ պարապ մնալու չեք: Պետք է թույլ չտալ, որ ձեր Հարցի վրա լռության տարիներ անցնեն: Պետք չէ թողնել, որ հասարակաց կարծիքի մեջ ամրապնդվի այն համոզումը, թե դա մի հին, մոռացված, փոշիացած խնդիր է, աղեկ-գեշ կարգադրված: Ահա այս տեսակետից S.D.N-ին կատարած ձեր դիմումները միշտ էլ արժեքավոր են:

Սո գարգիսի ու գալու հաստակը հորով Ազգերի Լիգայի

միջոցով մեծ մեծից մեծ հաջողություններ կարգավորվեն

²⁸² Նույնն է թե՛ «Ոչ մի սու և ոչ մի զինվոր»:

²⁸³ «Ասիկա հայրենասերի մը դառնության բացատրությունն է»:

Կրկին տեսակցություն: Նյութն է՝ բյուրքերի հավանական մուտքը Ազգերի Լիգի մեջ:

De Brucker չի հավատում, թե այս նստաշրջանին այդ տեղի ունենա: Նշաններ չկան: Սակայն, 1928-ին անհնար չէ և նույնիսկ հավանական է:

Ես մատնանշեցի մեզ սպառնացող վտանգը, քանի որ Ազգերու Լիգը պետք է վավերացնի և իր հովանու տակ առնի անդամ դարձած Թյուրքիո սահմանները: Ավելացրի, որ իմ գալու նպատակներից մեկը այդ վտանգի կանխելն է:

De Brucker-ի կարծիքով՝ Լոզանի դաշնագրից հետո, այս երկրորդ խոչոր վտանգն է: Մեծ պետությունները ընդունակ են ներս առնել բյուրքերին՝ զոհ քերելով կրկին հայերին: Հարկավոր է ժամ առաջ մի ֆորմուլ գտնել՝ գեթ ապահովելու համար հայ ժողովրդի իրավունքը:

Ես ցույց տվի հետևյալ ֆորմուլը. —

La S.D.N. (Société Des Nations) Tant en Reconnaissant les Frontières de la Turquie... Proclame et recommande la nécessité impérieuse d'un arrangement assurant au peuple Arménien un foyer national prévu par la résolution à telle... Date...²⁸⁴

— Լավ է, եթե բյուրքերն ընդունին, — ասաց Դե Բրուքեր, — Ինձ քվում է, — շարունակեց նա, — որ միջազգային իրավունքի մասնագետների պետք կա, որպեսզի ապացուցվի հայերի իրավունքը ընդդեմ Ազգերի Լիգի... հողվածի, և որպեսզի Հայաստանը լեգալ իրավունք ունենա պահանջելու իր հողերը՝ առանց Ազգերի Լիգի... հողվածի տրամադրությունը խախտելու: Ամեն պարագայի մեջ, լավ է, որ այժմեւ Ազգերի Լիգը հասկանա, որ հայերը քնավ համակերպված չեն իրենց ըրած անիրավության, զրկանքներից և պիտի շարունակեն պահանջել մինչև որ ստանան: Հետևապես, լավ է, որ ձեր հուշագիրը առաջ քերի ընդհանուր վիճարանություններ, թեկուզ առանց որևէ résolution-ի²⁸⁵, որը համարվի արդեն եղած:

²⁸⁴ «Ազգերի Դաշնակցությունը (Lungawghia), որքան ալ կճանչնա Թյուրքիո սահմանները... կհայտարարի և կհանճնարարի հրամայական անիրաժեշտությունը հայ ժողովրդին ապահովելու ազգային տուն մը, որ նախատեսված է... քվականի որոշումով»:

²⁸⁵ Լուծում, որոշում, նեզոլոցիա:

Միայն այսօր հասավ Նանսենը: Տեսնվեցի այսօր ժամը 12-ին:

Նրան սաստկորեն զբաղեցնում է իր հարուցած՝ Գաղթականների հարցը, որ դարձեր է անձնական վարկի խնդիր: Լավատես չէ: Ասաց, որ իր ներկայացուցիչը տեսնվել է Մոսկվայում Ս. Տեր-Գաբրիելյանի²⁸⁶ հետ, որ հայտնել է, թե Երևանի կառավարությունը կհամաձայնի յուրաքանչյուր փոխադրվող ընտանիքի հատկացնել 1000 ռուբլի ծախք փոխադրության:

— Բայց, երբ ես հեռագրեցի Երևան՝ Համբարձումյանին (կառավարության պետ), վերջինս պատասխանեց, թե համենայն դեպս իրենց որոշումն այդ մասին՝ չի կարող հասնել Ազգերի Լիգի այս նստաշրջանին: Այսպիսով, — ասաց Նանսեն, — Երևանից ձեռնքափ եղա: Ավելացրեց, որ գերմանացիք տրամադիր են դրամի մեկ մասը տալ:

Շշուկներ են պատում, թե Նանսեն խորապես վշտացած է Ազգերի Լիգի ընթացքից այս հարցում, մտադիր է հրաժարվել և դուրս գնալ Լոռի Մեսիի պես:

Բաշալյանի և Մանդելշտամի հետ, որոնք պարզեցին «քրայ» գույքերի խնդիրը Թյուրքիայում, խնդրելով պ. Սուերո-ին, որպես անդամ Ազգերի Լիգի Խորհրդի, միջամտել այդ հարցը Լահեի միջազգային դատարանին տանելու համար:

Նա ցավ հայտնեց, որ իր միջամտությունը ուշացած է, քանի որ երեք օրից ինք ստիպված է թողնել Խորհուրդը: Խոստացավ, սակայն, այդ հարցը փոխանցել իր հաջորդին, որ նույնքան սիրով կշարունակի:

Այնուհետև անցանք իմ տված Mémoire²⁸⁷-ին:

Ես պարզեցի իմ գալու նպատակը՝ հուզել Ազգերի Լիգայում նորեն Հայկական Օջախի հարցը Թյուրքիայում: Խնդրեցի, որ

²⁸⁶ Սահակ Տեր-Գաբրիելյան — հեղափոխական, կուսակցական, պետական գործիչ, Կոմունիստական կուսակցության անդամ:

²⁸⁷ Հուշագիր:

ինքը խոսք առնի առաջինը: Կան ուրիշներ, որ կհետևեն:

Նա սիրով հանձն առավ:

— Եվ առավել, — ասաց, — որ իմ կինը հայ է:

Քանի որ միտքը De Brucker-ն էր տվել՝ դիմելու Guéréro-ին, անցաւ և հարողորդի նրան այս արդյունքը:

ՏԵՍԱԿՅՈՒԹՅՈՒՆ

ԱՎԳՈՒՍՏՈ ՌՈՍՍԻԻ ՀԵՏ

Մեպտեմբեր 12

Ավգուստո Ռոսսին Արտաքին Գործոց նախարարի օգնականն է: Նախարարից (Գրանդի) տեսակցություն էի խնդրում, ինձ դրկեց Rossi-ին: Ինքը մեկնելու էր հաջորդ օրը և իրոք մեկնեց: Եկած էր, ըստ մամուլի, կարճ ժամանակով տեսակցություն պատրաստելու Մուսուլինի, Բրիանի և Չեմբերլենի հետ: Նրանց հետ տեսակցություն ևս ունեցավ:

Ռոսսին տեսա այսօր ժամը 4.30-ին, Berges հյուրանոցում:

Ջրույցիս նպատակը երկու էր: Նախ՝ խնդրել Իտալական պատվիրակության միջամտությունը մեր տված հուշագրի իմաստով Assemblée-ի²⁸⁸ մեջ և երկրորդ՝ իմանալ, թե որքա՞ն հավանական են իտալո-թուրք conflict-ի լուրերը:

Մեր հուշագիրը և իմ գալու նպատակը պարզելն վերջը, խնդրեցի, որ, ինչպես 1924 թվին, Իտալիան ևս իր ձայնը միացնի Հայկական Հարցի սկզբունքային պաշտպանության:

Ռոսսիի պատասխանը ինձ թվաց վարանոտ ու խեղճ:

— Դուք զիտեք, — ասաց, — որ մենք կասկածելի ենք նկատվում Ազգերի Լիգի որոշ շրջաններու, որպես այդ հաստատության չհավատացողներ: A tort ou à raison²⁸⁹, մի կարծիք է կազմված, թե մենք հետամուտ ենք Ազգերի Լիգը փչացնելու: Անարդար ու անհիմն կարծիք, որ տարաբախտաբար, որոշ crédit²⁹⁰ է գտել: Այդ պատճառով մենք ստիպված ենք առհասարակ զգույշ լինել և այնպիսի հարցեր չհարուցանել, որոնք կարող են Ազգերի Լիգի անգործությունը ցայտուն դարձնել: Չեր Հարցը հենց դրանցից մեկն է: Այս պատճառով մենք ձեռներեց չենք լինի: Ինքս մասնավոր վճռական պատասխան տալ չպիտի կարողանամ: Կհայտնեմ այս բոլորը Շալոլային, որ ի վերջո գլխավոր պատասխանատուն է:

²⁸⁸ Assemblée (ֆրանս.) - Համագումար:

²⁸⁹ A tort ou à raison (ֆրանս.) - Ճիշտ թե սխալ:

²⁹⁰ Crédit (ֆրանս.) - Կստահություն, վարկ:

Այնուհետև նա ուզեց մտոից ծանոթանալ մեր երկրի արդի պայմաններին: Չեռքիս քարտեզը փռած՝ ես նրան քաղաքների Կովկասյան և Թյուրքիո Հայաստանի արդի կացությունը, մեր ձախորտությունները և մեր հույսերը: Եվ երբ նկարագրում էի մեր երկրի ավերածն ու ամայությունը, շոշափեցի և՛ քրդերու այժմու վիճակը: Նա հանկարծ հարցրեց:

— Իրավ է, որ քրդական ապստամբությունը վերջնականապես ճնշվել է:

Ես քաղաքներից, թե դա այնքան էլ ճիշտ չէ և թե քրդական բռնկումները դեռ շատ երկար կարող են շարունակվել, նկատի առնելով երկրի աշխարհագրական պայմանները և քրդերի ցեղական խառնվածքը: Միաժամանակ պարզեցի հայ-քրդական այժմու հարաբերությունները:

Պարզ էր, որ Քրդական Հարցը նրան մասնավորաբար հետաքրքրում էր:

Ջրույցի ընթացքին ի միջի այլոց հարցրի, թե որքա՞ն հավաստի էին մամուլի տված լուրերը իտալո-թրքական conflict-ի հավանականության մասին:

— Բնական է, — ասացի, — որ մամուլի լուրը միշտ ազդում է ամբոխների վրա, և ես չեմ քաջցնի ձեզնից, որ անգամ մեր ժողովրդի որոշ խավեր մինչև այսօր իսկ հույսեր են կապել այդ հեռանկարին: Գիտեք հայության զգացումը դեպի թյուրքերը: Այժմ էլ քյուրդերը, որոնց հետ գործակից ենք և համերաշխ և որոնք իրենց դատի պաշտպանությունը մեզնից են սպասում, նույնպես հաճախ մեզ են դիմում իմանալու, թե կարելի՞ է հուսալ այդ ուղղությամբ:

Ռոսսին ժպտաց, մնաց վարանոտ և տարտամորեն, մի բան ծածկող մարդու մտահոգությամբ պատասխանեց:

— Իրավ է, որ թերերը գրեցին: Իրավ է, որ մեզ վերագրեցին ռազմական պատրաստություններ: Բայց այդ բոլորը հերյուրված էր որոշ նպատակներով, որոշ պետության շահերն ապահովելու համար: Երբ նա գոհացավ, այդ խնդրի վրա լուրջություն եղավ: Իտալիան որևէ արշավանքի պատրաստություն չի անում:

Ես հիշեցի Դե Բրուքերի ասածը նույն հարցի մասին: Ակնարկը Անգլիային էր և Մուսուլին:

Մեր գրույցը վերջացավ:

Սեպտեմբեր 13

Journal de Genève-ի խմբագրապետ պ. Chappuisat-ին գնացի խնդրելու, որ հրատարակի մեր հուշագիրը իր թերթում, ինչ որ հանձն առավ շատ սիրով: Ապա գրույց եղավ Հայկական և առհասարակ Կովկասյան Խնդիրների մասին:

Լա հետաքրքրվեց իմանալ, թե ինչու՞ մենք Կովկասյան Bloc-ի մեջ չենք:

Ես պարզեցի մեր տեսակետը, թե մեր հարևանների հետ համերաշխության բացարձակապես համոզված կողմնակից ենք, բայց նրանք արդարորեն հաշվի չեն առնում մեր բացառիկ դիրքը, բյուրքական սպառնալիքը, մոտիկ անցյալի դասերը: Այս է խախտմարար պարագան իրական համերաշխության:

– Իսկ հանդես ուսմների՞, – հարցրեց:

– Մենք էլ բացարձակ անկախության կողմնակից ենք, բայց վերի պարագան առայժմ մեզ խտտորեն կաշկանդում է:

– Շատ լավ, հասկանում եմ և դուք այլ կերպ չեք կարող վարվել՝ առանց ձեր Դատը վտանգելու: Կարծու՞մ եք, սակայն, որ կովկասյան ազգերը իսպառ պիտի կտրին ուսմների հետ:

– Բարդ հարց է, – ասացի, – իսպառ կտրելը: Այո՞ և ո՛չ: Այո՞, որովհետև պետք է անկախ լինել, և ո՛չ, որովհետև բացարձակ անկախություն չունեն այսօր մեկ մեծ պետությունները, որոնք տնտեսապես իրար իշխում են և իրարից կախված են: Մեզ թվում է, որ ուսակն մեծ պետության են և իրարից ստիպված կլինենք միշտ, թեև ուզ իբր անկախ պետություն, հաշվի առնել այս պարագան:

– Գիտե՞ք ինչ, ես ուրախ եմ Ձեզ լսել: Ես հաճախ եմ փորձում այս պարզ ճշմարտությունը հասկացնել մեր վրացի բարեկամներին, բայց իզուր: Այդ մարդիկ իրական տվյալը արհամարհում են: Եվ անձամբ միշտ էլ պաշտպան մնալով ժողովուրդների ազատագրության՝ դժվարանում են հավատալ Կովկասի ժողովուրդների բացարձակ անկախության գեթ առայժմ: Մովետներից դուք, իհարկե, ոչինչ ունիք հուսալու: Բայց ապագա դեմոկրատիկ Ռուսիան, կարծում եմ, ձեզ հետ լեզու կգտնի: Այս է իմ տեսակետը:

– Այսպես է մտածում և՛ Ցիբետելին, – ասացի, – վրացիներն էլ բաժանված են այս հարցում:

Ջրույցը վերջացավ: Բաժանվելիս ասաց.

ՏԵՍԱԿՅՈՒԹՅՈՒՆ

ՍԵՅՋԸՐ ՌՈՒԼԹԸՐ ԷԼԻՈՅԻ ՀԵՏ

Սեպտեմբեր 14

Լորդ Robert Cecil-ի հրաժարվելով, այս տարի Բրիտանական պատվիրակության հետ մեր կապը կտրված էր: Անդամներից ոչ մեկին չեմ ճանաչում: Բարեբախտաբար, ժընև էր գտնվում վաղաժամոք Captain George Gracey, որին խնդրեցի ինձ հարաբերության մեջ դնել Բրիտանական պատվիրակության որևէ կարևոր անդամի հետ: Captain Grecey-ին շատ սիրալիք կերպով մամակ գրեց Major Walter Elliot-ին, խնդրելով ինձ ընդունել:

Ընդրհիվ այս միջնորդության, ես կարողացա տեսնվել այսօր առավոտյան ժամը 9.30-ին (Hotel Richmond-ում) Walter Elliot-ի հետ:

Ենթադրելով, որ Կովկասյան ժողովուրդների (մեր հարևան) քաղաքական Bloc-ը²⁹² բրիտանական համակրություն ունի, ես սկսեցի հենց այդ խնդրից: Ասացի նախ՝ թե եկած եմ խնդրելու, որ Բրիտանական պատվիրակությունը աջակից լինի մեզ մեր հուշագրի իմաստը պաշտպանելու, երբ հարցը գա Ազգերի Լիգի Assemblée-ի մեջ: Ավելացրի, որ Home-ը անգլիական գաղափար է, և Ազգերի Լիգի առաջին բանաձևը այս մասին պատկանում է Լորդ Robert Cecil-ին: Ասացի նաև, որ մեր այս դիմումը ավելի հեռավոր նպատակ ունի: Կովկասի մեր հարևանները անկախության բնական ձգտումով միացած են մի ճակատով Ռուսաց դեմ: Մենք առայժմ ստիպված ենք դուրս մնալ թյուրքական սպառնալիքի պատճառով: Սակայն, պատրաստ ենք այդ Bloc-ին միանալ, եթե հարթվի հայ-թյուրքական կնճիղը: Եվ դա հնարավոր է, երբ թյուրքերը Ազգերի Լիգի անդամ դառնալ ուզենան: Եվ եթե այդ պահուն Ազգերի Լիգը և մանավանդ մեծ պետությունները, որոնք հայ ազգային Home-ը հռչակեցին, Թյուրքիային խաղաղ

²⁹¹ «Ժուռնալ դը ժընև» միշտ Ձեր տրամադրության տակ է: Հուս Դուք Ձեր տան մեջ եք:

²⁹² Բրիկ – Պետությունների կամ քաղաքական կուսակցությունների համաձայնություն՝ միասնական գործողությունների նպատակով:

ճամփով պարտադրեն որոշումի իրագործումը: Մենք այժմեն ենք հարուցանում այս հարցը, որպեսզի կանխենք Լոզանի դաշնագրի անարդար անակնկալը: Եվ հետո, երբ մենք Թյուրքիո գալուն միայն հայտնվինք, մեր փորձերը և քայլերը կարող են նկատվի մի տեսակ սոսկ թշնամական sabotage²⁹³ ընդդեմ մեր հին ոսոխի: Մյուս կողմից՝ մենք երկյուղ ունենք, որ Ազգերի Լիգը, որ վերջին տարիներուն հայկական բուն, արմատական խնդիրը մեկդի թողած, զբաղվեց գաղթականների պալլիադյուններով²⁹⁴, ի վերջո կարող է կարծիք ստեղծել, թե հայ ժողովուրդը զոհ է, կամ ընդունել է իր վիճակը, հնազանդվել է իր ճակատագրին: Կուզեինք այս ցավալի մտայնությունը ցրել և թարմացնել իրողությունների մեջ ումանց խոստումները: Ազգերի Լիգի կրկնակ որոշումները 1920-1921 թվերին և հայ ժողովրդի դրանց կապված սպասելիքներն ու հույսերը: Անցողակի կասեմ, որ հայ ժողովուրդը կարող է մոռանալ թափած արյունը և վրեժխնդրական նկատումներով չտարվել, եթե իրեն վերադարձնեն զեթ իր հայրենի երկրի մի մասը Թյուրքիայում: Ահա քարտեզը (փոեցի քարտեզը), ահա ահագին տարածություններ ամայի, և մեր ժողովուրդը թափառական, անհող, և Ազգերի Լիգը Նանսենի հետ փորձում է ճահիճներ չորացնելով, հայ փախստականներ տեղավորելու: Այստեղ կարգադրվելիք մի ահագին անիրավություն կա: Մենք հավատում ենք, որ Ազգերի Լիգը եթե ունենա քրիտանական կառավարության և նրան համամիտ պետությունների աջակցությունը, պետք է որ կարողանա կարգադրել հայկական Home-ի հարցը: Խնդրում են ուշադրության առնել, որ այս հարցի կարգադրությունը նաև Կովկասյան բոլոր ժողովուրդների քաղաքական բախտին կաճողադառնա, հնարավոր դարձնելով Վրաստանի և մեր մյուս հարևանների և Հայաստանի հաստատուն միությունը: Այդ ժամանակ միայն մեր և թյուրքերի միջև կարող են զարգանալ բարի հարևանության զգացմունքները: Ահա այս է իմ գալու նպատակը, և, ինչպես տեսնում եք, մեր խնդիրն ու քայլերը անցնում են մեր հայրենիքի սահմաններից և դառնում են Համակովկասյան շահեր, որով, հավատացած են, հետաքրքրվում է Բրիտանական կառավարությունը: Երբ Ազգերի Լիգը հարբի հայ-թյուրքական կնճիղը, միաժամանակ ստեղծած կլինի Համակովկասյան Միությունը:

²⁹³ Sabotage - (ֆրանս.) Մարտած-Գործի դիտավորյալ տապալում, քարուն, դիմակավորված հակազդեցություն:

²⁹⁴ Կիսամիջոցներով:

– Ձեր տեսակետը հասկանում են և համարում են լիովին արդար և տրամաբանական: Իրավ, որ եթե թյուրքերի հետ զայիք, կնկատվեր մի փոքր տարօրինակ և անհաճո: Ձեր խնդրին ծանոթ են: Այս հուշագիրը ես կուտումնասիրեմ: Կխոսեմ պ. Չենքերլենին ու ըստ այնմ կվարվենք: Դուք անշուշտ ընդունում եք, որ ես ավելին չեմ կարող ասել:

Զրույցը վերջացավ:

ՏԵՍԱԿՑՈՒԹՅՈՒՆ

«ԹԱՅՄՁ»-Ի ՆԱԽԿԻՆ ԽՄԱԿՐԱՎՊԵՏ ՍԹԻԴԻ ՀԵՏ

Ծանոթ էի Steed-ին Փարիզից և ուրախ եղա հանդիպելով նրան ժընևա: Խնդրեցի տեսակցություն, որ շահույթով ընդունեց:

Տեսնվեցի այսօր առավոտ, ժամը 11-ին, Hotel de la Paix: Գիտեի, որ Steed մեր Դատին եղած է միշտ համակիր, քայց դրանից ավելի ինձ հետաքրքրում էին նրա տեսակետները Արևելքի ու առհասարակ ժամանակակից քաղաքականության մասին աշխարհում:

Մեր զրույցը տեղեց ամբողջ մի ժամ:

Ես նրան ասացի մտավորապես այն, ինչ որ ասել էի Mr. Walter Elliot-ին:

I. Կովկասյան Bloc-ը: Ես գտնում եմ ձեր հետևած քաղականությունը Կովկասում իմաստուն իրերի ներկա կացության մեջ: Թյուրքիո և Ռուսիո փոխհարաբերության մեջ դուք չեք կարող առանց ռիսկի ենթարկելու ձեր ժողովրդի ապագան, քայլել ձեր հարևանների հետ ռուսների դեմ: «C'a serait une folie»²⁹⁵: Ես այն կարծիքի եմ, որ ռուսների հետ, անշուշտ ո՛չ բուշկիկենչի հետ, իրար հավկացողությունը հնարավոր է:

Ես. – Մեզ երկյուղ է ազդում Ուկրաինայի անջատումը Ռուսիայից, ինչ որ կարող է ունենալ իբր անմիջական հետևանք Ռուսիո բաժանրաժամումը:

Steed. – Ես քացարձակապես անհնարին եմ նկատում այդ անջատումը: Սվեցկուն տեսնո՞ւմ եք: Նա մի երագող է: Առանց Ուկրաինայի Ռուսիան չի կարող ապրել և պետք է անխուսափելիորեն կռվի կամ անհայտանա կամ ընկճի նորեն Ուկրաինան: Բնական հարստություն, կակուղ կլիմա, ծով – բոլորը

²⁹⁵ «C'a serait une folie» (ֆրանս.) - Սա խելագարություն է:

Ուկրաինայում են: Ռուսիան չի կարող հրաժարվել այս բոլորից, նա կմեռնի առանց դրանց:

Ես. – Դուք ինձ զարմացնում եք: Գիշտ այդպես են մտածում և՛ ռուս դեմոկրատները:

Steed. – Որևէ ռուսի հետ որ խոսած եմ, որ քիչ ու շատ հասկանում է մեկ պետության անհրաժեշտ ֆակտորները, նա **ուրիշ** կերպ դատել չի կարող:

Ես. – Մեզ հավատացնում են, որ Բրիտանական կառավարությունը հետապնդում է Ռուսիո անդամահատումը Ուկրաինայի անկախության ճանփաներով:

Steed. – Բնավ մի՛ հավատաք և բնավ ականջ մի՛ կախեք: Ես կզարմանամ, որ Բրիտանական կառավարությունը այդպիսի ծրագիր ունենա, որովհետև դա տղայական է: Ռուսիան ապագա ունի:

II. Մենք և թյուրքերը. –

Steed. – Թյուրքերը մարդ դառնալիք չունին: Ես նրանց մասին խոսել եմ իմ հիշողությունների առաջին հատորում: Թալաթը իմ ներկայությամբ Վարդգեսին «սիրելի՛ բարեկամ» էր կոչում և սատնարյուն կերպով նրան սպաննել տվեց: Անհնարին ժողովուրդ է այս: Հոխորսում են առայժմ, բայց վերջ ի վերջո վիզերը պիտի ծռեն: Նրանց ռեֆորմները²⁹⁶ ո՛չ մի արժեք չունեն: Մի վիատեք, ապագան ձերն է: Շարունակեցեք ձեր զգուշավոր քաղաքականությունը: Ժամանակը աշխատում է ձեզ համար: Այո՛, իրավունք ունիք. եթե Թյուրքիան ժղնև գա, ձեր Խնդիրը նորեն պիտի քարծրացնեք: Եվ լավ եք արել, որ եկել եք: Մա ճիշտ ճամփա է՝ ձեր ընտրածը:

Ես. – Մամուլը մի ժամանակ շատ բմբկահարեց իտալո-թուրք կոնֆլիկտի հավանականությունը:

Steed. – Իտալական բլրըֆ: Այս մասին ինձ երկար խոսում էր և՛ քարեկամս՝ Victor Berard. «Seulement il était trop logique pour être juste. Il se trompe malgre l'apparence et la logique»²⁹⁷.

«Նախ՝ թուրքերը ռազմական կորովը տակավին պահում են, իտալացիք՝ ոչ: Երկրորդ՝ Իտալիո ֆինանսականը մազից է կախված. արվեստական ձևով լիբան բարձր պահելը շատ քանկ է նստում Իտալիային, որ գերի է Ամերիկային: Նա շարժվել չի կարող: Պատերազմը դրամով կլինի: Իհարկե, Մուսոլինին ուզում է

²⁹⁶ Վերափոխում, բարեփոխում:

²⁹⁷ «Լիքքոր Բերար միայն շատ ծայրահեղորեն տրամաբանական էր արդար ըլլալու համար: Կխարվի՛ հակառակ երևույթին և տրամաբանության»:

արտաքին հաջողությամբ ներքին դժվարությունները հարթել, բայց նա ի վիճակի չէ: Եվ դա կարող է նրան շատ քանկ նստել:

«Երբ Լոնդոն գաք, ինձ այցի եկեք, այս հարցերի մասին կխոսենք: Առայժմ այստեղից ես գնալու եմ Ամերիկա, ուր մեր Չեմբերլենը բավական ցրտություն է ցանել իր անխոհական ճառերով: Այս մարդիկ Ազգերի Լիգում խոսելիս միշտ մոռանում են, որ աշխարհում հեռագիր կա, և որ մի ժամից Պուլիտը կարդում է նրանց խոսքերը: Երեկ ես ճիշտ այս էի ասում Չեմբերլենին: Չեր այս տարվա հուշագիրը դրկեցեք ինձ, ես կօգտագործեմ ձեր իղձերի համապատասխան եղանակով:

ՏԵՍԱԿՅՈՒԹՅՈՒՆ

ՌԱՌԼ ԴԱՆԴՅՈՒՐԱՆԻ ՀԵՏ

Սեպտեմբեր 16

Կանադայի ներկայացուցիչները միշտ պաշտպան են եղած մեր Դատին, մասնավորապես պ. Dandurand: Նրա հետ տեսնվեցի այսօր Salle de Réformation-ի մեջ:

Ես պարզեցի նրան իմ mission-ը և մեր հուշագրի իմաստը: Ես անմիջապես նկատեցի, որ Մովես Հայաստանը և Նանսենի ծրագիրը նրա միտքը իսպառ շփոթել են: Հայկական Հարցը նրա համար Նանսենի ծրագիրն է:

Շատ ուշադրությամբ և անվերջ հարցեր տալով ճգնում էր հասկանալ իմ բացատրած մեր քաղաքականությունը: Իբրև իրավագետ, անմիջապես կառչում էր իրական փաստերին: Եվ երբ իմ խոսքերից եզրակացրեց, որ մենք հետամտում ենք ետ ստանալ մեր հողերը Թյուրքիայից, նա մի գյուտ արածի պես հանկարծ ասաց:

– Բայց թյուրքերը չեն տա այդ հողերը:

Ես ասացի, որ մեր նպատակն է թյուրքերից այդ պայիանջն անել Ազգերի Լիգի միջոցով, երբ նա գա Լիգի անդամ դառնալու:

– Այդ հասկանում եմ, – ասաց, – բայց Ազգերի Լիգը ի՞նչ իրավական հող ունի այդպիսի պահանջ դնելու թյուրքերին:

Ես հիշեցրի Ազգերի Լիգին 21 և 22 թվերի կրկնակ որոշումները, որոնք իսպառ անկախ են Սկրի դաշնագրից:

– Հասկանում եմ, – ասաց, – բայց այսօր, ի՞նչ պիտի լինի մեր անելիքը:

– Այսօր, – ասացի, – Հայաստանի բարեկամները, նկատի առ-

մելով Նանսենի ծրագրի ճախողանքը, պետք է որ Հայկական Home-ի մասին եղած որոշումները կրկին իրենց ճառերի նյութ շինեն՝ բարձրացնելու համար և՛ հասարակաց կարծիքը, և՛ Ազգերի Լիգի հիշողությունը, որ, ինչպես նկատում եք, շատ քան է մոռացության տվել:

Dandurand ասաց, թե կխոսի Նանսենի հետ և միասին կորոշեն իրենց անելիքը:

ՏԵՍԱԿՑՈՒԹՅՈՒՆ ՆԱՆՍԵՆԻ ՀԵՏ

17 սեպտեմբեր

Այսօր առավոտ, ժամը 10.30-ին, Ազգերի Պալատում տեսակցություն ունեցա Նանսենի հետ: Ես պարզեցի նրան մեր հուշագրի իմաստը և իր գալու նպատակը: Իր առաջին իսկ բառերից ինձ համար պարզ եղավ, որ պ. Նանսեն, տարաբախտաբար, միանգամայն սխալ համոզումն ունի մեր ժողովրդի քաղաքական իրական ձգտումների մասին: Նրան մոլորեցրել են մեր հայրենակիցներից ոմանք՝ կամ Երևանում, կամ այստեղ՝ Շրճևում: Այս մասին մի քանի օր առաջ ինձ նախագգուշացնում էր Դե Բրուքերը, որ շատ մոտիկից գիտե Նանսենին:

Նանսեն, նախ, դատնորեն գանգատվեց մեծ պետություններից և Ազգերի Լիգից:

«Ահա չորս տարի է, — ասաց նա, — որ ինձ հանձնել են Ազգերի Լիգի բարձր Commissaire-ի mission-ը հայ և ռուս փախստականներին հոգալու համար: Չորս տարի է, որ ես ահագին ճիգեր եմ արել, ճամփորդություններ կատարել, ծրագրեր կազմել հայ գաղթականները Սովետական Հայաստանում գեթ մասամբ գետեղելու համար: Եվ ահա վերջին պահուն, երբ ես Մոսկվայի և Երևանի հաճությունն ունեն նրանց ընդունելու, Ազգերի Լիգը մերժում է ինձ իմ պահանջած թեթև վարկը: Ո՛չ, ես այսպես թողնել չեմ կարող. սա մի վրդովեցուցիչ փաստ է: Ես երեկ խոսեցի Չեմբերլենի հետ և ասացի այս բոլորը: Նրա պատասխանը վիրավորական էր և անարդար: Նա, ուզածս վարկի մերժումը բացատրելու համար, ասում էր, թե՛ «Ի՞նչ անենք, մենք chaumeur-ներ²⁹⁸ ունենք, մեր ֆինանսները ծանրաբեռնված են»: «Չեր ֆինանսները ծանրաբեռնված են, — պատասխանեցի, — դուք chaumeur-ներ ունիք, մի

փոքրիկ գումար խնայում եք հայ ժողովրդին, որ ո՛չ միայն իր կայքը, ստացվածքը չխնայեց ձեզ համար, այլև իր մեկ միլիոն զավակների կյանքը»: Արդարև, զգվելի անիրավություն է այս, — շարունակեց Նանսեն, — որ ես ստիպված եմ հրապարակ հանել մի գրքով, որից շատերը դժգոհ կմնան: Բայց փույթ չէ: Մեկ միլիոն հայ է ջարդված — մեկ միլիոն առնվազն, — շեշտեց նա, — և այսօր այդ ժողովրդի մնացորդների հետ՝ այսպիսի զգվելի վարմունք: Ո՛չ, սա անհանդուրժելի է: Եթե ուրիշ գրվածքի չեն հավատում, բող կարդան դր. Լեփսիուսի գիրքը: Գերմանացի է, կասկածից դուրս է՝ ինչ որ գրել է Թյուրքիո կատարած սարսափների մասին: Ես գրում եմ, կտեսնեք, թե ի՞նչ կգրեմ:

Նանսենի վրդովմունքը այնքա՛մ մեծ էր, որ ես դժվարանում էի նրան օրվա գործնական խնդիրներին բերել:

Ես. — Եվ ահա հենց այս պատճառով է՝ մենք չենք կարող հրաժարվել Թյուրքաց Հայաստանից: Կովկասահայ հողերի քանակն ու որակը տեսած եք անձամբ: Սովետական կառավարությունը շատ վայր ի վերո յուրեր ու ընկլամներ²⁹⁹ է անում իր արած-չարածի մասին, մեծ մասամբ՝ սուտ, չափազանցրած, բայց ճիշտ է ասում, երբ հայտարարում է, որ Սովետական Հայաստանում հող չկա ներգաղթի համար: Գուցե գիտեք, որ հակառակ 10-15 հազար գաղթականների, որ անցան Հայաստան վերջին տարիները, հարյուր հազարի չափ մարդ է հեռացել Հայաստանից: Պարզ է, որ ապրել չի լինում: Սրան դարձան է պետք: Եվ դարձանը Թյուրքաց Հայաստանն է: Նայեցեք այս քարտեզը (Մենք փռեցինք Հայաստանի քարտեզը): Ահա այս բոլոր տարածությունը ամայի է թյուրքաց ձեռքին, և նրանք երբեք չափտի կարողանան բնակեցնել:

Նանսեն. — Ամայի է և այս, — նա ձեռքը տարավ Կարսի և Մուրմալուի վրա:

Ես. — Անշուշտ, իրավունք ունիք: Արդ՝ չե՞ք գտնում, որ ժամանակը հասած է, քանի որ Չեզ մերժում են այդքան չնչին աջակցություն, մեր ճիգերը ուղղենք դեպի Թյուրքաց Հայաստան:

Նանսեն. — Ես էլ գիտեմ, որ այդ հողերը պարսպ են: Ես գնացի մինչև Արաքսի ափերը և նայում էի Մուրմալուին, ամբողջը դատարկ է: Կարծես Մասիսի շուրջը բյուրդեր կան:

Ես. — Նրանց էլ վերջերս թյուրքերը գաղթեցրին, փչացրին:

Նանսեն. — Բայց հայերն ինձ ասում էին միշտ, թե պետք չէ

²⁹⁸ Հավանաբար տպագրական վրիպակ է. կամ chomeur- գործազուրկ, կամ՝ chaume-հյուղ:

²⁹⁹ Գովազդ, ռեկլամ:

Թյուրքիային գրգռել նորանոր պահանջներով. հայերին նոր վճարներ կտան:

Ես. - Պարոն Նանսեն, - ասացի, - քյուրքերն էլ ի՞նչ պիտի անեն, որ չեն արել: Դա միանգամայն սխալ հայեցակետ է: Հայ ժողովրդի միակ ցանկությունն իր հայրենի հողերի վերագրավումն է, և դրանից նա չի հրաժարվի երբեք: Հայկական Դատը միայն հայ փոքրաթիվ գաղթականների տեղավորման խնդիր չէ:

Նանսեն. - Օ, ոչ, ես էլ ճիշտ Չեզ պես եմ հասկանում Հայկական Դատը, բայց ինչպե՞ս անել, բանի որ քյուրքերը կմնան անզիջող:

Ես. - Հասկանում եմ Չեր հարցը: Մեր էլ մտահոգությունն այդ է: Մեր ցանկությունն է՝ գեթ առայժմ, թույլ չտալ, որ մեր Հարցի վրա այս սկզբած կիսամիջոցներով մոխիր ցանվի և հասարակաց կարծիքը մոլորվի: Եվ հետո, Ազգերի Լիգի երկու հստակ որոշումները կան 1921 և 1922 թվերին Հայ Ազգային Օջախի մասին: Այս ժողովը չի կարող ժխտել իր նախընթաց որոշումը:

Նանսեն. - Սերի դաշնագիրը չվավերացվեց, սակայն:

Ես. - Այդ որոշումները՝ Ազգերի Լիգի, կապ չունին Սերի դաշնագրի հետ, որ արդեն իսկ խախտված էր 1921 թվի Լոնդոնի Conférence-ին և, սակայն, դրանից հետո էլ Ազգերի Լիգը 1922-ին պնդեց Հայ Ազգային Home-ի վրա:

Նանսեն. - Հասկանում եմ, իրավ է: Բայց էլի մնացին քյուրքերը: Ի՞նչպես շորթել նրանցից հայկական հողերը: Կամավ չեն զիջի:

Ես. - Ասացի, նախ, առայժմ հարկավոր է պատրաստել Ազգերի Լիգի տրամադրությունը: Այստեղ իսպառ անծանոթ են մեր Խնդրին և, ըստ երևույթին, այն զոցված են համարում: Երկրորդ կա Թյուրքիո անդամակցության հավանականությունը Ազգերի Լիգին:

Նանսեն. - Եկող տարի հավանաբար...

Ես. - Միայն այդ առթիվ Հայկական Օջախի խնդիրը պետք է, որ հանվի Ազգերի Լիգի և Թյուրքիո առաջ, որպես եղած որոշում, որից Թյուրքիան, չպիտի թույլ տալ, որ խուսափի: Հակառակ պարագային, եթե Թյուրքիան ընդունվի առանց որևէ պայմանի, դա կլինի մեզ համար երկրորդ և ավելի սարսափելի հարված Լոզանից հետո:

Նանսեն. - Չեզ հասկանում եմ: Թողն՛ք, որ խորհիմ:

Համենայն դեպս, ես պիտի խոսեմ Assemblée-ում:

Ես ասացի, որ իր խոսքին հետևողներ կլինեն:

Շնորհավորեցի իրենց ընտրությունը Ազգերի Լիգի Խորհրդի մեջ և շնորհակալություն հայտնեցի իր կառավարության բարյացակամ վերաբերմունքի համար՝ հանդես հայ փախստական անհատների, որոնք անցել են իրենց սահմանները:

Նա ասաց, որ մոտիկից ծանոթ է Հայկական Հարցին, կարողացել է Մանդեշտամի գիրքը և մի ուրիշը, երկհատոր, անունը չի՞շեց, որոնք իր վրա խորը տպավորություն են թողել:

Այնուհետև մենք անցանք Հայկական Հարցի ներկա վիճակին: Ես բացատրեցի և հանձնեցի իրեն մեր հուշագիրը և բացատրական նոտան:

Այսօր, սեպտեմբեր 24-ին, տեսնվեցի պ. Բրիանի հետ (Արտաքին Գործոց նախարար Ֆրանսայի):

Ես նրան մի քանի խոսքով բացատրեցի հայ ժողովրդի ակրնկալությունները և հույսերը և, մյուս կողմից, Ազգերի Լիգի բռնած ընթացքը մեր հանդես, որ խորապես նվաստացուցիչ լինելով, որևէ շահ չունի: Ակնարկեցի ծրագրած կոչին, որ Ազգերի Լիգի Խորհուրդը որոշել է վերստին ուղղել ազգերին գաղթականների համար:

- Եվ, մյուս կողմից, - ասացի, - որ իսպառ մոռացության տրված է Հայկական Հարցը, և այն, որ Ազգերի Լիգը երկու անգամ որոշում է կայացրել Հայ Ազգային Home-ի համար:

Բրիան. - Բայց ի՞նչպես իրագործել Home-ը:

Ես. - Գիտեմ, այդ հարցը ծանրակշիռ է: Բայց չէ՞ որ քյուրքերի հավանական մուտքը կա Ազգերի Լիգի մեջ:

Բրիան. - Ոչ, Թյուրքիայի մուտքը Ազգերի Լիգի մեջ դեռ այդպես շուտ չի լինի, համենայն դեպս ոչ մոտիկ ժամանակներում: Բայց ենթադրենք, որ դա լինելու է, օրինակ, եկող տարի:

Ես. - Այդ ժամանակ հայկական տեսակետից երկու պարագա կա, որ պետք է հաշվի առնել. ա) այն, որ Լոզանի դաշնագրով Թյուրքիո և Հայաստանի սահմանները ձգված են բաց և, պետու-

բյուրոները ճանաչելով Թյուրքիո բոլոր սահմանները հիշյալ Դաշ-նագրով, լռելյայն չեն ճանաչել Թյուրքիո արևելյան սահմանները: Անշուշտ, սա առանց դիտավորության չէ. ք) Ազգերի Լիգան երկու անգամ՝ 1921 և 1922 թվին, վճռապես ճանաչել է, որ հայերը իրենց Ազգային Օջախը պետք է ունենան Թյուրքաց Հայաստանում: Այս որոշումներից նա չի կարող հրաժարվել: Այստեղ է մեր Խնդրի էությունը: Հետևապես, երբ որ Թյուրքիան ներկայանա, Ազգերի Լիգը պարտական է հարուցանել Հայոց Ազգային Home-ի խնդիրը և լուծել խաղաղ ճամփով: Այսօր ինչ որ կատարվում է Ազգերի Լիգի մեջ, հայերի համար իրապես բարեգործություն է և բնավ չի կարող և չպետք է նկատվի որպես Հայկական Հարցի զարգացում:

Բրիան. - Ես Ձեզ հասկացա: Ես Ձեզ հետ համաձայն եմ, որ կատարվածը Հայկական Խնդրի լուծումը չէ և որ դա պարզ բարեգործություն է: Համաձայն եմ նաև, որ երբ Թյուրքիան ներկայանա Ազգերի Լիգի անդամությունը խնդրելու, պետք է որ Հայկական Հարցը նրա առջև դրվի: Այս ճիշտ տեսակետ է և արդար: Իսկ այսօր...

Ես. - Այսօր բնական է, որ դժվար է մեր Հարցի գործնական լուծումը envisage³⁰⁰ անել, բայց և չպետք է թույլ տալ, որ նա մոռացվի: Ահա երեք շարք է՝ ես այստեղ եմ, բազմաթիվ մարդիկ եմ տեսել և ցավով նկատում եմ, որ մեր Խնդիրը մոռացված է կամ մոռացվում է: Այս երևույթի դեմ պետք է այդպես հակազդել նորանոր հայտնություններով: Ահա ա՛յս է մեր այսօրվան ուզածը:

Բրիան. - Այո, անհնարին և անօգուտ չէ այդ անել:

Հաջորդ օրը հանուն Ֆրանսիական պատվիրակության արված հայտարարությունը՝ պ. Bastid-ի, համապատասխան էր այս գրույցին:

³⁰⁰ Envisage (ֆրանս.) - Կանխատեսում:

Table with multiple columns containing names and numbers, likely a directory or list of names.

³⁰¹ Դանցիկի միջանցք - Դանցիկը լեռնակն Գոհանկ քաղաքն է: Վերսալի Հաշտության պայմանագրով (1919) դարձել է «Ազատ քաղաք Դանցիգ», որին կառավարել է Ազգերի Լիգան:

ԱՆՁՆԱՆՈՒՆՆԵՐԻ ՑԱՆԿ

Աբրահամ (Աստվածաշնչյան) - 65
 Ադոնց - 161, 163
 Աբարբելյան (Աբարբել) - 162-164
 Ալեքսի մարշալ - 220
 Անարոնյան Ալեասիս - 7, 80, 85, 88, 98, 100, 102-105, 117, 146, 183-184, 186-187, 191, 202, 213-214, 216-222
 Անարոնյան Վ. - 7
 Անդրանիկ (Ջորափար) - 115
 Աննո Կիլոշի - 60
 Աջեմյան (Աճեմյան) Մ. - 12-13, 27, 29, 70, 103-104
 Ավալով Ջ. - 73-75, 89, 95, 167
 Արարատյան - 152, 159
 Արդուբյան - 100
 Արմեն Գարո տես Փաստրմաջյան Գարեգին Հարությունի
 Բարաջանյան (տես նաև Պապաջանյան) - 25
 Բագրատունի զորավար - 121, 137, 152, 179, 182, 209
 Բալդագգի - 172-179, 204
 Բալֆուր (Balfour) Արթուր Ջեյնս - 14-16, 33, 39
 Բախմեդիս - 29
 Բաշայան Լևոն - 226, 229
 Բաստիդ (Basid) - 242
 Բարբոս - 127
 Բատման (Bowman) - 17-18, 20-21
 Բեյքլըր Ռոյ Սթյուարտ (Roy Steward Baker) - 17
 Բերար Վիկտոր - 14, 31, 178, 236, 238
 Բերբլյու - 44, 52-54, 68, 97, 114-115, 127-128, 135-136, 146, 151-152, 184
 Բեքիր Սամի - 154, 159-160, 166, 189-190
 Բոնոմ - 208
 Բրայս Լորդ - 189
 Բրենոն գնդապետ - 128, 194, 202
 Բրիան Արիստիդ - 166-167, 172, 174-175, 179, 188-203, 208, 213, 216, 230, 241
 Դի Բրորսեր - 215, 225, 228, 230-231, 238, 243
 Բուլոն Ֆրանկլին - 190, 209-213
 Բուրժուա Լեոն - 21-22, 38-39, 213
 Բուքստոն (Buxton) Ալեքսանդր - 71
 Գալեյի - 146
 Գալի (Galli) - 60, 96, 108-109, 132, 153
 Գամբերյան Յ. - 156
 Գեգեկորի (Գիգեկորի) - 206, 209-210
 Գերերո (Guéréro) - 229-230
 Գերմին - 219
 Գիբբոնս (Gibbons) - 12-13
 Գիրս - 27-29, 33
 Գյուլխանդանյան Աբրահամ - 80, 83-84, 222-223
 Գյուլպեմեյան Պ. Գ. - 158-159
 Գոշիդա Իսաբուրո (Isaburo Goshida) - 60
 Գորդոն (George Anderson Gordon) - 121-123
 Գորեյիս - 93
 Գորկի Մաքսիմ - 209
 Գվարճալաճի - 93
 Գրանդի - 230
 Գրեյսի Ջորջ (George Gracey/Grecey) - 233
 Գրեվալաճի - 89
 Գրիբեն գնդապետ - 49-50, 60
 Գրիգոր վարդապետ - 66
 Գուն (Guni) Ժառ - 15, 25, 130
 Գունարիս - 177-179, 204
 Գուրոն գեներալ - 189, 193
 Դամադ Ֆերիս փաշա՝ Մեծ վեզիր - 39, 106
 Դանդուրան (Dandurand) Ռաուլ - 237, 238
 Դեմորսիե (Demorsié) - 127
 Դեմիկին - 48, 51-52
 Դերնոկ - 207
 Դի Մարտին - 37
 Դիլլոն Էմ. - 24

Դրյուն (Դրյունոն) Էրիկ (Drummond Eric) - 72, 131
 Դրո (Կանադյան Դրաստամատ Մարտիրոսի - 80, 83-84, 88
 Դումեր - 127
 Զամոյսի (Կոմս) - 133-134
 Զավեն պատրիարք - 63-64, 67, 69-70, 78, 87-88, 104, 106
 Զատիրվայն - 211
 Զոհրապ - 48
 Էլիտ Մեյջոր Ուոլթեր (Walter Elliot) - 233, 235
 Էմֆիաճյան - 117
 Թալաաթ, Թալաաթ (Talaat) Մեհմեդ փաշա - 236
 Թեբեյան Վահան Գալուստի - 87, 117
 Թիլլե (Տիլի) Ջոն (John Tilley) - 40, 50, 137-139
 Թոմա Ալբեր - 68, 225
 Թոմաս գեներալ - 32, 36-37
 Թոյնբի (Toynbee) Առնոլդ Ջոզեֆ - 19
 Թոնիլիարշև Ալի Մարդան բեյ - 29-30, 69, 73-74, 167, 207, 209-210
 Ժիրոֆուլ - 211
 Ժորես (Jaurés) Ժան - 226
 Իոննեսկո Տակո - 124
 Իսլամով Շեյխ յուլ - 89
 Լանսինգ - 15-16, 18-19, 21, 23
 Լապրադել (Lapradelle) - 113-114
 Լեյզ - 125-126, 136-137
 Լեպիսիեր (Lepissier) - 129
 Լևոն VI Ջ - 11
 Լեպիսիուս (Lepsius) Յոհաննես - 239
 Լիտվինով - 165
 Լլոյդ Ջորջ (Lloyd George) Դեյվիդ - 18, 40-41, 44, 48, 52, 55, 77, 97, 99-100, 109, 157, 190, 208
 Լյուդվիգ (Լյուդվիգ) գերմանացի զորավար - 202, 220
 Խատիսյան Ալեքսանդր Հովհաննեսի - 25, 32, 59, 74, 78, 83-84, 88, 138, 142, 152, 159-161, 217

Կակիանանո - 131
 Կամբոն Ժյուլ - 103
 Կամբոն Պոլ - 68
 Կաստոլդի (Castoldi) - 63, 69
 Կարաբեքիր Քյազզե փաշա - 155, 212
 Կլեմենտ (Clémenceau) Ժորժ Բեն-ժամեն - 14-15, 25, 38-39, 44-45
 Կոբենիտսիս - 59
 Կուլակ - 27-28, 35
 Կոչե Դրմի - 226
 Կոստանդին - 178
 Կորգանյան (Կորգանով, Դորգանյան)՝ գեներալ - 21, 25, 50, 52, 60, 63-64, 69, 89, 91-92, 115-116, 121-122, 140-141, 206
 Կորինի - 108
 Կրասսին - 161, 163-165
 Հագի փաշա - 118
 Հակոբյան Միսնոն - 91-92
 Համազասպ (Մրվանդության Համազասպ Խաչատուրի) - 80, 83-84
 Համբարձումյան - 229
 Համիդ Արդուլ - 190
 Հայաչի (Կոմս) - 146, 152-153
 Հանրյան - 115
 Հաջինսկի - 30
 Հասբեյ՝ ամերիկյան գնդապետ - 37, 40
 Հարրոթ՝ ամերիկյան զորավար - 47
 Հարթինգ - 15
 Հարվեյ - 181-182
 Հարրիկ - 171
 Հերբեթ (J. Herbette) - 11, 217-218
 Հիման - 109, 114, 130
 Հիտուս - 65
 Ղազարյան Գ. - 7, 132
 Ղուկասով Պավել Օսիպի - 163
 Ծավիտ բեյ - 158-159
 Մալլետ Լուի - 14, 18-19, 26-27
 Մալլինետ Լուի - 15
 Մալլո գնդապետ - 48
 Մալքոմ (Մալգոմ) - 63, 88, 153, 183
 Մակլակով - 29, 33-35
 Մամիկոնյան Մտեվիան - 38, 74
 Մանդելշտամ Անդրեյ Նիկոլայևիչ - 27, 226, 229

Մասեիյան Հովհաննես (Օհաննես) Խան – 12-13, 70-71, 73-74, 76
 դը Մարտել (Կոմս) – 134
 Մար-Մեզոն – 36
 Մելաս Լեօն (Leon V. Melas) – 129 - 130
 Մելխիս – 73, 89
 Մետաքսա – 169-170, 172
 Մերսին (Կարդինալ) – 197
 Միլլերան Միլերան – 68, 97, 102, 118, 137
 Միլյուկով – 163
 Միրզայան Ա. – 210
 Միրզայան Տիգրան – 207
 Միսլե – 92
 Մկրտչյան – 110
 Մյուրն Ա. – 40
 Մոնթգոմերի (Montgomery) Ջորջ – 22-23
 Մոնրո – 23
 Մորգենբաու Հենրի – 36
 Մորիս զորավար – 140-141
 Մարյան Դավիթ – 132
 Մուստիհին – 230, 236

 Յուսուֆ բեգ – 65

 Նանսեն (Nansen) Ֆրիսլաֆ – 225, 229, 234, 237-240
 Նելկուզ – 86-87, 110-112, 114-115, 117
 Նիկոլայ Ա. – 71
 Նիտտի – 97-98, 100
 Նորատուցիյան – 89, 92, 104, 106-107, 110-111, 117, 182-183, 185-186, 189, 191, 194-206, 209, 218-221, 223
 Նորդրիֆ Լորդ – 220

 Շարելվորթ – 36
 Շայդա – 57, 97, 230
 Շապուխատ – 232
 Շերիֆ փաշա – 42
 Շեքսպիր – 12

 Չայան – 112, 129 - 130, 132, 170, 177
 Չայկովսկի – 42-43
 Չանբերքենի – 132
 Չարդիգնի (Chardigny)՝ գնդապետ – 60, 63-64, 66-67
 Չեմբերլեն (Չեմբերլին) – 230, 235, 237-238
 Չերնոն Թափա – 159, 167, 169

Չորչիլ Մեծ Բրիտանիայի Ջին. Գախարար – 38, 47-48, 50-51
 Չիչերին Գեորգի Վասիլիչ – 222-224
 Չիսիսեն – 73-76, 89-91, 93-95
 Չիսենկելի – 187
 Չոպանյան Արշակ – 87, 196

 Պալեոլոգ – 105-106
 Պասպաջանյան Մ. – 88, 98, 152, 205
 Պասպա Շան (Jean Papas) – 129
 Պերետտի (Պերիտտի) – 134-136, 196, 215-217
 Պիշոն Ս. – 9-10, 14-15, 22
 Պոիդբար (Poidebard) – 105
 Պոլիտիս Նիկոլայոս – 226-227
 Պոդոս Նուբար փաշա – 9, 12-16, 18-19, 23, 27, 31, 41-45, 52, 54-55, 57-61, 63, 67, 69-71, 73-74, 76-79, 82-84, 86-89, 92, 95-97, 101-104, 109-115, 117, 144-146, 151-158
 դը Պրեսանսե (Pressensé) Ֆրանսիս – 226
 Պուանբարե – 217-222, 227
 Պուլիդ – 237

 Ջիանգիդ աղա – 65

 Ռաջլի (Մարքիզ) – 15
 Ռոսսի Ավգուստո – 230 - 231

 Սամադ Խան – 170
 Սեմպոն – 32
 Սեսիլ Ռոբերթ (Robert Cecil) – 55, 139, 141, 229, 233
 Սըվազի – 209
 Սթիդ – 235, 236
 Սինասայան – 110-112, 152, 196, 205
 Սուլտաբիրի – 55
 Սոնինո – 15
 Սվանյան 132
 Սվեցկի – 235
 Սուրբանով – 36, 80
 Սֆորցա (Կոմս) – 57, 108-109, 146, 152-155

 Վալլաս Հյու (Hugh Campbell Wallace) – 120-121, 124
 Վանսիտար Ռոբերթ (Vansittart Robert) – 60-63, 69, 84-92, 94-95, 146, 156-158, 166, 183, 187-188

Վանսիպե (Wansipe) – 215
 Վարանդյան Միքայել – 13, 38, 57, 91, 152, 161, 209, 222
 Վարդգես – 48, 236
 Վարդրոպ – 80-82, 85
 Վենիզելոս Էլեֆթերիոս – 31, 58-59, 72, 97, 101, 107-108, 115-116, 118-120, 122-123, 128-130, 227
 Վեսթերման (Westerman) – 12-13, 16-18, 20, 22-23
 Վիլսոն (Wilson) Թոմաս Կուրտ – 17-19, 21, 23, 30-31, 38, 101, 106-107, 113, 115-116, 119-120, 122-123, 151-152, 200, 203, 207, 213
 Վինավեր – 36
 Վրացյան Միսոն – 161

 Տեր-Գաբրիելյան Սահակ – 129
 Տեր-Հակոբյան պրոֆ. – 23
 Տեֆֆիկ փաշա – 102-103
 Տիգրանյան Ս. – 20
 Տիտոնի – 39, 130-131
 Տյուրմեր Պ. – 139
 Տորրիստ Տեղա (Մարքիզ) – 213-215

 Բեչիտ բեյ – 118
 Բիզե Թեֆլիկ բեյ – 118
 Բոմանոս – 58-59

 Յիրեստեյի – 232

Ռայթ – 15, 43
 Ռիկսոն տես Վիլսոն

 Փաստորմայրան Գարեգին – 27, 48, 159
 Փափազյան Վահան (Կոմս) – 205
 Փիրայան – 89, 91
 Փիրուսով – 225

 Քամերեր – 60, 62, 68-69, 146, 152
 Քաջազմուհի Հովհաննես Ռուբենի – 33, 35
 Քենալ Մուստաֆա – 39, 41, 47-49, 51, 72, 98, 108, 116, 138, 143, 155, 186, 193, 199, 211-212
 Քըո Ֆիլիպ – 40-41, 46-48
 Քրրզոն – 40-41, 48, 50, 77-87, 89, 94, 97, 109, 138, 146, 150-152, 158, 166, 182-188, 208, 213
 Քյազիմ Կարա Բեքիր փաշա տես Կարա Բեքիր փաշա
 Քոչարյան Հ. – 7

 Օհանջանյան Համո (Համազասպ) – 13, 27, 29, 41-42
 Օսերոն – 139, 142-145, 180-181
 Օ՛Քոնոնոր – 189

 Ֆից-Մորիս (Fitz Maurice) – 48
 Ֆնդկյան Գ. – 156
 Ֆոշ՝ Մարշալ – 97, 101, 221

ՏԵՂԱՆՈՒՆՆԵՐԻ ՑԱՆԿ

Ազուլիս - 81-82
Ադամա - 135, 152, 194, 199
Աղբիջյան - 25-30, 33, 37, 47-48, 50-51, 64, 71, 74, 81, 91, 95, 100-101, 108, 133, 159, 165, 167, 173, 201
Աբենը - 120, 169
Աբիմե - 61, 65, 93-94
Ալեքսանդրապոլ - 22, 148, 150, 152, 158, 160, 223
Ալեքսանդրիա - 62
Ախալքալակ - 27, 30, 79, 90, 93
Ամանոս - 56, 199
Ամանոսի Հայ Հանրապետություն - 115
Ամերիկյա ԱՄՆ - 15, 19-20, 23-25, 28-29, 31, 36, 38-39, 41, 43, 48-49, 71, 82, 137, 171, 175-176, 178-179, 181-182, 196, 201, 208, 219, 227, 236-237
Ամատոլիա - 115, 137-138
Անգլիա - 15, 19, 20, 25, 38-43, 47, 52, 60-61, 72, 79, 82, 85, 116, 119, 131, 136-138, 178-180, 212, 218, 221, 227, 231
Անդրկովկաս - 30, 80, 126, 133, 180, 187
Ամկարա - 157-159, 161, 166, 175-176, 190, 194, 198, 203, 211-212, 219-220, 227
Անվերս Անտվերպեն քաղաքի (Հյուս. Բելգիայում) ֆրանսերեն անվանումը - 132
Ավդանիստան - 162
Ասիա - 11, 26, 29, 62, 222
Ատալիա քաղաք Կիլիկիայում - 24
Արաբիա - 56
Արաքս գետ - 150, 239
Արաքս երկաթուղային կայարան - 150
Արդահան - 10, 92, 183, 193, 212
Արդեններ քարձրություն Բարձր Բելգիայում - 114
Արևմտյան Ասիա (Western Asia) - 17
Արճեշ - 81
Արփաշայ գետ - 150
Աֆոն-Գարաաիխար - 130

Բարսի - 20, 38, 61-62, 72, 85, 90-95, 105, 108, 134, 140
Բալկաններ - 67, 201
Բարսի - 20, 25, 27, 32, 55, 62, 81, 89, 165, 180, 187, 202, 220
Բեկգիա - 72, 114, 197, 201, 215
Բեյրութ - 62
Բեսարաբիա - 10, 33
Բիբլիս - 66, 69, 101, 160, 198, 200
Բյուրանիա - 169
Բորչալու - 79, 93
Բրազիլիա - 227
Բրեստ-Լիտովկ - 10
Բրիտանիա - 84, 212
Բրյուսել - 115, 130, 132
Բուլոն - 107
Գդանսկ - 243
Գերմանիա - 18, 44, 208, 214, 220, 243
Գոնիա - 64
Դանցիկ - 243
Դերսիմ - 66
Դիարբեքիր - 135
Դյորթ-Յոլ (Ունրանիե) - 194, 202
Դրիբուի (Տրիպոլի) - 200
Եգիպտոս - 20, 201
Ելիսյան դաշտեր - 203
Եվրոպա - 7, 17, 35, 46, 54, 101, 115, 137, 171, 175
Երևան - 81, 83, 86, 88, 99, 104-105, 117, 126, 129, 137, 163, 223, 229, 238
Երզնկա - 56, 62-63, 70, 100, 151, 200
Զանգեզուր - 79-82, 84
Զանգիբասար - 80, 84
Զեյթուն - 199
Զմյուռնիա - 31-32, 63, 108, 138, 173, 191, 201, 209, 221
Էջմիածին - 80-81, 84

Էսթոնիա - 134
Էրզրում - 53, 56, 63, 70, 92-93, 96-101, 109, 125, 128, 137, 140, 155, 160, 198
Թավրիզ - 224
Թեհրան - 170
Թիֆլիս - 20, 32, 59, 126
Թյուրքա-Հայաստան տես Հայաստան (Թյուրքաց)
Թրակիա - 138, 173
Թուրքիա (Թյուրքիա) - 24-25, 36, 39, 47, 53-54, 56-57, 63, 67, 71-72, 80, 92, 99, 106, 109, 120, 126, 131, 133, 138, 143, 147, 149-151, 157, 162, 165-166, 168-169, 172-173, 175, 177, 180, 183, 185, 193, 196, 205-206, 210, 216-219, 221-222, 226-229, 233-237, 239-242
Շրմն - 131, 141, 139, 225, 233, 235-236, 238
Իսպանիա - 227
Իտալիա - 15, 39, 42, 48, 60, 82, 119, 131, 166, 179, 214-215, 230, 236
Լազիստան - 61, 65, 93, 204
Լահե - 229
Լատվիա - 134, 162
Լեհաստան - 10, 26, 62, 69, 133-134, 165, 184
Լեոնաստան - 26
Լիավա - 134, 162
Լյեմժ գավառ Բելգիայում - 114
Լոզան - 6, 8, 227-228, 234, 240-241
Լոնդոն - 7, 12, 38, 40-41, 44-45, 50, 54-55, 57-59, 63, 68-69, 71, 73, 77, 85-89, 96, 122, 131, 137, 139-140, 142, 144-146, 153, 156-161, 168, 177-182, 187-188, 190, 196, 199, 202, 204, 209, 213, 237, 240
Լոռի - 27, 30, 79, 93
Խարբերոյ - 60-64
Խրամ գետ - 13
Խուրշիդ - 200
Կանադա - 42
Կադզվան - 10, 127, 193

Կանն - 207, 213, 215
Կարս - 10, 26, 92, 135, 137, 148, 158, 180, 183, 192-193, 207, 212, 223, 239
Կիլիկիա - 11-14, 16, 18, 20, 24-25, 28, 36, 41, 43, 46, 52-53, 55-56, 63, 68, 78, 105, 107, 115, 124-129, 135-136, 143-145, 147, 151-152, 175-176, 179-186, 189-190, 192-199, 201-203, 210, 212, 216, 218, 221
Կոնստանդնուպոլիս - 11
Կ.Պոլիս - 18, 24, 47-48, 62-63, 99, 104, 106, 108, 115, 132, 136, 138, 140, 143, 157, 160, 173, 201
Կովկաս - 18-21, 24-27, 32, 36-38, 64, 66, 73-74, 76, 79, 81, 89, 134, 143, 149, 162, 167-168, 173, 178, 180-181, 184, 188, 200, 207-208, 213, 217-218, 222, 226, 232-233, 235
Կովկասյան Հայաստան տես Հայաստան (Կովկասյան)
Կովկասյան Հանր. - 126
Կովկասյան Հանր. Յնդերացիա - 159-160
Կովկասյան Միություն - 168
Հայեպ - 16, 20
Հաճըն - 78, 199
Համակովկասյան Միություն - 234
Հայաստան - 19-21, 23-26, 28, 29, 32-34, 36, 38, 41-42, 46-51, 53, 56, 60, 62, 64, 66-69, 72, 79, 85, 91-96, 98-99, 101, 108-109, 114-118, 120-121, 124-125, 127-139, 142, 144-145, 147-149, 152, 155, 157-158, 162, 164, 166-168, 171-175, 179, 181-183, 195, 199-200, 202-208, 211, 213-219, 221-223, 228, 237, 239
Հայաստան (Թյուրքաց)՝ Թյուրքա-Հայաստան - 10, 13-14, 17-18, 27, 29, 31, 33, 35, 37, 42, 79, 100, 113-114, 142, 145, 147-149, 155-156, 158, 161-162, 168, 182, 193, 213-214, 217-218, 220, 223, 231, 239
Հայաստան (Կովկասյան)՝ Կովկասյան Հայաստան - 10, 13, 20, 21, 29, 31, 33, 37, 42, 113, 143, 145-148, 154-156, 158, 162, 168, 182-183, 193, 195, 200-201, 206, 219-220, 223, 225, 231

ԱՄԵՐԻԿԱՆ ԱՎԵՏԻՄ ԱՆԱԲԵԼԻ

ՍԱՐԴԱՐԱՊԱՏԻՅ

ՄԻՆՉԵՎ

ՍԵՎՐ ԵՎ ԼՈՉԱՆ

ՔԱՂԱՔԱՆ ՕՐԱԳԻՐ

1919-1927

Հրատարակության պատրաստեց՝ Լ. Գ. ԱՐՆՈՒԿՅԱՆ

Կազմի ձևավորումը՝ Կ. Հ. ԱՎԱԳՅԱՆԻ

Գրքային - 13, 20, 25-27, 36, 38, 37, 50-51, 79, 82

Պատկեր (Պատկեր) - 15, 60, 119, 144, 228

Շարժ - 93-94, 96

Մանկատուն - 79

Մանուկի Ազգային

Մանկատուն - 142, 179

Մանուկ - 179

Մանուկ - 115, 120, 189

Մանուկ - 197

Մանուկ (Գրքային) - 157, 182, 185

Մանուկատուն - 135

Մանուկի Առնչություն - 138

Մանուկ - 41, 56, 136, 138-139, 231

Մտորագրված է տպագրության 10.07. 2001 թ.:

Չափսը՝ 84 x 108 1/32 : Թուղթ՝ օֆսեթ:

Հրատ. 12,9 մանուկ, տպագր. 7,88 մանուկ = 13,24

պայմ. մամուլի: Տպարանակ՝ 500 : Պատվեր՝ 80:

Մանուկ (Պատկեր) - 24

Մանուկ (Պատկեր) - 92, 98, 151

Մանուկ - 119

Մանուկ - 119

Մանուկ - 119

Մանուկ - 119

Մանուկ - 119

Մանուկ - 119

Մանուկ - 119

Մանուկ - 119

Մանուկ - 119

Երևանի համալսարանի հրատարակչություն. Երևան, Ալ. Մանուկյան 1

Երևանի համալսարանի տպարան. Երևան, Արուսյան 52

Մանուկ (Պատկեր) - 231

Մանուկ - 20, 30-31, 34, 150, 181, 193, 220

9(47.925)
2A-42

42



ԵՐԵՎԱՆԻ ՀԱՄԱԼՍԱՐԱՆԻ
ՀՐԱՏԱՐԱԿՉՈՒԹՅՈՒՆ